







# HIEROLOGIA,

*In quâ*

LOCASACRA, CVM IN  
LEGE NATVRAE, TVM SCRIP-  
PTA; ITEM GENTILIVM AC CHRI-  
STIANORVM, VARIE DE-  
SCRIBVNTVR.

*Auctor*

R. P. D. CAROLO STENGELIO  
ABBATE ANHVSANO.



*Cum facultate Superiorum.*

Ingolstadij, Typis GEORGII HENLIN.

---

*Anno M. DC. LIII.*



REVERENDISSIMO, PRÆNOBILI, ET  
AMPLISSIMO DOMINO, DOMINO

VRBANO,  
PERILLVSTRIS ET IN-  
CLYTI MONASTERII AD-  
MONTENSIS ABBATI DIGNISSIMO,  
MERITISSIMO,

S. C. M. AC ILLVSTRISSIMI ARCHIEPI-  
SCOPI SALISBURGENSIS CONSILIARIO,  
BENEFACTORI SVO MEMORAN-  
DISSIMO.

F. CAROLVS ABBAS ANHVSANVS F.P.



*N*ULLA fuit umquam gens tam fera, aut natio tam barbara,  
quantumuis veri DEI cognitionis expert; qua non aliquod sibi  
Numen finxerit, & ad eius cultum specialem locum separaue-  
rit, qui Templi postea nomen acceperit, de qua re, primâ parte  
huius nostri Operis agimus. Porro officium Templi, teste Caietano, mani-  
festatur esse, non præstare Deo habitationem, sed præbere homini-  
bus directionem mentis eorum, ad solium diuinum sempiternum,  
quod in cælis est: ad dirigendos siquidem homines in DEVM,  
qui creauit cælos & terram, regitque vniuersum, effectum est Tem-  
pium.



## EPIST. DEDICATORIA.

*Quantas Iudæi impensas vnâ cum suis Regibus Dauide & Salomone in suum Templum fecerint, ipsis sacrarum litterarum monumentis memoria proditum accepimus, & nos pluribus in secundâ parte declaramus. Ipsi Gentiles non parci, sed valdè liberales & magnifici in construendis & exornandis falforum suorum deorum Templis exiiterunt: quod pluribus parte tertiâ exponimus.*

*Iam si multitudinem adium sacrarum apud Christianos verbo vno attingere placet, vnus Raymundus Comes Barcinonensis trecentas exstruxit, instructiq; annuis vectigalibus. Ita memorat Tarapha in Alphonso.*

*Deinde testis est Montgaillardus in oratione funebri Alberti Archiducis, Regum Hispaniæ sumptibus, spatio annorum circiter quinquaginta, in sola occidentali Indiâ supra septuaginta Templorum millia edificata fuisse. De magnificentia quid dicam? Certè si Imperatores & Reges antiqui dijs inanibus, iisdemq; furibus, adulteris, scortis, tantarum molitionum ades impensâ & ornatu incredibili condiderunt, & ea re pietatis laudem etiam apud postera secula promeruerunt; nonnè Christiani Principes DEO viuo & vnico, tum deinde amicis eius aternum cum eo regnaturis, si quàm sumptuosissimè, & decentissimè sacraria constituent, commendationem haud vulgarem apud omnes Christianos merebuntur?*

*Tradunt præterea SS. Patres, Ecclesiarum structuras haud perfunctoriè absque spiritali intelligentiâ, sed summo religionis studio consueuisse à maioribus erigi, nempe vt qualibet structura pars quid mysticum præsignaret; vsque ad eò, vt ipsi etiam throni atque subsellia, ipsaq; Templi fenestra, diuinum aliquid repræsentrarent, locis in eis pro cuiusque dignitate dispositis, & egregiè concinnatis, qua omnia quartâ parte fusiissimè explanamus.*

*Vltimâ demum parte celeberrimas quâ structurâ, quâ magnificentiâ, toto orbe Christiano fundatas Ecclesias singulariter enarramus.*

*Verùm, quoniam ea qua eduntur in vulgus, si Viri cuiuspiam, generis, dignitatis, ac virtutis laude clarissimi, nomine tradantur, æstimatio-*



nem ac pondus accipiunt, ne ab hac consuetudine vsuq; recederem, exquirendus mihi fuit aliquis, ad id ceteris magis idoneus. Neque elaborandum magnoperè fuit; nam statim occurrit Reuerendiss. Vestra Dominatio longè aptissima ad id munus, de quo quarimus: immò jure meritisimo vltro rapit ad Se hoc opus, quasi nulli alteri meliore jure debitum. Siquidem Tu inter plurimos Pralatos, qui hoc saculo Tempia sua Monastica reparare, illustrare, & exornare studuerunt, omnes ceteros (absit verbo inuidia) exuperas: esto sint alia vastitate, structurâ, amplitudine, longè superiora; ornatus tamen elegantia Tuum multis parasangis adhuc excellit. Certè laquearia opere gypsato varias in formas subacta, quas veritatis ars similes expresserat: quicquid de spatio reliqui fecerunt, unicus usq; floridissimus artificiosus & celebris pictoris Gabrielis penicillus ad inuidiam sacris historijs illustravit; ita ut vix simile artificio pictura & plastices in ullo Germaniæ Monasterio sit inuenire. Ego certè talia auditione percipiens, quietus esse non potui, donec hac ipsemet proprijs oculis lustrarem. Quare sat diu exul in Austriâ existens, viâ licet arduâ & asperâ Pirni montis cacumen superans, amplissimum Tuum Admontense Monasterium accepsi, & videns Templum ita totum illustratum, obstupui, & cum Regina olim Sabâ merito dicere potui: Maiora sunt opera tua, quàm rumor quem audiui. 3. Reg. 10. v. 7.

Quid de cetero Templi ornatu dicam? panegyrim non epistolam scribere me oporteret, si singula enarrando persequi vellem. Certè præterire non possum Altare seu tabulam, CHRISTI patientis historiam & præcipua referentem, ex puro argento trecentarum triginta marcarum, opus trium Episcoporum se inuicem consequentium, quod intra aliquot supra triginta annos vix absolutum est, miro & raro artificio, Tu Tuâ singulari dextertate, & in sacra ceimelia inexhaustâ liberalitate, Tuo Templo acquisuisti. Quid memorem Lampadem illam (cuius similes non nisi tres in toto Christiano orbe extare dicuntur) opus planè insigne & magnificum CCL Marcarum, vel CXXV. pondo puri argenti.



*Miracula sunt hæc: sed quid de eis dicam, cum ipsum Cœnobium Tuum non sine euidenti miraculo fuerit fundatum? Cum enim beatissimus Archiepiscopus GEBEHARDVS illud fundare desiderans, triduum continuum perstitisset non manducans, verum summè æstuans discerneretur cogitationibus suis, dum quid definiret eligere non poterat: Postridie cunctanti subito surdus & mutus quidam in medio exurgens, diuino nutu coram omnibus hæc verba in Teutonico eleganter concinnauit, Episcopo inquiring:*

TV DEBES INCHOARE, DEVS DEBET CONSUMMARE. Qui homo nec postea, nec antea vllas edidit voces; donec post multos annos in depositione ipsius Episcopi, ad sepulchrum eiusdem, pleniter aurium & linguæ est restitutus officio. *Quantum autem diuinâ cooperante gratiâ prædictum Monasterium, licet varijs iactatum vtriusque fortuna casibus emergerit postea, & efflorescere cœperit, ut tempore Conradi Archiepiscopi, quasi nouum denuò initium accipiens locus ( vetusti Auctoris verba sunt ) cum varijs modis, tum principaliter famæ gloriâ, obseruantiarum rigore, oblationibus seu donationibus fidelium, nobilissimâ Monachorum atque Sororum multitudine, nescio an super omnia Germania Monasteria non inualuerit. Et nonnullis interiectis, hæc subiungit: Tredecim namque Abbates illo tempore de nostro sunt Monasterio ad alia Cœnobia assumpti. Enumerat præterea plures illustres viros, etiam de Principum, Comitum, aliorumq; Nobilium stirpe procreatos, quos breuitatis studio ( meminim enim me hic Annales non scribere ) prætereo, epistolamq; finio, postquam unum addidero, ex eodem Scriptore. Per idem tempus Sophia Vngarorum Regis Bela filia, filio Conradi Regis Romanorum desponsata, regnum cæleste pro terrestri commutauit: Admontense Monasterium expetijt, & cum sacris Deo Virginibus humillimâ conuersatione cælibem vitam deinceps duxit.*

*Hæc paucula ex pluribus inclyti Tui Monasterij ornamentis producere li-*



# EPIST. DEDICATORIA.

re libuit, ut videant posteri, quantum decus addas eidem, hanc famæ gloriam non tantum conseruando, sed plurimum etiam augendo, dum non solum eidem de plurimis & exquisitissimis ornamentis prouides, sed etiam illustribus quâ pietate, quâ doctrina personis augmentas: imò vniuersus Ordo S. P. N. BENEDICTI debitorem se agnoscit: nisi enim Tu solus fere fuisses, adhuc delitesceret eius Chronicon Vniuersale, & alia nonnulla. Quæ alia talenta in R. T. P. persona eluceant, minutim ostendere non est, ne uisitatorem hic agam. Testes tantum hic aduoco Styriæ Procures & Status: qui singularem R. P. T. in rebus varijs agendis prudentiam, in incommodis praueniendis solertiam, in consilijs dandis maturitatem, & ingenij promptitudinem & dexteritatem, atque infractum aduersus sinistrè sentientes animi robur non semel perspexere. Hinc eam ydem ad S. C. M. Legatum, suâq. in rebus grauissimis pertractandis voluntatis Interpretem & Patronum esse voluerunt.

Paternam verò clementiam & manum Tuam cum testentur omnes, qui Tecum in dies tractant, & aliquando tractarunt; tum verò quàm maximè quibus cum potestate præs, Religiosi Tui, & domestici omnes. De pietatis studio, diuini honoris zelo, morum grauitate, vita probitate, officiorum diuinorum honestatis cura, rerum ac statum Monasticum spectantium peritia, hospitalitate, & beneficentia in exules, quid me plura attinet loqui, cum res ipsa mei loco quàm maximè loquatur?

Diuina bonitas Reuerendissimam Amplitudinem Tuam in multos annos Ordini Nostro incolumem seruet, induatq. nouâ virtute ex alto, ut renouetur sicut aquila senectus, immò iuuentus Tua, ac deniq. cum apparuerit summus ille Princeps Pastorum, ab eodem percipias immarcescibilem gloriæ coronam. Amen. Augusta Vind. Kal. Augusti, Anno Christi clō. D. C. LIII.



# INDEX CAPITVM

## P A R S I.

CAP. I. Templorum, siue Ecclesiarum antiquitas, Definitio,  
Etymologia, Appellationes variæ ex fine diuerso.  
folio 1.

II. De locis sacris in lege Naturæ. 5.

III. Altare quid? eiusdem vsus antiquus & religiosus in Veteri Testamento. 10.

IV. De Tabernaculo Mosis. 14.

V. Tabernaculi totius compendiosa descriptio. 16.

VI. Eiusdem Tabernaculi Tropologica & Allegorica significatio. 19.

VII. Tabernaculorum festum quâ de causâ institutum? eius ritus & sacrificia. Item octaua, seu festum cœtus & collectæ. 22.

VIII. Mystica & Allegorica Festi Tabernaculorum expositio. 25.

IX. De Excelsis, in Scriptura sæpius inculcatis. 27.

## P A R S II.

CAP. I. Tempia Iudæorum vsque ad Christum. 30.

II. Templi Salomonis cùm antiqui, tum insaurati, forma. 33.

III. Templorum Iudaicorum ornatus, splendor, magnificentia & cultus. 37.

IV. Templorum dedicatio, & Encæniarum dies in lege Mosai-  
ca. 39.

V. De formæ Templi Veteris à Salomone ædificati significatio-  
ne. 41.

VI. Ornatûs Templi Mystica, Anagogica, & Allegorica signifi-  
catio. 46.

VII. Templi Salomonici magnificentia in quibus cōstitit? 50.

## P A R S III.

CAP. I. Templorum apud Gentiles antiquitas. 52.

(( ))

II. Tem-

# INDEX CAPITVM

II.	Templorum forma apud Ethnicos: eorumdem inaugura- tio.	54.
III.	Vetustissima Gentilium templa oraculis celebria.	56.
IV.	Templorum Ethnicorum splendor & Magnificentia.	66.
V.	Templorum Gentilium veneratio petita ab antiquitate; Item euentibus admirandis.	74.
VI.	Templorum Gentilium euerfio, exuftio, & profanatio.	79.
VII.	Templorum immunitas apud Ethnicos.	80.

## P A R S IV.

CAP. I.	Templorum fuae Ecclefiarum antiquitas apud Chri- ftianos; aliorumq; locorum facrorum multitudo.	85.
II.	Templa nonnulla ab ipsis exordijs Ecclefiae, à quibus conftituta.	89.
III.	Templorum forma apud Chriftianos.	91.
IV.	Altarium erigendorum vfus & Religio in nouo Testa- mento.	99.
V.	Altarium euerfio, & eorumdem irreuerentia diuinitus vindicata.	104.
VI.	De ornatu Templorum.	107.
VII.	Ornatûs Templorum in genere commoda; item quan- do, & quomodo reprehenfibilis.	110.
VIII.	Constantini Magni in Templis conftituendis & exornan- dis magnificentia.	114.
IX.	De ornatu Templorum interiori.	119.
X.	Exempla Pontificum Romanorum, qui operam fuam templis exornandis impenderunt.	122.
XI.	Imperatorum aliquot in templis extruendis & exornan- dis magnificentia.	124.
XII.	Regum nonnullorum in facra loca munificentia exem- plis illustratur.	129.
XIII.	Aliorum exempla, qui in templis extruendis & exor- nandis fe munificos declararunt.	134.
XIV.	Templorum extruendorum pietas miraculis confirma- ta.	137.
	XV. Tem-	



# INDEX CAPITVM

XV.	Templorum Reuerentia: qui eam impenderint; & quibus.	141.
XVI.	Templorum Dedicatio, & Consecratio.	145.
XVII.	Finis & significatio Rituum & Cæremoniarum dedicationis & consecrationis Templorum.	149.
XVIII.	De nonnullis Miraculosis Ecclesiarum consecrationibus.	152.
XIX.	Sanctitas Templi consecrati.	160.
XX.	Templorum Sanctitas quomodo à nonnullis exposita.	163.
XXI.	Templorum immunitas apud Christianos.	168.
XXII.	Violatores immunitatis Ecclesiasticæ puniti.	172.
XXIII.	Qui immunitate Ecclesiasticâ non gaudeant.	179.
XXIV.	Quomodo tractandi, qui sic ab Ecclesiâ euelluntur.	181.
XXV.	Templa non esse danda Hæreticis.	182.
XXVI.	De Templorum pollutione, ita vt consecrari rursus debeant; per quos actus fiat?	186.
XXVII.	Errores circa Templa, eorumque enodatio.	187.
XXVIII.	Rite ac licite construi templa ad honorem Sanctorum, contra Luteranos & Caluinistas.	190.
XXIX.	Errores circa consecrationem, ornatum, formam Templorum; Item circa orationem in templo faciendam.	193.
XXX.	Syllabus SS. qui in Templis pro fide vel iustitiâ, aut pietate gloriose occubuerunt.	200.
XXXI.	Rari & miri casus nonnulli, qui circa Templa euenerunt.	204.
XXXII.	Ecclesiam non esse suis bonis euertendam, neque alios ex eis locupletandos.	207.
XXXIII.	Non oportere ædium proferendarum gratiâ, DE I immortalis ac Sanctorum suorum templa diruere.	213.
XXXIV.	DE I atque Sanctorum templa sanctis precibus, non autem impuris cantionibus celebranda: Multo minùs nefariâ libidine alijsque obscœnis actibus violanda.	215.
XXXV.	Minister hæreticorum, qui res miras, à B. V. patratas, à Catholicis confictas esse contenderat, à dæmone, vti	sibi

# INDEX CAPITVM

sibi fuerat imprecatus, abripitur.


217.

## P A R S V.

CAP. I.	Celebriora Terræ sanctæ Tempia.	219.
II.	Aliæ Orientis nonnullæ celebres Ecclesiæ.	227.
III.	Celebriora Romanæ Urbis Tempia.	229.
IV.	Celebria Venetiarum Urbis tempia.	238.
V.	Illustriora Patauij Tempia.	242.
VI.	Celebriores Bononiæ, Florentiæ, & Senarum Ecclesiæ.	247.
VII.	Lauretani Templi descriptio.	253.
VIII.	Aliorum per Italiam celebriorum Templorum descriptio. Pisis, Lucæ, Genuæ, Ticini, Mediolani, Panormi, Rauennæ.	258.
IX.	Illustriora per Germaniam Tempia, quæ præ ceteris structuræ magnificentiâ celebria sunt.	263.







PARS I.  
 TEMPLORVM SIVE  
 ECCLESiarVM ANTIQVITAS,  
 DEFINITIO, ETYMOLOGIA, APPEL-  
 LATIONES VARIE, EX FINE DI-  
 VERSO.

CAPVT I.



VAMVIS DEVS in Templis manufactis non habi-  
 tet; *a.* vt scilicet ijs circumscribatur, aut con-  
 cludatur: atque vndecumque eum deprecantes,  
 & gloriam illius promouentes valeat exaudire;  
 nihilominus voluit semper certa loca cultui suo  
 deputari, præsertim si publicus is esset; & religio-  
 nis mysteria non vbinis peragi; hac enim ratione

I.

a. Act. 17.

A mundo  
 condito  
 certa loca  
 cultui diui-  
 no deputa-  
 ta fuere;  
 cur?

nonos Deos more gentilium sibi quilibet confingeret, & Ecclesia-  
 sticam Hierarchiam turbaret, quod hæreticorum conuenticula sa-  
 tis superque probant. Atque hinc est quod statim à condito mun-  
 do DEVS certa loco deputauerit, quibus & inuocaretur, exaudi-  
 ret, ac potentia suæ signa ederet. Quæ loca quamuis non semper  
 per modum ædificij constructa & conclusa fuerint, adeoque formâ  
 caruerint, in hoc tamen templorum vicem gesserunt, quod iisdem  
 sacris functionibus deputarentur, propter quas templa excitantur  
 & dedicantur. Exemplis, & S. Scripturæ testimonijs, in sequenti-  
 bus res fiet manifesta. Nunc ipsius Templi definitionem & etymo-  
 logiam inuestigemus.

*Templum*, juxta *Donatum*, apud Gentiles vocabatur locus no-  
 tatus ab augure, vel in calo, vel in terrâ. Vocatur autem tem-  
 plum ab antiquo verbo tueor, quod idem est quod intueor, siue  
 conspicio: vnde templum à tuendo; hoc est conspiciendo, quod  
 ex omni parte, vel quod omnis pars ex eo conspici valeat. Itaque

II.

Templum  
 quid? vnde  
 dictum?

A

calum

b. Lib. 3. de  
vit. Con-  
stant,  
c. In Psal.  
114.  
d. Orat. in  
Gorgoni;  
e. Hom. 51.  
in Matth.  
f. Car. de  
Pass. Dom.  
Dom.  
Templa Ec-  
clesiæ dicta  
apud Chri-  
stianos.

III.

caelum ipsum primò templum dixerunt, quod ipsum primo aspe-  
ctu intuemur. In terris autem templum vocamus locum quemli-  
bet religiosi cultus gratiâ inauguratum. Græcè *ναός*, Hebraicè  
*Hechal* palatium Dei. Vocarunt etiam templum Gentiles *Fanum*,  
à fando, quòd in illo Dijeorum consulti farentur, darentque re-  
sponsa. Alij templum dictum volunt quasi *tectum amplum*: quòd  
nempe suâ capacitare & amplitudine plures qui ad orandum  
DEVM conueniunt, tegat & occupet. Sunt etiam qui à contem-  
plando deriuant: vtuntur autem tam *Græci* quàm *Latini* Patres hoc  
*Templi* nomine, *Eusebius b. Basilus c. Nazianzenus, d. Chryso-*  
*stomus, e Lactantius* quoque *f.*

*Quisquis ades, medijsq; subis in limina templi,  
Siste parum, &c.*

Quamuis pro comperto sit primos *Christianos* propter recen-  
tem memoriam sacerdotij *Aaronici*, & multitudinem templorum  
Idololatrarum, hoc templi nomen rariùs vsurpasse, vti & nomen  
Sacerdotij; & pro templis *Ecclesiis* dicere consueuisse. Siquidem  
vsus tum obtinebat, per templa intelligere loca dedicata ad sacri-  
ficia cruenta, & hoc sensu *Octavius* apud *Minutium Felicem*, *Opta-*  
*tus Milenitanus*, & *S. Hieronymus*, negant *Christianos* habere tem-  
pla; vtputa ad cruenta sacrificia more *Ethnicorum*.

IV.

Appellatio-  
nes ex di-  
uerso sine  
templorū.  
1. Templā.  
2. Oratoria.  
3. Basilicæ.  
4. Ecclesiæ.  
5. Domus  
Dei.  
6. Domus  
orationis.

Porro *Edes* sacræ varia nomina fortiuntur secundum va-  
rios fines, propter quos eriguntur. Primus est, offerre Deo sacri-  
ficiū; & dicuntur ob id *Templa*: est enim templum locus altaris.  
Secundus est, orare & obsecrationes pro necessitatibus Deo face-  
re, & hinc appellantur *oratoria*. Tertius ad Martyrum reliquias  
honorificè conseruandas, & vocantur *Basilica*, siue *memoria Mar-*  
*tyrum*. Quartus est prædicatio verbi DEI, & Sacramentorum ad-  
ministratio, & ita sunt *Ecclesiæ*. Primus, secundus, & tertius finis  
etiam *Iudeis*; & duo priores gentilibus communes fuere. Quar-  
tum dumtaxat agnoscunt *Caluinistæ* & *Lutherani*: *Anabaptistæ* &  
*Waldenses* nè illum quidem.

V.

7. Domus  
Patris ca-  
lestis.

Sunt insuper alia nomina quibus veteres dedicata Deo loca  
nuncuparunt. Ita *Isaias* & *Christus* vocat templum *domum DEI*,  
& *domum orationis*. Item *domum Patris celestis*, tum quòd Deus  
tem-



templum elegerit ad immolationem sacrificiorum, & deprecationes populi sui audiendas: quomodo dicit ad *Salomonem*: g. *Exan-* g. 3. Reg. 9.  
*diui orationem tuam, & deprecationem tuam quam deprecatus es co-*  
*ram me. Sanctificasti domum istam quam edificasti, ut ponerem no-*  
*men meum ibi in sempiternum: & erunt oculi mei, & cor meum ibi*  
*cunctis diebus.* Tùm quòd sit locus mysterijs diuinis dispensandis  
deputatus: tùm denique quòd licet Deus impleat maiestate & po-  
tentia suâ cælum & terram, h. tamen peculiari modo est in tem-  
plo sancto suo, vt in quo eum agnoscimus, & veneramur, ex varijs  
effectis quos hîc producit.

*S. Cyprianus* Ecclesiam vocat *Dominicum*; i. quia domus  
illa sacra velut palatium Domini sit; quod etiam significat *Hebrao-*  
*rum* vox *Hechal*, quasi Basilica potentis Dei. Quid ni locus Do-  
mino consecratus *Dominicum*? Ita etiam ex diebus hebdomadis  
primus & princeps colendo Domino attributus *Dominicus* merito  
nuncupatur. Agere, celebrare *Dominicum* SS. *Augustinus* & *Cy-*  
*prianus* dixerunt de nostro sacrificio peragendo & obeundo. Vo-  
cabatur etiam templum persæpè *Martyrium*; Propriè tamen illa  
templa, in quibus SS. Martyrum reliquiæ seruarentur.

Vocat Deus templum antiquum, locum requietionis suæ. k.  
tùm quòd ante ædificatum templum *Salomonis*, nullo loco stabili  
consistebat; erat enim *tabernaculum Mosaicum* mobile ac portati-  
le: tùm quòd Deus in templis conquiescat, velut delectatus reli-  
gioso cultu nostro, & expectans supplicationes nostras. Hinc  
etiam nonnumquàm appellantur templa, *Tabernacula Dei cum ho-*  
*minibus*, vt in quibus, velut in cælo se beatis, ita & hominibus se  
manifestat, suæque mysteria & voluntatem testatam facit.

Templo rectè nomen conuenit *voluptatis*, & accommodatio  
sensu accipi de eodem potest apud *Micheam*. l. *domus deliciarum*,  
vnde mulieres eiectæ deplorantur, & à paruulis earum ablata laus  
Dei in perpetuum: imò *paradisus voluptatis*, tum quia ibi maxime  
delicias suas habet Deus cum hominibus, tum quia easdem ibidem  
ijsdem illis communicat. Lege quæ de Templi gloriâ scribuntur  
in Historiâ *Machabaorum*. m.

Crux in templo instar arborum omnis generis: pro fontibus

VI.

i. Ser. de  
eleemosy-  
nis.  
8. Domini-  
cum.

9. Martyri-  
um.

VII.

k. Isa. 66.  
10. Locus  
requietio-  
nis Dei.

11. Taber-  
naculum.

VIII.

l. Mich. 2. 9.  
12. Domus  
deliciarum  
& paradisu  
voluptatis.  
m. 1. Mach.  
v. 41. 42.

IX.

α. Sep. 16:

v. 20.

Exod. 16.

v. 14,

Templicū

basilicā, &

regio Pala-

tio compa-

ratio.

o. 1. Cor. 3.

v. 16. & c. 6.

v. 19.

p. 1. Cor. 3.

v. 10.

aqua baptismalis, ac lustralis: pro floribus varij Sanctorum, qui ritè ibi coluntur, ordines: pro auium concentu cantica, & instrumenta musica: pro aëris salubritate, pia precantium suspiria: pro conuiuio Eucharistia *omne delectamentum in se habens*, n. ceteraque Sacramenta: pro familiari dialogismo de rebus diuinis, habetur tum lectio, tum recitatio: pro ceterâ supellectili, reliquis ornatus, vasorum, vestium, peristromatum, tabellarum, imaginum, &c. Eadem comparatio proferri potest cum elegantissimâ instrumentissimaque basilicâ, regioque Palatio: siquidem & *basilica* jam vox in basilicis nostris propria ferè facta est. Idem iudicium de Iusto, qui *templum Dei* dicitur. o. Iustus non architectos domorum, sed mundi Deum imitatur. Illi lapides rudes in fundamentum jaciunt: Deus mundi ceu fundamentum cælum statuit; hominis, animam: Ecclesiæ, *Christum*. p. Iustus ædificij spiritualis virtutes, quas non ostentat, ut sunt materiales lapides superiores expositi, politique, sed tegit. *In charitate*, inquit Paulus, *q. radicati & fundati*.

X.

r. Ser. 1. de  
Dedic. Té-  
pli.

Prætermisiss alijs mysticis acceptionibus *domus*, ac *templi Dei*, quas innuimus paulò antè; his adhuc plures explicat Innocentius Papa III. r. pro toto mundo; pro Ecclesiâ; pro Deiparâ; pro Humanitate *Christi*; pro Beatitudine cælesti, cæloque empyreo; pro Animâ Iusti; pro Sacra Scripturâ: maximè ad litteram sumitur pro materiali loco deputato & consecrato religiose ac ritè colendo Deo, & in quo Deus peculiari quadam ratione esse, & habitare dignatur, & beneficia conferre. Probat id rectè citatus Innocentius, & alij pluribus ostendunt contra *Albigenses*, *Bogomilos*, *Henricianos*, *Pseudoapostolos*, *Manicheos*, *Messalianos*, *Eustathianos*, *Petrobrusianos*, *Waldenses*, *Taboritas*, *Anabaptistas*, *Transylvanos*, *Caluinistas*, *Lutheranos*, qui templorum vsum omnem sacrum ad preces, Sacramenta, Sacrificia, honorem Dei, & Sanctorum tollunt, & admittunt solum ad cætus, & sermones habendos. *Bogomilos* refert *Euthymius* s. docuisse, Dæmonas in sacris omnibus templis habitare, cum ea quisque sortitus sit, pro proportionem ordinis & virtutis, ac Satanam quidem cunctorum principem, celeberrimum quondam illud *Hierosolymitanum* templum delegisse: postea *Sophia Constantinopolitanum*: non enim in manufactis templis Deum habitare.

Albigenses  
& alij refu-  
tati.

s. In Pan-  
opl. Tit. 23.  
cap. 18.

Bogomilio-  
rum doctri-  
na de tem-  
plis à Dæ-  
monibus  
habitatis.



*habitare. t.* Argumentantur verbis *Isaia u.* vsurpatis à *Christo.*  
*x.* *Domus mea, domus orationis vocabitur*, multòque nostris magis  
conuenire, quàm templo illi *Hierosolymitano*, vnde pelluntur *Dæ-*  
*mones*, propter inhabitantem diuinam gratiam. *Iosephus* certè au-  
ctor est, priusquam sacrum Romani templum violarent, auditas  
clare Angelorum voces: *Migremus hinc.* Legendi Hæreseologi,  
maxime *Bellarminus.* *y.* Plura Epitheta inuenire est apud varios  
Scriptores, desumpta à functionibus quæ in templis exercentur,  
& propter quas eadem eriguntur: nos in præsentì jam dictis con-  
tenti erimus.

t. Aët. 17.  
v. 24.  
u. lsa. 56. v. 7  
x. Lib. 7. de  
bel. lud.  
c 12.  
y. Lib. 3. de  
cultu san-  
cto. cap. 1.  
& seq.

Nunc ergò, vt methodicè procedamus: dicendum erit pri-  
mo loco de locis sacris in *Lege natura*; secundo, sub *Lege Mosaicà*;  
tertio, *Ethnicorum ac Gentilium*: quarto, *Christianorum*; quinto,  
demum historicè templa celebriora totius orbis in specie descri-  
pta enarrabimus.

XI.

## CAPVT II.

### DE LOCIS SACRIS IN LEGE NATVRÆ.



**E**visse locum determinatū, in quo sanctissimus Genearcha  
*Adamus* & eius Filij sacrificarent, constat ex *Geneseos*  
libro, *a.* si rigorem idiomatis *Hebraei* sequamur. Te-  
xtus diuinus sic: *Fuit autem in fine dierum, vt adduceret Cain de fru-*  
*ctu terra oblationem ipsi* *ΙΕΟΥÆ* *Ebel* quòq; etiam ipse adduxit de primo-  
*genitis pecndum suarum*, & de adipe earum. Sequor in translatione  
*Hebraicam* veritatem, consultis *Sante Pagnino*, *Arià Montano*, &  
*Vatablo.* Verbum *adducere* locum aliquem determinatum indige-  
tar, vt de se patet: ergò oratorio erat, *Adami* tempore, locus aliquis  
determinatus. Sed iste qualis an in aperto rure, an muro circum-  
cinctus? Fuisse *Adami* oratorium cinctum muro non negabit qui  
legat, *Cainum* dixisse fratri suo: *Egrediamur foras.* Erant igitur in-  
tra Sacellum; quia aliàs non possent velle egredi foràs. Oratorij  
istius murum constructum æstimo lapide crudo & impolito. Decet

I.

a. Gen. 4. 3.  
Locus de-  
terminatus  
aliquis pro  
Sacrificijs  
ab ipso  
Adamo.

hæc ædificandi ratio illa rudiora sæcula, quibus nondum cognita Architectonica curiositates.

II.  
b. Gen. 11.  
v. 3.  
Sacellum  
Adami  
quale,

Legitur *Cainus* ædificasse ciuitatem, certè nec lateribus, quarum vsus inuentus est postea; *b.* nec terrâ coagulata, hoc enim inuentum recens est. ergò prioribus illis sæculis, crudis lapidibus connexis luto, muri fabricabantur. Si doceri velis ichnographiam, reor Sacelli huius figuram fuisse circularem, quoniam quadrata templa non fuerunt in vsu apud antiquos, vt constat ex numismatum & columnarum decrepitis delineationibus. Addo *Adami* oratorium non fuisse fornicatum, vt nec contignatione aliquâ tectum; quia aliàs nec ignis calitùs descendere potuisset, nec fumus cælum versùs attolli.

III.  
Conflagra-  
tione Deus  
testabatur  
Sacrificium  
sibi acce-  
ptabile  
c. Iudic. 6. 2.  
d. Iud. 13. 2.  
e. Leuit. 9.  
10.

*Adami* nec non *Abelis* sacrificia igni cælesti absumi colligo ex capitis citati versu quarto, qui *Theodotione* interprete; ἐν πύρρῳ &c. *Inflammanit Dominus super Abel & sacrificium eius; super Cain non inflammanit.* Conflagratione miraculosâ testabatur Deus se sacrificium acceptasse, quod & fecisse legitur sæpe alibi. Exposuit igne cælitis immisso, sibi placere *Gedeonis* victimam, *c. Manue*, *d. Aaronis*, *e. Elie*, *f. Davidis*, *g. Salomonis*, *h.* & *Nehemie*. *i.* Vidit *Cainus* oblationem sui fratris diuino igne comburi, idè exspes & inuidus fratrem occidit, & parentes deseruit. Ergò satis verisimile apparet illud oratorium fuisse sub dio, expositum cæli clementiæ.

f. 3. Reg. 18. vers. 38.  
IV.  
k. Gen. 4.  
Enos pri-  
mus vide-  
tur institu-  
isse religio-  
sos cœtus.  
l. Lib. 2. de  
mon. 6. 5.

Meminit Scriptura publici cultus, quo *Enos* cœpit in vocare nomen Domini. *k.* Quod licet Scriptura non tradat factum fuisse loco certo ad eadem obsequia deputato, tamen verisimile est peculiarem ad illa electum, & præ alijs digniùs habitum fuisse. Tempore ergò *Enos* videntur cœtus hominum instituti, & in Ecclesiam congregari cœpisse ad publicas preces, ad publicas conciones & catecheses, ad publicum Dei cultum per sacrificia, aliosque ritus & cæremonias. Addit *Thomas Waldensis*, & ex eo *Bellarminus*, *l.* *Enos* instituisse peculiarem aliquem cultum & sublimiorem, quàm esset religio vulgi: nam ante *Enos*, *Abel*, *Seth*, & *Adam* inuocauerunt DEVM, vnde censent ipsi, *Enos* instituisse quasi præludium & initium



initium vitæ religioſæ & monaſtica. Putat *D. Thomas m.* in primâ mundi ætate non fuiſſe idololatriam, ob recentem mundi memoriam. Verùm hæc ratio non omninò concludit: nam recens memoria diluuij, & tantæ vindictæ DEI, non impediuit, quin mox ſurreperet idololatria. Vnde *Torniellus* & alij putant, etiam tum fuiſſe idololatriam in alijs *Ade* familijs: ideoque *Enos* ei oppoſuiſſe publicum vniſ DEI cultum, itaque S. Eccleſiæ viſibilem formam inſtituiſſe.

Ad eundem modum ſiccatis diluuij aquis, Noë obtulit holocauſtum de cunctis pecoribus ſuper altare. *d.* Templum autem nihil eſt aliud, quàm locus altaris diuino cultui, qui potiſſimum in ſacrificio exercetur, deputatus. Porro primum hoc eſt altare, quod legitur in Scriptura; tamen non dubium eſt alia priùs extiſſe, vt pote in quibus ſacrificauit *Abel e.* Altare dicitur quaſi alta ara, in quâ ſcilicet victimæ Deo maſtantur, & offeruntur.

Scribit *Moyſes, f. Abraham* plantafſe nemus in *Berſabee*, tamquam templum, aut locum ſacrum, in quo inuocabat nomen Domini, & eſſet velut oratorium tam ſibi, quàm colentibus verâ religione DEVM. *Ionathas* antiquus auctor ſcribit, quòd *Abraham* in hoc horto ſit ſolitus peregrinos hoſpitio excipere & recreare, ac pro mercede paciſci, vt creatorem cæli & terræ, qui hæc illis dediſſet, timerent & colerent. Vnde ex eo quod ſequitur: *Et inuocauit ibi nomen Domini DEI æterni*, patet *Abrahamum* illic etiam altare ad orationem & ſacrificium extuſiſſe. Erat ergò hoc quaſi eremitorium & oratorium *Abraha*, quò ſe ſubinde à curis & negotijs, cum Deo acturus recipiebat. Ita *Caietanus* & *Petrerius*.

*Jacob* Patriarcha erexit lapidem in titulum fundens oleum deſuper: & in eodem loco obdormiſcens, vidit myſticam illam ſcalam. *g.* Pauenſque; quàm terribilis eſt, inquit, locus iſte? Quàm religioſus, quantâ reuerentiâ, tremore, humilitate, colendus eſt locus iſte, ob DEI & angelorum per ſcalam aſcendentium, & deſcendentium præſentiam! *Non eſt hic aliud niſi domus DEI & porta cali.* Vbi ſcilicet DEVS ſcalæ incumbens, cum angelis ſuis aſcendentibus & deſcendentibus inhabitat. Vide hîc, quàm à

tempore

m. 2. 2. q.  
94: art. 4.  
ad 2.

V.  
d. Gen. 8.  
Templum  
locus alta-  
ris.

e. Ibid. 4.  
Altare quid  
VI.  
f. Ibid. 21.

Abraham  
obligat ho-  
ſpites ad  
cultû Dei.

VII.  
g. Ibid. 28.

Deus certis  
locis vult  
coli.

tempore *Iacobi & Abraha*, DEVS certa loca sui apparitione, beneficijs, miraculis illustrârit: ibique coli & inuocari voluerit Quid ergò Nouantes obstreperunt beatæ Virgini *Lauretane*, *Montisferrati*, *Cellenfi*, *Einsidlenfi*, *Oetingana*, *Hallensi*, *Aspericollensi*?

## VIII.

Titulus res  
quatuor  
significat. 1.

2.

3.

h. Leuit. 26.  
v. 1. 4.

Insuper erexit in titulum, lapidem illum, siue saxum, in quo dormierat, eleuauit *Iacob*, rectumque statuit, vt esset monumentum visionis & apparitionis sibi factæ. Vbi notandum, titulum dici quadrupliciter, quatuorque res significare. Primò titulus est inscriptio rei: vt titulus libri, titulus crucis. Secundò, titulus est columna, aut pyramis in trophæum victoriæ, aut insignis facinoris erecta. Tertiò, titulus est statua, imago vel idolum erectum ad cultum & adorationem, qualis titulus prohibetur. h. Quartò, titulus est lignum, lapis, vel alia res posita, vel erecta in memoriam & indicium rei alicuius, verbi gratiâ, visionis angelicæ *Iacobo* hîc factæ. Erexit enim *Iacob* hunc lapidem in titulum, vt in reditu ex *i. Gen. 35. Haran* in patriam, eodem loco hoc DEI beneficium recoleret & veneraretur, vti eum fecisse constat. i.

## IX.

Titulus est  
altare iacobi.

Titulus est  
Ecclesia  
cur?

k Lib. 2. de  
cruce. c. 7.  
l. Lib. de  
Card. dig-  
nit. c. 2.

Hinc etiam eundem lapidem in altare consecrauit, vnde titulus hic non tantum monumentum, sed etiam altare significat. Atque hinc primi *Christiani* ad exemplum *Iacobi*, Ecclesias suas vocârunt titulos, à titulo, id est, signo crucis, & à titulo, id est nomine alicuius Sancti, in eius honorem intitulabantur, id est, nominabantur, consecrabantur, & distinguebantur Ecclesiæ; vt titulus S. *Praxedis*, est Ecclesia S. *Praxedis*, titulus S. *Laurentij* est Ecclesia S. *Laurentij*, quæ Phrasis crebra est in vitis primorum Pontificum. Ita *Iacobus Gretserus*. k. Atq; ex hisce titulis Cardinales suos titulos & cognomina sumpserunt, vti docet *Hieronymus Platus*. l.

## X.

Iacob oleo  
consecrauit  
altare.

Ad hæc fundens oleum desuper, in signum consecrationis, ait. *Abluensis*, quia res consecratæ oleo vnguntur: non ergò hæc olei fusio fuit libatio aut sacrificium. Nusquam enim solum oleum Deo libatum aut sacrificatum legimus. Itaque *Iacob* ex hac visione diuinâ manè euigilans, ex vrbe vicinâ *Luza*, quæ postea ab eo *Bethel* est dicta, oleum attulit, inquit *Abulensis*, eoque lapidem, in quo sibi dormienti tam mira visio contigerat, inunxit, eumque in-  
ungendo



ungendo, Deo quasi consecrauit. Vnde postea eodem, quasi altari consecrato vsus est, in eoq̃ue sacrificauit. *m.* Sic ad *Iacobi* exemplum, Ecclesia altaria & templa sacrâ vñctione Deo dicat & consecrat, vt infrâ dicemus. Vnde & dæmon, quasi Dei & Sanctorum simia, hanc vñctionem in his sacris imitatus est, quando suis persuasit, lapides *Termino* inungere & consecrare. *n.* Demùm hoc voto concludit: Si Deus dederit mihi victum, vestitum, ac felicem reditum in patriam; ego ipsi voueo ac promitto, quòd deinceps eum colam speciali & maiori cultu, quàm antè eum coluerim; nimirum quòd dabo ei decimas, tum ad sacrificia tum ad alium quemlibet eius cultum; quòdque post meum reditum ex *Mesopotamiâ*, locum hunc Deo quasi aram & templum aut sacellum dicabo: ita enim hoc votum suum, sequentibus explicat ipse *Iacob*, vt rectè aduertit *Caietanus*: loquitur enim in hunc sensum: Locus in quo est lapis hic, meâ applicatione, destinatione, & quasi consecratione, erit & vocabitur sanctus, ac domus siue habitaculum Dei, atque super lapide hoc, quasi super altari Deo sacrificabo. Igìtur redux ex *Haran*, votum hoc suum explet ibi *Iacob*, atque super hoc lapide, quasi arâ Deo sacrificium offert. *o.*

Quin & *Abraham* tentaturus Deus, mittit eum in terram visionis, & præcipit sibi offerri filium, super vnum montium quem illi monstraret, *p.* nempè *Moria*; quem *Abraham* suo sacrificio, quasi initiauit & consecrauit in templum posterorum & *Christi*. itemque montem *Caluaria* in aram *Christi*. Nam mons *Moria* in plures colles & monticulos fuit diuisus: in orientali enim parte montis *Moria* fuit *Sion*, in quâ erat arx *Dauid*; iuxta quam in arêa *Ornan Iebusai* à *Dauid* coëmptrâ, *Salomon* extruxit templum. *q.* Alia pars *Moria* extra urbem *Ierusalem* mansit, posteaque dicta est mons *Caluaria*, in quo tam *Isaac*, quàm *Christum* per *Isaac* significatum, imolatum esse docet *S. Hieronymus* & *S. Augustinus*: *r.* *Hieronymus* presbyter, ait, scripsit, se certissimè à senioribus Indeorum cognouisse, quòd ibi immolatus sit *Isaac*, & *Adam* sepultus, vbi postea *Christus* est crucifixus. Addunt nonnulli Hebræi, in *Moria* sacrificasse *Abelem* & *Cainum*, item *Noë* mox à diluuiio; sed temerè & sine fundamento cæci asserunt.

*m. Gen. 35.  
v. 7.*

*n. S. August.  
l. 16. c. 38.  
Ciu.*

*Vouit Iacob  
Deo decimas, & sacellum in Bethel.*

*o. Gen. 35.  
v. 7.  
XI.*

*p. Ibid. 22.*

*2.  
Situs montis Moria  
& partes,*

*q. 2. Paral.  
3. v. 1.*

*r. Lib. 16.  
cap. 32. de  
Ciu.  
Ibi immolatus est  
Isaac, vbi  
Christus  
crucifixus;*

## XII.

Melchisedech.

s. Gen. 14.

t. Cap. 8.

Cæl. Hier.

*Melchisedech* erat sacerdos DEI altissimi : quem non est verisimile non habuisse locum aliquem cultui ipsius destinatum. Notat enim S. *Dionysius*, t. *Melchisedech* dici sacerdotem DEI altissimi, non tantum eò quòd illi ipse seruiret, sed quòd & alios ad eius fidem cultumque conuerteret ac promoueret. Præterea solitus erat Deo panem & vinum offerre. Sic in gratiarum actionem pro victoriâ *Abrahe* à Deo concessâ sacrificium pacificum oblaturus, *panem & vinum obtulit* : ita nimirum, vt prius panera & vinum Deo obtulerit in sacrificium, scilicet partem panis cremando, partem vini libando, id est, effundendo Deo in gratiarum actionem pro victoriâ *Abrahe* : deinde reliquam panis & vini partem in milites *Abrahe* libandam, id est participandam & comedendam distribuerit, hoc enim moris erat in sacrificio pacifico : ita pariter *Christus* in vltimâ cœnâ obtulit panem & vinum, consecrando illa, & transubstantiando in sacrificium Eucharisticum ; eaque deinde Apostolis libanda distribuit, & similiter offerenda ac libanda præcepit.

## XIII.

Missâ sacrificium.

u. Psal. 109.

x. Hebr. 7.

y. Lib. 1. de

Missâ, c. 6.

Hinc patet, Missam esse sacrificium, *Christumque*, non tantum in cruce, sed etiam in vltimâ cœnâ sacrificasse, adeoque Eucharistiam non tantum esse Sacramentum, sed & sacrificium : tam enim *Dauid*, u. quàm Apostolus, x. dicunt *Christum* esse sacerdotem secundum ordinem, non *Aaron*, sed *Melchisedech* ; ergò talis fuit in vltimâ cœnâ : cum scilicet Eucharistiam sub specie panis & vini instar *Melchisedech* Deo obtulit. Ita passim docent omnes Patres, quos citat *Bellarminus*, y.

## CAPVT III.

# ALTARE QUID? EIVSDEM VSVS ANTIQUVS ET RELIGIOSVS IN VET TERI TESTAMENTO.

## I.

a. Festus  
Strabo. c. 6.  
de reb. Ec-  
clesi. Defi-  
nitio Alta-  
ris,



ALTARE *Boud.* Græcis, ab altitudine dictum, a. velut alta ara, veteres namque in ædificijs à terrâ eleuatis, dijs superis sacra faciebant; Terrestribus in solo ipso; Infernalibus autem effossâ prius ampla scrobe. Etiam fidelibus vlitatum



rum erigere altaria, & in eo Deo vero sacrificare, vt ostendemus statim. Volunt nonnulli *b.* hoc veteribus interfuisse inter altare & aram, quòd illud non nisi superis; hæc etiam inferis Dijs consecraretur: *Sernius* ait, Aras dictas ab ariditate, quia in illis adoletur ignis: Altaria ab alendo, quia igni adduntur alimenta. *Isidorus*: *c.* *Aram*, ait, quidam vocatam dixerunt, quòd incensa ibi vitima ardeant. Alij aras dicunt à precationibus, quas Græci *ἄγας* vocant. Porro ara etiam dicitur, vel quòd area pura sit, *d.* vel ab ardore. *e.* Aras in Ecclesiâ Catholicâ à purissimo, & incremento sacrificio nomen habere docet *Gregorius Nazianzenus*, *f.*

Porro primum altare, quod legitur in Scripturâ, *g.* fuit, quando post diluuium adificauit Noë altare Domino; & tollens de cunctis pecoribus mundis & volucribus, obtulit holocaustum: odoratusq; est Dominus odorem suauitatis. Attamen non dubium est, alia prius extitisse, vt pote in quibus sacrificauit *Abel*. *h.*

Apparuit Dominus Abraham in terrâ Chanaan, & dixit ei: *Se-*mini tuo dabo terram hanc: qui adificauit ibi altare Domino, qui apparuit ei. *i.* Ibiq; consequenter victimas Deo obtulit in gratiarum actionem, pro Chananâ suis posteris à Deo promissâ. Nec dubium quin Abraham suos eo euocauerit, quin & extraneos, atque coram eis verum Deum prædicauerit & celebrauerit, promissionesq; sibi factas confessus sit, insuperq; Deum inuocauerit; omnia enim hæc altaris publici constructio in se complectitur, scilicet confessionem, laudem, prædicationem, oblationem, & inuocationem solennem & publicam. Cumq; venisset iuxta Bethel, adificauit quoque ibi altare Domino, & inuocauit nomen eius. Vnde rectè *S. Ambrosius*: Vbi Bethel, inquit est, hoc est domus Dei, ibi & ara, ubi ara, ibi & inuocatio Dei nostri. Hæreticis desunt ara & Bethel, ergò & vera inuocatio, cultusq; Dei. Apparuit Dominus in Bersabee Isaac, dicens: *k.* Noli timere, quia ego tecum sum. Itaque adificauit altare Domino, & inuocato nomine Domini, erexit tabernaculum. Locutus est Deus Iacob dicens: Surge & ascende Bethel, & habita ibi, facq; altare Deo, qui apparuit tibi quando fugiebas Esau fratrem tuum. *l.*

Dixit Dominus ad Moysen. Ascende in montem tu, & Aaron,

*b.* Seru. in  
2. Aeneid.  
*c.* Lib. 15.  
orig. c. 4.  
*d.* Gen. 8.  
Berof.  
*e.* Varro. l. 4.  
de ling. Lat.  
*f.* Orat. 4.  
quæ est 2. in  
Iul.

II.  
*g.* Gen. 8;  
20.  
*h.* Ibid. c. 4.  
Noe.

III.  
*i.* Gen. 12.  
7.  
Abraham.

*k.* Gen. 26;  
vers. 24.  
*l.* Ibid. 35;  
vers. 11.

m. Exod.  
24. v. 4.

n. Abul. &  
Gaiet.

V.

Diuersitas  
altarium.  
o. Exod. 17.  
v. 15.  
1. Instar  
Trophæi.

Nadab & Abiu, & septuaginta senes ex Israel, & adorabitis procui. Moyses ergò manè consurgens edificauit altare ad radices montis, & duodecim titulos per duodecim tribus Israel. m. Et post pauca sequitur: *Obtruleruntq; victimas pacificas Domino, vitulos.* Quod igitur dicit: *duodecim titulos*, tantundem est ac si dicat, *Moyses* duodecim rudia saxa in titulos & statuas erexit; vt sacrificia hæc, quibus fœdus inter Deum & populum sanciebatur, pro duodecim tribubus offerri significaret. Vnde & aliqui probabiliter putant, ex duodecim hisce lapidibus ipsum altare fuisse constructum. n.

Ceterum tria altaria à Moysè legimus constructa, sacrificandi ritu diuersa. Primum altare erexit post eductum populum ex *Ægypto*, in quo ob miraculosam victoriam, Deo gratis egit. o. Et vocauit nomen eius: *Dominus exaltatio mea.* Hebraicè *adonai nissi*; quod alij vertunt: *Dominus est vexillum meum*, id est, Dominus fuit mihi loco vexilli, ipse signa victricia in hostem inulit. Vnde *Iosephus* ait *Moysen* hanc aram Deo victori posuisse, vti *Romani* ponebant *Ioui victori*. Tertiò, verti potest: *Dominus est signum*, vel *miraculum meum*; quia hanc miraculosam victoriam, totque alia miracula mihi contulit. ita *Chald.* Hoc trophæo omnem victoriæ laudem Deo assignauit *Moyses*; neq; enim altare dumtaxat sacrificij causâ erexit, sed & trophæi, idque nomenclatura hæc conuincit; est enim sensus, quasi dicat, Altari hoc quasi trophæo testor, hoc significo, quòd Deus sit exaltatio mea, qui me hostibus *Amalecitis* superiorem fecit, ideoque illi, vt signo rei signatæ do nomen, illudque voco: *Dominus exaltatio mea*; vti solemus de effigie Cæsaris, aut Regis dicere, iste est Cæsar, hic est Rex: quia ista imago est Cæsaris, hæc Regis. Sic enim *Isaac* p. puteum ab euentu vocauit *Calumniam*, & alium vocauit *Latitudinem*. Sic *Gedeon* q. suum altare vocat *Domini pax* Similia sunt alibi. r.

VI.

2. Reg. 18. 18.  
2. Holocaustorum.

Alterum erat altare *holocaustorum*, in quo quæuis sacrificia immolabantur & cremabantur. Erat autem ante Tabernaculum, in atrio, sub dio positum, propter ignem, fumum, & nidorem victimarum. Secundò erat ex lignis *Serhim*, contectis æreis tabulis aduersus ignem. Tertiò erat longum cubitos 5. latum totidem, altum tres. Quartò erat cauum interius, verum terra, vel lapide imposito



impolito ad sui medium replebatur, vt constat. s. Denique superne habebat cratem æneam in modum retis, foraminibus plenam, quæ totam altaris latitudinem occupabat; huic crati victima imponebatur, vt à subiecto igne cremaretur. Habuit insuper fenestram ad extrahendos cineres, & ponenda ligna: ac IV. annulos æreos, & vestes, ad portandum altare. Atque in hoc altari quotidie manè & vesperi immolabatur Agnus, quasi iuge sacrificium: Deinde alia victimæ vel votiuæ, vel spontaneæ. Figuram huius altaris expressit *Vilalpando. t.*

Tertium Altare erat *Thymiamatis*, in quo nullæ victimæ, sed dumtaxat thymiaa adolebatur: idque non tantum à Pontifice, sed etiam à minoribus sacerdotibus: quotidie bis, mane & vespere. Erat eiusdem materiæ & formæ cum priori, nisi quod esset deauratum, & dumtaxat cubiti vnus in longitudine, & latitudine, duorum in altitudine. Erat collocatum in Sancto, in medio candelabri & mensæ, eratque obuersum oraculo, quod erat in Sancto Sanctorum supra arcam, habebat IV. cornua, & coronam auream per gyrum, & in medio cratem reticulatam ad vsum cinerum, Insuper IV. annulos & vestes, per quos ferebatur à sacerdotibus per desertum.

*Iacob* Patriarcha postquam erexisset lapidem in titulum: hoc est, in memoriam admirandæ visionis quam habuerat; vt esset velut illius monumentum; ait: *Lapis iste quem erexi, vocabitur domus Dei. u.* quasi dicat: Locus in quo est lapis hic, meâ applicatione, destinatione, & quasi consecratione, erit & vocabitur sanctus, ac domus siue habitaculum Dei, atque super lapide hoc, quasi super altari Deo sacrificabo.

Iterum à fratre *Esaü* digressus, erexit altare, & inuocauit super illud *fortissimum deum Israel. x.* hoc est, nomen illud indidit, & velut hunc titulum inscripsit altari, eò quod altare Deo inscripsisset. Vnde patet *Iacobum* non tantum adorasse & sacrificasse in hoc altari; sed & illud ipsum dicasse, consecrasset, & inscripsisse Deo. Hunc ergo titulum inscripsit *Iacob* altari: *el elohé Israel.* id est, *Deus fortissimus Israël:* non quod ipsum altare esset Deus, inquit *Caietanus*, sed quod dedicatum. & inscriptum esset forti Deo

s. Exod. 20.  
& 1. Mach.  
4.

t. Lib. 4. de  
Templo.  
cap. 75.

VII.  
3. Thymia-  
matis.

VIII.  
Tituli.

u. Gen. 28.  
vers. 22.

IX.  
x. Gen. 33.  
vers. 20.  
Titulus al-  
taris Iaco-  
bi.

y. Gen. 35.  
vers. 7.  
Altare in-  
scriptum  
Deo forti  
Bethel.  
z. Ios. 22.  
vers. ult.  
a. Iudic. 6.  
vers. 24.

*Israëlis* : vocat enim *Iacob* DEVM *el*, propter fortitudinem ; & *elohim*, propter providentiam, gubernationem & iustam protectionem sibi à Deo contra *Esau*, *Laban*, aliosque hostes exhibitam. Similem titulum altari *Bethel*, indidit & inscripsit *Iacob* : y. *el bethel*, id est, *Deus fortis Bethel*, hoc est, altare dicatum Deo *Bethel*, siue Deo, qui in *Bethel*, quasi in domo suâ habitat, quique mihi ibi quasi fortissimus apparuit, suaque fortitudine me contra *Esau*, *Sichimitas*, omnesque hostes, & terrores corroboravit. Sic *Rubenitas* suum altare vocarunt, *testimonium nostrum quod Dominus ipse sit Deus*. z. Sic *Gedeon*, vti etiam supra dictum est, suum altare vocavit *Domini pax*. a. Sic etiam *Gentiles* aras dicabant, & inscribebant *Ioni viatori*, *Minerva sospite*, *Æsculapio servatori*, &c. Pari modo *Iacob* in gratiarum actionem hic Deo liberatori, duci, & ductori aram erigit & inscribit.

b. Lib. 2. de  
Cruce c. 7.

Et ad hunc modum in Ecclesiâ novi Testamenti, altaria eriguntur in honorem Sancti alicuius, & ipsæ Ecclesiæ antiquitus Tituli vocantur. De quo videatur R. P. *Iacobus Gretserus*. b.

## CAPVT IV.

## DE TABERNACVLO MOYSIS.

I.



Ix ex *Ægypto* in desertum descenderat *Hebraorum* populus, cum ocyus *Tabernaculum* collatis donarijs exstruere illis à Deo imperatur, quod esset velut templum mobile, & per iter quo pergerent portatile, in quo & preces suas funderent, & obationes facerent.

II.

Definitio  
& etymo-  
logia Ta-  
bernaculi.

a. Gen. 13.  
vers. 18,

Porro *Tabernaculum* in generali, significat quodcumque tentum vel domum, & dicitur *Succah Hebrais*, à radice *Sacam*, quod significat velare, operire, tegere, vnde & *Miscan* ab eadem radice idem est quod habitatio, commoratio, vicinia. Strictius tamen & apud profanos etiam scriptores, vsurpatur pro tentorio, & appellatur *Hebrais Ohel*, à radice *Ahal*, quod extendere, siue expandere significat ; & ita accipitur in Scripturâ, a. ubi *Abraham* legitur mouisse tabernaculum, id est, tentorium. Nec enim veteres illi Patriarchæ in domibus, sed in papilionibus seu casulis,



casulis, quasi peregrini cum suâ familiâ degebant. *b.* Hinc & *Latini* tendere vsurpant pro extendere tentorium; vt apud *Linium*.  
*c.* Coarctatio plurium in angustia tendentium. Et *Virgilium*: *d.*

*Hic saeuus tendebat Achilles.*

De *Ismaele* quoque dicitur in sacris litteris, *e.* E regione fratrum suorum figet tabernacula, id est, illis bellum indicet instructo exercitu, fixisque tentorijs.

*Tabernaculorum* vsus erat olim potissimum in castris, vti etiam modò: vbi nihil frequentius extensione tentoriorum castrensium, sub quibus miles depellat iniurias aëris; & supellectilem suam, ac commeatum seruet. Constat certè filios *Israël* totis annis XL. in tentorijs siue tabernaculis commoratos in deserto, sine alijs habitaculis; Vnde in illius rei memoriam institutum festum *Tabernaculorum*, vti dicemus infra.

Secundò *Tabernacula* seruiebant hospitibus excipiendis, & peregrinis, idq; pro commoditate temporis, & loci; quo fine *Abraham* etiam describitur tetendisse tabernaculum, & peregrinis hospitalitatem impendisse, *f.* ac secum illud tulisse quocumque pergeret. Vnde mouisse illud dicitur,

Etiam pastoribus, quibus in oppidis certa mansio esse nequit, sed in agris suo gregi inuigilare solent, tentoria vsui sunt, vt ita facilius è loco in locum commigrent. Sic apud *Ieremiam* *g.* de *Rechabitis* dicitur, quòd in tabernaculis habitarent.

Denique in lege veteri Devs præcepit fieri tabernaculum velut templum mobile ac portatile, in quo preces suorum exaudiret. Erat velut domus *DEI*, in quâ eum *Hebrei* colebant, & ipse vicissim significabat se eorum protectorem & vmbraculum. Erat igitur instar tentorij castrensis, quod per desertum cum illis ambulabat, poteratque per partes dissolui & conuolari, quando erant mouenda castra. Sed de hoc paulò pòst.

*Tabernaculum* fuisse instar tentorij quod expandebatur, & funibus solo adhaerentibus sustentabatur, ne in alteram partem collaberetur, ex dictis constat. Fiebant autem *Tabernacula* aliquando ex sagis, cilicio, pilis caprarum, aut camelorum: *b.* At frequentissimè ex corio & pellibus, quare tùm apud sacros,

*b.* Hebr. 11.

*v.* 9.

*c.* Lib. 7. de bel. Maced.

*d.* Lib. 2.

*Aeneid.*

*e.* Gen. 16.

*f.* Gen. 13.

*g.* Cap. 35.

vers. 7.

*h.* Exod. 26.

III.

Vsus varius

IV.

*f.* Gen. 13.  
& alibi.

V.

*g.* Cap. 35.  
vers. 7.

VI.

VII.

Materia.

- i. Cant. 1. 5. tum apud profanos, pelles pro tentorijs & tabernaculis vsurpari videas: Cuiusmodi sunt *pelles Salomonis*, i. quibus in festo Tabernaculorum utebantur; & *pelles terre Madian*, k. id est, castrensis *Madianitarum* tabernacula; vnde & *Pelliones* dicti, qui pelles conficiebant, sub quibus milites hiemarent; quorum in enumeratione aliorum artificum meminit *Paterius*. l. Quo loco deprauatè legi *Pelliones*, eruditi obseruant.
- k. Habac. 3. v. 7. Meminit etiam tentoriorum pellium *Vopiscus*. m. Frequens quoque illud apud *Casarem* & *Linium*, sub pellibus hiemare: atque illud peculiare, n. *Militem Romanum in opere & labore, niuibz pruinisq; obrutum, sub pellibus durare.*
- l. Lege vlt. C. de iure immunit. m. in Aurel.
- n. Dec. 1. l. 5.

## CAPVT V.

## TABERNACULI TOTIVS COMPENDIOSA DESCRIPTIO.

I.  
Tabernaculi descriptio.  
1. Diuidebatur in Sanctum & Sanctum sanctorum.



*Abernaculum* longum erat 30 cubitos, latum 10. altum 10. diuisum erat in duas partes, scilicet in *Sanctum*, quod 20. cubitos in longitudine habebat, & *Sanctum sanctorum*, quod reliquos decem cubitos longitudinis tabernaculi continebat. Erat ergò *Sanctum* quadrangulum, quia erat longum 20. latum 10. cubitos: *Sanctum sanctorum* verò erat quadratum, quia latum erat 10. cubitos, & longum erat totidem. *Sanctum* diuidebatur per velum à *Sancto sanctorum*, quod erat oppansum. *Sancto sanctorum*, factum ex bysso, cocco, purpurâ & hyacintho, eratque appensum ad quatuor columnas factas ex lignis *Setim* inauratis, quæ columnæ habebant capita aurea & bases argenteas.

II.

Secundò, quo spatio velum hoc sit constitutum, scriptura subicit: sed si ex templi, quod ad instar tabernaculi ædificatum est, velo conijcere licet, *Sanctum sanctorum* tertiam tabernaculi partem occupabat, ita vt velum hoc tertiam hanc partem à reliquis dirimeret. *Sanctum* ergò *sanctorum* vndique quadratum erat: tam enim in latitudine & longitudine, quàm in altitudine habebat decem cubitos. Huc alludens *S. Ioannes*, a. loquens de cælo empyreo significato per *Sanctum sanctorum*: *Ciuitas, inquit, illa in quadro posita est.*

Secun-

a. Apoc. 21. v. 16.



Secundò, hoc tabernaculum factum erat ex 20. tabulis lignorum setim inauratis, in longum porrectis ad meridiem, & totidem ad Septemtrionem, ad occidentem verò quæ erat pars latitudinis tabernaculi, connectens vtramq; partem longitudinis, scilicet meridionalè & septemtrionalem, 8. habebat tabulas, ad orientè verò patebat, tantumq; habebat 5. columnas ex lignis setim inauratis, quæ velo tegebantur, ita vt columnæ tegerentur aureis laminis, capita verò essent aurea, nimirum vt clauī vel capita columnarū essent ex auro, columnæ verò tegerentur cælaturis siue circulis aureis in gyrū euntibus: sicuti columnæ atrij argenteis eiusmodi gyris circumdabantur. Hac igitur parte erat ingressus in tabernaculum eleuato velo. Singulæ verò tabulæ habebant duas bases argenteas: porro per tabulas hasce à quolibet eius trium laterum, quinque immittebantur vestes, quæ tabulas continerent.

Tertiò, tabernaculum hoc tam supernè quàm ad latera tegebatur Primò decem cortynis factis ex cocco, purpurâ, hyacintho ac bysso, quarum quæque habebat 28. cubitos longitudinis, & 4. latitudinis, vnde hæ cortinæ vocantur hîc tentoria, quia erant in modum tentorij tensæ & expansæ. Secundò, tegebatur 11. sagis, siue stragulis cilicinis, quorum quodque longum erat 30. cubitis, latum 4. cubitis. Tertiò, tegebatur pellibus arietum rubricatis. Quartò, pellibus ianthinis contra pluias & procelas. Vnde hæ pelles vocantur tectum, id est operculum tegens tabernaculum. Hinc sequitur, tabernaculum vndeque tectum & velatum fuisse, nec habuisse fenestram, sed lumen antè per ostium admississe.

Quartò ante tabernaculum erat atrium longum centum cubitis, & latum quinquaginta, quod pariter suis tabulis & cortynis cingebatur ad latera, supernè verò patebat, eratque sub dio.

Quintò, atrium hoc erat quasi templum laicorum, laici enim numquam ad tabernaculum accedere, nec illud ingredi poterant. Rursum, atrium hoc erat diuisum in exterius laicorum, & interius sacerdotum, in quo erat tum labrum æneum, tum altare holocaustorum: illud enim debebat esse in atrio sub dio, propter ignem, fumum & euaporationem, ac nidorem victimarum, quæ in

III.

Factū erat  
vtrimque  
ex 20. tabu-  
lis Setim  
inauratis.

IV.

3. Tegeba-  
tur vndiq;  
4. velis, vn-  
de non ha-  
bebat fene-  
stram.

V.

4. Ante se  
habebat a-  
trium.

VI.

5. Atrium  
erat duplex  
1. Laicorū.  
2. Sacerdo-  
tum.

hoc altari cremabantur. Porro atrium hoc sacerdotum exiguo septo, vel muro trium cubitorum altitudinis, distinguebatur ab atrio laicorum, ita ut laici ex suo atrio prospicere possent ultra murum in atrium sacerdotum, ibique videre holocausta & victimas, quæ offerebantur in altari holocaustorum.

## VII.

6. In Sancto erat altare thymiamatis, mensa & candelabrum: in Sancto sanctorum arca, urna cum manna & virga Aaron: in atrio altare

Sexto, in parte priori tabernaculi, puta in Sancto, erat altare thymiamatis obuersum Sancto Sanctorum & propitiatorio; ita ut eò, per hiatum in pariete, siue in velo diuidente relictum, ascenderet fumus thymiamatis, quod Deo adolebatur in hoc altari: ad latus dextrum huius altaris erat candelabrum, ad sinistrum mensa panum propositionis. In Sancto sanctorum verò erat arca, habens intra se tabulas legis, supra se propitiatorium; quod velabant duo Cherubini. Rursus, in Sancto sanctorum erat urna cum manna, & virga Aaron quæ fronderat. In atrio autem, ut dixi, erat altare holocaustorum, & labrum aneum, ut ex eo lauarentur tum sacerdotes, tum victimæ.

holocaustorum & labrum.

## VIII.

b. Leuit. 16.  
7. In sanctum quotidie intrabant sacerdotes, in sanctum sanctorum solus Pontifex semel in anno. Tres partes templi Salomonis.

Septimò, Sanctum sanctorum, id est sanctissima pars tabernaculi, erat quasi chorus, in quem solus Pontifex ingredi poterat, idque semel in anno tantum, puta in festo expiationis. b. In Sanctum verò quotidie ingrediebantur sacerdotes manè & vespere, ut adolerent thymiamata, & ut vespere accenderent lucernas, manè easdem extinguerent. Atrium verò erat locus populi. Simili ratione in tres partes distribuit postea templum suum Salomon: nam prima pars respondens huic atrio erat sub dio, dicebaturque *ulam*, id est *Porticus Salomonis*, eratque locus & templum plebis: secunda pars propriè dicebatur templum, hebraicè *hechal*, respondens Sancto; in quo erat altare thymiamatis, cum mensa & candelabro: tertia pars omnium intima, erat *debir*, id est oraculum, seu Sanctum san-

ctorum,





## CAPVT VI.

EIVSDEM TABERNACVLI TRO-  
POLOGICA ET ALLEGORICA  
SIGNIFICATIO.

Abernaculum hoc cum suo atrio significabat Ecclesiam & fideles *Christi*, *a* qui per velum fidei DEVM in terris contemplantur: in hoc *Aaron*, id est *Christus* Dominus, est summus Pontifex; itaque Primò, atrium significabat incipientium rudimenta, & communem *Christianorum* vitam: vnde in eo erat altare holocaustorum, quod vitiorum enecationem & mortificationem in DEI obsequium significabat; item labrum siue lavacrum aeneum, id est, poenitentiae Sacramentum, quo communes *Christiani* maximè indigent. Secundò *Sanctum* significabat *Christianos* perfectiores; vnde in eo erat altare thymiamatis significans iugem orationem, laudem & contemplationem DEI: & candelabrum significans doctores, qui suâ sanctâ vitâ & doctrinâ Ecclesiâ præfulgent; & mensa panum propositionis significans eos qui dediti sunt operibus misericordiae. Rursum, alij per Sanctum intelligunt statum perfectionis & vitam religiosam, triaque Religionis vota, scilicet per altare obedientiam, per mensam paupertatem, per candelabrum castitatem. Tertiò Sanctum sanctorum significat cælum, siue Ecclesiam triumphantem: vnde in eo erat arca testamenti, id est cœtus Beatorum; & propitiatorium aureum, id est, humanitas *Christi* gloriosa; denique *Cherubini*, id est, angeli sancti, quibus Deus gloriosus eminet, insidet & præsidet, atque Beatis omnibus, tam angelis, quàm hominibus in cælo clarè videndum se exhibet, itaque eos beat. Rursum in Sancto sanctorum est vna cum manna; quia in cælo est abundantia diuinæ suauitatis, satietatis & consolationis. Denique ibi est *virga Aaron*, quæ sicca reuixit, & protulit frondes, flores & fructus, quia in resurrectione & gloriâ cælesti corpus resurget, gloriaque cum anima donabitur, atque proferet quatuor dotes, scilicet agilitatem, subtilitatem, claritatem, impassibilitatem. Ita S. V. N. Beda. b.

I.

a. 1. Tim. 3.  
vers. 15.Taberna-  
culum est  
Ecclesia.  
&c.2. Sanctum  
sunt perfe-  
ctiores.3. Sanctum  
sanctorum  
est cælum.b. In c. 25.  
Exodi.

II.  
Taberna-  
culum Dei  
est anima  
sancta.

c. 1. Cor. 3.  
vers. 16.

d. Ephes. 3.  
vers. 17.

Rom 8. v. 9.

e. Hom. 9.

f. Lib. de  
Cherub.

III.

g. Auſtor.  
vitæ l. 2. c. 8.

h. Sozom.  
l. 8. c. 12.

IV.

Vasa tem-  
pli in egen-  
tes eroga-  
runt Sancti.

i. Socr. l. 7.  
cap. 21.

k. In vita S.

Aug. c. 24.

V.

Hæc omnia proportionabiliter accommodari possunt cuili-  
bet animæ *Christiana* & sanctæ, quæ per pœnitentiam, charitatem,  
aliasque virtutes fit & est tabernaculum & templum DEI: c.  
*Nescitis quia templum Dei estis, & Spiritus Dei habitat in vobis? Si-*  
milis & alibi. d. vide *Origenem*. e.

Huc spectat illud *Philonis*: f. *Etiamsi*, inquit, tota terra au-  
rum, aut si quid auro pretiosius est, repente fieret, moxq; per opificum,  
artes in porticus, vestibula, aulas, areas, adesq; sacras impenderetur,  
ne scabellum quidem pedibus DEI posset fieri: dignum tamen eo domici-  
lium anima est, modo sit idonea.

Quapropter *S. Bernardus* laudat *Theobaldum* Comitem,  
quod suis Religiosis monasteria & templa ædificaret, in quibus  
viva & immortalia Dei templa, puta viri religiosi, habitarent,  
Deoque seruirent. g.

*Isidorus* verò monachus: h. *Præstabilius est*, inquit, agrot-  
rum fidelium corpora, quæ verius templa Dei cogitare possumus, & ob  
quæ pecuniæ queruntur, convenienti curâ restaurare, quam templa la-  
pidea ædificare.

Similiratione motus *Acacius Amide* Episcopus, vasa aurea  
& argentea Ecclesiæ vendidit, vt pauperes captiuos redimeret &  
aleret. i.

Sic & *S. Augustinus* secutus *S. Ambrosium*, de vasis *Dominicis*  
propter captiuos, & quàm plurimos indigentes frangi & conſari iussit,  
atque indigentibus dispensari, inquit, *Possidonius*. k.

Hoc ergò animæ tabernaculum in introitu habet lauacrum  
pœnitentiæ, & altare mortificationis. In Sancto tria habet vasa  
pretiosa, candelabrum, mensam, altare thymiamatis. Tria enim  
sunt in appetitu nostro, quæ ijs indigent vasis, mala: tenebræ igno-  
rantia, esuries & inopia cibi salutaris, pestiferi halitus sordidæ  
cogitationis & cupiditatis. Candelabrum, id est sapientia, hæc  
tenebras dispellit: mensa panum, puta mensa Eucharistiæ, gratiæ  
& influxus Dei, hanc esuriem satiat: altare thymiamatis, puta  
pia cogitatio & oratio, hos pestiferos halitus absorbit: itaque ex  
Sancto, id est ex Ecclesia, imus in Sanctum sanctorum, id est in  
cælum.

Atque



Atque hac de causâ, scilicet ob tropologiam paulò antè datam, Ecclesiæ *Christianorum* ita olim ædificabantur, vt maximam haberent similitudinem cum tabernaculo *Moyſis* & templo *Salomonis*, continebant enim *porticum*, *atrium*, *Sancta*, ac demum *Sancta sanctorum*. In *porticu* erant eiectiones ex Ecclesiâ & infideles; in *atrio* erant poenitentes; in *Sancto* populus; in *Sancto sanctorum* sacerdotes, ibique offerebant Deo sacrificia. Rursum, vti in templo *Salomonis*, ita & in Ecclesijs olim erat separatus locus mulierum à loco virorum, illique præerat diaconissa. Denique sicut *labrum*, erat in tabernaculo & templo; ita & in Ecclesijs pro foribus erat *lauacrum*, quo omnis populus ingressurus templum manus ablueret. Ita *Baronius*. l.

Poteſt Secundò, tabernaculum hoc allegoricè significare, corpus *Christi*. *Christus* enim & Ecclesia quasi vnum sunt; quia *Christus* est quasi caput & anima Ecclesiæ. Ita *Nyſſenus* & *Hugo*, & colligitur ex *Ioanne*; m. quod pulchrè proſequitur *Cyrillus*, n. vbi tum tabernaculum, tum omnia quæ erant in tabernaculo, *Christo* adaptat. Licet enim vnus sit *Christus*, multifariam tamen operatur & concipitur. *Christus*, inquit *Cyrillus*, est tabernaculum propter carnis tegumentum: *Christus* est arca habens legem Dei reconditam, prout est Verbum Patris: *Christus* est mensa, quia nobis est cibus & vita in Eucharistiâ: *Christus* est candelabrum, quia est lux spiritualis anima: *Christus* est altare incensi, quia est odor suauitatis in sanctificatione: *Christus* est altare holocausti, quia est hostia pro totius mundi vitâ in cruce immolata: rursum est altare, quia super *Christum* & *Christi* merita offerimus Deo preces, vota & victimas nostras. Tabernaculum ergò repræsentabat corpus *Christi*, tum naturale, puta humanitatem *Christi*; tum mysticum, quod est Ecclesia,

VI.  
Templa  
Christia-  
norum si-  
milia erant  
tabernacu-  
lo Moyſis.

l. Tom. r;  
A. C. 57.

VII.  
Secundò;  
tabernacu-  
lum allego-  
ricè est cor-  
pus *Christi*.  
m. Cap. 2,  
vers. 19.  
n. Lib. 4. in  
Ioan. c. 28.



TABERNACVLORVM FESTVM  
QVA DE CAVSSA INSTITVTVM? EIVS  
RITVS ET SACRIFICIA. ITEM OCTAVA,  
SEV FESTVM COETVS ET COL-  
LECTÆ.

I.



LEBRABATUR hoc festum XV die mensis septimi, durabatq; per septem dies. Græcè dicitur scenopegia, à figendis tabernaculis: οὐκὲν enim est tabernaculum, πρὸς ἵα est fixio siue compactio. Ridiculum enim est, quod putant nonnulli dici φάγῖα, id est comestio, & κοινὸν, id est communis: quòd hoc festo *Iudei* comederent in publico, siue loco communi.

II.

Origo festi.

Institutum est hoc festum in memoriam protectionis diuinæ, quæ *Hebraeos* in deserto ita protexit, vt sine domibus in tabernaculis per XL. annos hieme & æstate vixerint. Quare in deserto nunquam celebratum est hoc festum, quia ibi agebatur ipsa rei veritas, & continuum quasi festum tabernaculorum, sed postea in eius memoriam quotannis celebratum est in *Chanaan*: ita vt partim in vrbe, puta in atrijs, foris, plateis, hortis, quin & domatibus, id est tectis domorum, vt patet apud *Nehemiam*, a. partim extra urbem, cum tutum esset, tabernacula construerent ex lignis siue palis, quibus alij ramos, alij pelles & lintea circumducebant, vti fit in tentorijs castrensibus, in ijsq; ad septem dies habitarent. Cum enim ex totâ *Iudea Hebraei Hierosolymam* conuenirent hoc festo, & singulæ familiæ singula tabernacula construerent, vt ait *Iosephus*, b. nequaquam tot in vrbe construi poterant, quot omnibus sufficerent. Estq; vero simile ita fuisse disposita tabernacula, vt quasi vrbs quædam fieret, & singulæ familiæ seorsim, omnesque per vicos & plateas distinctæ & ordinatæ habitarent; ita enim faciebant cum per desertum peregrinabantur, cuius rei memoriam tunc recolébant.

a. Cap. 8.  
vers. 16.  
Taberna-  
culorum  
descriptio.

b. Lib. 3:  
Antiq. c. 10.

III.

Altera festi  
caussa.

Secundò, hoc festum institutum est in fine anni, puta in Septembri, post collectas omnes fruges, vt de ijs gratias agerent Domino, nempe pro omni frugum genere, tam ex agris quàm hortis &



ris & vineis percepto, anno illo elapso, ideoq; omnes masculi hoc festo templum adire, suaq; dona offerre debebant, vti præscribitur in Exodo. *c.* De holocaustis & victimis, quæ singulis hisce septem diebus mactabantur, alibi *d.* præcipitur, vt offerantur victimæ, panẽ eadẽ quolibet die, scilicet arietes duo, & agni quatuordecim; nisi quòd primo die vituli tredecim, secundo verò duodecim, tertio vndecim, & ita consequenter diminuendo semper offerebantur: die verò octauo, qui erat cœtus, siue collectæ (de quo paulo pòst agemus) tantũ offerebant vitulũ vnum, agnos septẽ, &c.

Denique *Hebrai* septimo die festi huius circumeunt altare septies, portantes ramos in memoriã expugnatae *Iericho* à *Iosue* septeno vrbs circuitu. *e.* Iubebantur enim *Iudai*, manibus gestare quatuor arborum ramos, vel fructus; Primò *arboris pulcherrime*, id est citri. ita *Chaldaeus*. Vnde & *Iosephus* fructus huius arboris vocat mala persica; mala enim citria, auctore *Dioscoride*, vocantur persica & medica, quia ex *Persia* & *Mediã* in *Italiam* sunt aduecta, teste *Plinio*. Citrum fuisse hanc arborem, docet etiam *R. Moses Aegyptius*. *f.* Dices, *S. Hieronymus* *g.* dicit fuisse cedrum. Respondeo, Per cedrum, citrum intelligi: nam mala citria etiam cedromela, quasi mala cedri vocantur, teste citato *Dioscoride*.

Secundò, *spatulas*, id est ramos palmarum. ita septuaginta. Tertiò, ramos *ligni densarum frondium*, id est myrti. ita *Iosephus Chaldaeus*, & *R. Moses* suprã. Quartò, *ramos salicis*. Harum ergò quatuor arborum pulchrarum, diuque virentium atque odoratarum (citrus enim & myrtus boni odoris sunt) ramos in festo tabernaculorum gestare debebant *Hebrai*, vt recordarentur se à solitudine in terram feracem, & arboribus optimis abundantem translatos esse; gestare, inquam, non tantũ primo die festi, vt censuit *Abulensis*, sed per septem continuos festi dies: hoc est enim quod dicitur. *h.* Celebrabitis solemnitatem septem diebus. Et ita intellexit *R. Moses, Burgenfis, Ribera*, & alij: idque vt per septem dies significaretur, *Hebraeos* multis annis commoratos fuisse in deserto, indeque plenum gaudium in terrã promissã eis obuénisse; hoc est enim quod sequitur: *Et letabimini corã Domino. q. d.* gestantes ramòs hos & fructus, saltabitis in sanctuario coram Domino.

Tripudijs

*c.* Cap. 23.  
vers. 14.  
*d.* Num. 29.  
vers. 12.

IV.

*e.* Ios. 6. v. 16.  
In festo tabernaculorum Iudai gestabant citrũ, palmas, myrtum & salices.  
*f.* Lib. 3. More c. 44.  
*g.* In c. 14. Zachar.

V.

*h.* Leuit. 23.  
vers. 40.

i. 2. Reg. 6.  
vers. 14.  
Exod. 32. 19.  
Ibid. 19. 20.

Tripudijs enim solebant veteres celebrare sua festa, vt patet ex Scripturâ. i. Ita *Abulensis*, qui & addit: *Dicunt aliqui, quòd quando Iudæi habebant istos ramos in manu, habebant cum eis colligatos & fructus, & sic saliebant eleuantes & deprimentes illos fructus ad omnem differentiam positionis, quo significabant id esse ad laudem DEI, qui erat Dominus omnium positionum mundi.*

## VI.

k. Cap. 7.  
num. 37.

Octauam huius festiuitatis celebrabant quoque *Iudæi*, & vocabatur festum cœtus atque collectæ. Erat hoc festum solenne, vnde à *S. Ioanne k. vocatur dies magnus festiuitatis*. Nota, hoc festum dici cœtus & collectæ, non tam pecuniarum aut eleëmofynarum, vti volunt nonnulli, quàm hominum & populi, qui congregabatur octauo die in tabernaculo, & postea in templo, vt simul adunatus gratias ageret Deo solemibus sacrificijs, quòd post longam illam in deserto peregrinationem omnes tribus saluæ venissent in terram promissam. Simili ratione dies septimus azymorum, vocatur dies cœtus & collectæ: quòd omnes eo die simul conuenirent ad agendum gratias Deo, quòd eos in ægyptiacâ seruitute dispersos adunasset, & simul inde eduxisset. Quòd autem de collectâ, non pecuniæ, sed populi hîc agatur, indeque festo inditum sit nomen cœtus siue collectæ, patet Primò, quia in *Hebraico* hoc festum vocatur at seret, quod significat cœtum siue congregationem, non pecuniæ, sed populi. Secundò, quia *Chaldaus* apertissimè hanc vocem at seret vertit *Keniscin tehon*, id est collecti eritis. Tertiò, quia Septuaginta semper hanc vocem vertunt ἐξόδον; Exodium autem teste *Theodoro l.* finem festorum indicat; & exodium apud *Linium*, m. *Iuuenalem*, n. *Pollucem*, o. *Suidam* & alios carmen erat, quod in exitu alicuius, maximè comœdiæ aut scenæ, canebatur. *Iuuentus*, inquit *Linius*, *histrionibus fabellarum actu relicto, ipsa inter se more antiquo, ridicula intexta versibus iactare cœpit, quæ inde exodia appellata, consertaq; fabulis, potissimum Atellanis sunt*. Vnde eò alludentes Septuaginta festum, hoc exodium vocarunt, eò quòd clauderet sollennitatem festi tabernaculorum publicâ & communi gratiarum actione & plausu, quo peracto tabernaculis exeuntes, ad suas sedes & vrbes remeabant. Quartò, quia similem collectam fecit rex *Salomon*, non pecuniæ,

Erat hoc festum collectæ non pecuniæ, sed populi.  
Prob. 1.

2.

3.

l. q. 32.  
Exodium quid?  
m. Lib. 7.  
n. Sat. 6.  
o. Lib. 4.

4.



cuniar, erat enim ipse ditissimus & liberalissimus, sed populi in octaua dedicationis templi. p. Non negotamen, potuisse hoc festo, fieri collectam pecuniar, pro templo & ministris DEI ante discessum populi, sed illa poterat fieri & alijs festis, & maxime festimo die azymorum. Verum non inde vocatur hoc festum coetus vel collectar, neque hic fuit præcipuus festi huius finis.

p. 2. Paral.  
7. v. 9.

CAPVT VIII.

MYSTICA ET ALLEGORICA FESTI TABERNACVLORVM EXPOSITIO.

**M**YSTICE, septimus mensis est tempus gratiar. Primum eius festum est *Tubarum*, id est prædicatio Apostolorum. Secundum *Expiationis*, id est poenitentiar & contemptus illecebrofarum voluptatum, cui studere debent omnes verè ad Deum conuersi. Tertium *Tabernaculorum*, quia totius vitæ Christiana gradus est viuere hic vt in tabernaculo, per septem dies, id est totâ vitâ, vt scilicet vtamur rebus huius sæculi quantum neceffe est, non ampliùs, & totâ mente per desertum huius mundi festinamus ad cælestes mansiones, vt dicamus cum Psalte: *Incola ego sum & peregrinus, sicut omnes patres mei*: In casulis enim habitauit Abraham, cum Isaac & Iacob coheredibus repromissionis eiusdem.

Celebratur 15. die, cum luna decrefcere incipit, quia qui bona sæculi fluxa & caduca ( quorum luna est symbolum ) esse cognoscit, hic festinat ad aterna. Septem eius diebus continuè offerimus holocausta, quia totos nos nostraque omnia Deo consecramus. Gestamus Primò citrum, qui colore est aureo, id est ardentem charitatem, quâ toti Dei gloriæ, & fratrum vtilitati incumbimus. Secundò, spatulas palmarum, quia quasi victores terrena omnia calcamus, dum nostra conuersatio in cælis est. Tertiò, lignum densarum frondium, puta myrtum, id est odoriferam virtutum omnium densitatem, & continuum earum exercitium. Quartò, ramos salicis virentis, quia stabili firmitate in nostro virtutum statu & virore perseuerare debemus. Hi de torrente

D

sumuntur,

- I.  
1. Festum  
Tubarum.  
2. Expiationis.  
3. Tabernaculorū.

- II.  
Gestatur.  
1. Citrus.  
2. SPatulas  
palmarum.  
3. Lignum  
densarum  
frondium,  
4. Rami  
salicis vi-  
rentis.

sumuntur, quia nisi crebrò in lege Dei meditemur, Dei que gratiam imploremus, marcescet in nobis ille animi vigor. Hæc qui fecerit, lætabitur coram domino, & hilarem semper in eodem vitamaget.

III. *Rursum S. Hieronymus, a.* per lignum pulcherrimum accipit sapientiam, per palmas victoriam, per myrtum mortificationem, per salices castitatem. Nam *medici*, inquit, & *physici* tradunt, quod si quis salicis florem mistum aquâ biberit, omnis in eo frigeat calor, & libidinis vena siccetur, ut ultra filios generare non possit. Hisce ornati in tabernaculis huius vitæ, pariter & armati, tendimus ad domum nostram paratam in cælis. Salices ergo, æquè ut lactuca, agnus castus, &c. humorem venereum minuunt, & castitatem fouent ac tuentur.

IV. Quartum festum sequens, & finiens festum Tabernaculorum, putaeius octaua, est festum Cætus & collecta. hoc significat octauam resurrectionis, quando ex tabernaculis hisce exeuntes colligemur ad concilium & congregationem Sanctorum in cælis, de quâ canit Psalter: *Beati qui habitant in domo tuâ Domine, in secula seculorum laudabunt te.* Tunc nullum opus seruire faciemus, quia tunc cessabit omne peccatum, omnis etiam labor & dolor. Offerimus holocaustum Domino, quia totis viribus totaque contentione animæ Deum speculabimur & amabimus, ibi enim implebimus illud, *Diliges Dominum Deum ex toto corde tuo, & ex totâ fortitudine tuâ; & illud, Benedic anima mea Domino, & omnia quæ intra me sunt nomini sancto eius.* Ita Radulphus, & ex parte Ischius, atque exijs Ribera. b.

b. Lib. 5. de  
Templo.  
cap. 10.

V.

Allegoricè etiam Rupertus noster appositè & eleganter hæc accommodat festis natalitijs Christi Domini. Sicut enim Pascha & Pentecoste Iudeorum, inquit, significabat Pascha & Pentecosten Christianorum; ita festum Tabernaculorum, quod in exitu anni celebrabatur, significabat festum Natalis Domini, quod in fine anni celebratur. Tum enim lætabundi, terræ nostræ virginæ, puta B. MARIE, fructum, scilicet Christum in Bethlehem colligimus, & fructum arboris pulcherrimæ, id est Virginis intemeratæ filium, in Eucharistiâ ter offerimus & sumimus. Christus enim in stabulo & hospitio natus est, ut hic nobiscum

Allegoricè  
festum Ta-  
bern. & fe-  
stum nat.  
Christi, cū  
seqq.



nobiscum quasi in tabernaculo versaretur, nosque ex eo ad patriam caelestem deduceret: adsumt & palma; hoc enim Christi festum comitatur & sequitur S. Stephani martyrium & victoria: adest & lignum densarum frondium, videlicet S. Ioannes densa & altissima mysteria eructans: adsumt & paruuli Innocentes, qui quasi salices de torrente, fructum operum non habentes, subito per solam Dei gratiam, ad viriditatem salierunt aeterna patriæ, & paradisi celestis.

CAPVT IX.

DE EXCELSIS IN SCRIPTVRA  
SÆPIVS INCVLCATIS.



VERES quanam fuerint hæc excelsa quorum tam crebra in libris Regum & Prophetarum fit mentio? Respond. Excelsa erant luci, siue siluæ & nemora in excelsis montibus, collibus & vmbrosis recessibus consita, in quibus gentes pleræque solebant facella & altaria erigere, teste *Homero, Virgilio* & alijs, qui docent, veteres in nemoribus sepulchra suis defunctis extruxisse, in quibus primò parentalia celebrabant, siue parentabant heroibus populi, ac mox ijsdem quasi Dijs sacrificare cœperunt. Id fecerunt, tum quia loca excelsa ceteris altiora sunt & viciniore cælo, ideoque plus venerationis apud rudem populum obtinent.

Vnde *Altare* dictum est ab altitudine, quasi *alta ara*, in quâ altissimo Deo sacrificatur; & Græcum *Βωμῆς*, id est altare, dictum est ab Hebræo *Bama*, id est excelsum; quamquam altare propriè non erat excelsum. Nam scriptura a. distinguit inter altare & excelsum, sed potiùs altare erat in excelsso, scilicet colle aut monte. Rursum nemora, quia condensa & silentia, sacrum quendam horrorem Gentibus iniiciebant, qui superstitiosè censebant ibi habitare Deos, quos *Saryros* & *Faunos* quasi siluarum Deos nuncupant. Vnde templa dicta sunt fana à *Faunis*; nisi malis à fando, id est oracula dando, nomen sortita. Tertiò, siluæ copiosam supeditant lignorum materiam ad fabricandum facella, altaria & strues pyrarum, quibus victimæ comburantur, idcirco in ijs excelsis eri-

I.

Excelsa  
quæ?

II.

Altare &  
excelsum  
differunt.  
a. 4. Reg.  
23. 15.

Templa  
vnde fana  
dicta

sa erigebant. Denique siluæ, quia frondosæ & amœnæ, excitabant Gentiles, vt in eis sacra sua carnalia, quibus *Baccho* per symposia & crapulam, *Veneri* & *Priapo* per luxuriam seruiebant, exercerent.

III. Sic *Cyrus* & *Persæ* teste *Xenophonte*, *b.* sacrificabant in locis excelsis. Idem de alijs docet *Apollonius*. *c.* De *Romanis* idipsum constat ex *Capitolio*, in quo colebant *Iouem Capitolinum*. Audi *Virgilium*. *d.*

*Hinc ad Tarpeiam sedem & Capitolia ducit,  
Aurea nunc, olim siluestribus horrida dumis.  
Iam tum relligio panidos terrebat agrestes  
Dira loci: iam tum siluam, saxumq; tremebant.  
( Quis DEVS incertum est ) habitat DEVS: Arcades ipsum.  
Credunt se vidisse Iouem.*

*e.* *Eclog.* 7. Idem *Virgilius* *e.*, arbores proprias, quas Gentiles Dijs suis in his lucis sacrabant, ita recenset.

*Populus Alcideæ gratissima, vitis Iaccho,  
Formosæ myrtus Veneri, sua Laureæ Phœbo,  
Phyllis amat corylos.*

IV. *Chananaos* pariter in excelsis lucis siluisque suos Deos coluisse, patet ex eo, quod *DEVS* crebrò jubeat *Hebreis*, vt illas succendant & extirpent, vt patet, *f.* quibus locis directè quidem & expressè vetat *DEVS* ne excelsa habeant talia, qualia habebant *Chananaei*, in quibus scilicet Deos falsos colebant; indirectè tamen vetat quoque ne sibi pariter in excelsis siluis & lucis sacrificent, sed tantum in Tabernaculo & altari ad id à se destinato, & à *Moyse* fabricato, ac præsertim in templo mox à *Salomone* fabricando.

V. Excelsa ergò *Hebraorum*, de quibus in libris Regum & prophetarum crebra est mentio, erant duplicis generis. Vna, in quibus instar Gentium colebant earum Deos & idola. Hæc manifestè erant illicita, quia idolis dicata in *DEI* veri iniuriam. Vnde in ea grauissimè inuehuntur & detonant Prophetæ. *g.* Hinc *Salomon* grauissimè peccauit, quod in gratiam vxorum suarum Gentilium, earum dijs & idolis fecerit lucos & excelsa, ibique eos adorarit, quæ



quæ proinde *Ezechias* rex dissipauit, *Manasses* eius filius impius restituit, *Iosias* funditus aboleuit.

Altera excelsa erant, in quibus *Hebraei* non idolis, sed Deo vero sacrificabant. Sic *Gedeon* in excelsâ petrâ sacrificium Deo obtulit. *b.* Idem fecit *Samuel* in excelsio. *i.* & *Salomon* sacrificauit in excelsio *Gabaon*, *k.* id est, in Tabernaculo *Moyſis*, quod tum situmerat in excelsio & frondoso colle *Gabaon*. Porro Deus hæc secunda excelsa non amabat ob periculum gentilismi & idololatriæ, tolerabat tamen, donec ædificaretur fixum & stabile templum à *Salomone* in *Hierusalem*: nam ante illud, Tabernaculum *Moyſis* erat mobile, & ab vno loco transportabatur in alium, immò separatum erat ab altari. Vnde multis incommodum erat & difficile in eo sacrificare, ideoque alio loco excelsio suas hostias immolabant.

Hinc pij reges, vt *Aſa* & *Iosaphat*, permiserunt excelsa Deo vero erecta, vel si illa erant idolis statuta, permiserunt ea, quia ob inueteratam populi idololatrantis consuetudinem metuentes seditionem & rebellionem, illa impedire & tollere non potuerunt. Itaque vt excelsa omnia tollerentur, voluit Deus à *Salomone* ædificari templum, in eoque solo sibi sacrificari, vt in vno templo seruaretur vritas religionis & *Iudaismi*, ac *Iudæi* planè arcerentur à profanis fanis & excelsis & sacrificijs Gentilium, post templi verò fabricam excelsa fuere illicita, ideoque *Dauid*, *Ezechias* & *Iosias* ea fustulerunt, licet *Aſa*, *Amasias*, & *Iosaphat* ea tolerarint metu maioris mali, ne scilicet si excelsa Dei tollerentur, populus ad excelsa

Deorum & Gentium, hoc est ad idola deflecteret. Vnde de

ijs dicitur: *Fecit rectum ante conspectum Domini, &c.*

*veruntamen excelsa non abstulit. l.*

\* \*


VI.

*h. Iudic. 6.*  
*vers. 26.*  
*i. 1. Reg. 9.*  
*vers. 19.*  
*k. 3. Reg. 3.*  
*vers. 4.*

VII.

*l. 3. Reg. 15.*  
*ii. & 14. &c.*





## PARS II.

TEMPLA IVDÆO-  
RVM VSQVE AD CHRI-

STVM.

## CAPVT I.

## I.

David au-  
tor Tem-  
pli Salomo-  
nis.



a. 2. Paral. 2.

EMPLO *Salomonis* causam præbuit ipse *David*, qui indignabatur, quòd ipse habitaret in domo cedrinà, & arca Dei maneret sub pellibus. *Quis enim*, ait, poterit præualere vt adificet ei dignam domum? Si cali cælorum eum capere non possunt, quantus ego sum vt possim adificare ei domum? a. Et quidem fundamenta domus illius augustissimæ jacerre potuit, at perficere illam non potuit, propter effusum sanguinem innocentis *Vria*; verùm filius illius *Salomon*, Regum omnium vt potentissimus, ita & sapientissimus, eam compleuit, arcamque intulit, & repleuit eam maiestas Domini, eamque sanctificauit vt poneret nomen suum ibi in sempiternum. De huius autem Templi splendore, cultu, formâ, amplitudine, paulò pòst nonnulla dicemus.

## II.

b. Ibid. c. 6.  
Stetit annis  
410.

Esdra illud  
instaurauit.

c. Lib. 4. c. 9.  
cont. Iud.

Idem *Templum* fuit primus locus, vt ita dicam, fixus & stabilis, abrogato jam mobili *Tabernaculo*; in quo Deo cultus debitus exhibitus fuit, & ad quem in necessitate populus conflueret, eumque Deus de excelso cælorum habitaculo exaudiret, eique propitius fieret. b. Stetit autem hoc templum augustissimum à *Salomone* ædificatum annis CCCC. & X. vsque ad annum XI. & vltimum *Sedecia* Regis, quando à *Chaldeis* euersum fuit & incensum. Verùm restaurauit illud, permittente *Cyro Rege Persarum*, *Esdra*, & intra annos XLVI. absoluit ædificationem, quæ tamen longè inferior erat; neque ad pristinum splendorem accedebat. Vnde è captiuitate reduces *Iudæi* lacrymabantur, videntes templum, vt in quo, juxta obseruationem *Galatini* c. præter magnificentiam



ficentiam incomparabilem, defuerit Arca, Ignis de cælo allatus, Dei maiestas, Rationale Iudicij, & oleum vnctionis. Ceterum hoc etiam Templum ab *Esdra* restauratum, funditus euersum fuit, & per *Machabæos* legum patriarum æmulatores restitutum, præeunte in hac pietatis palæstrâ *Iudâ* fortissimo duce, suosque ad id excitante, & dicente: *Ecce contriti sunt inimici nostri, ascendamus nunc mundare sancta, & renouare.* d.

Sed & *Ananias Onia* filius, quem *Menelaum* vocat Scriptura, e. assumpto sibi summo sacerdotio, obtinuisse traditur, teste *Egesippo*, f. vt apud *Heliopolim* construeret templum *Hierosolymitano* simile, pro populo qui in *Aegyptum* profugerat, illicque pontificatu fungeretur. g

Mach. c. 4, f. Lib. 2. tit. 23. g. Niceph. l. 1. c. 6. Ios. l. 12. c. 9. Ant & lib. 7. de bell. Iud. cap. penult.

Porro templum quod *Machabæi* repurgarant & renouarant, *Herodes Idumæus* siue *Ascalonita* cum ipsâ vrbe *Hierosolymâ* ex parte euertit, & ne impietatis maculam apud omnes sibi inurere videretur, anno 18. regni sui, templo veteri integro manente, & incluso, defossis quæ superfuerant de templo *Salomonis* fundamentis, noua excitauit, & ad illius similitudinem, magnitudinem & dignitatem exterius direxit, immensoque ædificandi sumptu per annos 8. ante *Christi* ortum decimo vix absoluit; vt plenius habetur apud *Egesippum*, h. & *Iosephum*, i. Scribit de eo *Dio Cassius*: k. *Hoc templum tempore Pompeij Magni Deo structum, summa molis pulcherrimum, nullo culmine tectum.*

Hoc templum secundum funditus destructum, expugnata *Hierosolymâ* à *Tito Cæsare* post 40 annos aut paulò plures à *Dominici* nostri crucifixione, vt scribunt *Iosephus*, l. *Orosius*, m. *Egesippus*, n. & alij. Prædixerat Dominus idipsum.

Et quamuis *Iudæi* tertio conati fuerint hoc templum restaurare, sub *Adriano*, *Constantino*, & *Iuliano* Impp. numquam tamen potuerunt. nempe aduenerat iam veritas quæ umbras veteres non sustinebat: videlicet nouum sacerdotium, & sacrificium à *Christo* institutum, adeoque noua templa & altaria, quorum typi & figuræ fuerant prius illud templum & tabernaculum.

3. Per *Machabæos* restitutum,

d. Lib. 1. Mach. c. 4

III. Templum *Heliopolitanum* à *Menelao* constructum. e, Lib. 2.

IV. 4. Ab *Herode* sumptuosè ædificatum.

h. Lib. 1. i. Lib. 15, cap. 14. Antiq. & de bel. Iud. l. 1. cap. 27. k. Lib. 37.

V. l. Lib. 7. de bel. Iud. cap. 17. & 18. m, Lib. 7. cap. 6. n. Lib. 5. A *Tito* destructum, *Iudæi* conati restaurare,

Præter

## VI.

480. Syna-  
gogæ Hie-  
rosolymis.

Præter hoc templum augustissimum, in quod ad publica sacrificia, & solemnē Deo cultum exhibendum conueniebant *Iudæi*, plures erant *Synagoga*, siue domus, ad quas singuli parochi statim temporibus conueniebant, & conferebant de lege, cæemonijs, & alijs nonnullis ad religionis cultum promouendum spectantibus. Fuisse autem CCCC. & LXXX. numero propter amplitudinem ciuitatis, scribit *Rabbi Menahem*.

## VII.

Templum  
Samarita-  
norum in  
monte Ga-  
rizim.  
o. Ioseph.  
lib. 11. An-  
tiq. c. 8.

Paulò pòst *Samaritani*, seu *Cuthei*, aliud templum ædificarunt in monte *Garizim*. Initium fuit & causa *Manasses* frater *Iaddi*, sacerdotis DEI, qui inhians Pontificatui, vxorem duxit filiam *Sanoballath Samaritanorum* Principis, præfæcti Regis *Perfarum*, ædificauitque templum *Garizim Hierosolymitano* simile, ad quem ibi Pontificatu nouo fungentem, rerum nouarum cupidi sese transfulerunt. o.

## VIII.

p. Deut. 27.  
vers. 12.

Hinc coepit schisma inter *Iudæos*, quī prophetico templo adhærebant, & vero Sacerdoti; & *Samaritanos*, qui partes *Manassis* sequebantur, quod fouerunt *Saddoch* & *Baiethos*, vt scribit *Rabbi Abraham* in *Cabala*. Mons verò *Garizim*, est mons in quo benedictiones factæ sunt seruantium legem DEI p.

q. 4. Reg. 17.

*Samaritani* porrò illi, non erant planè in cultu DEI instructi, sed & DEO, & dæmonibus more gentium seruiebant; vnde pro hæreticis habebantur. q.

## IX.

Stetit annis  
200.  
r. In hist.  
Cabala.

Stetit hoc fanum *Cuthæorum* hæreticorum seu *Samaritanorum*, per annos circiter ducentos, vt ait *Elias Lenita*. r. Euerit autem illud *Ioannes* filius *Simeonis* filij *Hasmonei*, cognominati *Hircani*, & occidit hæreticos qui ibi offerebant sacrificia extra adem Domini, & constituerant decreta & leges pro animi sui libidine, quamuis & hic alià occasione factus sit postea

*Sadduceus*, vt scribit idem *Elias*  
*Lenita*.





## CAPVT II.

# TEMPLI SALOMONIS CVM AN- TIQVI TVM INSTAVRATI FORMA.



EMPLVM Salomonis quod is ædificare cœpit anno quarto regni sui, idque post CDLXXX. annos, ab egressu filiorum *Israel* ex *Egypto*, opus fuit mirabile, super ædificia quæ inter miracula orbis connumerantur, ædificatum annis centum & quadraginta tribus, priusquam *Tyrj Coloniam Carthaginem* conderent, teste *Iosepho a.* Multitudo panè incredibilis operariorum adfuit *Salomoni* quoque ad opus consummandum: quorum erant septuaginta millia, qui onera portabant: octoginta millia Latomorum in monte, tria millia, trecenti eorum qui præcipiebant opera vltra eos qui faciebant opus. *b.*

Quot in eo operarij. *b. 3. Reg. 5. 2. Paral. 2. & 3.*

Forma & fabrica templi, & rerum quæ ibidem erant, ponitur in Scripturâ. *c.* Tres præcipuas habuit partes, prima erat templum clausum. Secunda, Atrium interius, seu Sacerdotum. Tertia, Atrium exterius, seu populi, in quo porticus constructa est à *Salomone*, postquam ædem totam perfecisset.

Templum illud habebat sexaginta cubitos in longitudine, viginti cubitos in latitudine, triginta cubitos in altitudine. Porticus erat ante templum viginti cubitorum longitudinis, iuxta mensuram latitudinis templi: porro quadraginta cubitorum erat ipsum templum pro foribus oraculi, & viginti cubiti erant ad posteriorem partem templi: quadraginta cubitorum decem erant cubiti interiùs intercepti, & quod erat interceptum, vocabatur *Sanctum sanctorum*: quod autem erat extra, *sanctum* tantum: auro autem omnia collucebant. Nonnulli quoque dixerunt, supremam quoque trabem fuisse auream: hic solus Pontifex semel in anno ingrediebatur, illic & *Arca* sita erat, & *Cherubim*: illic etiam stabat altare aureum quò adferebatur thuribulum, ad nihil aliud paratum, quàm ad solum incensum, seu fussitum: Hoc autem fiebat semel in anno.

I.

Templum  
Salomonis  
quale.

a. Lib. 8. Antiq. & lib. 7. cont. Ap-  
pion.

II.

c. 3. Reg. 6. & 7. & 2. Paral. 3.  
Forma ci-  
usdem.

III.

Porticus.

Sanctum  
Sanctorum.

## IV.

Altare æne-  
um,

In extremo verò templo erat altare æneum, in quo quotidie afferebatur agnus, & comburebatur, & vocabatur sacrificium vespertinum: erat enim etiam aliud matutinum: bis in die oportebat altare incendi, præter alias hostias quæ offerebantur à populo. Hoc enim erat iussum, & lege statutum Sacerdotibus, ut ex se & ex domo suâ, quando nullus offerret, vnum matutinum, & vnum vespertinum agnum sacrificarent & comburerent. Quod iusserat DEVS fieri, significans per id quod fiebat, eum assidue colere oportere: etiam cum dies deficit. Hocq; sacrificium fuit semper acceptum, atque huiusmodi hostia: cum tamen quod fieret, pro peccatis, aliquando non esset acceptum, ut explicat S. Chrysostomus. d. Progressu temporum, atrium exterius interstitio murorum fuit separatum, ut anteriore parte viri, posteriore feminae continerentur, & ab atrio Sacerdotum remotiores essent: unde atrium nouum dicitur. e.

d. In Psal.  
140.

Atrium ex-  
terius.

## V.

Atrium  
profanum.

Hæc rursus omnia atria suas habuerunt porticus, ad meridiei & Septemtrionis latera, quibus vel imber, vel æstus vitari possent. Additum & aliud tandem Atrium profanum, & gentilitium, in quod exteri, & *Israëlitæ* non purificati, ad orandum conuenire possent. Et hæc omnia muro cingebantur, à quo totum spatium usque ad atrium contentum mons domus dicebatur, mons DEI, *Moria*. Sunt enim in eodem tractu montis quatuor colles siue iuga, quæ quandoque vnâ appellatione *Sion* dicuntur, aliquando varia sortiuntur nomina. primus collis seorsim *Sion* dicitur, qui ob sui altitudinem respectu totius terræ specula vocatur, in quo etiam erat arx dicta ciuitas *David*, quam à *Hierusalem* dirimebat hiatus quidam siue *Mello*. f. ibique erant sepulchra *Davidis*, & aliorum Regum, Secundus collis erat mons *Moria*, vbi templum g. Tertius *Arca*, vbi noua ciuitas. Quartus *Golgotha*.

f. 2. Reg. 5.

g. 2. Paral. 3.

## TEMPLI SECUNDI.

## VI.

Differentia  
primi & se-  
cundi Tem-  
pli.

TEMPLVM quod reuersi è captiuitate *Babylonicâ* exstruxerant, anno secundo à solutione captiuitatis, id est; annis LIV. ex quo dirutum à *Chaldeis* fuerat, eandem ædificij formam cum primo habuit, at magnificentia & ornatu longè inferius.

Primum



Primum enim à rege opibus florentissimo conditum est, Secundum à multitudine, quæ ex LXX annorum captiuitate, cum ijs tantum opibus redierat, quas Rex *Perfarum* exportari voluerat. Summa eius altitudo sexaginta cubitorum fuit, cum primum centum & viginti habuerit.

Cubitos hic aliter sumi, quàm in superiori descriptione.  
g. *Esdra*, 6.

De hoc legimus *Cyri* decretum à *Dario* filio *Histaspis* confirmatum in hunc modum: g. Anno primo *Cyri* regis, *Cyrus* Rex decreuit, vt domus *DEI* edificaretur quæ est in *Hierusalem*, in loco vbi immolent hostias, & ponant fundamenta supportantia altitudinem cubitorum sexaginta, ordines de lapidibus impolitis tres, & sic ordines de lignis nonis, &c.

Atque ideò qui templum prius viderant, flebant cum huius fundamenta iacta cernebant.

Hoc templum habuit vndequaque atria, licet fortasse non ita ampla, vt templum *Herodis*, ita enim ibidem scripsit *Iosephus*. *Edificauerant enim Iudæi porticus quoque, quibus templum circumquaque includebatur*. Hoc templum tempore *Ptolomæi Philadelphi*, & LXX. Interpretum, id est, ducentis octoginta annis ante *Christi* natalem, (*Christus* enim natus est anno tertio olympiadis 194. LXX autem verterunt Scripturam olympiade 124. teste *Eusebio*. h.) habuit triplicem murum quo collis ille cingebatur. Ita enim *Aristæus* illorum temporum scriptor, tradidit, in libello de LXX Interpretibus, his verbis: *In cuius vertice templum apparebat visu pulcherrimum. Hoc muri tres circumambiunt, altitudine supra LXX cubitos sublime, latitudine eâ quæ altitudinem deceret, longitudine omnem templi apparatus magnifico opere & decore circumeunt, &c.*

VII.

h. *In Chron.*

## TEMPLI AB HERODE EDIFICATI.

**H**ERODES *Indæ* Rex, vt supra tetigimus, ille inquam, qui infantes occidit, decimo octauo regni sui anno, post miranda & magna ædificia absoluta, ad templum *DEI* ædificandum animum conuertit, quòd videret ei, tam in altitudine, quàm in reliquo ornatu multum deesse prioris magnificentiæ. Nec antè

VIII.

Forma templi ab Herode constructi.

i. Lib. 1.  
Antiq. c. 14.  
k. Lib. 5.  
hist. Iud.  
cap. 24.  
IX.

vetus templum demoliri voluit quàm vniuersam materiam futurae fabricae magnis sumptibus compararet. Templum deinde à fundamentis euertit, ac noua reposuit, & totum octo annis magnificentissimè exstruxit, vt tradunt *Iosephus*, i. & alter *Iosephus Gorionis filius*, k.

l. Lib. 5.  
cap. 26.  
X.

Memorable autem est, quod idem *Iosephus* scribit: *Fertur*, inquit, *toto tempore, quo templum struebatur, numquam interdiu pluisse, noctu tantum imbribus descendentibus, ne interromperetur templi edificatio: eaq̃, fama quasi per manus tradita, ad nos peruenit à maioribus*. Idem narrat alter *Iosephus*, l.

m. Lib. 15.  
Antiq. c. 14.

Certum autem est, istud templum ad prioris formam fuisse constructum, eisdemque locis altaria & cetera omnia collocata, quibus antea fuerant. De his ita *Iosephus*: m. *Sublatis deinde veteribus fundamentis, & nouis repositis, desuper templum exstruebat longitudine centum cubitorum, (qua fuit in primo sexaginta) altitudine totidem, & viginti amplius, qui viginti cubiti, aliquando post sidentibus fundamentis decesserunt, eosq̃, denudò addere curauerunt nostri, &c. Neronis temporibus*. Et alter *Iosephus*: *Habuit autem illud templum, quod Herodes rex erexit, centum cubitos in longitudine, & centum in latitudine, in altitudine autem centum & viginti, in medio scilicet altitudinis edificij, & fundamenta desubtus decem tenebant cubitos*.

XI.  
n. Lib. 6. de  
bel. c. 6.

Quòd verò latitudinem centum cubitorum fuisse dicit, non de interiori latitudine intelligendum est, quia *Iosephus* n. viginti tantum cubitorum fuisse docet, sed de exterioris faciei templi latitudine additâ parietum templi domuncularum, siue cellarum hinc inde constructarum crassitudine. *Iosephus*: *Constabat autem structura ex lapidibus candidis firmissimis, magnitudine viginti quinq̃, cubitorum in longum, octo in altum; latitudine verò cubitorum duodecim*. Consentit omninò & alter *Iosephus*, atque addit: *Vnam & eandem mensuram habebant omnes lapides à fundamento edificij usque ad summitem eius*. *Iosephus*: *Habebatq̃, Basilica similitudinem, hinc & inde humilior, media sui parte excelsum, à multis stadijs conspicuum, maximè ex aduerso habitantibus aut aduentantibus*. Eadem habet & alter *Iosephus*.

Plura curiosus Lector de his reperiet apud *Riberam* libro parti-



particulari de templo, *Ariam Montanum, Andream Masium, & supradictum vtrumque Iosephum.*

CAPVT III.

TEMPLORVM IVDÆICORVM  
ORNATVS, SPLENDOR, MAGNIFI-  
CENTIA, ET CVLTVS.

**D**AVID parauit in sumptus templi tantum auri, argenti, & lapidum pretiosorum, vt incredibile videatur. *a.* Et quidem si de ornatu templi *Salomonis* exteriori testimonium *S. Scripturæ* attendimus, ita de eo legitur: *b.* *Præcepitq; Rex vt tollerent lapides grandes pretiosos in fundamentum templi, & quadrarent eos.* Iosephus sic habet: *c.* *Iecit igitur Rex in altissimâ terra profunditatem fundamenta templi, è saxis validissimis, quæ contra omnem temporum iniuriam resistere possent, ita vt cum contigua terrâ coalita, solum ac firmamentum imponendis substructionibus præberent:* & propter inconcussam soliditatem, facile molem ædificij cum apparatu ornamentorum sumptuosissimo perferrent, non minorem admirationem habitura, quàm quæ supernè ad amplitudinem, pulchritudinem, & magnificentiam operis per artifices elaborata sunt. *Exstruxeruntq; illud vsque ad lacunar ex alto lapide, &c.*

De summitate verò domus, hæc ait Scriptura: *Texit quoque domum laquearibus cedrinis:* tectum videlicet supremum, vt rectè ait Ricardus: *Et edificauit tabulatum super omnem domum quinque cubitis altitudinis, & operuit domum lignis cedrinis.* Beda d. Turriculas significat, ( id est, latera siue parietes in modum propugnaculorum, aut minarum factos ) quæ in supremo domus tecto per circuitum erant factæ, ne quis ad altiora perueniens, repente laberetur ad ima.

De lapidibus totius domus, & de toto ædificio ait: *Domus autem cum edificaretur, de lapidibus dolatis atque perfectis adificata est, & malleus, & securis, & omne ferramentum non sunt audita in domo, cum edificaretur.* Quod recentiores *Hebraei*, genus hominum, fabularum appetentissimum, ideò factum tradunt, quòd *Salomon*

I.

*a. 1. Paral. c. vlt. & penult. & l. 2 c. 3. 4. 5. b. Lib. 3. Reg. 5. c. Lib. 8. Antiq. c. 2.*

II.

*Templi tabulatum quale? d. Cap. 9.*

III.

Quando & quomodo lapides feci? e. 3. Reg. 5. f. q. 12. huiuscap.

haberet sanguinem cuiusdam vermiculi, qui vocatur *Thamir*, quo aspersa marmora faciliè secabantur. Verùm inane est eorum commentum & ridiculum: legimus enim e. lapides templi dolatos fuisse priùs à cementarijs, non ergò in sanguine vermiculi, sed ferramenti factum est. Quomodo hoc factum sit, Scriptura ipsa docet, vt benè adnotat *Abulensis*, f. & communis sententia. Videlicet lapides dolabantur in monte ipso, vnde excidebantur, & ita perfecti ac parati ducebantur in templum, vt nullo ferramento opus esset, vt aptè inter se cohærent, quia præpositi latomorū omnes parietum, & lapidum, & angulorum mensuras tenebant.

IV. Item ligna. Giblij qui?

Atque idem dicendum est de lignis, ita enim legimus: *Præcepitq; Rex vt tollerent lapides grandes, lapides pretiosos in fundamentum templi, & quadrarent eos. Quos dolauerunt cementarij Salomonis, & cementarij Hiram. Porro Giblij præparauerunt ligna & lapides ad edificandum domum.* Est autem Giblos aut Gibel vrbs Phœnices, huiusmodi peritis artificibus abundans.

V. Indei quā liberales in templum.

*Indei qui ex captiuitate Babylonicā cum Zorobabele redierunt, ad templum restituendum contulerunt auri drachmarum vnam, & LX millia, argenti minarum quinque millia, & sacerdotales tunicas centum. g.*

g. 1. Esd. 1. VI. Templum Heliopolitanum à quo, & cur ædificatū.

*Onias, Pontificis Oniæ filius, posteaquam Menelao patruo sublato Pontificatum Alcimo profano homini ab Antiocho Eupatore rege concessum animaduertit, cū sibi tamen hereditario iure deberetur: profugus Alexandria degebat apud Ptolomæum Philometorem. Videns Indeam vastatam à Macedonibus eorumque regibus, & sibi æternam memoriam parare volens: decreuit à rege Ptolomæo & reginā Cleopatram per litteras petere, vt sibi liceret in Ægypto instar illius Hierosolymitani templi ædificare, & in eo Leuitas & Sacerdotes ex suo genere constituere. Hoc autem consilium cepit fretus maxime prophetæ Isaia vaticinio, qui ante DC. amplius annos prænuntiârat, fore omninò, vt templum aliquando Deo maximo ædificaretur in Ægypto, idque hominis Indei operâ. Ptolomæus annuit, & in regione Heliopolitanâ locum concessit. h.*

h. Ioseph. lib. 13. c. 6. Antiq. & 1. 7. c. 30. bel,

*Verùm perperam locum illum Isaia interpretatus est Onias; nil enim tale voluit Isaïas; nam Onias vituperatus fuit à Indeis, qui merito*



meritò hoc eius factum improbârunt; quia non licebat in lege veteri extra *Ierusalem* altare, vel templum Deo erigere: illi verò altaris erectores laudantur ab *Isaiâ*.

De sumptu ab *Herode* in templi restorationem facto, diximus supra. *Christus* ipse laudauit Viduam i quæ in Gazophylacium templi misit duo minuta, id est, omnem victum suum. Si ergò vidua illa rectè fecerit, in donaria Dei expendens omnem victum suum; non possunt argui, qui donant saltem partem bonorum suorum ad ornandam Dei domum.

CAPVT IV.

TEMPLORVM DEDICATIO, ET  
ENCÆNIORVM DIES IN LEGE  
MOSAICA.



N statu legis ad manum est *Moyſes*, qui ex mandato Dei Tabernaculum cum vasis suis oleo vñctionis inunxit, vt sanctificarentur. Similiter altare holocausti, & omnia vasa eius, a. eamque cæremoniam Deo gratam fuisse, colligitur primò ex eo quòd ab illo præcepta fuerit. Secundò, quòd postquam ea perfectà fuerat, operuerit nubes Tabernaculum, & gloria Domini impleuerit illud.

Completo templo suo *Salomon* illius dedicationem maximà cum exultatione & sollemnitate celebrauit, eamque describit historia Regum, b. ac inter alia hæc leguntur. *Igitur Rex & omnis Israël immolabant victimas coram Domino* (nempe postquam arcam & omnia vasa sanctuarij quæ erant in Tabernaculo, ipsumque tabernaculum testimonij intulissent Sacerdotes in templum, aduocatis omnibus maioribus natu, principibus tribuum & Ducibus familiarum filiorum *Israël*,) *Maclauitq; Salomon hostias pacificas, quas immolauit Domino, boum 22000. & ouium 12000. & dedicauerunt templum Domini rex & filij Israël. In die illa sanctificauit Rex medium atrij, quod erat ante domum Domini: quippe fecit holocaustum ibi & sacrificium, & adipem pacificorum: quoniam altare æreum quod erat coram Domino, minus erat, & capere non poterat holocaustum*

VII.

i. Matth. 12.

I.

Tabernaculum dedicatum à Moyſe,  
a. Exodi 40. v. 9. 10.

II.

Dedicatio Templi Salomonis.  
b. Lib. 3. c. 8.  
2. Praal. 5. &c.

locustum, & sacrificium, & adipem pacificorum. Fecit ergò Salomon in tempore illo festiuitatem celebrem, & omnis Israël cum eo; multitudo magna ab introitu Emath vsque ad riuum Aegypti, coram Domino Deo nostro, septem diebus, & septem diebus, idest, quatuordecim diebus. Et in die octauâ dimisit populos: qui benedicentes Regi profecti sunt in tabernacula sua letantes, & alacri corde super omnibus bonis qua fecerat Dominus David seruo suo, & Israël populo suo.

## III.

Ter dedicatum fuit templum.  
c. Esdræ. 6.  
d. 1. Mach.  
4. v. 52.

Ter autem templum dedicatum fuit. Primum cum à Salomone constructum est, de quo paulò antè. Secundò, cum reedificatum fuit post captiuitatem Babylonicâ. c. Tertiò, quando ex parte dirutum & pollutum à gentibus, mundatum & dedicatum est tempore Iudæ Machabæi. d. Et ante matutinum surrexerunt quinta & vigesima die mensis noni (hic est mensis Casleu) centesimi quadragesimi octauis anni, & obtulerunt sacrificium secundum legem super altare holocaustorum nouum, quod fecerunt. Secundum tempus & secundum diem, in qua contaminauerunt illud gentes, in ipsâ renouatum est in canticis, & cytharis, & cinyris, & in cymbalis, & fecerunt dedicationem altaris diebus octo, & obtulerunt holocausta cum letitiâ, &c.

## ENCÆNIORVM DIES.

IV.  
Encæniam  
vnde dicta.

c. Tract. 48.  
in Ioan.  
Quando instituta.

IN illius autem dedicationis & emundationis, quam fecerunt Machabæi, memoriam, fiebant singulis annis Encæniam (quod nomen Græcum est à verbo ἐγκαίνισεν, quod est renouare, initiari, dedicare; Græcè καὶνός, nouum dicitur, ait S. Augustinus: c. ac usus obtinuit, inquit, ut si quis nouâ tunicâ induatur, encæniam dicatur). De horum autem encæniorum institutione ita historia Machabæorum. Et statuit Iudas & fratres eius, & vniuersa Ecclesia Israël, ut agatur dies dedicationis altaris in temporibus suis, ab anno in annum per dies octo, à quinta & vicesima die mensis Casleu, cum letitiâ & gaudio. Idem scriptum est 2. Mach. 10.

f. Lib. 12.  
Antiq. c. 11.

De eadem etiam re hæc memoriæ mandauit Iosephus: f. Tanta verò letitia ob reductos ritus patrios, & priscam religionem occupauit gentis animos, maximè quod ea felicitas ex insperato obtigerat, ut lex lata sit ad posterum, qua inberet quotannis hoc festum reparari cum caeremonijs templi per octo dies celebrari, & ex eo tempore mos hic apud



apud nostros obtinuit, vocamusq; hanc festiuitatem Luminum opinor, idè, quòd ex insperato nobis illuxerit tanta felicitas &c. octo igitur diebus fiebant Encænìa, quia octo dies Iudæi in lætissimâ illâ templi dedicatione consumpserunt.

## CAPVT V.

DE FORMÆ TEMPLI VETERIS A  
SALOMONE ÆDIFICATI SIGNI-  
FICATIONE.

**V**AMVIS Tabernaculum & templum vetus figuram expresserint templorum, quæ in lege Euangelicâ ad Dei cultum exhibendum erigenda erant: nihilominus in isto templo, scilicet à Salomone ædificato, quatuor expositiones à veteribus considerantur, iuxta quadrifarium sensum qui Scripturæ sacræ tribuitur. Iuxta historiam enim significatur in eo ædificium illud Dei cultui dicatum: Iuxta allegoriam corpus Christi Domini, de quo Ioannes: *a. Soluite templum hoc, & in tribus diebus excitabo illud*; quod Euangelista exposuit, inquiens: *Ille autem dicebat de templo corporis sui, quem sensum persequitur Rupertus. b. Significat enim Ecclesiam Catholicam: quæ est domus Dei. Vt scias quomodo oporteat te in domo Dei conuersari, quæ est Ecclesia Dei vini.* Iuxta Tropologiam, significat templum, quod per poenitentiam & alias virtutes Deo in animâ nostrâ erigimus, vt semper nobiscum habitet, cuius rei causâ dicitur: *c. Nescitis quia templum Dei estis, & Spiritus Dei habitat in vobis?*

I.

Templum  
allegoricè  
quid signet?

a. Cap. 2.

b. Com-  
mentin 3.  
Reg.

c. 1. Cor. 3.

Anagogico sensu significat regnum celestis beatitudinis, seu potiùs Ecclesiam triumphantem, in quâ Deus habitat vt in domo gratissimâ, Si enim Ecclesia militaris, in quâ sunt multi peccatores, & qui iusti sunt, sine venialibus peccatis non viuunt, domus & habitaculum Dei dicitur: quanto magis Ecclesia triumphans, in quâ nullum peccatum est, sed iustitia & sanctitas, & perpetua Dei laus, iuxta illud: *d. Beati qui habitant in domo tuâ Domine, in sæcula seculorum laudabunt te?* Hunc sensum ostendit nobis Dauid in

II.

Item Ana-  
gogicè,

d. Psal. 83.

eodem Psalmo : *Quàm dilecta tabernacula tua Domine virtutum! concupiscit & deficit anima mea in atria Domini.*

Communi-  
or expli-  
catio.

Ex his sensibus celebrior est apud Patres ille de Ecclesiâ militante, quem accuratiùs paulò post explicabimus, non tamen ita ut reliquos penitus omittamus.

### III.

c. Psal. 71.

Templum igitur à *Salomone* ædificatum per septem annos, Ecclesiam significat, quæ à rege pacifico & vero *Salomone* (de quo dictum est : *e. Orietur in diebus eius iustitia, & abundantia pacis, donec auferatur luna*) ædificatur per totum huius sæculi tempus, quod septenario numero intelligitur, quia per septem dies, totum sæculi tempus deuoluitur, & nascentibus electis, quasi noui lapides proferuntur ad ædificium.

### IV.

f. Esther 1.

Anno quarto regni *Salomonis* fundatur, mense *Zio*, qui est mensis secundus, & anno vndecimo absoluitur, mense *Bul*, qui est mensis octauus. Primus annus regni huius *Salomonis* fuit tempus legis naturæ, secundus fuit tempus legis scriptæ, tertiæ fuit tempus, quo *Christus* inter homines homo versatus est, quo fecit conuiuium magnum prædicationis suæ, & præsertim Corporis ac Sanguinis sui, optimatibus suis, id est, Apostolis, sicut de Rege *Assuero* in eius figuram scriptum est : *f. Tertio igitur anno imperij sui fecit grande conuiuium cunctis Principibus & pueris suis, fortissimis Persarum, & Medorum inclytis, & Præfectis Prouinciarum coram se.* Quartus annus est tempus prædicationis Apostolorum, quo, intrante multitudinem gentium, ædificari vbique cœpit Ecclesia, sicut ait.

g. Rom. 10.

Apostolus : *g. Sed dico : Numquid non audierunt? Et quidem in omnem terram exiuit sonus eorum, & in fines orbis terra verba eorum.* Præterea quarto anno etiam *Christi* ædificata est Ecclesia, quia quarto anno prædicationis eius inchoata, id est, ex quo baptizatus est, & discipulos habere cœpit, fundata est Ecclesia ipso moriente, & legem veterem antiquante, ac noua Sacramenta Ecclesiæ suæ relinquente. Eleganter autem dictum est, mense secundo, ut *Beda h. & Angelomus* adnotarunt, ut intelligamus templum fundatum fuisse peracto jam Pascha, quod videlicet primo mense celebrabatur. Scriptum tamen est : *i. Homo qui fuerit immundus super animâ, siue in viâ procul, in gente vestrâ faciat Phasè Domino in mense secundo.*

h. Cap. 2.

i. Num. 9.



*secundo.* Immundus super animâ dicitur, qui ex contactu hominis mortui immundus est: homo enim anima vocari solet per synecdochem. Quia igitur plurimi ex *Indeis* & Gentiles non celebrant Pascha mense primo, cum immolatus est agnus, id est, non crediderunt cum Dominus crucifixus est, sed immundi erant super animâ, qui mortuum contigerant, id est, pleni erant peccatis, quæ sunt opera mortua & immunda, & erant in viâ, id est, remoti ab Ecclesiâ, vt ait S. Paulus: *k. Vos qui aliquando eratis longè, facti estis propè in sanguine Christi,* celebrauerunt Pascha mense secundo, id est, crediderunt in IESVM Christum crucifixum, & ita ædificari cœpit Ecclesia.

k. Ephes. 2;

Verum anno octauo, & octauo mense consummatum est templum in omni opere suo, & in omnibus utensilibus suis, quia cum vniuersus numerus electorum expletus fuerit, & illi omnibus suis virtutibus & meritis absoluti fuerint, in die iudicii vniuersa Ecclesia electorum in cælum transferetur, & nihil illi deerit, quia plenè Deum possidebit, & habebit illud: *Ostende nobis Patrem, & sufficit nobis,* vt ait Beda. l. Vbi mox subiicit: Constat enim quòd dies iudicii sæpè in Scripturis octonario numero typicè exprimitur, eò quòd hoc sæculum, quod septem diebus currit, sequatur. Vnde & Propheta Psalmo titulum pro octauâ imposuit, quem ob meritum eiusdem districti Iudicis cantauit, ita incipiens: *Domine ne in furore tuo arguas me, neque in irâ tuâ corripas me, &c.*

V.

l. Cap. 17.

Sed cur anno quadringentesimo octogesimo egressionis filiorum *Israël* ex *Aegypto* fundatum est templum? Tabernaculum figura fuit Synagogæ, templum autem figura fuit Ecclesiæ ex gentibus congregandæ, teste Beda, m. Tabernaculum enim factum est, dum tempus veniebat templi faciendi, & vt venit, desijt in honore esse tabernaculum, & templum ab omnibus visebatur: ita lex vetus data est, donec veniret noua, & Synagoga stabat, donec tempus veniret ædificandæ Ecclesiæ.

VI.

Tabernaculum Synagogæ; Templum Ecclesiæ figura fuit. m. Cap. 5.

Tabernaculum ab *Hebrais* factum est principe *Moyse*, templum autem ab *Hebrais*, & *Gentilibus* ædificatum est rege *Salomone*, accersitis videlicet *Tyrijs* & *Sidonijs*, & *Giblijs* artificibus: Synagoga enim *Hebraeos* magistros habuit, Ecclesia autem ab Apostolis

VII.

ædificata

n. Cap. 2.

ædificata est, & ab eorum discipulis, id est, à Doctoribus ex Gentilitate vocatis à Christo, sicut Salomon accersit artifices ex Tyro & Sidone, & ex Giblīs. Quoniam igitur quadringentis octoginta annis Tabernaculum stetit, totum tempus veteris legis & statūs Synagogæ totidem annis significatum est, & statim abrogatâ veteri lege, desijt in honore esse Synagoga, & omnes Gentes conflueræ cœperunt ad Ecclesiam, juxta illud Isaia: n. *Et fluent ad eum, omnes gentes, & ibunt populi multi, & dicent: Venite & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius.*

VIII.

Dedit David filio suo descriptionem templi, & omnium quæ in eo futura erant, quia Deus Pater Christo filio suo demonstravit, quomodo Ecclesia esset ædificanda & gubernanda, &c. Dedit illi aurum, & argentum, & æs, & materiam cedrinam, quia demonstravit illi electos, ex quibus (quamvis & multos ex ijs, qui damnandi sunt, habeat) ædificanda erat maximè Ecclesia, & dedit illi doctrinam Euangelicam; & virtutes ac dona; quibus electi instruerentur, & ornarentur.

IX.

Cur in monte Moriâ templum fundatum.  
o. Isa. 2.  
Michææ 4.  
p. Matth. 5.

Ædificatur templum in monte *Moria*, id est, in monte visio- nis siue excelso, quia Ecclesia excelsa est, & super omnem doctrinam humanam, & super omnes Respublicas eleuatur. o. *Et erit in novissimis diebus præparatus mons Domini in vertice montium, & eleuabitur super colles.* In monte etiam ædificatur, quia illustris est, & vndique videtur. p. *Non potest abscondi ciuitas supra montem posita, & ipsa proxima cælo est, & apta vt ex eo videantur arcana cælestia, quæ ex nullo alio loco videri possunt.*

X.

Cur in aræ Ornan?

Ædificatur in aræ Ornan, non Hebrai, sed quem Scriptura non tacuit esse *Iebuseum*, quia non in Iudaâ solum, sed in locis gentilium, id est, in vniuerso orbe, Ecclesia erat ædificanda.

Ornan est exultans, *Iebuseus* conculcatus, quia Gentiles qui prius à vitijs conculcabantur, & ab immundis spiritibus, admissi in Ecclesiam exultauerunt, acceptâ Dei gratiâ, & spe futurorum bonorum. *In quem nunc non videntes creditis, credentes autem exultabitis latitiâ inenarrabili.* q.

q. 1. Pet. 1.

XI.

Rectè quoque ædificatur in loco eodem, quo Abraham immolare



molare voluit filium suum, & arietem immolauit, quia Ecclesia in fidem & cultum veterum patrum succedit, sicut ait Apostolus: *r. Habentes eundem spiritum fidei, sicut scriptum est: Credidi propter quod locutus sum, & nos credimus, propter quod & loquimur.* Nos enim in eundem Deum credimus & eundem cum illis Deum inuocamus & colimus, non quidem ijsdem sacrificijs, sed illo tamen, quod significabatur in Isaac, & in ariete, & in omnibus sacrificijs.

Templum versum erat ad Orientem, & portam magnam habebat, quâ totum orientis solis lumine perfundebatur, quia Ecclesia Christi, qui Sol iustitiæ est, radios plenissimè excipit, atque ita ab eo illuminatur, vt columna dicatur, & firmamentum veritatis, & omnibus hominibus in maximis tenebris versantibus, ipsa sola luce plena est, nec villo modo errare potest in credendis, aut agendis. *s. Et creauit Dominus super omnem locum montis Sion, & ubi innocatus est, nubem per diem, & fumum & splendorem ignis flammantis in nocte.* Alludit ad expressam huius rei figuram, cum populus in terram promissionis tendens, per diem columnâ nubis ducebatur, per noctem columnâ ignis, vt dux esset itineris eius utroque tempore. *t. Sed apertissimè Isaïas: u. Surge, illuminare Ierusalem, quia venit lumen tuum, & gloria Domini super te orta est. Quia ecce tenebræ operient terram, & caligo populos, super te autem orietur Dominus, & gloria eius in te videbitur, &c.*

Porrò Venerabilis Beda noster piè & solidè, etiam exponit mensuram templi huius, & tres illius partes, insuper ostia & vela tam oraculi, quàm domus exterioris, & porticus: Item tres ordines cellarum, aliaque illius fabricam concernentia; quæ omnia studiosus lector reperiet apud Riberam *x.* multis capitibus dedu-

cta. Nos ijs omissis de ornatu quod is magis nostro proposito seruiat; eiusque mysticâ significatione, pauca ex eodem adferemus,

*r. 2. Cor. 4.*

**XII.**  
Versus Orientem,

*s. Isa. 4.*

*t. Exod. 13.  
u. Isa. 60.*

**XIII.**  
Mensura Templi.

*x. Lib. 1.  
de templo.*

\*\*\*

# ORNATVS TEMPLI MYSTICA, ANAGOGICA, & ALLEGORICA SIGNIFICATIO.

## I.



a. 1. Cor. 3.

b. Cap. 4.

c. Act. 4.

d. Cap. 28.

De ornatu

exteriori

1. Funda-

mentum

quale.

e. Ephes. 2.

f. Beda c. 4.

g. 1. Ethic.

cap. 10.

**F**UNDAMENTVM domus quodnam sit, aperte *Pantus* a. ostendit: *Fundamentum autem nemo potest ponere praeter id quod positum est, quod est Christus IESVS. Qui, ait Beda, b. recte ideo fundamentum vocatur, quoniam, ut Petrus dixit, c. Non est aliud nomen sub caelo, datum hominibus, in quo oporteat nos saluos fieri. Verum hic est primus lapis aedificij, lapis angularis ceteros continens atque connectens; de quo Isaias: d. Ecce ego mittam in fundamentis Sion lapidem, lapidem probatum, angularem, pretiosum, in fundamento fundatum. Sed lapides de quibus nunc loquitur, sunt Apostoli & Prophetæ, sicut exponit Apostolus. e. Superadificati super fundamentum Apostolorum & Prophetarum, ipso summo angulari lapide Christo IESV. Ideo eleganter dictum est: Præcepitq; Rex ut tollerent lapides grandes pretiosos in fundamentum templi, & quadrarent eos. Fuerunt enim Apostoli & Prophetæ quadrati, id est, ex omni parte excisi, & politi, & æquales. f. Qui benè lapides primò quadrati, ac sic in fundamento poni iubentur. Quadratum namque omne, quocumque vertitur, fixum stare consuevit. Cui nimirum figuræ corda assimilantur electorum, quæ ita in fidei firmitate consistere didicerunt, ut nulla occurrentium rerum diuersitate, nec ipsa etiam morte à suâ rectitudine status possint inclinari, &c. Significat quadratum, ut in talibus videmus, quomodocumque proijciatur, semper rectum stare, ideoque de viro bono & forti scripsit Aristoteles. g. Fortuna namq; feret pulcherrimè, & omni ex parte concinnè ac æqualiter, quippe qui verè bonus atq; quadratus est.*

## II.

2. Testum.

h. Cap. 9.

Domus tecta erat laquearibus cedrinis, quia perfecti, quos in hac supremâ contignatione significari diximus, omni virtutum varietate decorantur. *Cedrus, inquit Beda, h. arbor est imputribilis omninò natura, odoris iucundi, aspectus nitidi, serpentes accensa*  
nidore



nidore fugans ac perimens. Quæ perfectis quibusque conueniunt, quorum insuperabilis est patientia, forma virtutum eximia, præsentia cunctis gratissima, bonis auctoritas ad reuincendos confutandosque eos, qui veritati resistunt, constantissima; qui & in hac vita, & in futura singulari præ ceteris sanctis eminentia fulgent, &c. Suprema autem, atque extrema domus pars cælum spectans, super quam tabulatum quing. cubitorum altitudinis adificatum est, ne ascendentes caderent, beatitudinem caelestem significat, quæ tota in Dei aspectum conuertitur, & cedrina est, id est, immortalis & tutissima, unde nemo decidere vlllo euentu potest. i.

i. Bedaib.

III.

3. Altiundo.

Quinque cubitos altitudinis habet, quoniam (vt idem scribit) ita nos in illâ patriâ diuinæ præsentia claritatis adimplet, vt nihil aliud visus noster, nihil auditus, nihil olfactus; nihil gustus, nihil tactus dulce habeat, nisi diligere Dominum DEVM nostrum ex toto corde, totâ animâ, tota virtute: Diligere & fratres tamquam nos ipsos.

Lapides totius domus dolati atque perfecti fuerunt, & malleus, & securis, & omne ferramentum, non sunt audita in domo dum ædificaretur. Lapides, ex quibus totum domus ædificium, constat, quatenus vt primum quoddam subiectum consideratur, tabularum cedrinarum, & cælaturarum, & auri, naturam nostram significant, cui decor gratiæ accedit & virtutum: quatenus verò domum ipsam constituunt, & domus ipsa sunt; indicant, beatos, qui lapides sunt cælestis templi, domumque illam beatam, atque supernam Hierusalem conficiunt.

IV.

4. Lapides.

Vt ergo lapides in monte ipso, vnde excidebantur, dolabantur, & quadrabantur, vt in templo collocarentur, nec ad dolationem vllum ferramentum audiebatur: ita electi in hac vitâ laboribus & ærumnis exercentur, & dolantur, (vt ait Beda) k. vt castigazione cessante solo amoris glutino quo inuicē copulentur, vno impleti spiritu perfundantur. Quod eleganter in Ecclesiastico hymno indicatum est:

V.

*Tunsonibus, pressuris expoliti lapides,*

*Suis coaptantur locis per manus artificis,*

*Disponuntur permansuri sacris adificijs.*

Potest iuxta sensum in tabulis cedrinis, quibus teguntur lapides, perpe-

k. Capi 7.

perpetuitas beatitudinis significari, in laminis aureis fulgor atque præstantia maximè eiusdem beatitudinis: in cælaturis, varietas ac multitudo gaudiorum, quæ & perpetua sunt: & ideò cælaturæ factæ sunt in tabulis cedrinis; & eximium fulgorem atque admirabilem præstantiam habent. Et ideò cælaturæ etiam sunt in auro: quidquid enim gaudij est in vitâ hac, non magis cum gaudijs illis comparari potest, quàm terra cum auro.

## VI.

## 5. Clauis.

Clauis quibus hæc connectuntur, sunt dulcissimi affectus amoris. Verùm hæc ad Anagogicum sensum spectant. Iuxta priorem, lapides dolantur, vt non audiat ferramentum cum domus ædificatur. Quoniam vt templum DE I efficiamur, id est, vt non solum gratiam habeamus, sed tales etiam simus, vt in nobis diu, quasi in propriâ domo permaneat DE vs, & conquiescat, exercitatione virtutum naturam nostram dolare atque expolire debemus, id est, affectus nostros comprimere, vt ita domus DEI ædificetur.

## VII.

## 6. Fenestræ.

l. Loc, cit,  
m. Matth. 5.

Fenestræ templi (vt ait Beda) l. doctores Ecclesiæ sunt, qui dum fidei mysteria & facienda docent, per eos lux ad reliquos ingreditur. Ideò dictum est: m. *Vos estis lux mundi.* Fenestræ obliquæ sunt, (eodem auctore) quia nimirum necesse est, vt quisquis iubar supernæ contemplationis vel ad momentum percepit, mox sinum cordis ampliùs castigando dilatet, atque ad maiora capeßenda solerti exercitatione præparet, &c.

Sunt etiam introrsum latiores, quia etsi magna latitudo caritatis cerni in eis debet exterius, maior intus debet in corde feruere. In corpore *Christi* fenestras interpretari possumus vulnera, quæ cum magnam ostendant caritatem, multò tamen maior erat in corde eius intus.

## VIII.

Erant autem fenestræ in tribus lateribus templi, id est, in omnibus, præterquam in orientali, & in omnibus contignationibus, quia omnium condicionum homines lumine solis iustitiæ indigent, quod per Doctores Ecclesiæ, & per spirituales viros diffunditur. Latus orientale, quia magnam habet ianuam, & orientis solis radijs plenissimè perfunditur, fenestris non indiget; quia pars illa Ecclesiæ, quæ plenè à Deo illuminatur in beatitudine, non



ne, non necesse habet ab hominibus doceri. *Et ciuitas non eget sole, neq; lunâ vt luceant in eâ: nam claritas D E Illuminauit eam, & lucerna eius est Agnus. n.*

Tabulæ cedrinæ quibus tota domus tegebatur, insuperabilem virtutum præstantiam ac venustatem significant, vt ait Beda. o. Est enim cedrus arbor odorata & incorruptibilis: & quia filij Ecclesiæ totiesse debent virtutibus pulchri, & odore pleni boni exempli, perseuerantiaque in bonis operibus venerabiles, rectè domus tota cedro tegitur. Tabulis cedri omnia vestiebantur, nec omninò lapis apparere poterat in pariete, quoniam talis debet esse vita nostra, vt naturæ vitia omninò si fieri posset, abscondantur, & solæ virtutes in nobis appareant, quod Sancti per gratiam Christi imperfectè in hac vitâ obtinent, sed in futurâ plenè atque perfectè obtinebunt.

Pauimentum tegebatur tabulis abiegnis, quia nostræ paruitatis cognitio, id est, humilitas, firma debet esse in nobis, & semper virens dum hic viuimus. Pauimentum autem oraculi tegitur tabulis cedrinis, quia in beatis firma & incorruptibilis est hæc sui ipsorum cognitio, & odorem suauem emittit, id est, Deo gratissima est, & ceteris beatis.

Tabulæ omnes torno expolitæ sunt, quia virtutes nihil habere debent informe aut impositum, sed omnia ad regulam rationis diuinæque legis facienda sunt. Iuncturas habent fabrefactas, quia virtutes inter se iunctæ & connexæ sunt, & altera pendet ex alterâ. Calaturas eminentes habent, quia prodire foras habent, ad laudem Dei, & exemplum fratrum. In calaturis sunt palmæ, id est, crebræ nostri ipsorum victoriæ, *Cherubim*, id est, vitæ & puritatis Angelicæ imitatio, & flores, id est, varia bonorum operum pulchritudo.

Laminis aureis omnia tegebantur, quia aurum charitatem significat, iuxta illud: p. *Suadeo tibi emere à me aurum ignitum & probatum, vt locuples fias.* Charitas autem est ornamentum & pulchritudo bonorum omnium. Laminæ sunt quadræ ad regulam, vt nullus hiatus appareat, quia iuxta regulam diuinæ voluntatis nihil esse debet in operibus nostris, quod non sit cum charitate coniun-

n, Apoc. 21,

IX.

Ornatus interioris significatio: o. Cap. 11. Quid per tabulas cedri significatum.

X.

Pauimentū ex tabulis abiegnis,

XI.

XII.

Laminæ aureæ, p. Apoc. 3.

Etum, Habent laminæ suas cælaturas eminentes, quia charitas latere non debet, sed foris prodire: ita tamen vt illa cælaturis tabularum respondeat, quia vna debet esse & eadem virtutum, charitatisque manifestatio, id est, nec virtutes sine charitate manifestandæ sunt, nec charitas sine virtutibus. Clavi aurei sunt verba Scripturæ, cælestes promissiones continentia, & timorem DEI docentia, quibus in virtutum studio continemur ne deficiamus.

q. Ecclel. 12.

*Verba sapientum quasi stimuli, & quasi clavi in altum defixi. q.*

XIII.

r. Cap. 12.

Appendebant autem quinquagenos siclos, quoniam quinquagenario numero significatur in Scripturâ, vt ait Beda, *r. remissio peccatorum, & gratia Spiritus sancti, & æterna requies.* Psalmus enim quinquagesimus est remissionis, & annus Iubilei quinquagesimus est, & Spiritus sanctus quinquagesimo die descendit in Apostolos. Verba autem diuina quibus in bonis operibus continemur, remissionem nobis peccatorum pollicentur, & gratiam Spiritus sancti, & æternam requiem.

In pauimento nullæ erant cælaturæ, quia humilitas videri refugit, & latere atque conculcari cupit. Habet quidem & ipsa opera sua externa, sed hæc maximè ostendit, dum se planam, & æqualem, & calcabilem præbet.

## CAPVT VII.

### TEMPLI SALOMONICI MAGNIFICENTIA IN QVIBVS CONSTITERIT.

I.  
Templi  
magnifi-  
centia.



**M**AGNIFICENTIA Templi quanta & quàm eximia fuerit, ex varijs conijci potest. Primò, quòd Templum opus fuerit *Salomonis*, qui fuit rex sapientissimus, opulentissimus & magnificentissimus.

II.

Secundò, quòd templum factum sit ad ideam non hominis, sed DEI ipsius, qui illam dedit *Dauidi*, vt eam traderet *Salomoni*. Volebat enim Deus vt *Iudeis* & hominibus rudibus, qui DEVM & diuina æstimare & ponderare nesciunt, diuina maiestas in templi magnificentia repræsentaretur, vt ex illâ discerent eum æstimare, reuereri



reuereri & admirari. Hanc causam dat Salomon a. dicens: *Domus quam edificare cupio, magna est. Magnus est enim Deus noster super omnes deos.* a. 2. Paral. 2.5.

Tertio ex eo quod templum hoc ab omnibus habitum sit orbis miraculum. Insuper parietes & laquearia eius tegebantur auro, ita ut omnia reniterent auro, & intrantium oculos fulgor undique occurrens perfringeret, ait Iosephus. b.

III.

b. Lib. 8. c. 2.

Quarto, ex numero operariorum & praefectorum; laborant enim in eo ducenta hominum millia & amplius, per septem continuos annos.

IV.

Quinto, ex opibus ad templi fabricam Salomoni relictis. Reliquit enim ei pater David, c. centum millia talentorum auri, quae ad nostram monetam redacta faciunt mille & ducentos milliones. Millionem voco decies centena millia aureorum. Insuper reliquit ei mille millia talentorum argenti, quae tantundem efficiunt, puta mille & ducentos milliones auri. Libra enim una auri olim valebat decem libras argenti. Vniuersum ergo reliquit ei bis mille & quadringentos milliones aureorum, praeter aes, ligna, lapides, ceteramque fabricae materiam innumeram, unde loco citato additur: *Eris vero & ferri non est pondus, vincitur enim numerus magnitudine.*

V.

c. 1. Paral. 22. 14.

Sexto, malleus & securis, & omne ferramentum non sunt audita in domo cum adificaretur. Addit Iosephus: d. toto tempore quo templum struebatur, numquam interdum pluisse, noctu tantum imbribus descendantibus, ne interromperetur aedificatio, licet Iosephus ibi proprie loquatur de templo Herodis.

VI.

d. In fin. l. 15.

Septimo, Hebraei decem mira & quasi miracula templi recensent, penes quos sit fides. Primum, Numquam abortiuit mulier propter carnis nidorem in sanctuario. Secundum, numquam foetuit caro sanctuarii. Tertium, neque conspecta fuit musca in domo mactationis. Quartum, non accidit casus nocturnus sacerdoti magno in die expiationis. Quintum, non extinxerunt pluuia ignem qui erat in strue lignorum. Sextum, non vicit ventus columnam fumi. Septimum, non repertum ullum vitium in Gomer, nec in duobus panibus, nec in panibus facierum. Octauum, stabant coarctati, & adorabant dilatati, Nonum, numquam

VII.

Templi 10. miracula,

*laſit aliquem ſerpens & ſcorpio in Hieruſalem. Decimum, nec dixit ho-  
mo ſocio ſuo : anguſtior eſt mihi locus quàm vt poſſim pernoctare Hiero-  
ſolymis.*

## PARS III. TEMPLORVM APVD GENTILES ANTIQVITAS.

### CAPVT I.

I.



VAMVIS idololatræ in verò DEI cultu hallucinati fuerint, tamen religione tacti, quæ quodammodo naturalis hominibus eſt, illis quos Deos putarunt, & cultum & templa dedicarunt, eaque religioſè venerati ſunt, quamdiu errore faſcinati remanſerunt, donec affulſit veritatis ſol, & cognitio veri Dei, quo illuſtrati, ſublatis idolis, clauſis & dirutis eorum templis, ad veram Dei cognitionem adducti ſunt. Dedicabant templa & apud illos ſacriſiculi, ſive ſuperſtitionis eiſdem Pontifices, vt liquet ex Fl. *Vopifco*, *a.* & *Linio*. *b.*

*a.* In Aurel.  
*b.* Lib. 9.

Erant gratitudinis erga diuinum numen, templorum dedicationes, etiam inter Ethnicos cultores teſtimonia.

II.

Herculis  
templum.  
*c.* Plut. in  
Polit.  
Iani.

Templum *Herculi* dedicauit *Scipio*, & *Timotheus*, poſtquam Tyrannos *Siculos* eiecit, ædificauit aliud *Fortuna*, *c.*

Tempum *Iano Numa* dicauit, quod *Romanis* erat ſanctum : in quo *Iani* ſimulacrum erat æneum, non altius quinque pedibus, duarum facierum, quarum vna verſus orientem, alia occidentem ſpectabat. Erat ſacellum paruum formâ quadratâ duas habens portas, quarum vna tempore belli aperiebatur, & tempore pacis claudebatur. *Dio Caſſius d.* ſcribit templum *Iani* quod apertum erat in bello *Cantabrico*, clauſum fuiſſe victoriâ & pace obtentâ ab *Octauiano*.

*d.* Lib. 53.

III.

Aræ in mō-  
tibus, lucis,  
ſiluis,

In lege veteri in locis editioribus aras & delubra ſua habebant Ethnicî. Item lucos, ſiluas, aras, in quibus reſponſa petebant, & Dæmonijs ſacriſicabant. Siquidem in lucis colebantur

diuerſi



diuerſi Dij, prout illi dedicati erant ſeparatim : vnde religio extra vrbes maximè in lucis erat, vel iuxta delubra erant luci. Prohibuit illud Deus : *e. Non plantabis lucum, inquit, & omnem arborem iuxta altare Domini Dei tui: nec facies tibi neque conſtitues ſtatuum : quæ odit Dominus Deus tuus.* Nempe ne videaris imitari ſacros lucos Gentilium, & idolorum, præſertim *Priapi*. Sacra enim *Priapi* fiebant in lucis, vt obſcœnitates eius ijs tegerentur : vnde in hiſce lucis omnem turpitudinem exercebant.

*e. Deut. c. 16. v. 21.*

Meminit ſapè ſacra Scriptura, populum *Iuda & Iſraël*, concitaſſe iram Dei, & idèd à Deo punitum, quòd ædificafſet more idololatrarum ſibi aras & ſtatnas, & lucos ſuper omnem collem excelfum, & ſuper omnem arborem frondofam, quæ vocantur excelfa, & eorum Sacerdotes, Sacerdotes excelforum. *f.*

IV.

*f. 3. Reg. 14. v. 24. & c. 15. v. 13, & c. 12. v. 31.*

Rurſum ſcribitur *g.* quòd *Salomon* ædificauit ſanum *Chamos* Idolo *Moab*, in monte qui eſt contra *Ieruſalem* : cùm etiam idem ædificafſet domum Domini in *Hieruſalem*, in monte *Moria*, qui demonſtratus fuerat *Dauidi* patri eius in loco quem parauerat *Dauid* in areà *Ornan Iebuſai*. *h.*

V.  
*g. Ibid. 11. verſ. 7.*

In deſertis locis ſolebant plerumque iſti luci & excelfa conſtitui; & ſcribit *Cteſias, i.* in *Indià* eſſe locum ſacrum in tractu inhabitabili regionis, quem ſub nomine Solis & Lunæ venerarentur, ad quem à monte *Sardonis* eſſe quindecim dierum iter.

*h. 2. Paral. 3.*

*Perſæ*, quibus neque aras, neque ſtatuas, neque templa conſtruere moris erat, in editiſſimis quibuſque conſcenſis montibus *Ioni* hoſtias immolabant; *Iouem* autem omnem cali gyrum vocabant, & ita lunæ, ſoli, telluri, igni, ventis, ſacrificabant. *k.*

VI.  
*i. Lib. de reb. Perſic.*

Ceterum ex *Hetruſcorum* diſciplinâ, veteres, vt puto, moniti, non dijs omnibus, omni loco templa ponenda cenſuère. Nam qui pacis, qui pudicitix, qui bonis artibus præſent dijs, eos inter mœnia collocandos putauerunt, qui verò voluptatibus, rixis, incendijs, vt *Venus*, *Mars*, *Vulcanus*, eos excludere ex vrbibus ſolebant : tametiſi hoc non ita ratum fuiſſe ſemper, ex hiſtorijs videmus. *Veſtam* autem, *Iouem* & *Mineruam*, quos Deos tutores vrbium, ait *Plato*, in ipſarum medio & arcium locabant. *Vitruuius :*

VII.

*k. Plutar. in Pol.*

VIII.

Templa nō paſſim in vrbibus, ſed nonnulla extra vrbem,

*Ædibus, inquit, sacris, quorum Deorum maximè in tutelâ videtur civitas esse, ut Ioui, & Iunoni & Minervæ, in excelsissimo loco, unde moenium maxima pars conspiciatur, area distribuuntur. Neptunum ad maris littus statuebant, Ianum in excelsis montibus, quamquam & in foro. Æsculapium Romani in Insulâ Tiberinâ reposuerunt, quod ægroti maximè aquâ indigeant; alibi tamen extra urbem, templa habuit, ut ait Plutarchus, quod ibi aër sit salubrior, Grætiarum verò templum ἱεροσῶς, hoc est, ut interpretantur plerique, in medio foro, & publico construi solitum, tradit Aristoteles in Ethicis,*

## CAPVT II.

# TEMPLORVM FORMA APVD ETHNICOS: EORVMDem INAV- GVRATIO.

I.  
Formatē-  
pli rotun-  
dā.  
Tecto per-  
forato.



**N**EQUE defuerunt Ethnicis in suis delubris templisque Deorum erigendis formæ, secundum quarum præscriptum ea exædificarent. Nam *Solis* quidem ædem, *Liberi* patris, rotundam veteres probarunt. *Iouis* templa, quod omnium rerum semina is *DEVS* patefacere credebatur, tecto esse oportere aiebat *Varro* perforato. Ædem *Vestæ*, quam cum terrâ eandem putabant, rotundam ad pilæ similitudinem formabant. Cælitibus & superis alijs à terrâ templa exstare volebant; inferis Deis sub terrâ, *Chthonijs* & *Terrestribus* medias ponebant sæpius.

II.  
Variæ for-  
mæ.  
a. Lib. 1.  
item. 3. & 4.

Sed de Templorum, & sacrarum ædium situ, si plura cupis, vide *Vitruvium*, a. cuius inter cetera hæc sunt verba: *Ioui Fulguri, & Soli, & Lunæ, & Cælo, ædificia sub diuo, hypæthræq, construuntur: horum enim Deorum & species & effectus in aperto mundo atq, lucenti præsentibus videmus. Minervæ, & Marti & Herculi ades Dorica sient. His enim Deis propter virtutem sine delicijs ædificia constitui decet. Veneri, Floræ, Proserpinæ, Fontium Nymphis, Corinthio genere constituta aptas videbuntur habere proprietates, quod his Deis propter teneritatem graciliora & florida, folijsq, & volutis ornata opera facta, augere videbuntur iustum decorem.*



*Iunoni, Diana, Libero patri, ceterisq; Deis, qui eâdem sunt similitudine, si ades Iopica constituentur, habita erit ratio mediocritatis, quod ab seueriore more Doricorum, & è teneritate Corinthiorum temperabitur earum proprietatis institutio.*

*Mercurio verò in foro, aut etiam vt Isidi & Serapidi in emporio.*

*Apollini, patriq; Libero secundum Theatrum.*

*Herculi, in quibus ciuitatibus non sunt Gymnasia, neque amphitheatra ad circum,*

*Marti extra urbem seu ad campum: itemq; Veneri ad portum.*

Id autem etiam *Hetruscis* aruspibus disciplinarum scriptis ita est dedicatum, extra murum *Veneris, Vulcani, Martis* fana ideò collocari, vti non infuescat in vrbe adolescentibus seu matribus familiarum *Veneria* libido, *Vulcaniq;* vi è mœnibus, religionibus & sacrificijs euocata, à timore incendiorum ædificia videantur, liberari. *Martis* verò diuinitas cum esset extra mœnia dedicata, non erat inter ciues armigera dissensio. Sed ab hostibus ea defensa: à belli periculo conseruabat. Eâdem ratione & *Bellone* ædes extra urbem fuit, vbi Senatus dabatur fortibus ducibus, & qui strenuam operam nauassent. *Cereri* item extra urbem, loco quo non semper homines, nisi per sacrificium necesse haberent adire, cum religione, castè, sanctisque moribus, is locus tueri deberet.

Porrò vt plurimum templa ad orientem solem constituere solitos veteres, scribit *Lucianus*.

Ethnici quoque religione quadam Dijs suis templa non modò construebant, sed & dedicabant, & veluti consecrabant impijs suis sacrificijs, & superstitionibus. Vnde & *Varro* b. dicit, apud illos quædam templa fuisse, & tamen non consecrata: nam, inquit, *Curia Hostilia templum est, & sanctum non est. Seruius* c. refert templum *Vesta* non fuisse consecratum, ne Senatus illic accederet, vbi erant virgines. Senatus autem, vel eius consilium haberi non poterat, nisi in inaugurato loco.

Solebant autem Gentiles templa, & opera quæcumque magna dedicare, & eorum vsum solemni ritu, & publicâ latitiâ auspiciari. *Nabuchodonosor* d. enim apud *Danielem* statuam suam, dedicauit magnâ pompâ & hominum frequentiam, *Nero* c, insti-

III.

Positio, seu situs.

IV.

Dedicatio.  
b. Lib. 6 de ling. Lar.  
c. In Virgil.

V.

Nabuchodonosor.  
d. Dan. 3.  
c. Suet. c. 12.  
tuit Nero,

tuit quinquennale certamen primus omnium Romæ, musicum, gymnicum, equestre, quod appellauit Neronia: dedicatisque thermis, atque gymnasio, Senatui quoque & equiti oleum præbuit.

VI.  
Tiberius.  
f. Id. c. 7.

g. Lib. 54.

h. Lib. 60.

i. Lib. 9.

Tiberius apud Dionem, *Linia* templum dedicauit, & ob dedicationem ipse Senatum in *Capitolio*, Matronas *Linia* seorsim, epulo excepit. Tacitus apud Suetonium f. *Amphitheatro* dedicato, thermis-  
que iuxta celeriter extructis, munus edidit apparatissimum; largissimumque Augustus apud Dionem g. *Marcelli* theatrum cum ludis dedicauit. Apud eundem: h. *Qua* equestria certamina *Kalendis August.* exhiberentur, instituta sunt, propterea, quod ea die Martis *ædes* edificata fuit. Et apud Festum, i. *Manè* idibus mercatorum dies festus erat, quod eâ die *Mercurij ædes* esset dedicata.

## CAPVT III.

## VETVSTISSIMA GENTILIUM

## TEMPLA ORACVLIS CELEBRATA.

I.  
Falforum  
oraculorū  
loca celebriora quæ.

a. Lib. 8.  
Theb.

**D**E his *Himmerius* Sophista apud *Photium* ait: Cùm *Apollo* diuinatorium tripodem collocans omnibus oracula redderet, omnes gentes, omnesq; vrbes famâ hac ad *DEVM* atraherentur; celebriora horum oraculorum loca, quibus seu *Iupiter* seu *Mars*, seu alia falsa Numina, & *Apollo* speciatim colebantur, enumerat *Papinius Statius*: a.

*Mutisq; diu plorabere Delphis.*

*Hic Tenedon Cyrrhamque dies paruq; ligatam*

*Delon, & intonsi claudet penetralia Branchi.*

*Nec Clarias hac luce fores Dydimæaque quisquam*

*Limina, nec Lyciam supplex consultor adibit.*

*Quin & cornigeri vatis nemus, atq; Molossi*

*Quercus anhela Iouis, Troianaque Thymbra tacebit.*

*Ipsi amnes, ipsaq; volent arefcere laurus.*

b. Lib. 10.  
contra  
Grac. fab.

*Disertè Theodoretus*: b. *Iidemq; Dæmones nobis dederunt Cætalium fontem, Colophoneum fluentum, sacram Quercum, Dodonæum tintinnabulum, Tripodem Cyrrhæum, Thesprotium lebetem; ac in Libya quidem Ammonis oraculum, Iouis in Dodonâ, in*

Bran-



Branchidis etiam, Dolo, Delphis, Colophone, oraculum Clarij, Pythij, Delij, Didymæi Apollinis; tum in Lebadiâ quidem Trophonij, in Oropo Amphiarai, in Tyrrenorum verò finibus & Chalcæorum Necromantia antra obscurissima; & alibi quidem Amphiboci, alibi verò Glauci, alibi verò Moyfi, aliorumq; quorundam famosorum hominum diuinationes nobis proposuerunt. De horum oraculorum euentibus vatibus, deq; Mundi regionibus, quibus eorum recepta est adoratio, fanis magnificis extructis, cæcæ Gentilitatis dementia, *Sidonius Arnerius, Lilius Giralduus, Iannus Boissardus, Bullingerus, Maiolus, Torrenblanca*, &c.

DODONEVM frequentatum est ad Dodonam amplissimam, II. & vetustissimam urbem *Molossidis* in *Epyro* vicinam nemori quercino, in quo vocales quercus creuisse proditum est, quæ statim, ut accessissent interrogaturi, commouerint sese, atque insonuerint, expresso quod dandum erat responso: ibidemque statuam stetisse quæ virgâ æneos lebetes pulsarit, hos ad moderatos ictus paulatim increpuisse, & numeris ligata responsa edisse.

IOVIS HAMMONIS alterum à Dodoneo, in extremo sinu *Lybie* apud *Garamantes* ultra *Cyrenen* in solitudinibus vastis, torridis, ac siccitate sterilibus situm fuit, quo propter intensos & exurentes solis æstus vastamque planitiem, ardoribus solis & ariditate infestam, non cuius facile accessus patuit. *Cambysen Cyri & Alexandrum* aditum tentasse historiæ memorant. Circa ipsam oraculi sedem densum nemus, proceris diffusisque & confertis arboribus, quadraginta stadiorum spatio, gratissima vmbra lenijt feruores diurnos, & passim exstillantibus fontibus rigauit solum, suâ naturâ exsuccum & sterile. Medium siluæ templum obtinuit, in quo idolum *Hammonis* pelle amictum hircinâ & hircino capite colebatur. Sacerdotes responsa petitori, idolum aurato nauigio impositum circumuectabant, accinebantque carmen patrium; his delinitum ritibus non voce, sed solo nutu signisque subobscuris quæ vellet proferebat, signa antistites ijs qui consultum accesserant, referebant ac declarabant diaboli monitu & indicio.

Celebratur præ ceteris cultu, religione, famâ, opibus, donarijs *Pythium Delphis*, quod oppidum totius orbis vmbilicum tenuisse

nuisse falsò creditum fuit. *Diodorus* eius originem fabulosè exponit. Cùm in eo loco, vbi templum postea extructum est, terræ pateret profundâ voragine & circumpascerent capræ, factum ut vna ex grege frequenter ad hiatum illum accederet, & quotiescunque introspexisset, toties reuerfa miris & inusitatis gestiret saltibus, vocemque sonaret insuetam, qua pastor miratus cùm accederet & ipse hiatum spectaturus, mox eodem impetu hausto conceptoque, simili modo exilire & vaticinia fundere incipit. Fama increbrescit & peruulgatur. Fit concursus ingens ad hiatum, & quotquot demittunt sese, statim vaticinio halitu afflati furibundis similes euadunt. Tandem quòd ex furore multi per præceps in hiatum desilirent ac perirent, interdicto cautum fuit, ne quis amplius inscenderet: Voragini templum impositum, & ministerium excipiendi ab insiliente dæmone referendiq; responsa, feminæ virgini commendatum fuit. Aliquanto post, quòd *Isocrates* quidam *Thessalus* *Pythiam* raptam violasset, his quoque id ademptum, & vetulæ quæ quinquagesimum excessisset annum, iniunctum fertur. *Pausanias* plures easque diuersas de origine sententias recitat. Quacumque occasione eruperit & in noticiam venerit, non moror: antiquum fuisse & pluribus quàm centum annis ante *Troiana* tempora claruisse constat.

V.

*Stephanus* auctor est primam oraculi sedem in vicino monte *Parnasso* extitisse, vbi templum condiderant incolæ supra specum oppido muroque cinctum, & templum ipsum ob natiuam præcipitiem munierant aditu adeò difficili & angusto, ut obiectâ lapidum mole accessum omnem vndique præcluserint, exiguâ semitâ relictâ, quâ consulturi oraculum absque comitatu incederent. In medio templi exigua planicies erat, & in eâ hiatus, ex quo spiritus acer & vehemens terribili sonitu excussus, vatem tripodi insistentem & afflatus expectantem corripiebat, agitaturque & concussam in furorem vertebat statis diebus, quibus fari licebat. Ferunt enim annuatim sex menses continuos apud *Lycios* rotidemque in *Delo* oracula percontaturis patuisse; In reliquis locis non quouis tempore, sed statis definitisque diebus tantum, utpote vel Idibus vel Calendis vel augefcente vel deficiente Lunâ, vel ineunte aut desinente die sciscitari licuisse.

Reli-



Religionem in consulendo *Pythio* oraculo eam seruari oportebat, vt qui inrerrogaret, breui oratione quæ requireret, *Pythia* significaret, & *Græco* sermone responsum exposceret, mactatâ simul & solenni ritu consecratâ victimâ: *Pythia* verò, quam mulierem esse oportebat, non promeret quidquam, nisi totam prius victimam contremiscere ac velut micare cerneret. His legitime peractis Dæmon ex obselsâ *Pythiâ* concepta, & ferè metris *Græcis* scitè admodum atque argutè, sed ambigüe nimis ac captiosè illigata responsa pronuntiabat. Cumq̃ue in suam sese recepisset atq; abdidisset specum, *Pythia* ceu exonerata spiritu, & ad sese reuerfa consistebat ac conquiescebat.

VI.  
Religio in  
consulendo.

Fuit autem omnium templorum Ethnicorum locupletissimum, statuis ex solido auro argentoque conflatis immensi ponderis, & alijs innumeris ac pretiosissimis donarijs refertum. *Hippocratem* etiam sceleton æneum exquisitissimè ad figuram humani sceleti fabrefactum, eò collocasse, *Pausanias* auctor est, eâ fortasse spe, vt religione templi defensum conseruaretur ad posteros. Quinques destructum exustumq̃ue, pluries direptum, à latrone quodam *Eubæensi*, *Phlegyarum* gente, *Pyrrho* *Achillis* filio. Exercitu *Xerxis*, *Gallicis* copijs, *Phorensium* ducibus, *Nerone*, qui inde quingentas æneas imagines asportasse fertur, mactatis ad ostium voraginis subterraneæ, vbi latebat Diabolus, hominibus, & cadaueribus horum in specum deiectis, sed communibus semper sumptibus restitutum ac locupletatum legimus vsque ad extremam euerfionem, à quâ non est renouatum amplius. Crudelissimis supplicijs *Phorensium* duces, qui in bello sacro templi opes exhauferant, affecti & sublati sunt.

VII.  
Locupletissimum.

Imperante *Constantino*, *Christiani* freti pij Principis defensionè & consensu, expoliatū templum non demoliti sunt, sed tantum deuastarunt. Valuis enim ianuarum auulsis, destructis aris, & parietibus foedè deformatis, tripodes aureos & argenteos *Byzantium* transtulerunt cum vniuersis templi opibus, quæ inde vsque à *Neronis* ætate congestæ, denuò intereà creuerant in immensum. Ab hac direptione, cum postremò instauratum esset, tandem sub *Iuliano* eo ipso tempore, quo is sciscitatum miserat eò de euentu belli

VIII.  
Expoliatū.  
  
Instauratū  
fulmine  
combustū.

*Parthici*, quod meditabatur, fulmine calitùs incensum totum conflagrauit. Perijt incendio simul inaurata statua *Apollinis*, & subterraneum latentis *Dæmonis* domicilium, collapsi templi ruinis obrutum atque obstructum, oraculi locus esse desijt. Narrant etiam fontem templo vicinum fuisse, qui ardentes faces propius admotas extinxerit, procul positas & non ardentes accenderit. Aqua eius pota, mulieribus vaticinatricem vim adferebat.

## IX.

**Branchidarū  
oraculum,**

Oraculum *Dindimæ Apollinis Graci* alioquin *Branchidarum* oraculum vocarunt, & à *Branchio Thessalo*, quem diuinitate donatum ac receptum in numerum ac consortium Deorum, quod vaticinandi excellisset peritiâ, possessionem oraculi & cultus *Apollini* destinasse ac legasse fama fuit. Non cessit hoc opibus *Pythia*. Templum ipsum mole & magnificentiâ operis admirandum, à *Mileto* metropoli *Ionie* octodecim, ab *Ionio* littore viginti stadijs abfuit. Cumque *Xerxes* expilatum id, incendio ruinisque deformasset, *Milesij* aliquanto post impensis maximis renouarunt, auxeruntque ædificij splendorem & amplitudinem in tantum, ut trabes mille fastigio extruendo non suffecerint. *Seleuco Syria* Regi sciscitanti de suo in *Macedoniam* reditu, quam *Syria* à morte *Alexandri* occupata ac defensæ virtute suâ coniungere cupiebat, dissuasit consilium de reditu *Dindimæ Apollinis* oraculum isto versu.

Μὴ σπεῦδ' ὑπερῶπις: Ἀσὶν τοὶ πολλοὶ ἀμύνων.

Et de morte percontanti, locum in quo periturus esset, incertum prorsus ambiguo responso indicauit,

Ἄργος ἀλευόμενος τὸ παρῶμενον ἕς ἔτος ἤξει:

εἰδ' ἄργει πελάγαις τότε μὲν παρὰ μοῖραν ὄλοιο.

Cum ergo monitu oraculi caueret & fugeret *Argos* omne, *Peloponnesum*, *Amphilochicum*, Tertium situm in *Oressiâ*, vnde *Macedones* *Argeada* nominati sunt, *Ionicum* à *Diomede* errante conditum: tandem accedens ab *Hellesponto*, ad urbem *Lysimachiam* post deuictum & cæsum *Lysimachum*, casu incidit in Aram amplam magnitudine, ornatuque splendidam ac celebrem cultu, quam acolæ nominabant *Argos*. Ad aram illam sceleratè ex insidijs ab hospite *Ptolomæo Cerauno* interfectus, compleuit oraculi prædicta. Ex eodem loco, ambiguo delusus responso, & in falsam spem victoriæ inductus,



inductus, pænè certò Monarcham se solum futurum credidit *Licinius* Imperator, ante conflictum cum *Constantino Magno*, in quo ad *Chrysopolim Bithynia* urbem acie victus & captus prorsus excidit imperio, quod antè cum collegâ & affine *Constantino* administrarat pariter.

Edidit oracula diabolus & *Antiochia* ad Idolum quoddam *Ionis*, cognoment *φιλiv*, & in *Apamaâ Syria* ad statuam *Ionis*, cognomento *Beli*. *Antiochenum* Idolum motu gestuque capitis & oculorum, ac totius vultus vel aridente hilaritate, vel corrugatâ ac refugiente toruitate cùm annuere requisitis, tum petita abnuere solitum scribunt. Huius Idoli edicto, & propter Idoli auctoritatem, Imperatorum mandato, *Christianos* extorres actos totaque summos viciniâ diu oberrasse in *Asia*, priusquam recuperatis sedibus sese rursus confirmarent, *Eusebius* autor est. *A Ionis Beli* statuâ petita responsa impetrauit *L. Septimius Seuerus* Imperator, & de Imperio, cùm priuatus adhuc esset, & de condicione ac statu liberorum post mortem ipsius, cùm ad Imperium jam peruenisset. Priuato & dignitas Imperatoria & victoriæ bellicæ promissæ his versibus memorantur.

ἔμματα καὶ κεφαλὴν ἱκελῶ δὴ τερπικεράνῃ  
ἄρει δὲ ζῶντιν εἴρην δὲ ποσειδάωνι.

Iam Imperatori, Tragici ac cruenti exitus liberorum prædicti sunt his verbis: σὸς δ' οἶκος πᾶς εἴσεται δ' αἵματος.

Ad *Palicen Syria* urbem Templum fuit vetustissimum, in quo crateres non arte sed naturâ facti fuisse scribuntur, de quibus statis temporibus vel scintillantes flammæ colore odoreque sulphuris exilierunt, vel aqua erupit quæ insolitum ferbuit, numquam effluxit tamen neque exundauit. Ad eos crateres periuria explorare vſitatum fuit incolis & peregrinis tam certâ fide, vt cùm alia accidere paradoxa, decreto & procuratione numinis, tum præſentes pœnas in periuros irruere non dubitaretur, alijs viſum, amittentibus, vitam alijs, alijs progrediendi facultatem cum tormentorum aut cruciatuum horribili specie & sensu.

Fuit & oraculum *Latona* inclitum in vrbe *Buti*, quæ *Aegypti* ciuitas est, sita contra *Nili* ostium, quod *Sebenniticum* vocatur.

X.

Varia Iouis  
oracula &  
Templa.

XI.

Templum  
Palicenū.

XII.

Latona  
oraculum.

Sedes oraculi in mediâ vrbe extructa, porticum habuit decem passus altam.

## XIII.

Templum  
Apollinis  
Delij.

Templum *Apollinis Delij* mari imminebat eâ parte, quâ proximè in *Eubaam* traiectus erat, & à *Tanagrâ*, quæ vetus Eubææ ciuitas fuisse traditur, quinque millibus passuum distat. Aram *Delij Apollinis* ex dextris animalium cornibus mirâ arte congeſtis atque coagmentatis, vt *Apollinis Spodij Thebis* ex coaceruatis crematarum hostiarum cineribus structam fuisse perhibent.

## XIV.

Templum  
Apollinis  
Pataræ.

*Lyciæ* sortes in *Patarâ Lyciæ* oppido, vbi *Apollinis* delubrum fuit, sex annis mensibus continuis distribuebantur.

## XV.

Templum  
Amphiarai.

Insigne fuit vetustate & religione *Amphiarai* vatis oraculum in *Atticâ*: cuius delubrum ab *Oropijs*, qui diuinos ei honores ob vaticinandi periciam decreuerunt, ex candido marmore artificiosè constructum, quod qui adibant somnia captaturi, corpore priùs lustrato, & dijs, quorum nomina in aram incisa erant, arietis de more mactati pellem humi expandebant, cui incumbentes, quæcumque somniaſſent, illa oraculi loco habebant.

## XVI.

Varia ora-  
cula.

Vatidica quoque somnia ad *Canopum* in templo *Serapidis* dormientibus apparuisse creditum est. Itemque in fano *Pasitheæ*, & *Æsculapij* in *Pergamo*, in *Narbata* apud *Hircanos*, ad aram *Arдали* apud *Troezenios*, in quâ *Musis* & somno sacrificia offerebantur. Somniaturos ibi à cibo diem integrum, à vino totum triduum abstinere oportebat. *Trallibus* verò in antro *Charonio*, apud *Ægyptios* in *Isidis* & in *Melopide* semidæ templo, ægrotos somniaſſe remedia salutaria, de persuasione vulgi existimatum fuit.

## XVII.

Serapidis  
templa.

*Serapidis* cultus præcipuus fuit apud *Ægyptios*. Fana huic *Ægyptus* dedicauit plurima, quorum vetustissima fuerunt *Memphitica*, celeberrima *Alexandrina*. *Ægyptios* imitati *Græci* eidem *Serapidi* non pauca fana consecrarunt, assumptis sacrificiorum ritibus, & religionis, qua coleretur, legibus, ab *Ægyptiorum* gente. Nam & *Athenienses* & *Spartani* & *Messeni* & *Baotij* ac plures alij hos secuti *Serapidi* peculiare cultus exhibuerunt *Ægyptiorum* exemplo. Extat apud scriptores historiæ Ecclesiasticæ, descriptio & Templi *Serapidis* & Idoli portentosa magnitudinis, & præstigiæ mirificarum, quibus Templi Antistites imposuerunt miseris homi-

hominibus, Templum stetit ad *Theodosij* sæculum vsque, quo id *Theophilus Alexandrinus* Episcopus deleuit funditus, statua idoli lignea dissecta ac cremata. Parietes triplicibus diuersæ materiæ laminis aureis argenteis & æneis obductos ac velut incrustatos fuisse, auctores prodiderunt, ijsque ad eum modum coaptatis inter sese connexisque, vt amotis anterioribus, superessent & conspicerentur posteriores opere panè stupendo.

Porro *Apollinis* Templum ex plumis & cerâ sumpsisse initium auctor est *Apollonius*: Apollo, inquit, *exiguam olim cellam incoluit, ad quam apes ceram, aues plumas congeffisse dicuntur, qui postmodum fora habuit, & templa pulcherrima, & amplissima.*

Verùm occasione hac, videntur explicanda varia superstitionis rei futuræ diuinationum genera, quæ ex quacumque re, saltem à vigilantibus captabantur; quâ ratione præter auguria, etiam auspicia, extispicia, tripodia solistima, Astrologiam iudiciariam; hydromantiam per aquam, œnomantiam per vinum, coskinomantiam per cribrum, lecanomantiam per peluim, gastromantiam per phialas ventricosas aquâ plenas, dactylomantiam per annulos, catoptromantiam per specula, clidomantiam per clauem, chiromantiam inspectione manuum, pyromantiam ignis inspectione, capnomantiam inspectione fumi, libanomantiam thuris inspectione, spodonomantiam ex cineribus Sacrificiorum, ceromantiam ex cerâ liquatâ, daphnomantiam ex lauri adustione, geomantiam ex certarum figurarum in solo dispetarum inspectione, sortes omnes superstitionis, & huiusmodi alias diuinationes varias.

Item superstitionis omnia è rebus varijs olim in frequenti obseruatione, ex quibus coniectabant an matrimonium, bellum, expeditio aliqua, negotia, prosperum an infelicem habitura essent successum, vt ex verbis fortuito auditis, ex fortuito bestiarum alicuius faustæ vel infastæ occurfu, occurfu *Æthiopis*, ex pedum in limine offensione, ostij strepitu, aurium tinnitu, sternutatione, & id genus plurimis.

Scriptura etiam ad certas ominum & diuinationum species *augurij* vocem accommodat, vt ad diuinationem per scriptum.

XVIII.  
Apollinis  
templum  
ex plumis  
& cerâ.

Lib. 6. c. 6.

XIX.  
Diuinationum  
varia  
genera.

XX.  
Omnia è  
rebus for-  
tuitis.

a. Gen. 44.  
a. v. 5. & 15.  
ad



b. 3. Reg.  
20, v. 33.

ad om̃ina ex verbis, *b.* Rabbini etiam aiunt hac voce continer̃ diuinationem quæ fit ex buccellâ ex ore cadente, ex baculo è manu cadente, ex filio retrorsum cum vocante, ex coruo ad illum clamante, ex ceruo transeunte à dextris eius, ex vulpe à sinistris, Sic diuinationem quæ fit per mustelam, per auem, per stellam.

XXI.  
Ominum  
vanitas.  
c. Lib. 9. c.  
2. de Prap.  
Euang.

Porro quàm vana & contemnenda sint auguria, habes egregium cuiusdam *Iudei* factum in *Alexandri Magni* exercitu, relatum ab *Hecatao Abderitâ* apud *Eusebium*, *c.* vbi cùm quidam ex aue quæ aduolabat, augurium captare vellet, essetnè progrediendum, *Iudæus* sumpto arcu auem traiecit, ridens eorum stultitiam, qui quid agendum esset, discere & coniectare ex aue vellent, quæ suum interitum præuidere non potuisset. Quid hac obseruatione vanius? Ingressu offendit quis pedem ad limen, infortunatus erit egressus, negotia infelicem habebunt exitum. *Tibullus* de seipso.

*O quoties ingressus iter, mihi tristia dixi,  
Ostensum in portâ signa dedisse pedem?*

XXII,

Quis non rideat illud *Claudiani*: *ter cardine verso Prasaga cecinere fores?* Quis ista non rideat, & exhibilet, scil: Ambulantes puer transiens vel canis diuidit, in agro iter quâ transeundum, pertransit lupus, vulpes, serpens; forex occinit, picus, vt est apud *Plantum*; cornix est ab lauâ, coruus, paria ab dexterâ, bonum, fortunatum omen est? Quid ista, quòd in inceptando itinere, expeditioneue aliquâ, diligenter annotarent, quis primus illis occurreret, pulcher an deformis, quo nomine, fausto vel infasto, item quæ prima vox exciperetur? Apud *Aelium*, vt refert *Suetonius*, descendenti in aciem *Augusto* asellus cum asinario occurrit, *Eutyches* homini (hoc est *felix*) bestię *Nicon* (hoc est *victor*) erat nomen: inde omen acceptum victoriæ; & vrbs deinde *Nicopolis* appellata, & in eius templo asini & asinarij simulacrum positum. *Paulo* Consuli, vt *Valerius Maximus* refert, sorte euenerat vt cum Rege *Persâ* sibi bellum gerendum esset: domum reuersus è Curiâ, cùm filioliâ paruulam oculatus animaduerneret eam tristiore, caussamque percunctaretur, respondit ipsa, *Persam* perijisse (ita appellabatur catellus, quem ipsa habebat in delicijs:) rapuit

rapuit omen *Paulus*, & ex eo fortuito dicto spem certam sibi victoriæ & triumphi fecit. *Petilius* Consul in *Liguriâ* bellum gerens, suosque adhortans, *Hodie*, inquit, *Letum* (nomen id montis erat) *capiam*; fortuitam vocem, maleque ominosam letho suo confirmauit. *Crasso* in *Parthos* mouente, quidam in portu *Caricas* *Cauno* aduectas vendens, *Cauneas* clamitabat: rapuerunt id in finistrum omen futuræ cladis aliqui, quasi *Crasso* dictum esse, *Caue ne eas*. Huc refer quæ ridet *Chrysostomus*: d. *Sapè domum quis suâ egressus hominem videt monoculum vel claudicantem, & ominatus est. Si virgini occurreris, sterilis dies erit; si verò meretrici, dextera & multâ mercatione plena.*

d. Hom. 21  
ad Pop. An-  
tioch.

XXIII.

Quàm stulta illa quæ *Augustinus* commemorat in libris de Ciuitate Dei, limen suum calcare, cum ante domum suam quis transit; redire ad lectum, si quis dum se calceat sternutauerit? Quàm vana ista alia de sternutamentis, si quis manè sternutauerit, inauspicatum; si à meridie, bonum felixque auspiciū: à dextrisne vel à sinistris quis sternutet multum interest? Apud *Herodotum*, e. *Hippia* dum sternutat, dens excussus magnum omen fecit calamitatis futuræ. Quid istud? Aures mihi tinniunt, absens aliquis de me loquitur; & si quidem dextera auris, amicus est; sin sinistra, inimicus? Vetus Poëta:

e. Lib. 6.

*Garrula quid totis resonas mihi noctibus auris?*

*Nescio quem dicis nunc meminisse mei.*

Quid ista? Sereno cælo tonuit, intonuit à læuâ, malum omen, infortunatum auspiciū? De fulmine refert *Suetonius* in *Augusto*: Idū fulminis ex inscriptione statuæ *Cæsaris Augusti* prima nominis littera effluxerat: consulti Aruspices, responderunt, eum centum tantummodò dies superuicturum, quem numerum C. littera subducta notaret, futurumque vt inter deos reponeretur, quod *Æsar*, id est, reliqua pars à *Cæsaris* nomine, Etruscâ linguâ *deus* vocaretur? Quid illud? Malum omen erat ex pedis offensione decidere; at illud, referente *Suetonio*, *Iulius Cæsar* in bonum omen vertit: profectus in *Africam*, & in egressu naus prolapsum, quod pro malo omine alij cepissent, ille *Teneo te*, inquit, *Africa*. Quàm illud ridiculum de calceo? si manè sibi (de *Augusto* loquitur

XXIV.

loquitur *Suetonius*) calceus perperâ, ac sinister pro dextero induce-  
retur, vt dirum habebat. Caligas cuidam sorices eroderant, id i-  
pse ominosum & prodigiosum ratus, *Catonem* consulit, quid ea res  
monstri aleret. Risit *Cato*; & respondit, non esse illud monstrum,  
sed verè monstrum habendum fuisse, si sorices à caligis roderen-  
tur. Has stolidas & ridendas vanitates è fortuitis euentibus simi-  
lium ineptiarum fœcunda olim protulit antiquitas, euentus iden-  
tidem obseruationibus respondens superstitionem aluit, quam  
meritò rident & insectantur Patres, risit *Cato*, risit *Cicero* libris de  
Diuinatione, riserunt oculatiores quique; vt mirum non sit, cam-  
dem impietatem à Deo in lege prohiberi.

## CAPVT IV.

# TEMPLORVM ETHNICORVM SPLENDOR ET MAGNIFI- CENTIA.

## I. Multitudo Deorum,



VoD ad veterum *Græcorum* religionem, regnauit apud  
eos Idololatria. Deorum Dearumque numerus fuit in-  
finitus. D. *Augustinus* de Ciuitate DEI lib. III. ex *Varro-*  
*nis* sententiâ affirmat, simul tam apud *Romanos*, quàm *Græcos*,  
exitisse 3000. Deorum, quorum CCC. *Ioues* erant. Vnicuique  
suus *Lar*, suum Numen domesticum. Vnicuique affectui, com-  
modo, incommodo, periculo, suus tutelar *Deus*: vnicuique  
*Deo* suæ Cæremoniæ, suæ preces, sui sacerdotes, sua Sacrificia,  
& libationes. Certum est autem cæcam olim gentilitatem qui-  
busuis propè rebus *Deos* finxisse præfides: sic *Iupiter* olim apud  
*Romanos* fœderum præses & violatorum ultor credebatur, ob id-  
que & in solemn *fœderum* formulâ idem testis & ultor, si quis fœ-  
dus violaret, appellabatur. Fuit & apud *Romanos* *Pisius Iupiter*, vt  
docet *Dionysius Halycarnassensis*, quem Latini similiter, nisi fallor,  
à fide *Fidium* apellabant, qui fidei sponsonibus interueniebat, &  
apud *Græcos* *ὀπυσος*, vel *ἐπὶ τῆς ὀψης* à iureiurando interposito sic  
appellatus, cuius meminit *Laërtius* in *Pythagorâ*, & *Pausanias* in  
*Eliacis*: & hic quidem ait in *Olympia* senatu *Iouis* simulacrum fuisse.



se, cognominati *ἑρκύς*, quod vtrâque manu fulmen continebat, quasi omnino fulmine vlturus, qui falleret iuramentum & violaret. Quin & lapidem *Iouem* in pactis fœderibus vocatum legimus, indicatque *Apuleius* de Deo *Socratis* his verbis: *Quid igitur iurabo?* Per *Iouem lapidem* Romano *vetustissimo ritu*, ita nimirum, vt arbitror, dictum à lapide, quem manu iuraturi, fœdusque percussuri tenebant, quoque postea vel victimam ferientes sibi precabantur, vt *Iupiter*, si fœdus violarent, ipsos sic feriret quemadmodum ipsi victimam feriebant; vel precabantur vt *Iupiter* eos perderet ac deiceret, quemadmodum ipsi lapidem iaciebant

*Iovis Olympij* templum sumptuosissimum, quod hominum frequentia potentissimorumque Regum donarijs adeò creuit, vt in totâ ferè *Graciâ* nullum fuerit magnificentius, nullum clarius opibus, cum etiam *Ioue* ipso nihil ibi putaretur sanctius, nihil augustius. *Cypselus Corinthiorum* tyrannus, *Iouem* totum aureum *Olympia* consecrauit. Deinde *Phidias Atheniensis* simulacrum eius Dei ex ebore & auro stupendâ magnitudine erexit, vtpote pedum LX. In quo opere illud ab alijs artificibus reprehensum, quod simulacri ad templum nulla esset proportio. Cum enim in eburneo throno sederet *Iupiter*, capiteque templi fastigium contingeret, necesse erat, si quando, sedendo defatigatus eburneus ille *Deus*, surgere vellet, vt Templi culmen vnâ cum tecto deiceretur.

Templi *Heliopolitani* descriptionem habet *Strabo*. a. In vrbe *Bubasti Aegyptiorum* templum est *Bubastis*, hoc est *Diana* omnium maximè memorabile. Quo etsi alia sunt tum grandiora, tum sumptuosiora, nullum tamen aspectu iucundius. Id ita se habet. Cetera præter accessum insula est: cuius ad ingressum vsque duo è *Nilo* fluentia vicina currunt, nec confluunt, hinc atque illinc præterfluentia, centum vtrunque pedum latitudinis, arboribus inumbrata. Eius vestibulum decem passibus sublime est, figura senum cubitorum adornatum. In mediâ vrbe situm, vndique circumeuntium oculis subiicitur. Nam cum vrbs sit aggestu terræ sublimis, templum quemadmodum à principio conditum, nec loco motum, pro speculo est. Illud maceria figuris exsculpta ambit. Interius delubrum, ingenti procerissimis arboribus manu

II.

*Iovis  
Olympij  
templum.*

III.

a. Lib. 17.  
Templi  
*Dianæ Heliopolitanæ*  
splendor.

consitis luo ambiente, in quo delubro statua est. Longitudo templi quoquò versùs vnus est stadij. Ab eius ingressu via per forum orientem versùs, quæ fert ad *Mercurij* templum, tria circiter stadia longitudinis, & quatuor iugerum latitudinis, strata lapide est, vtrisque arboribus manu consitis in calum euntibus. *b.*

*b. Herod.*  
lib. 2.

IV.

Templi  
Tindij in  
Aegypto.

In *Aegypto* ciuitas est fluuiatilis, nomine Tindium, vbi deorum sit concilium, atque in mediâ ipsâ ciuitate templum purum, ac magnificum ex lapidibus conspicitur: tùm etiam extra templum ipsum vestibula sunt lapidea, spinæque candidæ ac nigræ nascuntur, quarum in superiorem spinæ partem, coronæ ex mali punici vitisque flore compositæ proijciuntur: atque hæ semper florent. Narratur fabula quædam ab *Aegyptijs*, quòd cùm *Ethiopes* in *Troiam* proficiscerentur sub imperio *Titoni*, vbi mortuum esse *Memnonem* audierunt, in eodem loco coronas abiecerunt in spinas. Sunt autem ramuli ex quibus flos emittitur, coronis persimiles. *c.*

*c. Athen.*  
lib. 15. c. 10.

V.

Iouis Beli  
in Babylo-  
ne.

*Babylon Assyria* metropolis, medio secatur *Euphrate*. In vtriusque ciuitatis plagæ medio murus erectus: quorum hic regionem comprehendit ambitu prægrandi atque valido: in altero *Iouis Beli* templum, æreis portis, duorum vndecumque stadiorum amplitudine, figurâ quadrata. In templi medio turris solida, crassitudine simul & altitudine stadij: cui alia rursus superimposita turris, & huic subinde alia, ad octauâ vsque. His forinsecus scalæ sunt in circuitu adhibitæ, per quas ad singulas conscenditur turres. In medijs gradibus ductus sellæque in hoc factæ: in quibus ascensuros liceat sedere ac conuiescere. In postremâ turri sacellum est aliud magnum: magnus quoque lectus, & splendidè stratus, & apposita mensa aurea. Statua tamen in hoc sacello nulla est: neque hîc noctu cubat hominum aliquis, præter mulierem vnâ ex indigenis, quam ex omnibus deus delegerit, vt narrant *Chaldaei* sacerdotes. *d.*

*d. Herod. l. 1.*

VI.

Branchidarum  
apud  
Milesios.

*Branchidarum* templum à *Milesijs* constructum eâ fuit amplitudine, vt remanserit sine tecto.

*Magnesia Diana Leucophryena* fanum fuit, quod & ædis magnitudine & multitudine rerum dedicatarum ab *Ephesio* superabatur:

VII.

*Magnesia Diana Leucophryenæ.*

batur: artificio verò & structuræ concinnitate circa ædem longè præstabat. Magnitudine omnia *Asia* fana excellebat, præter *Ephesium* & *Didymenum*. c.

*Cyzici* delubrum fuit, in quo filum commissuris omnibus polito lapidis subiecit artifex, eburneum *Iouem* dicaturus intus, coronante eum marmoreo *Apolline*. Tralucet ergò iuncturæ tenuissimis capillamentis, lenique afflatu simulacra resouente, præter ingenium artificis ipsa materia quamuis occulta in pretio operis intelligitur. f.

*Sami* templum est in totâ *Graciâ* amplissimum, cuius architectus primus fuit *Rhæcus Philai* filius *F. Samius*. g.

*Minervæ Alexæ* templum *Tegeæ* in *Arcadiâ* cum loci spacio, tum ornatu reliquo, omnia *Peloponnesi* templa superauit. h.

h. Pausan. in *Arcad*.

In *Elide* ædes est *Minervæ*, in quâ frater *Phidias Pannæus* thesaurum induxit lacte & croco subactum, vt ferunt: ideoq; si teratur in eâ hodieque salua pollice, odorem croci saporemque reddere traditur. i.

In *Corylio Arcadiæ* monte *Apollinis Epicurij*, id est, *Auxiliaris* (quia pestilentiam abegerat) ædes, lapideo lacunari omnium, quæ in *Peloponneso* sunt, excepto eo vno templo quod *Tegeæ* est, cum lapidis pulchritudine, tum verò structuræ concinnitate, longè præstantissima. k.

k. Pausan. in *Arcad*.

*Lulibella*, rexe *Æthiopum* in *Abugana*, multa & splendidissima templa ædificauit.

*Semiramis*, *Babylone* vrbe conditâ, in vrbis medio templum *Ioui* erexit, quem vocant *Babylonij Belum*. Constat ob illius mirandam altitudinem, à *Chaldeis* tum orientem tum Occidentem, versùs astrorum in eo obseruationes factas. Id ex latere atque asphalto summâ arte magnaq; impensâ est constructum. In summo templi tres ingentes aureas statuas, *Iouis*, *Iunonis*, *Opis* erexit: *Iouis* longitudine pedum XL. mille *Babyloniorum* talentorum ponderis. *Opis* simili pondere in sellâ aurâ residet: ad cuius genua duo astant leones, iuxtaque serpentes argentei ingentis magnitudinis: ponderis quique ad talentorum XXX. *Iunonis* stans signum.

e. Strabo, lib. 14.

VIII.

*Cyzici* delubrum.

f. Plin. l. 36, c. 15.

IX.

*Sami*.

g. Herod. l. 3.

X.

*Tegeæ* in *Arcadia*.

XI.

*Minervæ* in *Elide*.

i. Plin. lib.

3. c. 23.

XII.

*Apollinis* in *Arcadiâ*.

XIII.

XIV.

In *Abugana*. *Iouis* *Babylonij*.



ponderis est talentorum DCCC. Huius dextera caput serpentis tenet, sceptrum lapideum sinistra. His omnibus communis erat mensa aurea manufacta, longitudinis pedum XL. XII. latitudinis, ponderis talentorum L. Duo præterea carchesia talentorum XXX. erant, totidemque thuribula, vtrumque talentorum triginta. Crateres ex auro tres: quorum *Ioni* dicatus talenta mille & CC. & alius *Ionica* pendebat, aliorum quisque DC. L.

1. Diod. l. i.

c. 4.

XV.

Ephesia

Diana

Magnificentiae vera admiratio extat templum *Ephesia Diana* CCXX. annis factum à totâ *Asia*. In solo id palustri fecere, ne terræmotus sentiret, aut hiatus timeret. Rursus ne in lubrico atque instabili fundamenta tantæ molis locarentur, calcatis ea substrauere carbonibus, dein velleribus lanæ. Vniuerso templo longitudo est CCCXV. pedum, latitudo CC. XX. Columnæ CXXVI. à singulis regibus factæ, LX. pedum altitudine: ex ijs XXXVI. calatæ, vna à *Scopâ*. Operi præfuit *Chersiphron* architectus. Summa miracula, epistylia tantæ molis attolli potuisse. Id consecutus est ille peronibus arenâ plenis, molli puluino super capita columnarum exaggerato, paulatim exinaniens imos, vt sensim totum insideret. Difficillimè hoc contigit in limine isto, quod foribus imponebat. Etenim ea maxima moles fuit, nec sedit in cubili, anxio artifice mortis destinatione supremâ. Traduntque in ea cogitatione fessum nocturno tempore, in quiete vidisse præsentem deam, cui templum, siebat hortantem vt viueret, se composuisse lapidem, atque ita postero die apparuit, pondereque ipso correctus videbatur. Cetera eius operis ornamenta plurium librorum instar obtinent, nihil ad specimen naturæ pertinentia. *m. Solinus* cum *Melâ*, ab *Amazonibus* fanum hoc consecratum & fabricatum volunt, nec non *Dionysius*. ἔρδα δὲ πρὸς τὴν ὑπὸ ἀμαζόνιδες τέτυκοντο. *Pausanias* n. à *Cræso* viro indigena & *Ephesio Isfri* fluminis credito filio edificatum tradunt. Nec dissentire eos inter se opinatur, septies restituto templo, inquit *Brodeus*. Tectum eius è cedrinis trabibus. Deæ simulacrum alij ex ebena, *Mutianus* vitigineum & numquam mutatum, septies restituto templo. Valuæ sunt è cupresso. Materia omnis nouæ similis, cùm XL. iam annis durarit. *o. Illud Herostatus Ephesum* incendit, vt sibi perpetuitatem nominis compararet.

m. Plin. l.

36. c. 14.

n. In Achæic.

o. Plin. l. 10.

c. 40.

ret. Incendium accidit circiter Idus Sextilis, quo die natus est *Alexander Magnus*, vt ait *Plutarchus*. p. Sanxerunt *Ephesij*, propositis grauissimis supplicijs, ne quis in posterum *Herofraturum* nominaret. Exinde *Ephesij* aliud præstantius construxerunt, mulierum ornamentis & multis operibus ad id collatis, non vt *Timæus Tauromenitanus* ait, ex *Persarum* depositis, cum nulla essent, & siqua fuerant, cum templo conflagrauerant. Ferunt *Alexandrum Magnum*, cum templum instaurari accepisset, factas & futuras impensas pollicitum, si eius rei titulus sibi adscriberetur: illos autem renuisse, *Ephesium*que laudibus quemdam extollunt, qui regi dixerit, Non decere deum dijs quicquam dedicare. q.

*Sicyone* ad portam Sacram dictam templum *Minervæ* ab *Epo- pæo* rege dedicatum, magnitudine & ornamentis, omnibus eius temporis operibus præstitit. De calo tactum conflagrauit. r. *Gelon Syracusanus* *Cereri* & *Proserpina* templa ex manubijs spolijsque *Carthaginensium* ingenti magnificentia, miroque artificio extruxit. s. *Alexander Magnus* ex prædâ barbaricâ X. millia talentum ad ædificanda dijs delubra in *Græciam* misit. t.

In *Iouis Capitolini* ædis fundamenta impendit *Tarquinius Superbus Rom.* Rex XL. millia pondo argenti. At eius, quod *Domitianus* extruxit, vel maximæ vnius priuati *Romani* reputatæ opes non suppeditarint in deurationem, in quam plus duodecim millia talentum exhausta. Columnæ sunt ex marmore *Pentelico* excisæ quadrato, quarum elegantissimè respondebat crassitudini longitudo: eas enim vidimus *Athenis*. Nec defecatis denuò expolitisque tantum accessit venustatis, quantum decessit symmetriæ, apparuitque exilibus redditis exhaustus decor. u.

*Nerone* principe, in *Cappadociâ* repertus est lapis duritiâ marmoris, candidus atque translucens, etiam quâ parte fuluæ inciderant venæ, ex argumento *phengites* appellatus. Hoc construxit, ille ædem *Fortuna*, quam *Seiam* apellant, à *Serui* rege sacratam, *Aureâ* domo complexus. Quare etiam foribus apertis interdiu claritas ibi diurna erat, haud alio quàm specularium modo, tamquam inclusâ luce, non transmissa. x.

Post triumphos & *Romani* Imperij firmissimum statum, *Vespasianus*

p. In eius vitâ.

q. Strabo lib. 14. Minervæ Sicyone,

XVI.

r. Pausan. in Corinth. f. Diod. lib. 11. c. 1. t. Plut. orat. 2. de Alex. fortuna.

XVII.

Iouis Capitolini.

u. Plut. in Poplic. Aedes Fortunæ ex phengite,

XVIII.

Plin. l. 36. c. 22.

XIX.

Pacis templum.

*spasianus* Paci templum ædificauit mirâ celeritate, & quæ hominum cogitationem superaret. Magnâ autem diuitiarum largitate vsus, insuper perfectis id picturæ ac figmentorum operibus exornauit. Omnia namque in illud fanum collecta ac deposita sunt, quorum visendorum studio per totum orbem antiquitatum studiosi vagabantur: reposuit etiam illic *Iudaorum* sacra vasa. Legem verò eorum, & penetralium vela purpurea in palatio cõdita seruari præcepit. *γ. Rogat Persius:*

*Dicite Pontifices, in templo quid facit aurum?*

alij legunt, *Sancto*. Quo indicare voluit inanem esse templorum ornatum. *Lampridius* in vitâ *Alexandri Seueri* tradit, eum in templis non nisi quatuor aut quinque libras argenti posuisse, auri ne drachmam, intelligens nimis seuerè illum *Persij* versiculum,

*In Sancto quid facit aurum?*

XX.  
Maximus  
luxus in or-  
natu tem-  
plorum.

Alij tamen maximo luxu delubra sua auro & gemmis accumulabant. Vnde & Virgines imagunculas quasdam ex auro, aliâ uè materiâ pretiosâ *Veneri* offerebant, postquam annos pueriles excesserant. *Phryne Delphis Venerem* auream dicauerat. Quam, cum *Diogenes* vidisset, adscripsit elogium: *Ex Græcorum intemperantia*. Arguebat enim *Græcos*, quòd ita supra modum libidini dediti essent, vt scortum è turpi & publico sui corporis quæstu tantum auri collegisset; ac simul insinuabat, non ex quouis lucro, aut pecuniâ vnde quaque corrâsâ ornanda esse Deorum loca, aut

z. Laërt. l. 6,

erigendas illis statuas. *ζ.*

XXI.  
Templi Ga-  
ditani opu-  
lentia.  
a. Lib. 5. c.  
1. de vit. A-  
poll.

Quanta *Gadibus* in templo *Herculis* opulentia? de eâ præter alias æneas statuas, *Philostratus*: a. *Pygmalionis*, ait, *insuper aurea olina in ipso Herculis templo posita est, mirabili, id aiunt, arte fabricata: cuius præcipua pulchritudo in fructuum opere conspicitur, qui ex lapide smaragdo confertis uis, oliuis simillimi apparent. Teucris etiam Telamonij balthæus aureus eodem in loco monstratur. Qua autem in templo sunt columnarum simulacra ex auro argentoq; simul fusâ, & in unum colorem redacta, facta esse Damis narrat. Quod verò ad columnas attinet, videtur certè Hercules columnarum illarum memoriâ vtique cultus, nam amplissimum & opulentissimum Tyrij Herculis templum suas quoque columnas habuit, atque eas pretio-*

Hercules  
columna-  
rum nomi-  
ne cultus,



pretiosissimas, vt scribit *Herodotus*: b. *Templum*, inquit; *Herculis*, quod vidi, opulenter exornatum cum alijs multis donarijs, tum, verò duobus cippis, altero ex auro excocto, altero ex lapide smaragdo, maiorem in modum splendente per noctem. Sed de his columnis, tum & de *Gaditanis* videndus *Strabo*, c. vbi diuersas aliorum sententias de *Herculis* columnis recenset; atque extremam illam, quam *Possidonius* maxime probabilem censet, videlicet fuisse æreas octo cubitorum columnas, quibus inscriptus fuerit sumptus in templi factus exædificatione, quos nauigatione absoluta sacris *Herculis* factis declinauerint. Nam *vetusti*, inquit, *Strabo*, *moris fuit huiusmodi ponere limites*: cuius plurima profert exempla ex antiquitate.

Templum *Cordubense* amplissimum, & toto orbe clarissimum, ceptum ædificari à *Machumetano Abderameno* II. Rege *Cordubensi*; perfectum verò ab *Ixeçà Abderameni* filio circa A. C. Dccc. con-  
tignationes vniuersas habet *Cedrinas* siue *Alerzinas*.

Templa *Ægyptiorum* ita describit *Clemens Alexandrinus*: d. *Apud Ægyptios, Templa, eorumq; porticus, ac vestibula, luce mirifice instructa, eorumq; atria multis columnis cincta sunt: parietes autem lapidibus externis & artificiosè depictis resplendent: ita vt nihil desit: edes autem auro, argento, electro collucent, & ex India ac Æthiopia varijs fulgentibus lapillis; adyta verò intextis auro obumbrantur poplis. Sed si penetralia templi ambitus subieris, & ad eius, quod est præstantius spectaculum properans, imaginem, qua templum habitat, quæseris, Sacerdos quispiam ex ijs, qui in templo sacrificant, graui & venerando vultu aspiciens, & Ægyptiorum lingua Pæanem concinens, cum veli aliquantulum contraxerit, tamquam Deum ostensus abunde nobis suppeditat occasionem irridendi numinis: neq; enim intus inuenitur Deus, qui querebatur, ad quem festinabamus, sed felis, vel crocodilus, vel serpens indigena, vel aliqua huiusmodi bellua, quæ templo quidem est indigna, sed antro, spelunca ac cæno magis congruit.*

Apud *Malabares* fanum est simio dicatum: cuius dumtaxat pecori in victimarum vsum custodiendo, porticus miram in longitudinem excurrit, columnarum septingentarum è marmore, tantæ magnitudinis, vt *Agrippa* columnas, quæ in celeberrimo quon-

b. Lib. 2:

c. Lib. 3:

Priscus ritus columnas erigendi pro limite itineris.

XXII.

Templum Cordubense.

XXIII.

d. Lib. 3. Pædag. c. 2. Templa Ægyptiorum.

XXIV.

Templum Simio dicatum.

dam omnium Deorum templo *Romæ* visuntur, sine dubio adæquent.

CAPVT V.  
 TEMPLORVM GENTILIVM VENERATIO PETITA AB ANTIQVITATE.  
 ITEM DE EVENTIBVS ADMIRANDIS.

RANDIS.

I.  
 Ab antiquitate.



*Pvd Thebas Egyptias* olim ex quatuor templis pulchritudine magnitudineque admirabili constructis, vnum fuit antiquissimum, cuius circuitus stadiis XIII. patebat, altitudo cubitis quinque & quadraginta: muri latitudo erat pedum quatuor & viginti. Respondisse huius templi magnificentiæ aiunt ornamentorum cultum, magnâ impensâ & mirando opere constructum: ea structura vsque ad posteriora permansit tempora. Aurum verò & argentum, ebur, & lapidum sumptus atque ornatus, à *Persis* ablata, quo tempore *Cambyses Egyptiorum* templam combussit. a.

a. Diod. l. i.  
 cap. 4.  
 II.

Templa *Græciæ* vetustissima habentur, *Pythij Apollinis* apud *Samios*, *Minervæ* aut *Phocæenses* in *Ioniâ*, quod *Harpagus* olim *Mædus* exussit: antiquissimum verò omnium *Theatij Apollinis* apud *Trezenios*, quod *Pitheos* maternus avus *Thesæi* ædificavit & exornavit. b.

b. Pausan.  
 in Corinth.

III.

Memorable fuit *Vricæ* templum *Apollinis*, vbi *Numidicarum* cedrorum trabes durant, ita vt positæ fuere primâ vrbis eius origine, annis mille centum octoginta octo.

IV.

Et in *Hispania Sagunti* aiunt templum *Dianæ à Zazyntho* advestæ cum conditoribus, annis ducentis ante excidium *Troia*, vt auctor est *Bochus*, infraque oppidum ipsum id haberi. Cui pepercit religione inductus *Annibal*: juniperi trabibus etiam nunc durantibus.

V.

c. Plin. l. 16.  
 cap. 20.

Super omnia memoratur ædes in *Anlide* eiusdem deæ, saculis aliquot ante *Troianum* bellum exædificata: quoniam generemateria, scientia obliterata. c.

VI.

A sanctitate

In *Ponto* sanum est *Mensa Pharnacis* dictum, *Ameriâ* scilicet vicus,

vicius, in vrbs modum, multos sacros seruos habens, & regionem sacram, cuius fructum sacerdos percipit. Hoc fanum adeo reges venerati sunt, vt quod ipsi regium iusiurandum vocant, id regis fortunam & *Pharnacis* mensam dixerint. Est autem hoc lunæ fanum, quemadmodum id quod apud *Albanos* est, & ea quæ sunt in *Phrygiâ*. d.

d. Strabo  
lib. 12.

VII.

Supra *Tuneta* itinere trium dierum vrbs est *Caruenna*, perantiquo templo venerabilis, & ob id libera & immunis, in quâ sancti fato *Maurorum* & *Numidarum* proceres, vel è longissimo terrarum tractu tumulantur. Quoniam persuasum habent, eorum animas, quorum ossa eo in loco sita sint, vti purius expiatis, ad impetrandam celestis vitæ felicitatem, illorum sacerdotum accuratiori cæremoniâ superis efficacissimè commendari. e.

e. Iou. l. 33.  
Histor.

VIII.

Apud *Arginos* nobilissimum templum fuit *Apollinis Lycij*, dedicatione *Danai*. Item & *Æsculapij*. f.

f. Pausan. in  
Corinth.

IX.

*Veneris* templum adeo locupletatum fuit *Corinthy*, vt supra mille prostitutas puellas caperet, quas *Veneri* viri mulieresque addixerant. Propter has frequens in vrbem multitudo conueniebat, vnde ciuitas mirum in modum ditabatur. g.

g. Strabo;  
lib. 8.

X.

In libro de Fabulosis locorum rebus est, cum *Halicarnassi* sacrificium quoddam *Ioui Asciæ* peragitur, gregem caprarum ad fanum adductum consistere, votisque absolutis, vnâ earum, nemine ducente, progressam ad aram accedere, quâ sacerdos arreptâ liber. h.

A miraculis  
siue euentibus admi-  
randis.

h. Apol. de  
Hist mirab,

XI.

In *Bæotiâ Cereris Mysælessiæ* templum occludi singulis noctibus & aperiri ab *Heracle* putant. Præterea ad simulacri pedes posita omnia, quæ fert autumnus, exponunt. Ea quàm recentissima totum annum perdurant. i.

i. Pausan.  
in Bæot.

XII.

Inter *Tralles* atque *Nyssam* vicus est *Nyssensum*, non procul ab vrbe, nomine *Acharaca*, vbi *Plutonium* est, luco sumptuoso circumdatum. Item *Plutonis* ac *Iunonis* delubrum, & antrum *Charonium* naturâ admirabile, quod luco imminet. Tradunt, agrotos qui horum deorum curis vacant, eò proficisci, atque in vico, specui vicino, apud sacrorum peritos immorari, qui pro eis indormientes, curas ex insomnijs captant, Hi Deorum remedia inuocan-

tes,



tes, sæpè illos in antrum ducunt: vbi tamquam in cauernâ manentes, multos dies & iciuni & quieti exudant, nonnumquam agrotantes, proprijs insomnijs intendunt, ductu & consilio sacerdotum. *k.*

k. Strabo  
lib. 14.

XIII.

*Epidaurus Peloponnesi* ciuitas, *Æsculapij* claritate nobilitata, quem varia morborum genera curasse, somniati sunt homines. Erat verò templum agrotantium multitudine vsquequaque repletum, pendentibusque tabellis, in quibus sanati languores erant inscripti. Quemadmodum & in *Cosâ* fiebat insulâ pariter & *Tricâ*. Sita vrbs est in ipso *Saronici* sinûs recessu intimo. *l.*

l. Idem 1.8.  
XIV.

*Canopus* centum ac viginti stadijs distat ab *Alexandriâ*, dicta de nomine *Canopi*, qui *Menelai* classẽ gubernabat, & ibi mortuus est. In eâ est *Serapidis* templum, & cultu & religione excellens, vt etiam doctissimi viri credant, & pro se vel pro alijs insomniâ ibi captent. Sunt qui curas conscribant, quidam verò virtutes eorum, quæ ibi respondentur. *m.*

m. Idem 1.17  
XV.

Celebre fanum habet *Veneris Paphos*, in cuius quamdam arcam non impluit. Item in *Neâ* oppido *Troadis* circa simulacrum

n. Plin. l. 2.  
cap. 96.

*Minerue*. In eodem & relicta sacrificia non putrescunt. *n.*

Scriptit *Lucianus* in *Icaromenippo*, celeberrimum templum *Æsculapij* fuisse *Pergameni*, sicut *Apollinis* in *Delphis*.

o. Lib. 8.

Strabo o. fanum *Æsculapij* insigne scribit *Terrapoli*, quæ ciuitas ab *Ionibus* & *Caribus* habitabatur. Erat id templum multitudine agrotantium & varijs morbis laborantium plenum, & parietes pictis tabellis vbique tecti, in quibus scripti erant morbi & nomina eorum, qui ab illo deo sanati essent. *p.*

p. Nat.  
Com. Mythol lib. 4.  
cap. 11.

In *Dauliâ* esse memorant *Iliados Minerue* templum, in quod alantur canes, quibus insitum planè sit, perinde ac ratione quadam, aduentantibus subblandiri *Gracis*, Barbaros autem, vbi se ostentarint, latratu insectari. *q.*

q. Cæl. lib.  
33. cap. 31.  
XVII.

Extra *Crotonem* olim *Iunonis Lacinie* templum fuit, multâ religione sacrum. Lucus proceris abietibus septus. Lata in medio pascua, vbi omnis generis pecus deæ sacrum sine custode pascebatur, gregibus sub noctem ad stabula sponte remeantibus, nulli hominum ferarumue iniuriæ obnoxij. Solida ex auro columna

ex illorum prouentū facta dedicataque deæ est, templum diuicijs & religione inclytum. Miraculum loco affingitur ex arâ, quæ ibi sub dio fiat, numquam cinerem ventorum impulsu dissipatum.

Templum *Diomedis* esse aiunt in insulâ *Diomedeâ*, non longè à monte *Gargano*, qui est in *Apuliâ*, & hoc templum circumuolare atque incolere aues *Diomedæas*, tam mirabili obsequio, vt rostrum aquâ impleant & aspergant: & eò si *Graci* venerint, vel *Gracorum* stirpe progeniti, non solum quietas esse, verum & superaduolare; si autem alienigenas viderint, subuolare, & capita eorum tam grauib. ictibus, vt etiam perimant, vulnerare; nam duris & grandibus rostris fatis ad hæc prælia perhibentur armatæ. s. *Seruius* t. ait, socios *Diomedis* duces suos sublato, impatientiâ doloris in aues mutatos esse, & memores originis suæ *Gracis* nauibus latas occurrere; barbaris infestas, quod ab *Illyricis* *Diomedes* sit interemptus. *Aristoteles* u. tamen ab *Aeneâ* occisum dicit. Has aues *Seruius* tradit à *Gracis* vocari *æodis*: sic putat *Alianus*. Aues earumque ingenium describit *Plinius*, x. vocarique scribit à *Iubâ* *Cataractas*; esseque illis dentes & oculos igneo colore, ceterum corpus candidum: duas semper ijs duces, alteram ducere agmen, alteram cogere: has tantum visi in insulâ nobili *Diomedis* tumulto atque delubro, contra *Apulia* oram, fulicarum similes. Aduenas barbaros clamore infestant, *Gracis* tantum adulantur miro discrimine, velut generi *Diomedis* hoc tribuentes. Originem verò fabulæ esse dicit, quod illi ædem eius quotidie pleno gutture madentibus pennis perluunt atque purificant.

*Roma* in Boario foro ædes *Herculis* rotunda præcipuæ admirationis, ad quam nec canes, nec muscas ingredi, opinio est, sicut *Achillis* ædem ante *Borysthenem* nulla ales ingrediiebatur. j.

In *Africa* vrbe *MAROCO* multa sunt Tempa, inter quæ nulum artificiosius, neque magnificentius, quam quod in medio vrbis, à quodam *Hali* dicto exstructum existat. Est & aliud ab huius successore *Abâul Miomen* exstructum, & ab huius Nepote *Manfor* ampliatur, multisque Columnis ex *Hispaniâ* conuectis opulentiùs redditum. Cisternam sub hoc Templo confecit, eius magnitudinis, cuius totum est Templum: tectum Templo addidit

r. Sabel. l. 3.  
Ennead. 5.  
XVIII.

s. D. Aug. l.  
18. de Ciuit.  
Dei. c. 16.  
t. 2. Georg.

u. In Mira-  
bil. audit.

x. Lib. 10.

XIX.

y. Alex. l. 2.  
cap. 14.

XX.

Artificiosū  
Marocci  
Templum;

plumbeum: singulisque angulis addidit Canales, qui pluuialem aquam in Cisternam subiectam mittant. Turris ex lapide durissimo, quale *Romanum Vespasiani* est Amphitheatrum, altitudine Turrim *Bononiensem* in *Italia* superat. Gradus quibus ascenditur, habent singuli nouem palmos latitudinis: exterius verò muri latus decem. Septem habet hæc turris mansiones, sitque ab vnâ ad aliam ligneâ scalâ ascensus. Si quis è Fumâ Turi despiciat, huic Homines quamuis staturæ procerioris, non aliter ac pueri vnius anni appareant. Habet & hæc turricula in summâ parte ferrum quoddam Lunâ ornatum aureâ, tres item Sphæras aureas, sic ferro insertas, vt maxima inferiorem, minima superiorem partem occupet. Est & Arx quædam munitissima in hac vrbe, quæ si amplitudinem, si muros, si Turres, si Portas ex *Tiburtino* Marmore exstructas videris, Ciuitatem iure censeas. Templum habet altissimâ Turri ornatissimum, in cuius fastigio Lunam, atque sub hac tres inæqualis magnitudinis Sphæras aureas, quæ omnes CXXX. mille aureos pendunt.

XXI.  
Amplissimum Fessæ  
Templum.

In vrbe Fez Tempa sunt DCC. in quibus magnifica & splendida. Summum templum quod vocant *Carannea*, ambitum habet sesquimiliaris. Portas amplas atque altas vnamet triginta. In hoc Templo singulis noctibus cccio. lucernæ accenduntur. Redditus Templi in singulos dies feruntur esse ducentorum aureorum.

XXII.  
Cairi 22000  
templorū.

*Memphis* olim *Arsinoë*, regia vrbs *Egypti* nunc *Cairum* vel *Alcair*. Templorum continet vigintiduo millia, & magnifica templa Idolis consecrata, & dæmonis cultui destinata.

XXIII.  
Mexici  
templorū.

In vrbe *Mexico* celeberrimum fuit Templum *Vitzilipuztli*, ambitum amplissimum habens, atque aream intus pulcherrimam. Sanè fuerunt in hisce *India* partibus plurima, & quidem superba & magnifica Tempa, Idolis consecrata, ac diaboli cultui destinata, quæ *Hispani* olim voce *Cu* appellarent.





## CAPVT VI.

TEMPLORVM GENTILIVM EVER-  
SIO, EXVSTIO, ET PROFA-  
NATIO.

EMPLVM *Iunonis* juxta *Mycenas* antiquissimum & ditissimum conflagrauit, cum somnus *Chryseidem*, *Iunonis* sacerdotem oppressisset, incensis proximæ lucernæ lumine coronamentis. Ipsa *Tegeam* ad *Alea Mineræ* aram supplex confugit. a.

*Argi* lucus sacer à *Cleomene Spartanorum* rege incensus, & *Argi* hostes, qui eò confugerant, exusti. b.

In *Sicyoniorum* foro *Pithus* Deæ templum, olim à *Prato* dedicatum, conflagrauit, & simul donaria vetustissima & elegantissima. c.

Templum *Iouis Capitolini* primum, quod *Tarquinius* condidit, & dedicauit *Horatius Pulvillus* consul, incendium bellis ciuilibus absumpsit. Sunt qui putant operà *Syllæ* incensum *Capitolium*, alij *Carbonis* Cos. *Appianus* in bello ciuili, fortuitam fuisse deflagrationem, & caussam latere scribit. Secundum excitauit *Sylla*, sed *Catulus*, *Sylla* fato præuento, est dedicationi præscriptus. Quod cum iterum bellis intestinis *Vitellianis* deflagrasset, tertium cum alia, vsus felicitate, tum hac *Vespasianus*, ab initio vidit excitatum ad finem, concidens paulò post non vidit: verum hactenus *Syllam* superauit felicitate, quatenus ille consecrationem templi ab se ædificati, hic interitum morte præuenit. Simul enim atque discessit. *Vespasianus*, *Capitolium* haustu incendio est. d. Quartum à *Domitiano* & expletum est & dedicatum. Sub *Commodo* *Ædes Iouis Capitolini* fulmine incensa, ignem in bibliothecam vicinam instructissimâ, maiorum curâ & diligentia adornatam, deriuauit, eamque magnâ cum iacturâ & clade litterarum & librorum exussit. Nec multò post secutum est aliud incendium, templa *Pacis* & *Vesta* & *Palatium* concremauit, magnamque partem ipsius vrbs diruit, ac solo æquauit. e.

I.

*Iunonis*  
*Mycenis*,  
a. *Paus.* in  
*Corinth.*

II.

*Argi* lucus,  
b. *Herod.*  
lib. 6.

III.

*Pithus* Deæ,  
c. *Paus.* in  
*Corinth.*

IV.

*Iouis* *Capitolini*.

d. *Plut.* in  
*Poplic. Ap.*  
l. i. bel. ciu.

e. *Spart.*  
*Oros.* *Herod.*

*Apollinis*

V.  
pollinis  
Daphnæi.  
f. Niceph.  
lib. 10. c. 28.

VI.  
Antiochiæ  
Traiani.

*Apollinis templum Daphneum in Antiochia suburbio (quod Gallus Imp. Christianis concesserat, & ibi etiam Babylæ martyris reliquias reposuerat) cum Iulianus apostata denuò idolis coinquinaret, eiecit Babylæ cadauere, ignis incerto auctore coortus, templum integrum absumpsit. f.*

*Iovianus Imp. à coniuge instigatus, Antiochie templum magnificentissimum, quod Hadrianus in honorem patris Traiani extruxerat, & Iulianus apostata in bibliothecam redegerat, vnà cum libris omnibus cremari iussit.*

## CAPVT VII.

TEMPLORVM IMMVNITAS APVD  
ETHNICOS.

I.  
a. Lib. 35.  
Templa olim asyla,  
b. Lib. 2.  
Onomast.  
cap. 10.  
c. In Supplic. Act. 1.



SYLA olim templa dicta, vt apud *Linium*: a. *Ea religione & eo iure sancto, quo sunt templa, quæ Asyla Græci vocant. Asylum, sacro terminos, quibus seruis esset securitas, dixit Iulius Pollux* b. *Idque innuit Euripides.* c.

*Habent confugium, ferè quidem ad petram;  
Serui autem ad aras Deorum, Idolorum: Ciuitas autem  
Ad ciuitatem confugit  
Tempestate exagitata.*

d. Lib. 1.  
Aeneid.

Et in templa confugientes, veniâ & miseratione dignos docet.  
*Virgilius d. dum ait:*

*Cunctis nam lecti nauibus ibant.*

*Orantes veniam, & templum clamore petebant.*

e. 6. Aneid.

Ita & supplices orantes aras tenebant, vt innuit idem. e.

*Talibus orabat dictis, arasq; tenebat.*

Erant templa eius venerationis, vt quod eò illatum esset, violari nefas esset.

II.  
Asyli priuilegium non omnibus templis concessum.

Ceterum *Asyli* priuilegium apud Ethnicos, quod quis extrahi non posset, non omnibus templis concessum fuit: sed aliquibus tantum, quibus consecrationis lege irrogatum fuisset. Quod elici potest ex *Cornelio Tacito*, dum scribit, f. sub *Tiberio Cæsare* increbuisse *Græcos* per vrbes licentiam atq; impunitatem asyla constituendi,

f. Lib. 3. Annal.

stituendi,

fituendi, quòd complerentur templa pessimis seruitiorum, & eodem subsidio obæratì aduersum creditores, suspectique capitalium criminum receptabantur, nec vllum satis validum imperium erat còercendis seditionibus populi, flagitia hominum, vt cæremónias Deum protegentis, & ideò placitum, vt ciuitates mitterent iura, & legatos, &c. *Suetonius* addit. *g* *Tiberium* aboleuisse omne jus moremque asylorum, quæ vsquam erant.

Conseruabant autem posteri omni studio hoc ius, & inter sacrilegos enumerabant, qui ab aris supplices, & ad DEI tutelam fugientes dimouebant, & in eos grauiter animaduertebant. Sic *Athenienses* eos ciues condemnarunt ultimo supplicio, qui *Cytonis* socios & ministros, qui per tyrannidem occupare arcem tentassent, ad aram *Minerue* factos supplices, occidissent. *h*.

Quin & apud Senatum *Syracusiorum* aliquando obtinuit, teste *Diodoro Siculo*, *i*. in iudicio *Ducetij Sicilia* patriæ proditoris, & criminis maiestatis rei ad aras supplicis, inuiolatam religionem in eo esse, saluumque fore debere, quia Dei potiùs esset causa, ad cuius aram esset supplex: quamuis cum hostibus nulla sit diuini iuris, sacrorum, religionumue societas, & inter eos omnia sint profana, siquidem capta ab hostibus profana fiunt.

Templum *Palladis* asylum erat. Vnde nec *Pausaniam* ausi sunt *Lacedæmonij* abducere vi, & militibus ibi cinctus, fame necatus est, vt ait *Thucydides*, *k*, & *Diodorus Siculus*, *l*. qui subdit, & numen idcirco iratum fuisse, quòd contra fas supplex mortuus fuisset. Atque *Lacedæmonas*, cum *Delphos* *Appollinem* consulturi misissent, responsum accepisse, supplicem restituere oportere: atque ideò duas statuas æreas *Pausania* extruxisse in templo *Palladis*, consilio diu agitato.

*Alcibiades* in *Siciliâ* absens, *Athenis* reus factus quòd sacra violasset, & capitis damnatus bonis publicatis, etsi plebiscito potestèa fuerit restitutus. *m*.

*m*. *Aemil. Prob. in Alcibiade.*

*Pausanias n.* scribit, *Syllam Romanum* phthiriâsi siue morbo pediculari-interiisse, quòd *Aristionem* ex *Minerua* fano extratum trucidasset.

*g. Cap. 37. in Tiberio.*

III.

*Sacrilegi reputati, qui ius asyli violassent. h. Thucyd. in j. lib.*

IV.

*Plut. in Solon, i. Lib. II. Biblioth.*

V.

*Templum Palladis asylum. k. Loc. cit. l. Lib. II.*

VI.

*Alcibiades damnatus.*

*n. In Attic. i. Sylla punitus.*



o. Diod.  
Sic. l. 17.  
Biblioth.

Qui *Tyris* deferendam ciuitatem, vt, DE o admonente, prædixerat, cum eum populus occidere vellet, ad templum fugiens morte liberatus est. o.

p. Idem  
lib. 11.

Templum ad *Palicem* tutissimum præstabat confugientibus asylum. p.

q. Lib. 4.  
hist.

*Lacedamonij* quoque templum velut asylum venerabantur, & in quo nocentes omnes etiam capite damnati, salui esse consueuerant, q. teste *Polybio*.

r. In Erot.  
cap. 9.

*Diogenites Milesiorum* Dux, ausus non est violare *Policritam Naxiam*, ex hostibus in templo repertam; *Non enim fas erat supplicem in templo violare*, inquit *Parthenius*. r.

VII.  
Strabo l.  
12.

Fuit asylum delubrum *Iouis* in *Tomio* apud *Trangnios*, qui habitabant *Pontum* & *Cappadociam* versus. s.

t. Idem l. 14  
u. Hero.  
l. 2. in Euterpe.

Item *Ephesi Dianæ*. t. In *Egypto* ad ostium *Nili* quod vocatur *Canonipum*, in cuius littore erat *Herculis* templum, ad quod si quis cuiuscumque hominis seruus confugiens caperet sacras notas, sese DEO tradens, nefas erat tangere. u.

x. Io. Mag.  
lib. 23. hist.  
Goth. c. 21.  
& 22.

*Gothi* eâ pietate fuerunt, vt nullos omninò violarent, qui securitatem à templis DEO dicatis inuocarent. x.

VIII.  
y. Aul. Gel.  
lib. 10. c. 15.  
z. Aët. 5.  
Sce. 1.

Est sanctio inter cæremoniales *Flaminis Dialis*, vinculum si ædes *Flaminis* introisset, solui necessum esse: & vincula per impluuium in tegulas subduci, atq; inde in viam foras dimitti. y. Apud *Plantum* ζ. *Traneo* seruus, ne à *Teuropide* & *Lorarijs* puniretur, ad aram confugiens, inquit: *Interim ego hanc aram occupabo*. Apud eundem a. *Trachalio* admonet *Palastram* & *Ampeliscam* vt in arâ assideant, ne per vim abducantur. Sic enim inquit: *Ne, inquam, timete, assidete hic hac in arâ*. *Ampelisc*. *Quid ista ara plus prodesse nobis potest quàm signum Veneris in fano hic intus, quod amplexu modo, unde abrepta per vim misera?* Et Scenâ 4. *Labrax* inquit: *Mihi non liceat ancillas meas Veneris de arâ abducere?* *Dæmenes*: *Est lex apud nos*.

a. Rudente  
Aët. 3. Sce. 3.

# IX.

Ara misericordie  
Athenis,  
b. Lib. 21.  
Thebaidos.

*Athenis* etiam erat ara misericordie, quam *Herculis* nepotes postquam is è terris migravit, collocarunt, vt esset eis asylum, à quâ nemo abduci posset, timentes insidias eorum, quos auus affligerat, auctore *Statio*: b. *Vrbe fuit mediâ nulli concessa potentum*

Ara

*Ara Deum, mitis posuit clementia sedem.*

Eum legito, apud quem satis constat, hanc aram misericordiæ, omnium confugium fuisse, nullique Deorum nominatim dicatam.

*Huc victi bellis, patriaq; à sede fugati,*

*Regnorumq; inopes, scelerumq; errore nocentes*

*Conueniunt, pacemq; rogant.*

Huius aræ ignoti Dei meminit *Paulus c.* secundum *Lyranum*, & *Gersonem. d.* Aræ item misericordiæ meminit & *Pausanias, e.* qui eam in foro fuisse tradit, idem scribit in *Phalerâ* portu *Atticorum* aras constitutas, & dicatas esse Heroibus, & dijs qui ignoti vocantur.

c. Aët. 17.  
d. Tract. 6.  
sup. Mag.  
e. Lib. 1. in Attic,

Templum quoque *Diana Ephesæ* eiusmodi fuit, vti iam supra diximus, vt ex eo nemo quouis crimine damnatus educi posset. Cuius *Cicero* in *Verrem* meminit: scribit & ad hæc *Iustinus f. in* hunc modum: *Laodamia* autem cum in aram *Diana* confugisset, concursu populi interficitur. Quod facinus dij immortales assiduus cladibus gentis, & propè interitu totius populi vindicauerunt, nam sterilitatem famemq; passi, & intestinâ discordiâ vexati, externis ad postremum bellis panè consumpti sunt. *Miloq; Laodamia* percussor in furorem verus, nunc ferro, nunc saxo summo dentibus laceratis visceribus duodecimo die interijt. Hactenus *Iustinus*, mentionem faciens aræ *Diana* non *Ephesæ*, sed *Epirotæ*. Hinc & *Pausanias g.* existimat, non ob aliam causam *Syllam* in diram incidisse calamitatem, quam quòd *Aristonem* qui in *Minervæ* templum confugerat, vi extractum interfici iussisset. Idem *Pausanias h.* *Helices* vrbs excidium commemorans, multa profectò tradit exempla, quibus apparet, implacabilem fuisse numinum iram ob violata deorum templa. Quo in loco refert *Dodonei Iouis* oraculum *Atheniensibus* redditum his sanè versibus:

*Ara tibi Eumenidum fumans, & curia Martis*  
*Sint cordi, hinc bello domiti, nam fortè Lacones*  
*Suppliciter tristes, venient tu proijce tela,*  
*Supplicibus parcens, diuinum quos iura tuentur.*

Apud eundem *Pausaniam i.* fit mentio *Hebedei*, cuius templum erat sacrosanctum, & hinc honorem habebat, vt qui supplices rinth,

X.

f. Lib. 38.

g. In Atticis.

h. In Achaicis.

XI.

i. In Co-

ces in id confugissent, cuiusvis criminis impunitatem consequerentur. Idem *Pausanias* k. tradit, apud *Tegeatas* *Minervæ* templum uniuerso *Peloponneso* fuisse antiquâ religione sacrosanctum, nec violari eos fas fuisse qui illuc confugissent, quæ sanè religio in *Pausaniâ* semel, antea verò in *Leotychide* est ab *Arginis* conseruata. Cum enim illi supplices se in illud templum tamquam in Asylum recepissent, nec postulatum quidem est, ut dederentur. Erat & apud *Lacedamonios* templum *Palladis Chalciae*, quò confugit *Pausanias* prodicionis accusatus: de quo etiam paulò superius dictum. Traditum etiam est, *Orestem* matre occisâ, cum à tribus furijs infestaretur, in templum *Apollinis* confugisse, nec ausas ingredi *Eumenidas*, sed exspectasse dum exiret. Hinc *Virgilius*. l.

1. Lib. 4:  
Aeneid,

*Aut Agamemnonijs scenis agitatus Orestes,  
Armata facibus matrem & serpentibus atris  
Cum fugit, ultricesq; sedent in limine dira.*

Quod *Statius* aræ misericordiæ, & ignoti Dei tribuisse videtur, dum scribit:

*Et à misero matrem submonit Oreste.*

## XII.

m. Plut. in  
Rom.  
Liu. lib. 1.  
Sab. lib. 2.  
Enn. 2.  
n. Lib. 2  
o. L. Viues  
in lib. 1. S.  
Aug. de ciu.  
Dei c. 34.  
p. Lib. 3.  
Fast.  
q. Lib. 8,  
Aeneid.

*Romulus* & *Remus* iactis urbis fundamentis asylum aperuerunt profugis & fugitiuis, inter Arcem & Capitolium, loco intermentio nominato: omnesque recipiebant, nec seruum dominis, nec creditoribus nexum, nec magistratibus debebant homicidam: verum inuiolatum locum ex oraculo *Apollinis* præstare se offerebant. Ita urbs est breui frequentata. m. Vnde Deum *Asylum* appellabant. Cui diuo diuæ templum sit pro asylo erectum, non constat: & *Dionysus* n. ignorare se dicit. Sunt qui *Vaioni* tradant, celebratur tamen asyli lucus IV. Nonas Februarij. o, *Onidius*. p.

*Romulus ut saxo lucum circumdedit alto,  
Quilibet huc, inquit, confuge: tutus eris.*  
*Virgilius* quoque ait: q.

*Hinc lucum ingentem, quem Romulus acer asylum  
Rettulit.*

## XIII.

Imp Regū-  
que statuar  
pro asylo,

Qui capti bello ad Imperatorum regumque Statuas confugissent, velut ad asylum, nexu soluebantur, & immunes erant: in eos



eos enim manus iniection non erat. Sic in *Aspendo Pamphilia* Tiber. Alex. l. 3.  
rij Imp. statua pro asylo fuere. r. cap. 20.

# PARS IV. TEMPLORVM SIVE ECCLESIARVM ANTIQVITAS APVD CHRISTIANOS; ALIORVMQVE LOCORVM SACRORVM MVL-

TITVDO.

## CAPVT I.



ENIAMVS ad Euangelicæ legis tempora. Hic primùm intuebimur tot à *Christianis* templa; tot monasteria condita ad pietatis cultum, virtutumque cælestium. studia propaganda per totius orbis terræ non modò vrbes, & vicos, sed agros, & nemora, saltusque inaccessos; tot similiter opera pia instituta, xendochia, domusque ad pauperes alendos, ægros curandos, puellas puerosque parentibus orbatos, & periculis plurimis obnoxios, quouis modo adiuuandos, præterea verò expositos suscipiendos, inopiamque & miserias quasuis omnium subleuandas, aut aliorum virtutes præmijs propositis promouendas ob collegia sacerdotum constituta, fundosque clericis attributos, qui digni forent quibus hæc darentur, vt horum nullus sit finis.

I.  
Multitudo  
templorū  
aliorumque  
locorum  
sacrorum  
apud Catholicos.

Certè videas in vrbibus nostris, oppidis, vicis, agris, templa à *Catholicis* exstructa, vt quiuis admoneatur officij sui, facile homines in vnum conueniant ad Dei laudes concinendas, munia exsoluenda. His rebus certi homines præpositi, per quos hæc speciatim curentur omnibus in locis, quorum necessitatibus & vrbibus destinati sunt plurimi agri ac fundi, amplissimi que cuiusuis generis prouentus.

II.

Certè Apostoli per omnem terræ ambitum cum sono prædicationis templa etiam Deo, eiusque cultui, sacrificio, orationibus instituta.

III.  
Ab ipsis  
Apostolis  
instituta.

bus deputauerunt, vtpotè S. *Matthæus* in *Egypto*: *Ephesi Ioannes*: apud *Indos Thomas & Bartholomæus*: alibi alij Ecclesias ædificauerunt.

## IV.

Antiochia  
à S. Petro.

Cùm *Petrus* Apostolus multos à varijs languoribus *Antiochia* contra *Simonem Magum* curasset, tantam Spiritus sanctus in illà die gratiam suæ virtutis ostendit, vt omnes à minimo vsque ad maximum vnâ voce confiterentur Dominum: & ne multis immorer, intra septem dies, plus quàm decem millia hominum credentes Deo, baptizati, & sanctificatione consecrati, ita vt omni auiditatis desiderio *Theophilus*, qui erat cunctis potentibus in ciuitate sublimior, domus suæ ingentem basilicam Ecclesiæ nomine, consecraret; in quâ *Petro* Apostolo constituta est ab omni populo cathedra, & omnis multitudo quotidie ad audiendum verbum, conueniens, credebat sanæ doctrinæ, quam sanitatum efficacia affirmabat. a.

a. Clem.  
Rom. lib.  
10. Recog.

## V.

b. 1. Cor. 17.  
Paulus etiã  
Ecclesiarũ  
sæpe me-  
minit.

c. Ibid. 14.

*Paulus* etiam ecclesiarum meminit, easque habendas in veneratione tradit. b. Ob id obiurgat *Corinthios*: Conuenientibus vobis in ecclesiã audio scissuras esse; & numquid domos non habetis ad manducandum & bibendum? aut Ecclesiam Dei contemnitis? Videntur vt de loco verba faciat? & rursus: c. Mulieres in Ecclesijs taceant. Docet insuper quo habitu & modo, tam viri, quàm mulieres debeant in Ecclesijs orare. Erant ergo eo tempore Ecclesiæ materiales, fortassis non tam splendide quàm paulò post, crescente numero & opibus fidelium, quia de illis verba Apostoli intelliguntur.

## VI.

d. Act. 14.

Item Ignatius.

Apud *Lucam* d. dicitur *Paulus & Barnabas* per Ecclesias constituisse Presbyteros. Verisimile autem existimauerim, quòd domus nonnullæ ampliores priusquam Ecclesias erigere possent, promiscuè & passim ministerijs spiritualibus & orationibus inservierint. Sic in cœnaculum nouimus conuenisse primùm Ecclesiam post Domini Ascensionem, & ita ad sacros conuentus loca certa primos *Christianos* delegisse. Hæc sunt *Ignatii* antiquissimi omnium scriptoris, qui *Christum* vidit, & ab Apostolis est *Antiochia* ordinatus Episcopus, verba ad *Magesianos*: Omnes ad orandum in idem loci conuenite, Omnes velut unus quispiam ad templum Dei concurrite.

*currite, velut ad vnum altare, ad vnum IESVM Christum. Erant igitur templa Christianis Ignatio viuente.*

*Iustinus Martyr, qui tempore Antonini Imperatoris vixit, in Apologiâ ad illum, scribit, e. cœtus Christianorum tam vrbano- rum, quàm rusticorum illius temporis, die solis in vnum locum, conuenire, vbi Apostolorum prophetarumq; litteræ, quoad fieri potest, præleguntur: deinde cessante lectore; præpositus verba facit ad hortato- ria, ad imitationem tam honestarum rerum inuitans. Post hac consur- gimus omnes, & preces offerimus, quibus finitis profertur panis, vinum, & aqua. Tum præpositus, quantum potest, preces offert & gratiarum actionem, plebs verò Amen accinit. Inde consecrata distribuuntur sin- gulis, & absentibus mittuntur per diaconos: ditiores, si libeat, pro suâ quisq; voluntate conferunt. Collecta deponuntur apud præpositum: is subuenit pupillis, viduis, & propter morbum, aliamue necessitatem e- gentibus: vinctis quoq; ac peregrinis, & in summâ curator sit omnium inopum. Conuentus autem hos die solis facimus, quoniam hac die pri- mùm Deus depulsis tenebris formataq; materiâ mundum creauit: IE- SVS Christus quoq; noster Seruator eadẽ die resurrexit à mortuis. At- qui loca hæc nos ecclesias, templa, ædes vocamus. Nam de no- minibus haud disputamus, asserentes constituendum certum lo- cum, qui sit vsibus sacris destinatus: voces quo nomine velis, ni- hil ad rem.*

*Sed & ante Iustinum Plinius iunior ad Traianum, qui imperare cœpit anno post mortem Petri trigesimo, idem de Christianis scri- bit, consueuisse scilicet in vnum locum conuenire, Christo laudes canere, ibique innoxium cibum sumere; signat verò Eucharistiam quam cibum vocat innoxium, quòd gentes falsò Christianos ca- lumniabantur, quòd hominum carnes ederent.*

*Traiano successit Adrianus, atque hic, vt Lampridius scribit, f. multa templa cõdiderat, in quibus Christum coli volebat. Quòd si fas Christianis haud foret templa habere, cur ille exstruxisset? in quibus & nihil voluit pingi, vt postea, quod statuisset, de- pingi in honorem Christi possent.*

*Idem Lampridius meminit de Alexandro Imperatore, quòd cùm Christiani accusarentur, quòd locum cauponis cuiusdam oc- cupassent*

VII.  
Iustinus  
martyr.  
e. Apol. 2.

VIII.  
Plinius iu-  
nior.

IX.  
f. In vit. Al.  
Adrianus  
Christo  
templa cõ-  
didit.

X.  
Alexan. pro  
cupassent Christiano,



rum tem-  
plis rescri-  
psit.

Cornelij  
domus in  
ecclesiam  
conuersa.

XI.

g. Lib. con-  
tra Valent.  
h. Lib. de  
Elemos.  
i. Cap. 28.  
k. De Con-  
stant. laud.

XII.

Ecclesia  
vocata Do-  
minicum.

m. Initio  
lib. 3. c. 2.

cupassent Ecclesiæ ædificandæ gratiâ, locum vnde quæstio, illis  
adiudicauerit, & pro iisdem rescripserit. Ita enim ait: *Cum Chri-*  
*stiani quemdam locum, qui publicus fuerat, occupassent, contra popinarij*  
*dicerent, eum sibi deberi: rescripsit, Melius esse ut quomodocumque illic*  
*Deus colatur, quam popinarijs dedatur. S. Hieronymus* in vitâ *Paulæ*,  
testatur eam oculis proprijs aspexisse domum *Cornelij*, cuius fit  
mentio in *Actis*, conuersam in ædem sacram.

*Tertullianus* g. meminit apertè sacre ædis, ad quam *Christia-*  
*ni* conueniebant. *Cyprianus* h. ecclesiam vocans *Dominicum*, quod  
Domini nimirum sit domus, sicut & *Concilium Laodicenum*, i. &  
*Eusebius* k. idem testantur.

Verum enimvero quamdiu Imperatores *Christianis* infensi  
fuere, haud potuere publica omnia, & magnifica templa habere.  
Nam continuò ad illa euertenda conuolabant omnes *Christiane*  
religionis inimici. Quocirca *Dionysius Alexandrinus* scribit ad  
*Germanum*, l. se cum suis, quando edicto Imperatoris *Valeriani*  
haud permittebantur agi conuentus à *Christianis*, continere in oc-  
cultis loca, eaque non semper eadem. Et in *actis* martyrum legi-  
mus, *Christianos* sapius in cryptas subterraneas & arenarias ad Eu-  
charistiam percipiendam congregatos, quod etiam scribit *Corne-*  
*lius* Papa ad *Lupicinum* Episcopum *Viennensem*. Constatque ex epi-  
stolâ *Plinij* ad *Traianum*, jam inde ex illo tempore *Christianis* veti-  
tas *hetarias*, id est, sodalitates, siue sodalium coitiones. Et tamen  
vbi ipsis longior pax affulgebat, vt accidit ante immanem *Diocle-*  
*tiani* persecutionem, ampla *Christiani* templa excitabant; sic nam-  
que *Eusebius*: m. *Quomodo quisquam conuentus illos infinita homi-*  
*num turbâ frequentatos, multitudines in singulis ciuitatibus coactas, il-*  
*lustres hominum in templis concursus poterit oratione explicare? Vnde*  
*cum in antiquis illis edificijs non satis loci haberent, ampliores Ecclesias*  
*in vniuersis urbibus fundamentis earum ad maiorem laxitatem dilata-*  
*tis, erexerunt: quæ tamen edicto Diocletiani sunt demolitæ. Igitur ab*  
*ipsis exorientis Ecclesiæ primordijs, ad Ecclesiasticas obeundas*  
*functiones semper erectæ fuerunt sacræ ædes, quas Ecclesias nomi-*  
*namus. Et ita vsus obtinuit jam ab Apostoli Pauli temporibus,*  
*vt ad Ecclesiam confugere (verba sunt Augustini) in Ecclesiam prodire*

non dicatur, nisi ad ipsum locum parietesq<sup>ue</sup> prodierit atque confugerit, quibus Ecclesia congregatio continetur.

Præfatus Eusebius n. descriptis primorum Christianorum habitaculis, vt se habeat singulorum qualitas & situs, etiam de Ecclesijs, quæ apud eos sunt, sic scribit: *Est autem in singulis locis consecrata orationi domus, quæ appellatur Σεμειον, vel μνασῆριον. Σεμειον autem in nostrâ linguâ significare potest honestorum conuenticulum, in quo secedentes, inquit, honesta & casta vitæ mysteria celebrant, nihil illuc prorsus, quod ad cibum potumq<sup>ue</sup> pertinet, inferentes, vel ad reliqua humani corporis ministeria; sed legis tantum libros, & volumina Prophetarum, hymnos quoque in Deum, ceteraq<sup>ue</sup>, his similia, in quorum disciplinis atque exercitijs instituti ad perfectam beatamq<sup>ue</sup> vitam studijs ingibus coalescunt. Et post aliquanta iterum dicit: Ab ortu autem diei vsque ad vespem omne eis spatium studiorum exercitijs ducitur, quibus ad diuinam philosophiam per sacras litteras imbuuntur, patrum leges in allegoricam intelligentiam deducentes.*

XIII.  
n. Lib. 2.  
cap. 17. hist.  
Ecclesiæ,  
Eusebij Io.  
cus de Ec-  
clesijs Chri-  
stianorum,

CAPVT II.

TEMPLA NONNVLLE AB IPSIS  
EXORDIIS ECCLESIAE A QVIBVS  
CONSTRUCTA.

**T**EMPLA ab initio nascentis Ecclesiæ extitisse probauimus, restat vt idem exemplis illustremus. Porro templa Deo dedicata, de Sanctorum etiam nomine sunt dicta, ad ipsorum memoriam colendam, hinc vocata martyrum & Sanctorum memoriæ. Et quidem, nisi velimus abrogare priscis annalibus fidem, Martha & Maria Massiliam profectæ, duo templa, quæ dicuntur adhuc exstare, alterum Christo, Virgini alterum dedicarunt; atque ita in vetustis Ecclesiarum illarum monumentis habetur. Et S. Sauiinianus à S. Petro Sueffionas in Gallijs missus, ibi Petro eidem Ecclesiam excitauit. Idem Treueris & Colonia Maternus Petri discipulus egit non procul à Mosleim; qui & dicitur apud Bonnam Ioanni Baptista, Colonia Mathia Apostolo, apud Tungros ædem Deiparæ excitasse. Tradit Vaseus diligens Hispanicarum antiquita-

I.  
Templa  
Deo dedi-  
cata de SS.  
etiam no-  
mine dicta.  
Martha &  
Magdalena  
Massiliæ  
duo templa  
dedicarunt.  
S. Sauiinia-  
nus & Ma-  
ternus di-  
scipuli. S.  
Petri, multa  
templa cõ-  
diderunt.

- a. Lib. 5. de reb. Hisp. c. de adib. sacr.  
 b. Catech. cap. 16.  
 Aliorum testimonia.  
 c. In vit. Barna.  
 d. Epist. ad Solit.  
 e. Lib. 1. ep. 5.  
 f. In Psal. 114.

tum scriptor, viuenti adhuc Virgini à *Iacobo* Apostolo conditum in *Hispaniâ* sacellum *Cesar Augustæ*, idque non modò antiquissimis constare monumentis, sed maximis miraculorum euentis, refert hoc in annum *Christi* trigessimum septimum: & idem tradit *Lucius Marinus Siculus*. a. *Cyrillus Hierosolymitanus* floruit ante ac post Concilium *Nicanum*: meminit ille b. *Ecclesiæ Apostolorum Hierosolymis* erectæ, vbi descendit in eos *Spiritus sanctus*: meminit etiam illius *Alexander* c. *Athanasius* d. nominat templum *S. Quirini*. *Ambrosius* e. *Basilica*, inquit, *Apostolorum nomine* dedicanda. *Basilius* f. vocat *sacrum martyrum templum*. *Gaudentius* æqualis horum: *Vt venerandas*, inquit, g. *sanctorum reliquias habereamus*, *Deus noster tribuit*; deinde *vt hanc honori eorum fundare basilicam valeremus*, ipse largitus est. Hinc Concilium *Gangrense* h. damnat *Eustathium* veluti contemptorem *Basilicarum*.  
 g. Tract. de dedic. Eccles. h. Epist. ad Episc. Armeniæ.

## II.

- Antiquissima Roma  
 Ecclesiæ titulo Pastoris.

Ceterum in vrbe ipsa cæpit vsus Temploꝝ, eorumque numerus indies magis ac magis est propagatus. Constat enim *Pudentis* Senatoris, *Petri* discipuli domum in Ecclesiam mutatam, & nunc celebrari titulo *Pastoris*. Idem liquet de *Euprepia* matrona, & *Euaristo*, qui V. à *Petro* fuit.

## III.

- i. Lib. 5. c. 6. de Rer. inuent.

*Roma non reperio*, inquit *Polydorus Vergilius*, i. aliud antiquius templum adificatum, aut dicatum, vel ad usum sacrorum fuisse conuersum, quàm *thermas Nouati* in vico *Patricio*, quas *Pius Pontifex Prædix* eximia sanctitatis femina rogatu, diua *Pudentiana* eius sorori consecrauit, qui fuit annus circiter *CL.* ab eo qui humane salutis fuit primus. *Hyginus* tamen, qui *Pium* præcesserat, plura templa sacris dedicauerat ceremoniis, quod fidem facit, jam antea loca aliqua Deo dicata fuisse, sed vbi loci id factum fuerit, parum liquidò traditur. Nec ita multo post *Callistus*, jam sese tyrannorum odio sensim remittente, eadem in *Transiberinâ* regione *B. Virgini* struxit, cæmeteriumq; ex suo nomine condidit viâ *Appiâ*, vbi multorum martyrum repositi erant cineres.

## IV.

- Ecclesiæ portatilis  
 Constantini Magni,

De *Constantino Magno* postquam salutaribus vndis ablutus fuit memoratur, quòd ad instar tabernaculi veteris sibi curauerit Ecclesiam portatilem, quæ vbicumque locorum esset, & maximè in,



in bello, circumferri posset, ne in solitudine quidē agens, vbi opus esset Deum colere, & diuina mysteria participare deberet, ædibus sacris careret, ad quam veluti ad tabernaculum semper præsto fuere Sacerdotes & Diaconi, sine intermissione ministeria diuina iuxta statas Ecclesiæ cæremonias obeuntes. R.

k. Niceph:  
lib. 7. c. 46.  
Sozom. l. 1.  
cap. 9.  
V.

Et quidem ante illius tempora, primæna Christianorum humilitas, immensi operis structuras & ædificia non admittebat, Ecclesiā sub Tyrannorum gladijs jacente. Verū simulac Christiana fidei radius huius Imperatoris mentem perstrinxit, quales machinæ à Catholicis cœptæ in cælum attolliv! quantā templa per Constantinum vndis salutaribus ablutum, excitata? Testis est Lateranensis Basilica in monte Calio Romæ, quam sub titulo Saluatoris Siluester Papa dedicauit: & altera in Vaticano Principis Apostolorum: tertia insuper Diui Pauli, viā Ostiensi. Plures alias Constantinopoli, vt meminit Nicephorus, erexit; amplissimisq; prouentibus dotauit. Refert Andreas Fulinus, l. tantam istius Cæsaris pietatem, fuisse, vt eius tempore Romæ fuerint plus quā tria templorum millia.

Vide parte  
quinta.

Hanc religionem & zelum mortuo Constantino plures Christiani Principes imitati sunt, quorum memoriæ permanent, & dicatæ Deo ædes vsque in hanc diem se ostentant.

I. Lib. de  
antiq. Ro-  
mana.  
Tria millia  
templorū  
Romæ,  
tempore  
Constanti-  
ni.

CAPVT III.

TEMPLORVM FORMA APVD  
CHRISTIANOS.

**D**E formā Ecclesiarum Christianorum non est quod multa dicamus, cū adhuc antiquissimæ Ecclesiæ visantur. Quædam nihilominus obseruatione digna annotabimus. Ac primū de loco. Peracutus enim disputator, & inuestigator veri solertissimus Aristoteles, a. vno in loco, eoq; valde apto, & commodo ædificari vult deorum omnium domicilia, sue templa. Idoneum decernit, si tantum inerit in eo splendoris ac dignitatis, vt virtutis ibi sedes (pietatis nimirū, quæ non modò vna de summis virtutibus, verū etiam ceterarum omnium do-

I.

a. Lib. 7. de  
Repub.  
Templa in  
quo loco  
constituen-  
da.

mina & regina est) iuste collocetur. Deinde si erit editior & munitior, vt non facile turbulenti, & nouarum rerum studiosi ciues, qui in vicinijs degunt, expolitationem sacris illis ædibus inferre queant.

## II.

Sic ergò *Christianorum* templorum maxima medias vrbes commodius, loca silentia, & à concursibus ac multitudine hominum vacua honestius, sublimia dignius, plana stabilius, & contra concussum terræ tutius occupabunt. Denique eo loco molienda sunt vnde illis maior veneratio, & maiestas. Quidquid fordidum, indecens, impurum, ludicrum, & precatum venientibus aut ad aspectum ingratum, aut ad cogitationum sanctimoniā inutile, seu noxium potius, circumcirca remouendū longius. Area honestissima ijs attribuenda est, quæq; à foro non longè distet, aut à vicinitatibus: vt oppidani citra molestiam in dies singulos, pueri item feminaeque sacrorum obeundorum causâ eò concurrant.

Primaria  
ædes vbi  
collocanda.

Quæ tutelari Diuo excitatur, & est plerumque primaria ædes, reliquarumque princeps, præ quibus Basilica iure dicitur, locum vrbis sublimiorem, vnde oculi in omnem propemodum eius partem prospectum ferunt, meritò poscit.

## III.

Situs templorum.

Nunc de positu, siue situ. Veteres igitur, nisi impedirentur, sic templa sua ponebant, vt eorum frontes ad cælum vespertinum vergerent: quò qui susceptum vota, immolatum, sacrificatumque accederent, ad simulacrum, orientem spectarent: ipsaque idola velut cum sole surgentia, supplicantes, & sacra deferentes contueri viderentur. Si natura loci hanc constituendæ ædi libertatem negaret, sic condebant, vt ex eâ plerumque vrbis aspectus vsurparetur. Si secundum flumina, secundum mare, secundum vias publicas, tum frontes ripis, littoribus, vijs obijciebantur: vt qui aduenirent, quique prætergrederentur, aras conspicerent, statuasque salutare quirent.

## IV.

Apostoli  
institue-  
runt, vt  
versus Ori-  
entem solè  
oraremus.

Apostoli, quique ab ijs profecti, & eorum institutionibus eruditi, *Christiane* Reipub. temperandæ potestatem acceperunt, scitum fecerunt, vt quamquam *Hebrai*, diuinitus ita moniti, ad occidentem conuerso corpore Deum precibus, & hostijs venerarentur (quò scilicet nihil sibi cum ritu ethnicorum, soli emergen-  
ti sup-

ti supplicantium, & dum sacra illa sua procurarent, ad orientem sese conuertentium commune vmquam futurum declararent) nos tamen *Christiani* morem istum dimitteremus; seu potius non assumeremus: immo verò vt circumcisionem cum baptismo, sabbatum cum dominico; sic ad occidentem adorandi modum cum adoratione ad orientem mutaremus: cum timor abesset omnis, ne gentiles dæmonas suos hoc modo adorantes, imitari videremur.

Patet ergò, Ecclesias *Christianorum*, vt plurimum ad orientem conuersas fuisse, & quatuor latera habuisse, quibus quatuor mundi partes aspicerent, (exceptis quibusdam, quæ propter loci commoditatem aliter constitutæ sunt) id partim experienciâ constat, partim etiam testimonijs veterum. Nam *Tertullianus* b dicit Ecclesias *Christianorum* Orientem amare solitas. *Walafridus Strabo* c, dicit, maiorem partem Ecclesiarum ita fabricari, vt qui in eis orant, Orientem respiciant. Idem testantur *Paulinus*, d. *Iustinus*, e. *Epiphanius*, f. *Origenes*, g. *Basilius*, h. *Gregorius Nyssenus*, i. *Augustinus*, k. *Germanus*, l. *Ioannes Damascenus*, m. & omnes illi veteres qui scribunt Apostolicam esse traditionem, vt oremus conuersi ad Orientem, id enim præcipue seruari par est in solemnibus precibus, quæ funduntur in templis.

k. Lib. 2. c. 5. de ser. Dom. in monte. l. De Theor. rer. sac. cap. 13. de fide. orthod.

1. Rationes autem huius cæremoniæ sunt quinque. Prima, quia ad Orientem erat Paradisus. n. Oramus igitur conuersi ad orientem, quia proficiemur nos peregrinos, & ad patriam nostram, unde eiceli sumus, suspiramus. Ita *Gregorius Nyssenus*.

3. Secunda ratio est, quia ab Oriente cælum surgere, & moueri incipit, estque propterea pars illa totius mundi corporalis excellentissima. Ideò autem orantes conuertimus faciem incorporalem ad corpus excellentissimum, tum quia Deo sunt danda semper meliora, tum etiam vt admoneamur conuvertere faciem spiritualem animæ ad spiritum excellentissimum, qui est Deus. Ita B. *Augustinus*.

3. Tertia ratio est, quia *Christus*, quem oramus, est lux mundi. o. Et vir oriens nomen eius. p. Vt igitur significemus, nos in oratione illustrari à *Christo* sole iustitiæ, sicut illustrantur à sole cor-

V.

b. Lib. cont. Valent.  
c. De reb. Eccles. c. 4.  
d. Epist. 12.  
e. Quæst. 118.  
f. Hæc. 19.  
g. Hom. 5. in Num.  
h. De Spir. S. cap. 27.  
i. Orat. 5. de orat. Dom.  
m. Lib. 4.

VI.

n. Gen. 3.  
Rationes cur Ecclesiæ versus orientem, conuersæ essent.

o. Ioan. 8.  
p. Zach. 6.



poreo qui ad Orientem respiciunt; ideò hac caremoniâ vtimur,  
Ita *Walfridus*.

4. Quarta ratio est: quia Dominus ipse moriens in cruce, occidentem respiciebat, nos ad orientem oramus, vt quasi in faciem crucifixi intueamur: & quia ipse *ascendit in calum calorum ad orientem*, q. nos ad orientem conuertimur, vt quasi eum ascendentem votis ac precibus deducamus: ac demum quia ipse ab oriente venturus creditur ad iudicium. r. *Sicut fulgur exit ab oriente, & paret vsq; in occidentem, ita erit aduentus filij hominis*: nos ad Orientem precamur, quasi venturum iudicem expectantes. Ita *Damasceus*.

5. Possumus addere quintam rationem, quia *Iudei* orabant, & orant ad Occidentem, vt patet Exodi 26. vbi dicitur ostium Tabernaculi ad orientem versum fuisse; Et Ezechielis 8. vbi dicitur: *Ecce in ostio templi Domini inter vestibulum & altare, quasi viginti quinq; viri, dorsa habentes contra templum Domini, & facies ad Orientem, adorabant ad ortum solis*. Reprehendit enim Scriptura quosdam, qui contra ritum eius temporis adorabant ad orientem.

Gentiles enim adorabant solem orientem, teste *Trismegisto* in fine *Asclepij*, & S. *Iobo*, qui dicit: s. *Si vidi* ( vt adorarem more aliorum Gentilium ) *solem cum fulgeret, & lunam incedentem clare: & osculatus sum manum meam ore meo*. Hoc enim osculum, erat ritus salutandi & adorandi, vti ex S. *Hieronymo*, *Plinio*, *Apuleio*, & alijs, docet *Lipsius*. t. *Quin & Virgilius u.* docet veteres orienti soli sacrificasse. ait enim:

*Illi ad surgentem conuersi lumina solem,*

*Dant fruges manibus salsas & tempora ferro*

*Summa notant pecudum, paterisq; altaria libant:*

Sol enim à priscis dictus est mundi oculus. Taceo somnium *Xenophanis*, qui putauit eum in occasu perire, sed exortu nouum fieri solem. Hinc manarunt matutinæ illæ deorum salutationes, quibus dicebantur primam diei horam dijs suis nuntiare, quasi dormientes deos primâ luce excitarent, vti docet *Arnobius x.* & *Seneca. y.* Sic *Socratem* salutare solitum solem orientem tradit *Plato*, Ita *Q. Catulus*.

*Consi-*

Gentiles  
Solem Orientem adorabant.  
s. Cap. 31. v. 26.  
t. Lib. 2;  
Elect. c. 6.  
u. Lib. 12.  
Aeneid.

x. Lib. 7.  
cont. Gent.  
y. Epist. 66.

*Constiteram solem exorientem fortè salutans,  
Cum subito à laua Roscius exoritur.  
Pace mihi liceat, caelestes, dicere vestrà,  
Mortalis visus pulchrior esse Deo.*

Hunc morem adorandi solem vt DEVM, videntur *Hebraei* accepisse à vicinis *Aegyptijs*, inter quos sub tempora *Moyssis* diu commorati, eorum religionem & mores imbibierunt. *Aegyptij* enim coluerunt solem, adeo vt urbem eius cultui dicarint, & ex eius nomine nuncuparint *Heliopolim*, id est, Solis urbem. Quin & *Osirim* ipsorum numen præcipuum non aliud fuisse quàm solem, docet *Macrobius*, cum ait: *Osirim Aegyptij vt solem esse asserant, quoties hieroglyphicis litteris suis exprimere volunt, insculpunt sceptrum, in eoq; speciem oculi exprimunt, & hoc signo Osirim monstrant: quia solem, Iouis oculum appellauit antiquitas.* Idem a. docet omnes deos ad solem referri. Sic solem nomine *Mithra* coluerunt *Persæ*, *Graci* nomine *Apollinis*. Hinc prouerbum apud *Athenaum*: *b. Iupiter qui iuuenis est, regnat; Et, Plures adorant solem orientem, quàm occidentem.* Quod *Pompeius* iuuenis efflorescens dixit *Cinna* seni; & postea *Casár* id ipsum fuit *Pompeio*.

Huius idololatriæ declinandæ causâ, iusserat DEVS sanctum Sanctorum erigi ad Occidentem. Quocirca *Indei* conuersi ad sanctum Sanctorum, orabant conuersi ad occidentem. Insuper templum, teste *Iosepho*, c. habebat ostium versus orientem, ita vt sol inde exoriens, subito per templi & oraculi ostia radios dirigens, arcam & propitiatorium collustraret, ac velut primus adoraret. DEVM in eo super *Cherubim* residentem; vt *Indei* à sole discerent, DEVM in templo adorare, non solem. Porro cum idololatria hæc euauit, *Christiani* adorarunt & adorant DEVM conuersi ad orientem, propter causas iam suprà enarratas; Quibus addit *S. Thomas*, d. propter diuinæ maiestatis indicium, quod nobis manifestatur in motu cali, qui est ab oriente. Denique, vt suprà etiam insinuaui-  
mus, quia sicut *Christus* ascendit ad cælum in monte *Oliueti*, qui est ad orientem *Hierosolymæ*; ita ibidem descendet vt iudicium peragat in valle *Iosaphat*, quæ monti *Oliueti* adiacet.

Nos igitur ad Orientem respicimus, dum *Indei* respiciunt.

ad

VII.  
Item He-  
brai.

z. Saturn.  
lib. 1. c. 21.

a. Ibid. c. 17.

b. Lib. 3.

VIII.  
Sanctum  
Sanctorum  
cur versus  
Occidentē.  
c. Lib. 8.  
Antiq.

d. 2. 2. q.  
84. a. 2. ad 3.

ad Occidentem, vt significemus, eorum esse litteram occidentem, nostrum autem spiritum viuificantem; velamen adhuc manere super cor eorum, nos autem conuersos ad Dominum deposuisse velamen.

## IX.

Cur Ecclesiæ nostræ habeant tres partes.

Deinde animaduertendum, ad similitudinem templi *Salomonis*, in quo erat atrium, sancta, & sancta Sanctorum, Ecclesias ferè omnes habuisse tres partes. Primò erat porticus ante ingressum in templo, quem locum Græci *πρόναος*, nostri vestibulum dicunt: vbi manebant pœnitentes. Deinde erat *ναός*, id est, templum, siue nauis. Vltimò *Βήμα*, siue *ιερότερον*, hoc est, sacrarium, siue sanctuarium, siue adyta, quæ erat pars interior templi, vbi erat altare, quæque diuersa erat à reliquo templo, & diuisa gradibus, cancellis, & velis, siue aulæis: neque eò penetrabant alij quàm Sacerdotes cum suis ministris clericis.

## X.

e. Lib. 3. de vit. Const. f. Lib. 4. hist. c. 20. g. Lib. 5. cap. 17. h. Epist. de obitu Neptiani.

Præter has templi partes erat etiam domuncula annexa templo quæ dicebatur ædícula salutatoria, vbi sedebat Episcopus cum se pararet ad sacra facienda. Vide *Eusebium*, e. vbi describit templum quod *Hierosolymis* ad sanctum sepulchrum *Constantinus* exstruxit. Item *Theodoretum*, f. vbi meminit sacrarij aulæis separati à reliquo templo, quò introduxit *Basilius Valentem* Imperatorem: Rursus, g. vbi meminit tam sacrarij, quàm ædiculæ salutariæ. Vide *Hieronymum*, h. *Augustinum*, i. & *Walfridum Strabonem*, k.

i. Lib. 22. de ciuit. Dei, cap. 8.

## XI.

Præterea *Pastophoria* in eisdem exstrui consueuisse, apud *Clementem* legimus, quæ à *Paulino* vocantur, *Secretaria*, hinc inde apud absidem posita; quorum vsum duo hæc disticha, ab eodem desuper ipsa inscripta declarant.

Hinc locus est, veneranda penus quæ conditur, & quæ Promitur alma sacri pompa ministerij.

A sinistrâ eiusdem.

Si quem sancta tenet meditando in lege voluntas,

Hic poterit residens sacris intendere libris.

## X.

Altaria in Ecclesiâ.

Erant insuper in eadem Ecclesiâ pulchra altaria, nam cum ea essent sepulchra Martyrum, vbi cumque erat tumulatus martyr, illic



illic erigi consuevit altare, & quidem *Gregorius* meminit de XIII. altaribus in vnâ Ecclesiâ excitatis. Et hæc forma in ijs Ecclesijs se ostentat, quæ à religiosissimo Imperatore *Constantino* fuerunt à fundamentis exstructæ. In antiquioribus enim non ita licet, quandoquidem omnes quotquot erant in orbe *Romano Christiane* religionis Ecclesiæ, *Diocletiani*, & *Maximiani* Imperatorum edicto fuerint ad solum prostratæ.

Quid verò ea forma & structura nobis significandum proponat, inuestigandum est. Inprimis pleræque Ecclesiæ construuntur in formam crucis: immò priusquam fundamentum ponatur, solet Episcopus locum crucis formatione designare; ad significandum, inquit *Durandus*, nos mundo crucifixos, crucifixum sequi debere, ac crucis meritis inniti oportere preces nostras. Vnde etiam loco editiori, quem ORALE vocant, & figuram gerit vel montis *Caluarie*, vel gloriosi ascensus *Dominici*; quò ingredientibus statim oculis subijciatur, crucis imago ponitur. Oportet enim *Christianos*, exemplo *Pauli*, gloriari in cruce Domini nostri IESV CHRISTI, in quo est vita, salus & resurrectio nostra.

Fulcitur etiam ordinariè Ecclesia columnis, per quas denotantur Ecclesiæ doctores, qui thronum Dei sustinent; quomodo olim *Moyse*s in ingressu tabernaculi fecisse legitur columnas, Eoque loquendi ritu dicit *S. Paulus* de *Iacobo*, *Petro* & *Ioanne*, quòd videbantur columnæ esse. Et in *Apocalypsi* *S. Ioannes*: Qui vicerit faciam illam columnam in templo Dei mei.

Per fenestras adumbratur Sanctorum cum Deo regnantium exemplum & imitatio, vt quorum lux coram hominibus, ijsque omnibus qui in domo Dei erant, illuxit. Aut significant diuinarum Scripturarum splendorem, quo omnes errorum tenebræ propelluntur, & illuminantur qui ad Ecclesiam venerint.

Ostium principale est *Christus*, per quem qui non intrauerit, instar furis habendus est. Quia verò Templâ velut asyla sunt, & refugia *Christianorum*, ideò vt ab omnibus videantur facilius, & excitentur, vt quandoque terrenis occupationibus sepositis huc mentem collecturi, & spiritualibus seu verbi, seu Sacramentorum epulis reficiendi aduolent.

XIII.

Cur Ecclesiæ in formam crucis constructæ.

XIV.

Quid per columnas significetur?

XV.

Quid per fenestras?

XVI.

Quid per ostium?

**XVII.**  
**Quid Tur-**  
**ris denotet?**  
**Gallus in**  
**turri.**

Turris superponitur alijs ædificijs eminentior, per quam Pastorum conuersatio omnibus exposita, & vigilantia, cuius symbolum est specula; denotatur. Hinc etiam *Gallus Gallinaceus* supra turrim positus, Prædicatorum sedulitatem indicat. Gallus namque profundæ noctis peruigil, horas cantu suo diuidit, dormientes excitat, diem præcinit venientem: at prius seipsum alarum, remigio, & verbere suscitatur. singula mysterium suum habent. Nox est sæculum præsens: dormientes sunt, qui peccati sopore immerguntur. Hos prædicatores à peccati somno excitare oportet, vt *abijciant opera tenebrarum, & induant arma lucis* At necessarium est, vt primum mores suos castigent, vitamque componant, priusquam docendi munus assumant. Verum quemadmodum Gallus omniventorum turbini caput opponit, seque vertit in omnem plagam: sic illi nunc increpando, nunc arguendo, opportunè, improprietate, fortiter resistent venientibus in vestimentis ouium, & pro animarum sibi creditarum salute animam ponant, tamquam rationem de ijs reddituri.

**XVIII.**  
**Campanæ.**

*Campana* verò voces sunt Prædicantium in omnem terram. sonitum emittentium: significata olim per tubas argenteas, quibus in veteri lege populus ad sacrificium conuocabatur: siue per tintinnabula, quæ fimbriæ vestimenti Pontificis, vt in Sancta Sanctorum ingressurus audiretur, iussa sunt apponi; siquidem ad modum campanæ debent Pastores commissum populum vocare ad fidem, immò adducere exemplo *Christi* eos qui non sunt ex suo ouili, vt fiat *unum ouile, & vnus Pastor*.

**XIX.**

Plura forent examinanda circa hanc materiam, vt introitus varij, per quos beneficij nouæ legis amplitudo & refugij libertas designatur; ac promptitudo diuini consilij. Item cancelli, gradus, ac locorum distinctio: denique alia nonnulla. Verum cum tam obuia non sint quàm priora, neque tam claram sui demonstrent.

significationem, eadem ex proposito, quia breues esse laboramus, præteriuimus: remittentes lectorem ad Rationale *Guilielmi Durandi* supra alle-

gatum.

CAPVT IV.

ALTARIVM ERIGENDORVM VSVS  
ET RELIGIO IN NOVO TESTA-  
MENTO.



ALTARE mensa Domini, mensa mystica, *a.* & regalis, *b.* diuina prorsus, ac caelestis mensa est, terrena accipiens, atque in caelum transmittens; caelestia rursum suscipiens, ac terrae subministrans: in terrâ fixum; at caelesti throno hærens Altare, τὸ δὲ θνατόν *Dionysio*, *c.* ipsis quoque mentibus æthereis venerabile. Fuisse semper à *Christi* & Apostolorum, temporibus vsum altarium sacrorum, conuincitur primum ex Apostolo Paulo; *d. Habemus Altare*, &c. quod vocat ad *Corinthios c. Mensam Domini*.

*c. Cap. 3. Hier. Eccl. d. Hebr. 13. e. 1. Epist. 9.*

De Altari, cuius fragmentum exhibetur *Pisus in Hebruriâ*, in quo *S. Petrus* Missam celebrasse traditur, testatur *Martinus Paresius Guidixiensis* Episcopus. *f.* Etiam *S. Andreas* Apostolus se quotidie in altari offerre Agnum immaculatum, testatus est *Agea* Proconsuli. *g.* Inter Canones Apostolorum, est Canon 3. & 4. qui apertis verbis meminerunt altaris ad Eucharistiam offerendam erecti. Poenitentes inter alia signa humilitatis & conuersionis olim, non tantum presbyteris se aduoluebant, sed & sacris Dei aris adgeniculabantur; vt est testis *Tertullianus*. *h.*

De *S. Cypriano* legimus, quod vetuerit offerri sacrificium pro quodam defuncto, qui presbyterum constituerat rerum temporalium procuratorem; Causamque hanc reddiderit: non esse dignum pro quo sacrificetur, qui sacerdotem Dei ab altari obstraxisset. *i.*

*Donatistas* reprehendit *Opratus Milenitanus*, *k.* quod altaria in quibus & ipsi aliquando obtulerant, violarent, & diruerent; atque eodem loco vocat altare sedem Corporis *Christi*.

*D. Ambrosius*: *l.* Ego, ait, Domine memor veneranda passionis tue, accedo ad altare tuum, licet peccator, vt offeram tibi sacrificium, quod tu insitisti. *S. Antonium* refert *B. Athanasius*, *m.* præui-

I.

Altata qd?  
S. Paul.  
1. Cor. 10.  
a. D. Chrysost. hom.  
de Euchar.  
in Encenijis,  
b. Hom. 6.  
ad pcp.

II.

f. De diu  
Apost. &  
Eccles. tra-  
dit. p. 3.  
confid. 1.  
g. Epistol.  
Presbyt.  
Achaia.  
h. Lib. de  
Poen.

III.

i. Lib. 1.  
epist. 9.

k. Lib. 6.  
cont. Parm.

IV.

l. Orat. Præp.  
ad Missam.  
m. In vita,  
diffe



disse futuram *Arianorum* persecutionem: atque hac visione permotum, quòd in somnis sibi repræsentaretur imago multorum ferocientium, qui calcibus euertebant *Christi* altaria.

V. *Gorgoniam* sororem laudat à religione & zelo *Gregorius Nazianzenus* n. quòd solita sit ad altare se prouoluere, & ante illud inuocare eum, qui super illud coli & adorari consuevit.

VI.

Quin tempore *Iuliani* Apostatæ; *Iulianus* militiæ Præfectus, (dictu fœdum!) aram sacram in omnium conspectu micturâ fœdauit, & graues impietatis suæ pœnas dedit, vt paulò pòst dicitur.

VII.

S. verò *Tharasius* Archiepiscopus *Constantinopolitanus*, qui vixit anno DCC. XCIV. vt commemorat in eius vitâ *Ignatius Nicænus*, his verbis Imperatorem compellauit: *Notum facimus coram Deo honoranda tue purpure, quòd intra cancellos incruenta Mensæ, in quâ sacrificium magnæ hostiæ Christi venerabiliter peragitur, non sinemus amplius nobiscum vestram ingredi potentiam.* o.

VIII.

S. *Germanus* etiam in eadem vrbe Episcopus, anno CIO. CCC XLIII. hortatur his verbis Sacerdotes: *Agnosce, inquit, qui sacro altari assidetis, & incruentam victimam sacrificatis, quòd vinas Christi passiones annuntietis.* p.

IX.

Concilium *Nicanum* I. q. meminit expressis verbis Altaris, vocans illud sacram mensam, in quâ situs est *Agnus DEI*, qui tollit peccata mundi. Et vt Veteres omnes prætereamus, quorum tamen testimonia magnum hac in re momentum habent: nulla vmquam *Christianorum* templa ab *Iconoclastis*, siue veteris, siue proximè elapsi sæculi, diruta vel euerfa constat, quin in iisdem Altaria, siue mensas sacras constructas fuisse pro comperto habeamus. Vñs autem siue ritus Altarium arguit celebrationem sacrificij in nouâ lege: immò illud aptâ relatione inducit. neque enim alium ob finem altaria erecta, quàm vt in ijs sacrificetur.

X.

Materia altarium.

Beatus *Siluester* in consecratione altaris Principis Apostolorum decreuit, vt deinceps nisi ex lapide altaria non ædificarentur: attamen Basilicæ *Lateranensis* à *Constantino* etiam *Saluatori* consecratæ, altare fuit è ligno erectum. Quod mirum non est: nam cum à S. *Petro* vsque ad *Siluestrum*, propter persecutiones, Pontifices certo loco consistere non possent; quocumque eos necessitas

tas compulisset, siue in cryptas, siue in cœmeteria, siue in aedes piorum, super illo altari ligneo ad arcæ similitudinem concauo sacra faciebant. Quo altari *S. Siluester* redditâ Ecclesiæ pace, honoris causâ Principis Apostolorum, qui in illo sacrificasse dicitur, & reliquorum Pontificum, qui vsque ad id tempus ad mysteria conficienda eo vsi fuerant, in *Lateranensi* primâ Ecclesiâ collocato sanciuir, ne quisquam in eo præter *Romanum* Pontificem missam deinceps celebraret. r.

In vitâ *S. Philastrij*, Episcopi quondam *Brixienfis*, refertur, quòd in altari eius nomini consecrato, & super caput eiusdem posito, preces Missarum celebrauerint Episcopi successores, & diem transitus eius venerantes, ab omni terreno opere *Brixiensem* populum abstinere iubentes, reuerenter honorauerint. s.

Scribit *Sophronius*, sacri altaris lapidei consecrationem magnis ritibus fieri, ijsque peractis angelos ceu loci custodes diuinâ potestate adhiberi: ita enim habet in prato spirituali. *Abbas Barnabas iuxta Iordanem eximia sanctitatis vitam degebat, altareq; erexerat ad consecrationem inspeluncâ suâ. Cum igitur ipse inde aliomigrasset, Anachoreta quidam speluncam ingressus vidit Angelum DEI stantem super altare; aitq; ad Angelum Anachoreta: Quid hic agis? Cui Angelus: ex quo sanctificata sunt ista, à DEO ipso mihi credita sunt. t.*

*Gregorius* Papa III. Oratorium in Patriarchio in nomine Beati *Petri Apostoli*, diuersis ornatum metallis à nouo refecit, & circumquaque altaris parietes deargentauit, ac distinxit duodecim Apostolos pensantes libras centum octoginta. Fecit & calicem aureum præcipuum diuersis ornatum lapidibus pretiosis, pensantem libras triginta: similiter & patenam auream pensantem libras viginti octo & semis. u.

Hic antequam aliò discedamus, memorare lubet, quare supra aras statuarum diuorum locentur, pictæque tabulæ, quarum artificium ac pretium tum ipsa altaria, tum vniuersam ædem mirifice excolit.

Statuis & imaginibus ita tanguntur afficiunturque rudiores inprimis ac simpliciores animi, vt ad viuentes diuos diuasque precaturi

r. Pontif.  
Rom. Breuiar. 9. Nou.

XI.

Consecratio.

s. In vita.  
cap. 1.

XII.

t. Io. Moyses  
Euir.  
c. 10. Præter  
spirit.

XIII.

Ornatus.

u. Ex Anastas.  
Baron.  
tom. 9.

XIV.

Imaginum  
vsus quid  
conferat?

caturi accedere, & eos quodammodo secum loquentes audire videantur: nec falsò dictum, *imagines templorum, esse libros rusticorum*. Est & tertia utilitas: vt intuendis huiuscemodi Sanctorum simulacris, eorum veniamus in memoriam, qui partim laboribus durissimis, partim supplicijs immanissimis sublime & aureum illud templum petiuerunt: atque ita de imitatione cogitemus. Summum igitur studium pictores, statuarii, sculptoresq; adhibebunt, vt mores eorum, & virtutes in subiectâ materiâ quàm maximè connixi artificio expriment: id quod in tabulis consequi procliuus est. Sentiebant sibi aspectu imaginum, quas in bibliothecis reponebant, animos ad virtutem accendi *Romani* veteres: sensit hoc ipsum vehementer *Iulius Cæsar* intuendâ *Alexandri* effigie in delubro *Gaditano*: vt illachrymaret etiam, ac sibi eius viri comparatione mirum in modum displiceret.

XV.

Quis autem nostrum ita ferreo pectore, vt si super aram, ante quam procumbit, luctuosissimè vel pictum vel sculptum Saluatorem in cruce morientem videat, ipse queat siccis oculis, & inaudita charitatis eius, & suorum scelerum, quibus expiandis *DEI* filius se vltro dilaniandum obtulit, recordari? Quoties dum *Laurentij* picturam intuerer, fieri me optavi *Laurentium*? quoties *Franciscum*? Etiam virginum mulierumque sacrarum contemplandis statuis, imaginibus & sigillis intellexi quid possim ab illis sumere ad imitandum, quæ exempla, quæ facinora. Quid enim, in *IESU* diligendo feruentius *Magdalenâ*? cuius amor nullum sibi modum præscribere nouerat. Quid intentius *Catharinâ*? quid constantius *Ceciliâ*? Ipsam verò Domini Matrem, florem Virginum, & spem alteram orbis terrarum, quotiescumque intueor, ad omne genus sanctitatis suauissimo quodam incendio exardeasco. Quod quidam monent, in cellis per latera non plures tribus aut statuis, aut iconibus immortalium, super altaribus collocandas, nec seueriores marium cum mollioribus feminarum permiscendas, non absurdè monent: vt illud quoque prudenter & Christianè, ne sit, vlla ædes, in quâ non statim ingredientibus *Christi* patibulo suffixi imitamen in oculis incurrat; nihil quippe religiosius hoc signo, nihil salutaris aspicitur,

Non



Non desunt etiam, qui in materiâ signorum istorum emi-  
nentia personarum, prærogatiuæ, præcellentiæ rationem ducen-  
dam suadent, tamen id parum hodie seruetur. Ex margaritis,  
lapillis, auro CHRISTVM, MARIAM, Apostolos fabricemus:  
alios ex argento: quosdam ex ebore, è crystallo, è ligno è mar-  
more, ex orichalco. Verumtamen quemcumque DEVS cælo di-  
gnatus est, is meo iudicio apud homines auro gemmisque dignan-  
dus est.

Subit hîc mentem alia pietatis & reuerentiæ imago, quam  
sacris Aris *Brachmannorum* quispiam, cuius nomen immerito  
apud auctores reticetur, impendit. Nam cum in vrbe *Meliapa-  
rensi* Sacerdos Ecclesiam ingressus, litteras perantiquas saxo cum  
cruce insculptas intueretur; *Indum* interpretem accersit, qui cum  
vix ob altitudinem attingeret; *Aram* conscendere iussus, in quâ  
DEO ter Maximo iuge sacrificium offerebatur quotidie, renuit,  
Nefarium facinus dicens, altare in quo res diuina fieret, hu-  
manis pedibus conculari. O sit vel modica huius pietatis scintilla  
in nostri æui Nouatoribus! non tot Ecclesiarum ruinas exhiberet  
*Belgium*, totaque nostra *Germania*, neque adeo *sancta tua Domine  
conculcata essent & contaminata. x.*

*Emmanuel Lusitania* Rex lustrabat forte de viâ, quâ erat pie-  
tate, cœnobium *Hieronymianorum* sodalium, quod à longâ rupe  
nomen habet. Cum de more preces in templo fudisset, Religioso-  
rum Præfectum egrediens officij gratiâ interrogauit: Satin salua-  
res? & valent Patres? Intulit ille, ægrotare quosdam: ad quos vi-  
sitandos Rex ingreditur, & in nosocomio chirothecas puero tra-  
didit: qui rebus alijs occupatus eos altari in quo missæ officium pro  
infirmis fieri solebat, imposuit. Rex visis in altari chirothecis,  
grauiter offensus, ad eum conuersus: Quomodo audes, inquit,  
has altari imponere? Quibus apprehensis eas deiecit, & piè genibus  
in terram positis, supplex orauit. Eo nimirum exemplo docens,  
quanta sacris altaribus reuerentia dobeat. y.

Cum *Leo* Papa III. *Padeburnæ* apud *Carolum Magnum* esset,  
religiosum eius & salutare *Christianitatis* dilatandæ studiû nobili-  
ter inchoatum Apostolicâ auctoritate firmavit, atque in Ecclesiâ  
tunc di-

XVI.

XVII.  
Reuerentia

x. Ofor, l. 2.  
hist. Em-  
man.

XVIII,

y. Hector;  
Pintus l. p.  
Dial. c. 19.

XIX.

SS. Reliqui-  
as in Altari-  
bus recon-  
di.

tunc ibi nouiter constitutâ, quoddam altare consecrans, adorandas in eo reliquias protomartyris *Stephani*, quas secum *Româ* detulerat, collocauit, fiducialiter id Principi promittens, quod oratorium illud, tanti Martyris patrocinio munitum, non vltius passurum foret iniuriam, quam ipso referente, prius ei contigisse, cognouit, vt videlicet ob incolarum loci perfidiam, & odium, in *Christianam* religionem aliquoties igni traderetur. Et ob hanc maximè causam easdem reliquias ibi rogatu Imperatoris recondidit, non sine effectum congruæ fiduciæ, sponsonisquæ suæ, cùm nihil tale postmodum illic perpetratum esse certissimum sit. Ex quo tempore *Padeburnensis* Ecclesiæ sedes tam Imperatoris sanctiōe, quàm Apostolicæ benedictionis auctoritate fuit primitus constituta. 2.

z. Sur. 23.  
Iul. Bar. t. 9.

## CAPVT V.

## ALTARIVM EVERSIO, ET EORVMDEM IRREVERENTIA DIVINITVS VINDICATA.

I.



VM sub *Iuliano* Apostatâ juberentur vasa Ecclesiastica sacra fisci ærario deputari, sublati januis Ecclesiæ maioris, quam *Constantinus* ædificauerat, sit cunctis accessibile sanctuarium. Ingrediente siquidem *Iuliano* Præfecto Orientis Ecclesiam, *Felix* Præpositus regaliū thesaurorum pariter introiuit, & simul *Elpidius* Comes rerum priuatarum. Aiunt enim & *Felicem* & *Elpidium* prius *Christianos*, tunc à pietate recessisse, impio principi parère cupientes. *Iulianus* itaq; præfectus impudenter contra sacrum altare minxit. Quem cùm *Enzoius* prohibere tentaret, eum ille percussit in capite: Fertur autem duxisse, *Christianorū inuentiones celestium curâ non vacare*. Porro, *Felix* videns vasorum ornamenta, quæ *Constantinus* & *Constantinus* frequenter obtulerunt: Ecce, inquit, in quibus vasis, *MARIÆ* filius ministratur? Sed pro his impietatibus vesanisquæ præsumptionibus non post multum pœnas exacti sunt. Nam repente *Iulianus* sauo morbo correptus, visceribus putrefactis interiit, & excrementa non per meatus egestiuos emittebat, sed scelestum os, quod blasphemij mini-

*Iulianus*  
Præfectus,  
& *Felix* puni-

ministraverat, organum huius excretionis est factum. Aiunt autem illius uxorem fide fuisse clarissimam, eamque dixisse: Decet te, marite, laudare Salvatorem *Christum*, quoniam tibi per hanc correptionem magnitudinem propriæ virtutis ostendit. Non enim agnoueras contra quem pugnare voluisti, nisi consuetâ longanimitate hæc tibi flagella diuinitus intulisset. His ergo verbis & passionibus imminentis causam languoris cognoscens rogabat Imperatorem, vt ecclesiæ, quibus fuerant ablata, redderentur. Sed nec illum flexit, & ipse terminum vitæ suscepit. Porro, *Felix* & ipse flagellum virtute diuinâ suscipiens, sanguine toto die simul & nocte ex ore fuso, & venis corporis vndique vacuatis, omniq; virtute simul expensâ, & ipse celeriter est extinctus, æternæque mortis contraditus. a.

a. Hist. Eccl. Tripart. l. 6. cap. 23. ex Theodoro to.

Quàm impiè verò se gesserit erga altaria *Paulus Constantinopolitanus*, id testatur sanctissimus Papa *Martinus* exordio concionis ad Patres habitæ in Synodo *Lateranensi*: *Paulus*, inquit, predecessores suos in his superare contendens, non solum Scripto prauitatem suam defendens contra recta sanctæ Ecclesiæ dogmata audacter præsumpsit; propter quod iussu ab Apostolicâ Sede & ipse depositionis ultione percussus est. Insuper ad proprii erroris cooperimentum, (quod numquam à prioribus hæreticis præsumptum est) & illud illicite ipse præsumere studuit. Altare enim sanctæ nostræ Sedis in domo *Placidia* sacratum (*Placidia* palatium erat *Romani* Pontificis, in quo *Apocrisarii* habitare solebant) in venerabili oraculo subuertens diripuit: prohibens, ne adorandam & immaculatam hostiam, id est, sacram celebrationem *Apocrisarii* nostri ibidem Deo offerre valeant, & vinifica diuina communionis sacramenta percipiant. Quos videlicet *Apocrisarios*, quia ex præceptione Apostolica auctoritatis commonuerunt eum, vt de tali hæretico intentu recederet, nec non contristari visi sunt, persecutionibus diuersis cum alijs *Orthodoxis* viris & venerabilibus sacerdotibus infectus est eos, quosdam eorum custodia retrudens, alios in exilium deportans, alios autem verberibus submittebat, &c. b.

II.  
Item *Paulus Constantinopolitanus*.

b. Ex Anast. Bibl. Bar. tom. 8;

A. C. DCCC. LXXIV. cum magnus ex *Africâ* exercitus *Salacenorum* *Salernum* ciuitatem sub *Gnarferio* Principe vallasset, diuque eadem obsidio perdurasset, cumque eorum Princeps nomine

III.



Abdila  
Arabs subi.  
tò extin-  
ctus.

mine *Abdila* Ecclesiam sanctorum Martyrum *Fortunati, Caij & Anthes* sibi in habitaculum delegisset, & magno eorumdem sanctorum Martyrum improprio omne genus impudiciæ super altare eiusdem Ecclesiæ, vbi stratum parârat, exercere soleret; accidit, vt dum illic reluctantem opprimere virginem conaretur, repentè sacrilegum ultio diuina perculerit, trabe è tecto delapsâ super eum, quâ (illasâ penitùs Virgine) scelestissimus & impurissimus Arabs extinctus est, in cuius locum *Saraceni* alium subrogarunt Regem *Abimelech* eunuchum. Ad miraculi euentiam declarandam accessit, quòd trabs illa procul ab altaris perpendicularo distans, non nisi diuinâ potentiâ potuit in sacrilegum *Saracenum*, altare profanantem, immitti. Hæc in rebus gestis *Longobardorum* Principum *Beneuentanorum* apud *Herempertum*. c.

c. Baron.  
tom. 10.

IV.

d. In vit.  
S. Ambros.  
Milites à  
Leopardis  
laniati.  
e. Hom. 53.  
ad pop.  
f. Lib. 6.

Testatur quoque *Paulinus*, d. quòd cùm milites ab *Stilicone* comite missi *Cresconium*, qui ad altare confugerat, abstraxissent (quod quidem factum *S. Ambrosius* ante altare prostratus diu fleuit) dimissi *Leopardi* saltu celeri milites grauitè laniatos reliquerunt. Si quis ignem sumens, inquit *S. Chrysostomus*, e. & fossorium, hanc destruxisset domum, & incendisset, & hoc suffodisset altare, nonnè quilibet lapidibus eum obrueret, tanquam profanum, & impium? Optatus Mileuitanus: f. Quid enim est tam sacrilegum, quàm altaria DEI, in quibus & vos aliquando obtulistis, frangere, radere, remouere? Et postea: Hoc modo Iudæos estis imitari. Illi iniecerunt manus Christo in cruce. A vobis percussus est in altari. Sufficeret insania vestra, quòd membra laniastis Ecclesiæ, inter hæc omnia, vt altaribus parceretis, & desideria hominum, cum ipsis altaribus confregistis, & complura alia, quæ gravitatem huius sceleris manifestant. Vbi obiter obseruanda sunt verba illa: Vota & Desideria hominum; qua-

si altaria sint gradus, quibus vnâ cum sacrificio  
*Christianorum* preces in calum  
ascendunt.



## DE ORNATV TEMPLORVM.

**S**I Imperatores & Reges antiqui dijs inanibus, iisdemque furibus, adulteris, scortis, tantarum molitionum adē impensā & ornatu incredibili condiderunt, & eā re pietatis laudem etiam apud postera sæcula promeruerunt, nonne *Christiani* Principes Deo viuo & vnico, tūm deinde amicis eius, æternū cum eo regnaturis, si quā sumptuosissimē, & decentissimē sacraria constituent, commendationem haud vulgarem apud omne nomen *Christianum* merebuntur?

Porro ornanda esse templa constat ex eo quòd Deus in veteri testamento iussit illud templum tam splendide ornari, donarijsq; & vasis pretiosissimis ditari, vt nihil supra; & *Christiani* sua similiter mirabiliter decorabant ab initio. Sic enim *Lucianus*, a. qui *Paulum* Apostolum vidit, & vt ex ipso colligitur, est allocutus, de *Critia* quodam, qui in locum vbi *Christiani* ad res sacras conueiebant est deductus: *Pertransiuimus*, inquit, *ferreas portas, & area limina, multisq; jam superatis scalis in domum aurato fastigio insignem ascendimus, qualem Homerus Menelai fingit esse: atque ipse quidem omnia illa contemplantur, quæ insularis ille adolescens. Video autem non Helenam, sed me hercle viros in faciem inclinatos, & pallescentes.* Hæc ille, è quibus apertissimè liquet, à primis illis *Christianis*, maximis ecclesias ornamentis illustratas. Sed ne id omninò facerent, vbi primū se Imperatores impij aduersus eos & eorum templa armarunt, prohibiti sunt: opibus namque illis magis animos flagitiorum incitassent. Si quando igitur ab ornandis ecclesijs destiterunt, inuiti id fecerunt, sapienter tamen, & tamen haud omninò destiterunt. Ex *Augustino* b. namque, & *Oprato* c. constat, imperante *Diocletiano* ecclesias abundasse vasis ex auro & argento conflatis. Vbi verò pax *Christianis* solida est per *Constantinum* reſtituta, quis ignorat quantum aureorum, argenteorum, decorumque aliorum contulerit ille ecclesijs? quā mirabiliter illas ac splendide excitari toto orbe terrarum? Audi *Eusebium* d. Ade-

Cur Temp  
pla ornand  
da?

a. In Philo.

b. Epist. 165.  
cont. Cres.  
l. 3. c. 29.  
c. Lib. 1.  
cont. Parm.  
d. Lib. 9.  
cap. 10.



rat cunctis velut diuino munere infusa latitia, maxime videntibus ea loca, quæ paulò antè impijs Tyrannorum machinis fuerant destructa, re-diuinà constructione clariora, & celsiora consurgere, templaq; excelsa pro humilibus conuenticulis eleuari. Audi Cyrillum Hierosolymitanum eadem dicentem: e. Isti qui nunc sunt Reges, pietatis ergò argento induentes & auro sanctam hanc Ecclesiam Resurrectionis, in qua nunc sumus, exstruxerunt, & argenteis monumentis splendidam effecerunt. Athanasius f. indicat ab ipso Constantio exstructam Alexandria tam ingentem Basilicam, vt ea sola capere posset populum, quem alia capere non poterant, laudans simul hanc eius magnificentiam.

III.

- g. Orat. r. exstrui cœpisse maximis sumptibus Basilicam S. Martyri *Mama*, in Iulia, subiungit munus *Galli* Deo acceptissimum fuisse, vt quondam fuit h. Orat. in sacrificium *Abel*. *Gregorius Nyssenus* h. dicit templum S. *Theodori* magnificentissimum, & ornatissimum picturis & sculpturis Theod. fuisse; & hoc ad gloriam sancti maxime pertinere, vbi apertè laudat vsum erigendi talia templa. *Ioannes Chrysostomus*: i. *Seruum* rum, inquit, crucifixi sepulchra regijs aulis sunt clariora, non magnitudine & pulchritudine adificiorum (nam & in hoc superant) sed quod multò maius est, conuenientium studio. Idem: k. *Nec prohibeo*, inquit, magnifica templa condere, &c. Iam ex *Latinis*, *Opiatus* testatur, l. suo tempore habuisse Ecclesiam pretiosa vasa Sacramentorum, quæ *Donatista* diripientes conflârunt & vendiderunt. *Ambrosius*: m. Et maxime Sacerdoti, ait, hoc conuenit, ornare Dei templum decore congruo, vt etiam hoc cultu aula Domini resplendeat. S. Hieronymus n. postquam dixerat: *Alij adificient Ecclesias, vestiunt parietes marmorum crustis, &c.* subiungit: *Non reprehendo, non abnuo; sed tibi aliud propositum est, &c.* Rursum o. alibi refert in gloriam Ecclesiæ, & laudem Principum, quòd (cùm aliquot Imperatores Ethnici Ecclesias euerterint,) rursum alij Basilicas exstruxerint, & exaltauerint, summa fastigia, & laquearia, ac tecta auro decorauerint, & parietes diuersi marmoris crustis vestierint. *Prosper* p. dicit templum amplissimum Deo verò consecratum suo tempore, cuius tanta erat magnitudo & excellentia, vt etiam plateam haberet, quæ ad ipsum ducebat, duorum millium passuum longitudinis,



dinis, totam pretioso pauimento, & columnis ac muris ornatam. Idem testantur, ac laudant *Augustinus*, q. *Cyrillus*, r. *Paulinus*, s. *Prudentius*, t. ita vt per annos mille quingentos Ecclesiam Catholicam toto orbe disseminatam, sanctissimorum virorum genitricem, moris huius studiosam fuisse nemo possit negare. Sed hæretici vnà cum scelestis Imperatoribus vel nulla esse Dei templa volunt, vel vilia, & despecta. Sed si nostra volumus magnifica, & illustrissima, quid ni diuina? si laudamus, & admiramur vrbes, atque ædificationes alias huiusmodi, cur Christo eadem negemus? si per ea videmus homines inuitari, rapi in admirationem celestium, & superiorum, vt sciant talia, ac multò maiora esse illa; quid ni curemus exstare huiusmodi opera? Ita verò comparatum naturâ videmus, vt plerique omnes ab ijs quæ feriunt sensum, deducantur ad intima, effugientiaque humanos obtutus. Si Deus ipse ita voluit ornari illud vetustum templum, quanto magis nostra, quando illa instar vmbrae, inquit *Paulus ad Hebraeos*, præ nostris fuere? Asserimus tamen, nemini adeo ecclesiarum decus esse tuendum, vt animi sui ornamenta negligat: nam si alterum tenendum esset, alterum repudiandum, magis illud esset negligendum, quàm hoc; quod alibi *Hieronymus ad Nepotianum* scribens innuebat. Eodem modo neque cura pauperum dimittenda ob huiusmodi ornamenta templorum: illis namque in primis quò ad necessaria consulendum, mox istis, vt vult *Ambrosius*, & alij; quod nemo inficiatur: sicuti neque ea, quæ quouis modo sunt, maioris momenti, ob hæc minoris facienda. Sed omittamus hæreticos, qui vt se prodant hæreticos, hæc impugnant, cum Deus ipse Ecclesiæ prædixerit, futurum, vt ad eam confluerent, è remotis locis plurimi cum argento, auro, & pretiosis quibusuis, ad eius diuinorumque omnium tuitionem & splendorem.

q. Psal. 113.  
r. De rest.  
fide ad Reg.  
s. Nata. 3.  
S. Fel.  
t. In S. Law.



# ORNATVS TEMPLORVM IN GE- NERE COMMODA. ITEM QUAN- DO, ET QVOMODO REPREEN-

SIBILIS.

I.  
Vtilitates  
Templi  
splendide  
ornati.

1.  
2.  
3.  
4.



EMPLVM magnificè ornatum plures habet vtilitates. Primum enim attrahit homines facilius ad res pias, quæ in templis geruntur. Nec enim obscura & fordida loca libenter frequentantur. Deindè conseruat maiestatem Sacramentorum, & reuerentiam, quæ rebus diuinis debetur. Nam quando videmus altare splendidum & ornatum, facile erigimus mentem, & cogitamus magnum esse DEVM, cui talia exhibentur, & è contrario facile contemnitur, quod sine apparatu proponitur. Tertio, iuuatur pietas & deuotio, maxime simplicium, quorum maximus est numerus. Accedit etiam corporalis vtilitas, quod magnifica templa diutius conseruantur; & magno splendori sint ciuitatibus: multitudo quoque aureorum atque argenteorum vasorum, sæpe fuit salutis toti Reipublicæ, dum in communi captiuitate, fame, aut peste, Ecclesiæ thesaurus multis millibus miserrorum opem tulit, vt quasi in id tempus diuinitus datus, & seruatus videretur.

II.  
Ornatus  
templorū  
quando re-  
prehensibi-  
lis.

x. Circum-  
stantiatem-  
poris.

a. Osæ. 6.  
b. Marc. 7.  
c. Rom. 3.

III.  
Lib. 3. of-  
cap. 28.

Porro quatuor sunt circumstantiæ, ex quarum defectu malum erit ornare templa, nimirum *tempus, locus, modus, & persona*. Nam in primis, quando quis tenetur iuuare proximum, ac præsentibus parentes, aut filios, & non potest simul providere proximo, & donare templo: rum non rectè facit, si neglectis parentibus, vel proximis ædificet templa. Ait enim Dominus: *a. Misericordiam volo, & non sacrificium*. Et in Euangelio *b.* reprehenduntur *Pharisei*, qui docebant filios familias offerre templo donaria, cum detrimento parentum. Pater id etiam ex *Paulo c.* qui docet, non esse facienda mala, vt eueniant bona.

Denique ex praxi Sanctorum, qui tempore magnæ necessitatis pauperum, conflagrant calices, & vendiderunt, vt patet ex *Ambrosio; d.* Si enim tempore necessitatis rectè Pastores detrahunt



hunt Ecclesiæ ornamenta; certè multò rectius non dantur Ecclesiæ, quæ essent auferenda, si data fuissent. Neque obstat factum. Viduæ, quæ tribuit in donaria DEI omnem victum suum; nam patris, aut filiorum victum non tribuit, sed suum; & suum non multorum dierum, sed vnius tantum; neque enim duobus minutis poterat diu sustentari.

Deinde quantum ad *locum*, certum est, non omnia loca æqualem ornatum requirere; nam in magnis vrbibus, ad quas multi confluunt, splendida templa esse debent, at in locis desertis, vel parvis pagis, non videtur conuenire, vt tot sumptus fiant in ædificijs templorum. Præterea reprehendit S. Bernardus, quod nonnulli in pauimento sculperent, vel pingerent Sanctorum imagines, & cogerentur, qui in illis Ecclesijs spueri necesse haberent, in faciem Angelorum, vel aliorum sanctorum humi depictorum spueri.

Quantum ad *personam*, peccatur, quando quis supra suum statum & conditionem vult ornare templa. Nam si, qui paupertatem profitentur, & victum ab alijs emendicant, vellent ædificare templum marmoreum, & auro, sumptuosis picturis, gemmis, lapidibusque ac columnis magno ære expetitis ornare, etiamsi fortè possent eleemosynis hinc inde corrasis, aut importunè à populo conquisitis id facere, tamen non deceret eorum professionem & statum; magnificentia enim non est Monachorum, sed Principum. Vide censuram Card. Bellarmini. e.

In Reuelationibus factis S. Brigitta legimus inter alias. Numquid reprehendendi sunt illi Fratres (loquitur ad B. Virginē Mariam de Prædicatoribus) qui filio tuo adificent Ecclesias altas, & sumptuosas? Aut vituperandi & dijudicandi si ad tales structuras edificandas plura mendicant? Respondit Mater. Quando Ecclesia in tantum lata est vt capiat ingredientes, quando muri tantum excreuerunt in altum quòd non coarctant introeuntes &c. sufficit eis adificasse. Nam placet DEO magis cor humile in humili Ecclesià, quàm alti muri in quibus corpora sunt intra, & corda ab extra. Propterea non habent arcas auro & argento implere propter adificia, quia non profuit Salomoni adificasse tam sumptuosas adificia, ex quo neglexit eum diligere propter quem adificabantur. Ita ibi. f.

IV.

2. Loci,

3. Modi,

V.

4. Personar.

e. Tom. 2.  
lib. 3. cap. 6.  
contrauers

VI.

f. Lib. 3.  
cap. 18.

Eadem



VII.

Eadem super templorum & ædificiorum splendore & ornatu quem Regulares plerique affectant, & sollicitè conquirunt, censura fuit Patrum Concilij *Viennensis*, relata in *Clementina Exiuit l. 5.* cuius tenorem quia plurimum ad argumenti præsentis confirmationem facit, prudentissimæ *Bellarminianæ* censuræ, quæ illi indubiè innititur, subijciemus. Ita enim loquitur Pontifex: *Volumus quod ubiq; in suo ordine, deinceps temperatis & humilibus ædificijs sint contenti, ne huic tanta paupertati promissa, quod patet oculis, contrariū foris clamet. Quamvis enim paramenta & vasa Ecclesiastica ad honorem divini nominis ordinentur, propter quem omnia fecit ipse Deus: tamen qui absconditorum est cognitor, ad animum sibi ministrantium respicit principaliter, non ad manum: nec per illa vult sibi serviri, quæ suorum servitorum conditioni & statui dissonarent. Superfluitas autem, vel nimia pretiositas, vel quacumque curiositas his vel alijs quibuscumque, non potest ipsorum professioni vel statui convenire. Cum enim hæc sapiant thesaurizationem vel copiam, paupertati tanta quoad humanum iudicium derogant manifestè. Ita Pontifex.*

VIII.

Dicent qui hoc tempore omnem cogitationem ad splendore & pompam Ecclesiarum & Ædificiorum dirigunt, vtque omnia marmore & regio ornatu, artificique calaturâ intus & foris reluceant occupantur, hîc dumtaxat Pontificem loqui de *Fratribus Minoribus*: verum attendant, ad omnes paupertatem professos, illam inquam, quæ mendicitatem adiunctam habet & piorum elemosynas exigit, quibus taliter professi ex usu ordinis sustententur, sermonem dirigi, in quantum requirit ædificia & ornamenta statui eorum convenientia, hoc est, qualia habere decet cœtum pauperum, & quidem Religiosorum. Votum enim paupertatis importat tantum usum rerum necessariarum secundum decentiam status, vt benè asserit *Thomas à IESU*, g. qui multa in hanc rem tradit, quæ vtinam ab omnibus legantur, & in praxim redigantur.

g. Tract. de  
statu Monach.  
p. 4.  
cap. 7.

IX.

Neque est quod tabernaculum vetus, templumque à *Salomone* ædificatum, in quo omnia aurea erant, pompositati huic velut fulcimentum substernatur. Erat namque templum illud, & tabernaculum vnicum dumtaxat, ad quod undique confluebant: cum

cùm nunc Templà sint innumera, ac suffecerit Templà Patriarchalia, Metropolitana, Cathedralia, quorum amplissimi sunt reditus, & maior dignitas, veterem splendorem imitari. Deinde *Salomon* erat Regum ditissimus, cùm isti de quibus hîc loquimur, & professione, & vsu & functione sint pauperes; quorum etiam templà non nisi ex singulari indulto à sæcularibus adeuntur ad diuina officia percipienda, quibus Ecclesiastico de iisdem frequentandis præcepto satisfaciant. Et Concilij *Tridentini* decreto cautum est, teneri vnumquemque audire verbum Dei, vbi commodè potest, Dominicis & alijs festiuitatibus, in Parochiali suâ Ecclesia, & Addam coronidis loco, quæ habet *S. Bonauentura* de hoc excessu ædificiorum & paramentorum: vt qui quinque grauissima incommoda enumerat, quæ ex hinc in Religione consequuntur. Sic igitur habet *D. Bonauentura. l.*

h. in expos.  
Reg S. Fran:  
cap. 6.

Quintuplicis peccati rei sunt, qui superflua (vocantur hîc illa quæ limites paupertatis excedunt: siue quæ neque ad sustentationem, neque ad statûs illius decentiam exiguntur, vt bene *Thomas à Iesu* suprâ citatus) in ædificijs, & alijs quibus vtimur, procurant, & acquirunt. Primò propter transgressionem professionis, quia pompis renuntiantes in sæculi paupertate & humilitate verâ promiserunt Domino famulari. Secundò, propter malum exemplum quo alij discunt ab eis similia facere, vel scandalizantur, quando vident eos qui huiusmodi pro *Christo* spernere deberent, quærere vel sectari. Tertiò, propter inquietudinem fratrum vel sociorum propter huiusmodi ædificia & procuraciones, quia & deuotio extinguitur, & disciplina religionis plurimùm dissipatur. Sicut scriptum est: *Venerunt structores tui destruentes te, & dissipatores à te exhibunt.* Quartò, propter spoliationem aliorum pauperum, quibus sæpè eleemosynæ præripiuntur, & huiusmodi structuræ fiunt, ex quibus illi deberent vestiri, & pasci, dum quod istis datur, eis negatur, quia ad dandum vtrisque sæpe deficit dantium largitas & facultas. Quintò, quia quando nimis vrgemus homines ad dandum, perdunt deuotionem prius ad nos habitam, quòd nec de prædicatione, neque exemplis, nec alijs quæ facimus ædificantur, vnde cùm vident nos accedere, terrentur & timent quòd

X.  
Incommo-  
da.

1.

2.

3.

4.

5.

velimus aliquid ab eis expetere, quod graue sit eis dare, & erubescunt negare, & si dederint non libenter, minus merentur; sic & rebus & deuotionibus priuantur.

XL

Quibus etiam adiungi possunt non contemnenda alia inconuenientia, qualia sunt manifesta pericula, in quibus Religiosi extra monasterium vagantes, maximè iuuenes, versantur. Præterea mores religiosi in desuetudinem veniunt, ac demum foris discurrentes varia carnis commoda venantur, familiaritates contrahere compelluntur; à poenitentibus munera quærere, ædificationem animarum aliquando pro quæstu vendere, diuitibus adulari, scandala non curare, Dei & religionis honorem saepe concutere non verentur. Quare *Calixtus III.* P. M. cum ad eius aures aliqui circa paramenta Ecclesiastica Fratrum *Minorum* excessus peruenissent, i suspirans imperasse fertur, vt in his rebus similibus excessibus sedulo obuiaretur.

i. Coll. Priuil. v. Ornament. Eccles.

k. Ferd. Castil. l. 1. c. 51. & 54.

B. *Dominicus* k. ita in vita paupertatem etiam in diuino cultu amauit, & veneratus fuit, vt numquam permiserit ornamenta, siue paramenta serica, neque vasa aurea aut argentea in suo Ordine fieri. Quod etiamnum hodie obseruant PP. *Cappuccini*.

## CAPVT VIII.

# CONSTANTINI MAGNI IN TEMPLIS CONSTRVENDIS ET EXORNANDIS MAGNIFICENTIA.

I.

S. Petri in Vaticano.



S. Pauli viâ Ostiensî.

CONSTANTINVS MAGNVS, Ecclesias duas, vnam *S. Petri* Apostoli, alteram *S. Pauli*, sibi instaurandas atque augendas suscepit: quarum illa erat in *Vaticano*, quod ibi *Petrus* sub *Nerone* actus in crucem esset: hæc viâ *Ostiensî*, quod eo in loco, *Paulo*, eodem die amputatum caput fuisset. Singulas verò basilicas auratis trabibus, ac multiplici columnarum ordine, vt omnem superarent templorum veterum opulentiam, exornauit, ac patrimonijs toto Occidente dispersis ad Ecclesiarum vsum ac magnificentiam auxit. Quibus mox *Siluester* Papa dignitatem etiam ac venerationem adiunxit, sacris ipsorum Apostolorum corporibus illuc ex propinquâ, vbi hærebant, sede translatis, vnde procedente tempore



tempore limina ipsa Apostolorum pio ciuium aduenarumque concursu, certatim vota donaque ferentium, supra omnia templa sunt celebrata. Basilicæ quidem *Vaticana* splendoris illud est argumento, quod *Ammonius* Monachus, teste *Socrate*, cum *Roma* vnâ cum *S. Athanasio*, *Iulio* Pontificatum post *Siluestrum* administrante, diuerfaretur, ex admirandis tam multis vrbis operibus, nullum nisi hoc, sibi visendum existimari: venerationis verò, quod quemadmodum *D. Ioannes Chrysostomus* scripsit, cum ceteros vel remotissimos homines, tum præcipue Imperatores ipsos eo venientes pio quodam horrore ac religione perfuderit. a.

Porro ad idem *S. Petri* in *Varicano* templum *Roma* à *Constantino*, vt diximus ædificatum, ascenditur per gradus xxxv. quos colapsos *Pius II.* Papa restituit. Portas habet æneas, vnam antiquam, alteram recentem cum varijs historijs, opus artificis *Veneti*, qui metas, obeliscos, moles, porticus, arma *Romanorum* vetera in ijs expressit: & *Eugenius IV.* Orientalium populorum, qui ad se legatos miserant, facies, vestitus, & numerum curauit effingenda. Columnæ *Aegyptiacæ* per totum templum X. sed non in vno loco, quæ sunt cum alijs è mole *Hadriani* eo translata. Sunt autem ordines duo, in singulis prioribus decem, ceteris maiores, in posterioribus verò vndecim. Ædificari coeptum est aliud, omnium, quæ habitura esset *Roma*, altissimum & maximum, cuius fundamenta jecit *Iulius II.* b. nostris primùm temporibus perfecit. *Paulus V.* dedicauit *Vrbani VIII.*

Cuius magnificentiam hisce descripsit *Thomas Bozius*: c. Quid autem de templo *S. Petri*, quod nunc perfectum conspiciamus, & admiramur, dicemus? Ac ne quis antiquitatum stupidus laudator temerè nos loqui putet, afferamus quæ de *Pantheo* scribit, quasi spectaculo tanti operis ætonitus *Ammianus*: d. *Pantheon* veluti regionem teteret speciosâ celsitudine fornicatam, elatosque vertice scanfili suggestus Consulium, & priorum Principum imitamenta portantes. Hucusque *Ammianus*. Atqui tholus solummodo templi *S. Petri* est altitudinis cum *Pantheo* eiusdem supra fastigium quatuor adium, quibus insidet medius, latitudinis verò paululo minoris, specie porro longè excellentiori ob multiplices fenestras, capitula, bases, columnas, epistylia, &

a. Sigonius  
l. 3. de Imp. occid.

II.  
Vaticani descriptio;

b. Georgii  
Fabricii in  
Rom. Antiq.

III.  
c. De fig. Eccl.  
elef. l. II. c. 3.

d. Lib. 16.  
Pantheon quale?

coronas. Adde illud longè præstantissimum, quòd tholus est duplici fornice contextus, & inter utrumque fornicem quasi adicula innumera suis & ipsa cameris distincta. Sed cùm quatuor, ut diximus, infra tholum sint templa, illorum quodlibet, mole, artificio, excellentiâq; materia, nobilius Pantheo. Præter hæc quatuor templa inter se coherentia & peruia, quibus insidet excelsissimè tholus, est spatium medium tholo respondens, quod est à pavimento usque ad summum verticem altitudine duplum ad Pantheon. Adde aditum anteriorem, & fornicem posteriorem, ut omit-  
tamus porticum, quòd nondum perfectâ sit. Hæc omnia sanè si perpendas, rationemq; discriminis ducas, videbis templum S. Petri reuera septuplo admirabilius admirabili isto Pantheo. Hoc altitudine est pedum centum nonaginta octo, tantundem latitudine. Atqui quodlibet ex ijs quatuor, quibus incumbit tholus supremus nostri templi, est celsitudinis maioris, eiusdemq; propè latitudinis. Superest deinde spatium medium cum tholo, & pars anterior, & posterior, supersunt intercurrentia ab imo ad supremum fastigium tum molis totius, cùm cuiuslibet templi spatia parietibus inclusa, lato interstitio suas domunculas cum suis cameris aptè dispositas habentia: ita ut reuera hoc templum dignitate & artificio superet omnia, in quibus jactat se cum suis fabulis ostentatrix antiquitas. Est autem celsitas tantæ molis stadij dimidij plus minus, pedum scilicet tercentum, longitudo quadringentorum. Quocirca placet comparare idem templum cum Diana Ephesiæ fano impio, quod inter septem miracula vetustas adnumerabat. De illo sic Plinius: e. Magnificentia vera admiratio exstat templum Ephesiæ Dianæ, ducentis viginti annis factum à totâ Asiâ. In solo id palustri fecêre, ne terræ motus sentiret, aut hiatus timeret. Rursus ne in lubrico atque instabili fundamenta tantæ molis locarentur, calcatis ea substrauere carbonibus, dein velleribus lanæ. Vniuerso templo longitudo est cd. xxv. pedum, latitudo ducentorum viginti, columnæ centum, viginti septem à singulis Regibus factæ, sexaginta pedum altitudine, ex ijs triginta sex celatæ, vna à Scopâ; operi præfuit Cresiphon architectus. Summa miracula, epythilia tantæ molis attolli potuisse. Hæc Plinius. Atqui templū S. Petri perfectū propè jam videmus, cū tamen anni octuaginta nondū sint elapsi ab eius inchoatione, neq; vel Asia tota, vel centum viginti septem Reges coierint ad eius absolutionem; in reliquis multò nobilius S. Petri templum,

S. PAVLI

c. Lib. 36.  
cap. 14.  
Dianæ  
Ephesiæ ni-  
hil ad Vati-  
canum.



S. PAULI in viâ *Ostiensî* omnium templorum maximum, exstructum ab eodem Imper. *Constantino*: in prædio nobilis matronæ *Lucina*, longum cub. CCXL. lat. CXX. Habet ingentium columnarum ordines quatuor, in vnoquoque XX. Vnus ordo ab altero distat ped. XXXIV. columna vna ab altera ped. XIX. In pavimento tantum fragmentorum ex antiquis epitaphijs, quantum in alio nullo templo Romano. Sunt & aliæ columnæ circa altare XIV. porpyreticæ, & sex alterius lapidis. Habet in vniuersum CXIV. columnas. f. Idem *Roma Lateranensem* Basilicam condidit, de quâ suprà.

Idem Basilicam nobilem *Nicomedia Christo* instituit: & cum apud quercum *Mambre* in *Palestinâ Abrahamum* olim confedisse audisset, indignatus, locum tam venerabilem simulacris esse foedatum, ipsum purgari, ac templo ornari, litteris ad *Macarium Hierosolymorum*, & *Eusebium Cesaræa* Episcopos datis mandauit. g.

Idem cum cognouisset, eos olim, qui idolorum errore tamquam furoris intemperijs acti fuerant, salutiferum monumentum defodisse, aggerè multo molem altissimam excitasse, *Caluaria* & Resurrectionis vicinum circumcirca locum occupasse, & lapidibus ingentibus solû eius constrauisse, vt obliuioni monumenta memoriæ sempiternæ mandarent, & templum præterea impudicæ dæ *Veneris*, statuamque eiusdem ibi collocasse, virgineo partui illudentes: vt qui eo loco debitum *Christo* honorem sibi præstandum statuissent, simulacro eum exhibere viderentur, processuque temporis obliuio veram premeret atque occultaret causam; quod nemini liberè eò commere, aut alijs rem indicare fas futurum esset; funditus templum ipsum eruere, aggeremque egestum quàm longissimè à ciuitate projicere, vt qui sceleratis sacrificijs contaminatus esset, iussit, ac templum illud pulchritudine præcipuâ amplissimum, magnificentissimumque extruere præcepit. Cuius ædificationis institutionē *Macario* eius templi Antistiti per litteras commisit. h.

Eiudem Imperatoris mater *Helena*, amplissimo templo in Resurrectionis & *Caluaria* monumento ita constructo, vt nullis prorsus, quæcumque vel pulchritudine, vel magnitudine eximia

IV.

Item S. Pauli.  
li.

f. Georgi  
Fab. in Ro-  
man. Anti.

V.

Lateranen-  
sis, Nico-  
mediæ, Ad  
quercum  
Mambre,  
Ecclesiæ à  
Constanti-  
no condite,  
g. Idem.  
lib. 4.

VI.

Item in  
monte Cal-  
uaria loca  
Resurre-  
ctionis.

h. Niceph.  
l. 8. c. 28.

VII.

Item eius  
mater He-  
lena,



In Bethle-  
hem.

In monte  
Oliuarum.  
In Gethse-  
mani præ-  
dio.

SS. Innocen-  
tium.

Vbi Angé-  
lus pastori-  
bus nunci-  
auit Christi  
natiuitatē.

S. Iosepho.

S. Lazaro.

S. Io. Bapt.

i. Id. Ibid.

cap. 30.

VIII.

Constanti-  
nus templa  
mirificè ex-  
ornauit:  
præcipuè  
fontē san-  
ctum vbi  
baptizatus  
est.

sunt, cederet, nouæ Hierusalem nomen indidit, exemplari scilicet illius veteris & jam soluti tabernaculi. Ipsa verò domesticis proprijsq; impensis alias duas magnificè sacras construxit aedes: alteram in *Bethlehem*, ad eam, in quâ natus est *Christus* speluncam, sexies mille passibus ab vrbe distantem: in cuius sanctiore sacratio humi & præsepe, & speluncam sacram est complexa: alteram verò in *Oliuarum* monte, ad verticem ipsum, vbi relictis discipulis *Christus* in cælos est assumptus. Excitauit quoque mirificum aliud templū in *Gethsemani* prædio, Genitrici *Dei*, atque in sacratio ipso viuificum eius sepulchrum firmiter inclusit. Quum verò declinūs is sit locus, gradus marmoreos fieri curauit, viatores ex sanctâ vrbe Orientem plagam versus ferentes. Sanctis itidem infantibus, & vbi Angelus pastoribus latum attulit nuntium, & Verbi puerperæ, in eis ipsis locis sacras extruxit aedes, nec non aliam, quoque *Iosepho* sponso. Inde *Bethaniam* progressa *Lazaro Christi* amico insigne ædificauit delubrum. Abest id *Hierosolymis* passuum millibus duobus. Deinde ad sacrum *Jordanem* conuersa, circa speluncam vbi olim domicilium *Ioannes Baptista* habuit, perpulchram illi ædem erexit, &c. i.

Ceterum munificentissimus idem Imp. *Constantinus Augustus* non solum à fundamentis extruxit templa, vti diximus, verum etiam intrinsecus eadem mirificè exornauit. Sic Fontem sanctum, vbi baptizatus est *Augustus* idem Imp. ex lapide porphyretico, & ex omni parte coopertum intrinsecus & foris & desuper, & quantum aqua continet, ex argento purissimo, libras tria millia octo: In medio fontis columna porphyretica, quæ portat phialam ex auro purissimo, pensantem libras quinquaginta, vbi ardent balsami libræ ducentæ, annexum ex stipâ amianti. In labro fontis agnum ex auro purissimo fundentem aquam, pensantem libras triginta. Ad dextram agni, *Saluatorem* ex argento purissimo, in pedibus quinque pensantem libras centum septuaginta. In læuâ agni, beatum *Ioannem Baptistam* ex argento in pedibus quinque tenantem titulum scriptum, qui hoc habet: *Ecce Agnus Dei, ecce qui tollit peccata mundi*, pensantem libras centum. Ceuos ex argento septem fundentes aquam, pensantes singulos libras octingentas

gentas. Thymiamaterium ex auro purissimo, pensans libras decem, cum gemmis prasinis & hyacinthinis vndique, numero gemmarum quadraginta duar. k.

A.D. CCCXXIV. fecit *Constantinus Augustus* Basilicam, in Palatio *Sessoriano*, vbi de ligno *S. Crucis* posuit, & in auro & gemmis conclusit, vbi & nomen Ecclesie dedicauit, quod nominatur vsque in hodiernum diem *Hierusalem*. In quo loco constituit dona ista: candelabra ante lignum sanctum lucentia argentea quatuor, secundum numerum quatuor Euangeliorum, pensantia singula libras octoginta: Pharos cantharos argenteos quinquaginta, pensantes singulos libras quindecim: Scyphum aureum purissimum, pensantem libras decem: calices ministeriales quinque, pensantes singulos libras singulas: Scyphos argenteos tres, pensantes singulos libras octo: Calices ministeriales argenteos decem, pensantes singulos libras duas: patenam argenteam auro inclusam, cum gemmis pensantem libras ducentas quinquaginta: Altare argenteum pensans libras ducentas quinquaginta: Amas argenteas tres, pensantes singulas libras viginti, & omnes agros circa palatium Ecclesie dono dedit. l.

k. Bar. an.  
no 324.

IX.

Basilica S.  
Crucis in  
Hierusalem.

l. Anas.  
Biblioth.  
Bar. loc. cit.

## CAPVT IX.

## DE ORNATV TEMPLORVM ANTERIORI.

**T**EMPLORVM legis Euangelicæ ornatum interiorem plura exempla tum paulò antè adducta, cum post adducenda adstruunt, sic vt nihil inter *Catholicos* hodie sit magis familiare, quàm ornare templa, & in illorum cultum omni contentione desudare, idque tanto zelo, vt videas nonnullos, omnes animi neruos, & fortunarum bonam partem in hac pietate collocare.

De suo tempore ita *S. Augustinus*: a. Sed & nos, inquit, plerag, instrumenta & vasa ex auro & argento habemus in usum celebrandorum Sacramentorum, qua ipso ministerio consecrata, sancta dicuntur. Prudentius in hymno de *S. Laurentio* inducit sic loquentem Tyrannum:

I.

II.

a. In Psal.  
113.

Aurea &  
argentea  
vasa tem-  
pore S. Au-  
gustini, &  
antè.

Hinc.



*Hunc esse vestris orgijs  
Moremq; & artem proditum est.  
Hanc disciplinam fœderis,  
Libent ut auro Antistites.  
Argenteis scyphis ferunt  
Fumare sacrum sanguinem,  
Auroq; nocturnis sacris  
Adstare fixos cereos.*

c. Natal. 3.  
S. Felicis.

Paulinus : b.

*Aurea nunc niueis ornantur limina velis*

Naturâ enim ita comparatum videmus, vt mens nostra nihil omnino percipere possit, nisi à sensibus illud expiscetur. Quocirca rerum diuinarû splendorem, magnificentiamq; , quanta sit illa, non addisces absque externis istis. Sic enim DEVS etiam cœlestia voluit esse perquam fulgentissima, pulcherrima, nobilitatisque cuiuslibet plenissima, vt ex admiratione illorum raperemur in admiratione simul cultumq; exhibendum rebus à sensu seiunctis; & nos, quàm fieri posset, imitaremur ipsum non intimo dumtaxat, virtutum decore, quî præ cunctis à nobis est expetendus, sed externâ etiam dignitate, ac maiestate rerum ad ipsius cultum & obsequium pertinentium. Paucissimi namque sunt, qui contemplari arcana mysteria, abditumque illorum decorem sensus humanos effugientem possint absque aliquo huiusmodi rerum adminiculo externo.

### III.

c. Lib. 1.  
Offic. c. 21.  
can. pul-  
chra. d. 86.  
d. Orat. 11.  
in laud.  
ipsum.  
e. Epist. 3.  
ad Heliod.  
f. Epist. 2.  
ad Nepot.  
g. Lib. 8. de  
Græc. af-  
fect. curat.

*Ornare DEI templum decore congruo maximè sacerdoti conuenit, ut etiam hoc cultu aula Domini resplendeat, inquit, D. Ambrosius, c. Laudat Gorgoniam S. Gregorius Nazianz. d. quod sumptuosius donarijs templa exornabat. Laudat B. Hieronymus Nepotianum, e. quod esset sollicitus, si niteret altare, si parietes templi absque fuligine, si panimenta tersa; deinde quod Basilicas & martyrum conciliabula, diuersis floribus & arborum comis, vitiumq; pampinis adumbrabat. Idem D. Hieronymus: f. Multi, inquit, ædificant parietes & columnas Ecclesia, substruunt marmora, nitent auro laquearia, gemmis altare distinguitur. Martyrum templa, ait Theodoretus, g. conspicua cernuntur, magnitudineq; præstantia, omni præterea ornatus genere variata,*



riata, splendoremq; quodammodo pulchritudinis sue late fundentia. Leo magnus *b.* testatur, suo sæculo Christianos solitos fuisse propensiore & ampliore cultu, orationis domum, diebus festis adornare. *Aurelianus* in vitâ *S. Martialis* prodidit, *S. Martialem*, altare in honorem *S. Stephani* consecrassè, ipsumque altare clauis affixisse aureis, ac coronas sex aureas posuisse in circuitu, cum totidem lampadibus aureis. Ecclesiarum, *Maxentij* tempore, in Africa fuisse quàm plurima ornamenta ex auro & argento, *Optatus i.* commemorat. Idem, *k.* laudat *Constantem* Imperatorem, qui cum in *Africam* mitteret eleemosynas pauperibus, miserit domibus DEI ornamenta.

*h.* Ser. 3. de Quadr.

*i.* Lib. 1. ad Parmen.

*k.* Lib. 3.

*l.* In cap. 8. Zach.

His adendus est *S. Hieronymus*, *l.* qui ita scribit: *Quis eo tempore crederet rursus Ecclesias construendas ab his ipsis qui ante destruxerant? Non quod iidem homines fuerint, sed quod eadem Regalis potestas, quæ prius sedebat in insidijs cum diuitibus, & quasi ex Senatusconsulto Christi nomen conabatur extinguere, nunc expensis Reipublice Ecclesiarum Basilicas exstruat, & exaltet summa fastigia, ut non solum laquearia & tecta fulgentia auro decoret, sed parietes diuersi marmoris vestiatur crustis, &c.*

*Theodoretus m.* scriptum reliquit, Imperatorem *Constantium m.* Lib. 3. complura vasa pretiosa ad ornatum Ecclesiæ *Antiochena* donasse, cap. 12. quæ impius *Iuliani* quæstor rapiens, & in fiscum redigens, insultans exclamauit: *En quibus vasis ministratur filio MARIE!*

Ornantur item templa picturis. *S. Gregorius Nyssenus n.* ornatum templi *S. Theodori* describit his verbis: *Dum adem, ut templum DEI magnitudine structura, & adiecti ornatus decore, splendide elaboratum intuetur, ubi & faber in animalium figuram lignum formauit, & latomus ad argenti leuitatem crustas lapideas expoliuit, induxit etiam pictos flores artis in imagine depictos, fortia facta martyris, repugnantias, cruciatus. Et paulo post: Omnia nobis tamquam in libro quodam, qui linguarum interpretationes contineat, coloribus artificiosè depingens certamina, atque labores martyris nobis expressit, ac tamquàm amœnum pratum & floridum, templum exornauit. Paulinus Nolanus Episc. o.* de ornatu Ecclesiæ *S. Felicis:*

IV.  
*n.* Orat. de laud. *S. Theod.* Pictura in templis iam olim vsitata.

*o.* Natal. 10.

*Et paribus varia & speciosa cultibus exstant  
Marmore pictura laquearibus atq; columnis, &c.*

p. Lib. 9;  
Epist. 9.

S. Gregorius: p. *In locis, inquit, venerabilibus Sanctorum depingi historias non sine ratione vetustas admisit.* Quibus verbis aperte Gregorius indicat, jam tunc consuetum venerabiles Ecclesias, Sanctorum nomine exstructas, picturis ornare.

V.

Item Imagines.  
q. Act. 1.  
t. Epist. 49.  
ad Olymp.

Ornantur & templi imaginibus: *Templi nulla ratio, quod non ornatur imagine, inquit Synodus 2. Nicena q. ex Isidoro Pelusiotâ.* S. Gregorius Nazianzenus: r. *Sed post imperium tuum, in ferarum lustrum conuertatur templum illud, quod exstruximus omneq; nostrum, in exornando studium. Neque enim si statua deiciantur, hoc graue & acerbum est, etiamsi aliqui acerbum.* Ecce Gregorij sæculo templi imaginibus & statuīs exornata. Sed passim extant exempla cum apud sacros tum profanos,

## CAPVT X.

### EXEMPLA PONTIFICVM ROMANORVM, QVI OPERAM SVAM TEMPLIS EXORNANDIS IMPENDERVNT.

I.



N extruendis templis *Romani* Pontifices supra modum liberales, & munifici fuerunt, vti videre est apud Anastasium Bibliothecarium, Platinam, Ciaconium, & alios; nouissimè apud Baronium, & Brzonium, &c. Quibus proinde enarrandis supersedemus: paucis exempli gratiâ, contenti qui studium suum in exornandis ecclesijs collocarunt. Non multò post ab apparitione factâ S. *Michaëlis* in monte Gargano sub Gelasio Papâ *Roma*, venerabilis *Bonifacius* etiam Pontifex summus Ecclesiam eiusdem Sancti *Michaëlis* nomine constructam dedicauit, in summitate Circi cryptatim miro opere altissimè porrectam. Vnde & idem locus in summitate suâ continens Ecclesiam, inter nubes situs vocatur.

S. Michaelis Romæ à  
PP. Bonifacio.

II.

Pantheon à  
Bonifacio  
IV.

Sacrauit Pantheon *Bonifacius* IV. *MARIÆ* Deiparæ Virginî *Roma* opus cum suâ mole, tum quod vnâ sit testudine complexum, inter pauca memorabile. a. dictum *MARIA Rotunda*,  
a. Sab. I. 10. cap. 14. olim



olim *Iouis Vltoris*, omnium totâ urbe pulcherrimum & magnificentissimum ex antiquis relictum. Habet porticum ingentem, valuas & trabes aneas: altare summum januæ respondet: omnia intus marmorea sunt, pavementum, altaria, statuæ. Tectum est circulare. Testudo, per quam ad tectum, quod est plumbeum, ascenditur, gradus habet cxx. & antequam ad eam perueniatur testudinem, sunt alij gr. xxx. Ad foramen tecti, quod lucem templo præbet, per plumbeos gradus xl. duobus in locis ascensus est in ipso tecto, deque eo tota *Roma* est conspicua. *b.*

*Hilarius I.* Papa sacris basilicis pretiosa ornamenta à *Genseric*, urbe captâ detracta, ex ære, auro atque argento, quod ad vsum & decus necessarium esset, in toto suo pontificatu restituit: atque oratoria multa, pluresque basilicarum Confessiones laminis argenteis strauit, inque eâ re prioris sæculi magnificentiam superauit. Adeo breui *Roma*, dato paulisper ad respirandum spatio, ex tenebris captiuitatis ac deprædationis, pristinae fortunæ apparatu magnâ ex parte recepto, emerxit. *c.*

*Leo III.* fecit in basilicâ *S. Petri* cortinas albas holofericas rosatas habentes in medio crucem cum chrysoclauro: Et in basilicâ Beatæ DEI Genitricis, quæ appellatur ad Præsepe, fecit cortinam maiorem sericam albam habentem periclysin, & Crucem de fundatâ: Et in sacratissimo altari maiore fecit vestem de chrysoclauro, habentem historiam Natiuitatis, & *S. Simeonis* (Præsentationis Christi in templo) & chæretismon: (Annuntiationem diuæ Virginis) Et in basilicâ *S. Laurentij* in sacro altari vestem sericam, chrysoclauram habentem historiam Dominicæ passionis & resurrectionis: Et in ecclesiâ *S. Pauli* fecit vela holoferica sigillata habentia periclysin, & crucem de Bathin seu fundato, numero quindecim: Et velum alithino rotatu, &c. & in medio Crucem cum gemmis. In titulo *Endoxie* fecit vestem super altare *Tyriam*, &c. cum Cruce. Et in basilicâ *Saluatoris* vestem habentem historiam Crucifixi: & in titulo *S. Susanna* fecit vestem de blathin habentem in medio Crucem de chrysoclauro. Et in templo *S. Prisca* vestem albam holofericam habentem in fronte Crucem de chrysoclauro. *d.*

*Saraceni* basilicam DD. *Petri & Pauli Romæ* foedè diripuerant.

*b. Fabricius.*

III.

*Hilarius I.* Plurimam restituit spoliata.

*c. Sigon.* lib. 14. Imp. occid.

IV.

*Leo III.* quot exornarit templâ, & quantis?

*d. Anast. Bibliot. ap. Gretf. l. 5. de Cruce.*

V.

*Leo IV, Va-*



**Vaticanum  
munivit.**

**e. Sigon. l. 5.  
reg. Ital.**

rant. Partâ de ijs victoriâ nauali, *Leo IV.* Papa an. DCCCL. eam nouo ad vsum rei diuinæ, eoque magnifico campanario exornauit: & ne eiusmodi in posterum obnoxia impressionibus ac direptionibus esset, *Vaticanum* ipsum munire, & lapideis muris, qui ad diem illum nulli fuerant, sepire instituit. e.

## CAPVT XI.

IMPERATORVM ALIQVOT IN  
TEMPLIS EXSTRVENDIS ET OR-  
NANDIS MAGNIFICENTIA.

I.

**Valentinia-  
nus III. plu-  
ra Romæ  
templa ex-  
ornauit.**

**a. Fabric.  
lib. 12.**

II.

**b. Sabel. l. 10  
cap. 14.**

**Iustinianus  
præter plu-  
ra magnifi-  
centissimū**

**Sophiæ  
templum  
extruxit.**

**c. Fabric.  
lib. 18.**



*Alentinianus III.* Saluatoris Apostolorum imagines aureas supra Confessionem *S. Petri* locauit, & fastigium argenteum in basilicâ *Constantinianâ*, quod à barbaris fuerat ereptum, restituit, & Confessionem *B. Pauli* iaminis argenteis incrustauit, & basilicam *S. Laurentij à Xysto* Papa conditam pretiosâ sacrorum vasorum supellectile instruxit. a.

Miratur hodie *Byzantium* augustissimum *SOPHIÆ* templum, quo nullum fuit olim in terris sanctius: quia *CHRISTO* sit sacrum, qui verâ est Patris æterni Sapientia: b. Illud verò anno DXXXIIX. *Constantinopoli Iustinianus* Imp. *S. SOPHIÆ* dedicauit, quod olim à *Constantino Maximo* ædificatum, & nuper conflato in seditione incendio consumptum, ipse tantâ operis magnificentiâ restituerat, vt se vicisse in eo officio vel ipsam *Salomonis* gloriam prædicaret. c. Ipse enim Dei placandi causâ templum illud splendidissimum & amplissimum *Constantinopoli* condidit, litteris in omnes orbis terrarum partes dimissis, quibus significabat eò deportandum esse, quidquid exstaret vbique gentium, vel lapidum, vel columnarum, vel aliarum rerum splendorum. Materia totos septem annos congregabatur, & *Cyzico* maiori ex parte aduehebatur. Templum verò istud vniuersum annis XVII. absolutum est, talum terrestre, quod ipsos etiam *Seraphos*, inquit *Manasses*, cum veneratione admirari arbitror. Nam si *Deus* commorari dignatur in ijs, quæ hominum manus perpolierunt, omnino hîc, nec vsquam alibi habitat, *Theodora* quoque eius vxor, ijsdem addicta cum marito studijs, & eisdem prædita moribus, nimirum magnificentia, templum à funda-  
mentis

mentis, *Christi* Discipulis condidit, post primum illud facile principem sibi locum vendicans. Appellare quis illud non ineptè possit inter alia templa *caruleo splendens lumine lunam*: quòd secundum solem pulchritudine sua secundas ferat. d.

Post ingentem terræ motum, qui anno DLVII. *Constantinopolim* quassauit, idem *Iustinianus* inter alia præcipuè trullam templi S. *Sophiæ* restituit: eamque viginti ampliùs pedibus supra templi tectum, quàm antè fuerat, extulit: aliasque ædis partes debilitatas, magnificentiore quàm erant, opere instaurauit. e.

Sed placet originem magnificentissimi huius templi altius repetere. Magnam Ecclesiam, videlicet S. *Sophiam*, *Constantinopoli* simulacris gentiliùm priùs consecratam *Magnus Constantinus* extruxit. Structura autem illa vsque ad imperium *Theodosij Magni* durauit. Illius verò tempore, cùm secunda Synodus *Constantinopoli* haberetur, *Ariani* ad seditionem excitati tectum illius Ecclesiæ exusserunt, sub Patriarchatu sanctissimi *Nectarij*. Sedecim autem exacti sunt anni, quibus S. *Sophia* tecto caruit. Imperator verò *Theodosius Rufinum* magistrum operi præficiens, tectum fornicibus ad cylindri formam factis renouauit; & ita permansit vsque ad imperium *Iustiniani*. Quinto autem anno eius imperij post illam stragè, in quâ triginta hominum millia in hippodromo interficiebantur, huic Imperatori Deus mentem dedit, vt templum quale ab *Adamo* non fuit, neque fiet, ædificaret. Iubet itaque Imperator ex omnibus regionibus orbis coaceruari materias septem annis cum dimidio. Anno verò XII. *Iustiniani*, templum à fundamentis euersum est, & omnem materiam seorsim deposuit, nullo enim modo eà opus habebat, quia multò meliorem coaceruauerat. Incepit igitur emere domos contiguas: ac primum cuiusdam viduæ *Anna* nuncupatæ; quæ cùm recusaret Imperatori vendere, dixit: Etiam si quingentas libras numinùm mihi attuleris, eam tamen non tibi tradam. Imperator verò cùm multos ex proceribus suis misisset, vt blanditijs mulierem demulcerent, nihil impetrauit. Ipse autem mulierem accedens obnixè rogabat, vt suam domum venderet. Illa cùm vidisset Imperatorem, accidit supplex ad pedes eius, dicens: Domine Imperator, nihil quidem oportet me pro ædium

d. *Annal. Glyc. p. 4. Const. Manas. in Annalib.*

III.

e. *Sigon. lib: 20. Imp. occid.*

IV.

Ex *Greg. Cod. de reb. Constantin. Ant. Daur. t. 2. Cath. hist.*

ædium pretſo à te capere : volo enim in partem ſumptuum huius templi venire, vt & ego in die iudicij habeam mercedem, & poſt mortem meam ſepeliar propè ædes meas. Sed antequam inciperet, *Eutychio* Patriarchâ accerſito pro ſtructurâ Eccleſiæ precatus eſt. Imperator proprijs manibus calcem cum regulâ accipiens, fundamenti initium poſuit. Erant operariorum magiſtri numero centum, centum mercenarios ad manum habentes : ſimul decem millia operariorum : quorum quinque millia, à dextrâ, quinque à ſiniſtrâ parte inceperunt. Magno autem ſtudio contendebant, vt quàm celerrimè opus abſoluerent. Templi verò formam Angelus per ſomnum Imperatori ob oculos poſuit. Cùm autem inter operandum opifices aliquando ad prandium inſſent, vnus ex magiſtris *Ignatius* nomine, reliquit ibi filium ſuum, vt omnia inſtrumenta opificum obſeruaret. Erat puer annorum circiter quatuordecim. Puerum verò ſedentem quidam candidâ veſte indutus compellauit, tamquam Eunuchus è palatio miſſus, dicens : Quâ de cauſâ fabricatores opus Dei celerrimè non perfecerunt ; ſed eo relicto omnes ad comedendum abierunt ? Dicit puer ; Primo quoque tempore, mi domine, aderunt. Iterùm ille ait ; Abi citò, voca eos. Puer metuente ne aliqua inſtrumenta perirent, Angelus apparens cum iureiurando adoleſcenti dixit : Abi, loquere cum illis : nam ego hinc non recedam, donec redieris. Teſtor, *S. Sophiam*, quæ eſt ſermo Dei, nunc ædificari cœptam. Tale igitur iuramentum puer audiens deſcendit, & inuenit patrem ſuum *Ignatium*, cui hæc omnia explicauit. Pater autem eum ad Imperatorem duxit, qui tunc prandebat. Qui, his auditis, omnes Eunuchos ad ſe vocauit. Cumque neminem ex ijs puer agnoſceret, intellexit Imperator Angelum Domini fuiſſe. Ceterùm iuramentum, quod puer retulerat, obſeruabat, & quòd albatuſ eſſet, qui cum adoleſcente loquebatur, & maxillæ eius ignem emitterent, quodque mirabilis eſſet aſpectus eius. Imperator verò valdè lætatus, Deum quòd ſuo opere oblectaretur, celebrauit. Et ex eo tempore nominatum fuit templum *S. SOPHIÆ*, tametiſ Imp. diſpiceret, quomodo templum nominaret. Cùm verò Imp. à multis juſtis & virtute præditis conſilium petiſſet, dicebant ; non oportere puerum eò reuerti.

Angelus  
Domini  
apparet  
puero.



reuerſi. Si enim reuertatur, Angelus cuſtos ex loco abibit. Horum ergo conſilio paruit. Cum enim puerum diſceſſet, miſit illum, vt in Inſulis vitam traduceret. Angelus itaque juxta ſuum iuramentum uſque in hodiernum diem locum tuetur: Sacerdos autem pro ſtructurâ Eccleſiæ precatus eſt, ac ibidem reliquias Sanctorum impoſuit.

Tutor loci.

Idem *Iuſtinianus* Imp. in bello *Wandalico*, Sanctorum ope annixus, SS. Matyribus diuerſis in locis templa conſtruxit, aliâque erigenda propoſuit, eademque reſtituit annuiſ locupletauit, nec non militiæ cæleſtis ſummo Principi *Michaëli* pluribus etiam in locis Eccleſias erexit, probè ſciens, ſi talem tantumque Ducem ſibi conciliaret, qui rebelles Angelos cientes in cælo prælium ſuperaret, certam ſecuramque poſſe de vincendis *Wandalis* habere fiduciam. Sed & præter omnia maximam omnium ex eo ſpem concepit & aluit, quod ſanctiſſimæ DEI genitricis MARIE ſtudioſiſſimus cultor, eandem ſummis frequentauit honoribus, obſequiſque demeruit, cum ubique locorum apud barbaras etiam nationes in memoriâ eius baſilicas ſummâ impenſâ conſtruxit. Eſt de his omnibus locuples teſtis ipſe *Procopius*.

V.  
Plura alia.

De duobus illis templis *S. Michaëlis* à *Conſtantino* Imperatore apud *Conſtantinopolim* erectis, & à *Iuſtiniano* Imp. reparatis, ſic ſcribit *Procopius Caſarienſis*: Littus utrumque ad *Conſtantinopolim* ſingulari pulchritudine exornauit *Iuſtinianus*. Templa duo *Archangel*o *Michæli*, alterum ex aduerſum altari, ad fretum conſtructa fuere. Alterum in regione, quæ dicitur *ἀνὰ πλῆθος*, hoc eſt, tranſitus, ſive traiectus, in parte dextrâ *Euxinum* pontum nauigare incipienti. Alterum autem in littore huic oppoſito. Quem locum veteres *πρόχθους*, hoc eſt, promontorium, propterea oppinor, quod longius à littore in fretum procurrerit, appellarunt. Hac ipſa templa Imperator *Iuſtinianus* vi temporis deformata, denuò ex ipſis fundamentis reſtituit, ſtructurâ admirandâ. Ceterum innumera ferè præclariffima Templorum ædificia litteris commendauit *Procopius*.

VI.

*Carolus Magnus* primus videtur fuiſſe, qui ſplendidiffimum templum in *Germanico ſolo* excitauit *Aquiſgrani*, in quâ vrbe Regiam ſedem conſtituerat, ac plerumque morari ſolebat, quod ſcribit

VII.  
Carolus M.  
præter cele-  
berrimum

Aquisgra-  
nense plu-  
rima diuer-  
sis locis cō-  
didit.

## VIII.

Henricus II  
Bambergæ  
plura con-  
didit.

f. Idem I. 8.  
reg. Ital.

## IX.

Item Basi-  
leæ.  
g. Vrstifius  
in Epit. hist.  
Basil.

## X.

Carolus IV.  
Pragæ.

h. Dubr.  
lib. 22.

bit *Eginardus* in eius vitâ. Sed quid his immoror? Innumera sunt templa, quæ vel à fundamentis noua construxit, vel ab alijs constructa amplissimis donarijs cumulauit.

*Henricus II.* Imperator, *Boleslao Sclauorum* rege deleto, anno cIo. vii. voti compos, *Bambergæ* episcopium cum basilicâ condidit, eamque eximijs prædijs honestatam *D. Georgij* nomini dedicauit. In eadem etiam vrbe cœnobîa duo magnifica extruxit: quorum vnum *S. Stephano* dicatum Canonicis Regularibus attribuit: alterum sub nomine *S. Michaëlis*, monachis *Benedictinis* indulsit. Eam Basilicam xii. post anno consecrare cupiens, *Benedictum* Pontificem ob id in *Germaniam* aduocauit. Cuius perspectâ voluntate *Benedictus* trans Alpes contendit, atque *Henrici* petitioni morem gessit. Ob id *Henricus* se in singulos annos equum, album & centenas marchas argenti *S. Petro* & successoribus eius daturum spopondit. f.

Idem *Basileæ* templi primarij structuram, siue per se ruinosam, siue terræ motibus concussam, aut *Rheni* eluuiione periclitantem, anno cIo. x. passibus aliquot à flumine remouens, nouo opere instaurauit, binis turribus conspicuam fecit atque ditauit. g.

*Carolus IV.* Imp. veteri *Pragensi* templo, cui & decor & amplitudo deesse videbatur, noua fundamenta circumposuit, decimamque argenti partem ex montibus *Guthnensibus* prouenientem, pro ædificio futuro assignauit. Intereaque viginti quatuor ministros templo assiduos, quos ideò *Manssonarios* vocabat, constituit: illisque largos sumptus destinauit, vt die noctuque Deo hymnos & laudes psallerent: cùm paulò antè opibus adhuc priuatis, sacellum elegantissimum, in eadem arce *Pragensi*, permissu patris, sub titulo *Omnium Sanctorum* ædificasset, lecto in

id descriptoque cœtu sacerdotum honestissimo. h.



## CAPVT XII.

REGVM NONNVLLO RVM IN  
SACRA LOCA MVNIFICENTIA  
EXEMPLIS ILLUSTRATVR.

Ic quis *Francorum* Regum dona in Ecclesiam collata enumerare possit? quis monasteria & templa ab ijs ædificata, & immensas opes eis attributas? Quâ in re cùm multi ex illis præstiterint, cunctos *Dagobertus* è *Merovingis* videtur superâsse, vt è *Bruschio* & *Nauclero* liquet; *Carolus* ceteros è *Pîpini* stirpe, *S. Ludonicus* alios ex *Hugonis* genere. Ausim dicere, cunctas ferè totius Germaniæ terras à *Francorum* Regibus monachorum cœtibus & clericorum concessas. Id ex illo constat, quod omnes ferè *Germania* ciuitates prope monasteria conditæ sunt, & innumera erant antiquitùs in *Germaniâ* Ecclesiæ feuda. Exempli causâ hoc afferimus.

*Dagobertus* Rex *Francorum*, voti non immemor, quo diuissimis martyribus *Dionysio* eiusque collegis obnoxium se fecerat, *Catullicum* vicum petit: & sacrosancta corpora inde exhumari iubet. Inscripti erant tituli cuique mausolæo, quibus alter ab altero sine controuersia erat designatus. Ea in conditorio, quod fabrefieri rex mandauerat, reponi ad tempus imperat. Tandem magno sumptu cùm templum ædificasset (quod & solido argento tectum erat) eò transferri corpora instituit, condito ad eum vsum aureo feretro, additisque ad decorem multis variisque gemmis. Annis insuper prouentibus ad sacerdotum & ministrorum templi alimoniam designatis, & ne minus ornamenti interiùs locus haberet: tapetes quoque vnionibus & gemmis varijs intextos, quibus interior paries tegetetur, attribuit. Adeò gratissimus diuis martyribus patronis suis *Dagobertus* fuit. Inopum præterea curam non omittens, reconditorium proximè aram maiorem templi argenteum apponit, ubiq; diuis donaria martyribus offerentur, reposita sacerdotes egenis impertirent. a. Alia nunc studio præterimus.

I.

Gallorum  
Reges olim  
munifici  
in Ecclesiis.

II.

Dagobertus  
S. Dionysij  
templum  
quâ splendide exornarit.

a. Gaguin,  
lib. 3. Bar.  
anno, 647.

R

Sed



## III.

Item Lon-  
gobardi.

Sed quid miramur hæc à Francis Regibus præstita, quando de Longobardis sic Paulus diaconus reliquerit scriptum? *Per Reginam Theodolindam multum utilitatis Ecclesia Dei consequuta est. Nam penè omnium Ecclesiarum sublimitates Longobardi, cum adhuc gentilitatis errore detinerentur, inuaserant. Sed eius salubri supplicatione Rex permotus, & Catholicam fidem tenuit, & multas possessiones Ecclesie largitus est, atque Episcopos qui in dispersione atque abiectioe erant, ad dignitatem & honorem reduxit. Hæc Paulus.*

## IV.

Luitpran-  
dus,  
b. Lib. 3.  
Reg. Ital.

Quid verò à Luitprando Rege hac in re præstitum fuerit, describit Sigonius: *b. Luitprandus Longobardorum rex, ut inquit Paulus, multa in Christi honorem per singula loca, ubi degere solebat, templa construxit. Monasterium S. Petri ad Calum aureum extra Papiæ mœnia, & alterum Bardonis in monte Bercetum dictum edificauit. In Olonnâ verò miro opere in honorem S. Anastasij martyris Christæ domicilium statuit, in quo & monasterium excitauit. In suo palatio oratorium S. Saluatoris condidit, & quod nulli alij reges habuerant, sacerdotes & clericos instituit, qui ei quotidie diuina officia celebrarent.*

## V.

Pertharitus

c. Idem.

*Pertharitus Longobardorum rex, regno accepto, ab eâ Ticini parte, quâ olim Grimoaldi regis manus euaserat, monasterium, nouum S. Martyri Agathæ condidit, idque multis virginibus aggregatis, & possessionibus attributis cohonestauit. Cuius exemplum vxor Rodelinda sequuta ædem S. Dei genitrici extra mœnia ædificauit, quæ ad Perticas dicta. c. Ceterum Luitprandi præclara facta testantur carmina hæc sepulchro ipsius inscripta:*

*Rege sub hoc fulsit, quod mirum est, sancta, frequensq;  
Religio, ut recolunt Alpes, Ecclesia quarum  
Hunc habuit viuente ipso; & prægrandia templa,  
Quæ vinens struxit, quibus & famosus in orbe  
Semper, & æternus lustrabit sæcula cuncta,  
Præcipue Petro calesi hac sede locato  
Clauigero, statuit calo quàm prouidus aures.*

## VI.

Desiderius,

Quamobrem neque Desiderius alioquin haud satis pius, ab- fuit ab hac laude. Ipse enim & eius vxor Ansa nobilissimum monasterium Saluatori, & Iulie martyri construxerunt, & fundis amplissimis, muneribusque ditissimis illustrarunt, quæ recenset in historiâ monasticâ Petrus Ricordatus,

Sed

Sed neque *Francis* aut *Longobardis Hispanici* Reges videntur inferiores, è quibus *Alfonfus I.* d. maximis ornatur laudibus, quòd plurima templa construxerit, magnificè ornàrit, libris vndique conquisitis instruxerit, & collocupletàrit. *Alfonso Casto* laudi datur, quòd innumeras aedes sacras condiderit, & in his *Oueti S. Saluatoris* templum pulcherrimum. *Ranimirus* certos fructus quotannis *S. Iacobi* templo præstandos, ac partem spoliolum, quæ ab hostibus caperentur, vouit, votumque *Paschalis Pontifex* confirmauit.

*Alphonfus Magnus* thesaurum totum paternum in templa & pauperes erogauit, ædem *S. Iacobi* lapide quadrato construxit, ac plurimis redditibus, & ornamentis amplificauit. *Ranimirus Secundus* inter alia ædificauit templa quatuor nobilissima, primum in *Legione*, secundum ad fluuium *Ceam SS. Michaëli & Christophoro* sacrum, tertium in *Durij* ripâ sanctissimæ *Virgini*, quartum in valle *Orna*, quæ nunc dicitur *Dustriana*, *S. Michaëli*. *Alphonfus Sextus Toletanam*, *Burgensemq;* Basilicam ditissimis donis ornauit. *Alphonfus Raimundi Berengarij filius*, *Aragonia Rex*, præter multa alia monasterium nobilissimum *Populeti* ædificauit. Imò eius pater, cum esset *Barcinone Comes*, confectis nuptijs cum *Petronilla Ramiri* monachi, regis *Aragonum* filiâ, etiam Princeps factus, trecentas ædificauit Ecclesias. e.

*Ferdinandus & Isabella Hispania* Reges in *Abilâ* ciuitate templum *D. Thoma*, *Toleti S. Ioan. Euang. Segouia* Monasterium *S. Crucis*, *Granata* templum *Deiparæ*, & *D. Francisci*, *D. Hieronymi* monasteria, & *Carthusianorum*, & *Predicatorum*. *Compostella D. Iacobo* templum cum hospitali: *Roma* templum *D. Francisco* exstruxerunt, f.

*Philippus II.* Hispaniarum Rex augustum illud *S. Laurentij* templum ædificauit ob victoriam, quam *S. Laurentij* die festo, & ipsius patrocinio consequutus fuerat. Cuius magnificentia tanta est, vt non possit paucis describi & angustijs huius tractatus includi. Si plura alia vellemus recensere, nullus vmquam dicendi esset finis. Illud satis sit; commune esse omnibus *Hispaniarum locis*,

VII.

*Hispani R.*  
*d. Rod. Tol.*  
& *Sanct.*  
*Alphonf. I.*  
*Alphonf.*  
*Castus.*  
*Ranimirus.*

VIII.

*Alphonfus*  
*Magnus.*  
*Ranimirus*  
*Secundus.*

*Alphonfus*  
VI.

*Alius Al-*  
*phonfus.*

e. *Mari. l. to.*  
rer. *Hispan.*

IX.

*Ferdinandus & Isabella.*

f. Idem *l. 19.*

X.

*Philippus*  
*II. Escuria-*  
*le.*

vt ex illis decimæ præstentur diuinis rebus ritè procurandis, & vix ferè vllibi Ecclesiasticæ vniuersitates ditiores.

## XI.

Lusitani  
RR.  
Alfonſus  
Henricus.

Quod diximus de *Hispania* Regibus, de *Portugallensibus* idem prorsus intelligendum.

Primus *Lusitania* rex *Alphonſus Henricus*, qui totam ferè *Portugalliam* à *Saracenorum* tyrannide in priſtinam libertatem aſſeruit, ea quæ bello comparabat, magnâ ex parte in ſacras Religioſorum familias conferebat, ex iſſque plurima templa inſtaurauit, aliaque ſanè magnifica à fundamentis erexit, maximaque & celeberrima Monasteria exædificauit.

## XII.

Emmanuel  
& Henricus  
III.

Quæ *Alphonſi* pietas ad reliquos conſequentes reges cum regno ipſo quaſi hereditario iure peruenit. Nam, vt alios *Lusitania* reges mittamus, duo illa clariffima *Lusitania* lumina, *Emmanuel* & *Ioannes* hoc nomine III. non minùs fidei ſux, & pietatis ſplendore, quaſi duo fulgentiſſimi Soles, prodigioſo, ac diuino planè, exorta in occidente exorientes ipſas orientis oras colluſtrarunt, quàm inuictis armis, ad ſuam ditionem, & imperium adiunxerunt. Verùm enimuerò *Emmanuel* omnis memoriæ Princeps, qui primus Orientem, non minùs admirando auſu, quàm felici ſucceſſu aperuit, plurima templa, non in *Lusitaniâ* modò, ſed in *Aſia* etiam, & *Africa* ſibi ſubiectis prouincijs excitauit, locupletauitque ampliffimis muneribus. In his *Bethleemiticum* Cœnobium per *Leucam Vlyſſipone* diſtans, & operis magnitudine & magnificentiâ in præcipuis totius *Europæ* numerandum, *D. Hieronymi* Patribus attributum. Quod opus *Ioannes* hoc nomine tertius *Emmanuelis* filius poſteà amplificauit, vt atteſtantur carmina, in ipſius templi fronte incifa, quæ *Andreas Reſendiſ* *Eborenſis* antiquitatis inueſtigator excellens atque in eo genere doctiſſimus compoſuit, ita autem ſe habent:

*Vaſtâ mole ſacrum diuina in littore Matri*

*Rex poſuit regum maximus Emmanuel.*

*Auxit opus heres regni, & pietatis. Vierque.*

*Structurâ certant, religione pæres.*

Exſtruxit quoque *Emmanuel Miſericordiæ Vlyſſiponenſis* ædem, & ibidem Xenodochium, Regium ſanè, atque magnificum.

Quod



Quòd si his relictis in *Hungariam* te conferas, vix poteris animo complecti quot ac quanta Reges eius Ecclesiæ donarint, in quibus valdè eluxerunt *Stephanus*, & *Ladislaus*, *Bonfinio* teste; à quo & illud memoriæ proditum, à *Ludonico* Rege innumera templa constructa, & locupletata, ita vt exemplo atque operâ illius tertia regni pars pertineat ad sacerdotes.

*Misceus*, primus è *Polonis* principibus *Christianus*, plurima templa plurimis in locis ædificauit, prædijs donauit, omnibus rebus ornavit, decimas omnium frugum sacerdotibus ritè dari mandauit, Episcopos & Archiepiscopos suis locis assignauit. *Boleslaus* deinde primus passim monasteria excitauit. Idem fecit *Cazimirus* sanctus. At *Cazimirus Magnus* templa magnifica duodecim, vt ait *Cromerus*, præter alia minutiora ædificauit, monasteria sex exstruxit, ornavit, collocupletauit. Idem peregit in *Lithuaniam* *Vladislaus Iagello*.

Quid verò de Regibus *Anglicis* dicemus, qui amplissima templa & monasteria ædificauerunt, & innumeris diuitijs amplificauerunt vnà cum totâ gente? Præcipuam verò in hisce laudem sibi vendicant Reges *Adelstanus*, *Eldredus* & *Guilelmus Rufus*. Denamillia in illâ insulâ templa, & mille monasteria numerabantur.

*Malcolmus I I. Scotorum* rex, victis ad *Murthlacum Danis*, ædem *D. Moloco* sacrâ ingenti sumptu construxit: quam siue quòd voto ita sese adstrinxerat, siue quòd regionum, quas *Dea Speag*, flumina claudunt, maiori quàm par esset, intercapedine eorum, ab episcopo disungerentur, episcopalem sedem factam, prædijs, agrisque de *Murthlaco*, *Clouet* & *Dummeth* cum redditibus ad pontificios sumptus donauit. Estque sacra sedes ad *Dauidis* primi *Scotorum* regis tempora *Murthlacenensis* appellata, qui eam *Abberdonam* transtulit. g.

Neque verò vllis cedunt aut *Bohemi*, aut *Bohemorum* Reges. Testatur enim *Aneas Syluius*, nullibi ferè magnificentiora inueniri, quàm in *Bohemiâ*, quorum pulcherrima dicitur excitasse *Carolus IV.* vt *Cochlaus* in historiâ *Hussitarum* tradit. Certè *Spitigneus II.* *Boemorum* rex, festo die translationis *D. Wenceslai* videns ad sepulchrum tantam domesticorum aduenarumque frequentiam,

XIII.

*Hungariæ*  
R.

S. *Stephanus*.

S. *Ladislaus*  
*Ludouicus*.

XIV.

*Poloniæ*. D.  
& R. *Misceus*.

*Boleslaus*,  
*Cazimirus*.

*Vladislaus*  
*Iagello*.

XV.

In *Angliæ*  
*Regnotem*.  
pla. 10000.  
& 1000. Mo.  
nasteria.

XVI.

*Scotiæ* R;  
*Malcolmus*  
II.

g. H. *Boeth.*  
lib. II.

XVII.

*Bohemiar*  
*Reges*.  
*Carolus IV.*  
*Spitigneus*  
II.

confluxisse, quantam locus ille propter sui angustiam capere non potuerat, religione tactus quòd laxiora ipse Palatia, quàm diuì templa haberent, nouo operi excitando curam intendit, dirutoque facello utroque, quorum alterum *D. Vito*, alterum *D. Adalberto* consecratum fuerat, aream longè ampliorem mensus, omnibus tribus in illà magnificum *Praga* extruxit templum. *h.*

*h. Dubrau.*  
*lib. 8.*

*XVIII.*  
*Pulcheria*  
*V. Impera-*  
*trix.*

Prædictis liberalitate & munificentia in templa nequaquam cessit virgo regia *Pulcheria* Imperatrix, *Theodosij* junioris soror, quæ quindecim annos nondum nata virginitatem suam Deo per omnem vitam consecrauit. Ut autem consilium, decretumque suum pignore aliquo stabiliendum esse putaret, Deo ipsi, sacro sacerdotum ordini, & subditis ciuibus, certum sententiæ suæ testimonium exhibuit. Nam admirandum quoddam incredibili pulchritudine ornamentum, ex auro & pretiosis lapillis confectum, in sacræ mensæ formam redactum, pro virginitate suâ, fratrisque imperio, *Catholica Constantinopolitana* ecclesiæ dedicauit, in coronâ quadrangularem eius, consilio causâque consecrationis eiusmodi nouis quibusdam litteris insculptâ. *i.*

*i. Niceph.*  
*lib. 14. c. 2.*  
*hist. Eccles.*

## CAPVT XIII.

ALIORVM EXEMPLA, QVI IN  
TEMPLIS EXSTRVENDIS ET ORNAN-  
DIS SE MVNIFICOS DECLA-

## RARVNT.

*I.*  
*D. Ambro-*  
*sij Mediola-*  
*ni.*  
*a. Sab. l. 10.*  
*cap. 14.*  
*D. Marci*  
*Venetijs,*



TATVERVNT *Mediolanenses* diuo *Ambrosio* magnificum; sed omnium opulentissimum *Veneti* diuo *Marco* templum, quo nullum est hodie in terris opulentiore, magisque visendo apparatu. *a.* Id enim non tam magnitudine & vastitate suâ, quàm ornatu insigne, & inprimis augustum, si primum ingrediare, crucis figuram præferre videtur: cuius anguli in altissimas confurgunt testudines. Quorum fastigia, ut reliqua templi facies, plumbeis tegulis operta, ad centum viginti stadia ex alto ad urbem nauigantibus inter eminentissima urbis ædificia occurrant. Superbissimi ad id fornices mirâ inter se arte coeuntes, totam molem fulciunt. Quidquid operis est, à mediâ templi parte purif-

purissimo fulget auro, musuo opere mirificè variatum. In ipso te-  
studinum connexu *Gracanicis* operis vetustissimæ imagines, mœstâ  
quadam venerabilique præsentiâ, horrorem cum religione mi-  
xtum spectantium animis inferunt. Marmoreæ vndique tabulæ,  
ad pauimentum vsque ipsum, varij marmoris occurrunt, tanto  
artificio sibi ad inuicem compositæ, vt eadem inter se similes vide-  
ri possint: Sedilia circum ædem marmorea. Pauimentum vermi-  
culato opere, marmoreis frustis distinctum. Columnæ complures  
*Parilapidis*, vel *Tapsici* aut *Numidici*, cum duplici suggestu mar-  
moreo. Cautum publico decreto fuerat, vt quidquid egregij ope-  
ris *Veneti* ipsi nauigantes quocumque terrarum ambirent, id ipsum  
*Venetias* deferrent. Vestibuli aurei fornices trecentis & ampliùs  
fulciuntur columnis, magnitudine & colorum varietate conspi-  
cuis: intercolumnia, & quidquid in areâ ipsâ operis est, cum ipso  
pauimento marmoreis tabulis pro tectorio renitet. Vestibuli par-  
tem superiorem equi quatuor ænei, diuerso statu varioque exor-  
nant. Templi supercilium senis sese pinnaculis explicat: quorum  
singula in tabernaculi speciem surrecta, singulas habent ex candi-  
do lapide statuas, nudi genij: aliaque splendidissimi aspectus simu-  
lacro, suo quæque statu operibus inserta, miro quodam modo,  
ipsam pinnarum exornant intercapedinem. Extructum fuit *Seb.*  
*Ziano* duce, ab architecto *Constantinopolitano*. b.

b. Egnat.  
lib. 6. c. 5.

II.

Templum *Argentinenſe* magnificum anno salutis cō. xv.  
ædificari cœptum, Turris verò An. cō. cc. lxxvii. ab *Ebroino*  
*Steinbacenſe* fundamenta iacta. Anno cō. ccc. v. *Ioannes Hilzius*  
*Coloniensis* turris educendæ prouinciam suscepit. In medio opere  
cōcidit. Tandem *Suenus* quidam materiam jam paratam compo-  
suit, sic vt imperfecta licet DLXXIV. pedes altitudine excedat. c.  
*Argentinenſe templum*, ait *Iacobus Wimpfelingius*, & *turris in eo*  
*ædificata demonstrant* Theutonicos omnes gentes in architectaria  
superare. *Hac vnâ structurâ nihil in vniuerso orbe crediderim esse*  
*pretiosius, nihil excellentius. Quis satis mirari, satis laudare potest Ar-*  
*gentinenſem turrim, quæ calaturâ, statuis, simulacris, variarumq; effi-*  
*gie omnia Europa ædificia facillè excedit? turris altitudo excedit nume-*  
*rum 50. & quindecim cubitorum: miraculum est tantam molem in tam*  
*altum*

Argentinenſe.

c. Stämpf.

Epit. rer.  
Ger. c. 67.



*altum attolli potuisse, quid si isti à laudatis auctoribus laudati artifices renuiscerent, Scopas, Phidias, Ctesiphon, Archimedes? profecto in Architectura disciplinâ se victos esse à nostris vel palam faterentur: atque hoc opus Diana Ephesia templo, & pyramidibus Aegyptiacis, atque his omnibus, quae inter septem miracula numerantur, longè anteferebant. Hac ille.*

Eam sic alius Geographus describit: *Habet quoque ciuitas ista nobile & ingens quoddam opus, cuius simile nec in Germaniâ neque in Italiâ, aut Galliâ reperitur: nempe sumptuosissimam illam turrin, quae anno Christi millesimo ducentesimo septuagesimo septimo inchoata est, atq; viginti octo annis ferè usque ad fastigium est consummata. Hac ab ipsis fundamentis usque ad supremum culmen quadris & pulchrè figuratis lapidibus est erecta. Erwinus de Stainbach prima posuit fundamenta, ideam ipsam concepit, atque architectum ad consummationem eius egit. Ubique aëre, & vento est peruia, patetq; ascensus eius quatuor cochleis: Vbi verò crassities eius in fastigium incipit acuminari, ibi octo consurgunt cochleae. Supremus nodus, qui inferius vix modij magnitudinem habere videtur, tantus est, ut capacitas eius recipiat quinque aut sex personatos homines: longitudo eius habet pedes geometricos quingentos septuaginta quatuor: artificium eius olim adnumeratum fuisset septem miraculis mundi. Sic iste.*

## III.

Nidrosiæ.

d. Ziegler.  
in Scandia.

## IV.

Petrus Duninus 77.  
templa &  
duo Monasteria con-  
didit.

## V.

Hilborch.  
fœmina

In Septemtrionali Nidrosiâ, extat etiamnum hodie Ecclesia cathedralis, argumentum veteris felicitatis: cui magnitudine & laborati lapidis artificio, par opus non est in orbe Christiano. Crepido circum altare corrupta incendio VII. M. aureorum vix reparari potuit. Atque à tantulâ parte æstimatio præstantiæ fiat templi totius. d.

*Petrus Duninus, genere Danus, in Poloniâ vixit A. ClO. cxxiv. de eo sic Cromerus: Fertur hic Petrus septuaginta septem templa diuersis in locis in Poloniâ de sccto lapide exstruxisse, ac dotasse, quorum pleraque adhuc exstant; itemq; duo Monasteria.*

*Hilborch, nobilis femina, sub Episcopatu Mindensi, quum maritum in peregrinatione terræ sanctæ absentem jam desperaret rediturum, ex omni patrimonio, nouem Ecclesias construxisse dicitur, cum Monasterio Mælenbecke, anno DCCCXIX, Quum autem ille*

ille insperatus rediret, placatura indignantem præuenit, dicens nouem se filias absenti peperisse, nondum in *Christo* regeneratas. Intellexit vir Deo deuotus quid loqueretur: & annuens per omnia, quæ facta sunt approbavit. e.

e. Cranz, lib. 3. cap. 8. Metrop.

*Franciscus Aluarefius* Sacerdos diu fuit in *Æthiopiâ* vna cum legato Regis *Emmanuelis* ad *Æthiopiæ* Regem misso, narratque se vidisse decem templa tota è solido vnicoque lapide constantia. Illa mirabiliter artifices exsculperunt à montibus, & in ædes sacras inciderunt ex vnico saxo factas. Prima ex illis est, quam describit, nomine *Golgotha*, longitudine palmorum centum viginti, latitudine septuaginta duorum, fornix incumbit quatuor columnis in crucem distinctis, parietes, fenestra, ac porta sculpturis elegantissimis sunt ornata. Subter hanc adem est ades altera latitudinis ac longitudinis eiusdem, sed altitudinis multò minoris. Templum totum à monte diuisum est undique intercurrente viâ ipso monte incisâ latitudine palmorum septuaginta quinque. Secundum templum est sancti *Saluatoris*, longitudine palmorum ducentorum, latitudine centum viginti, in quinque peristylia est diuisum, quorum quodlibet habet columnas septem, ita ut omnes sint viginti octo, & sua cuique peristylia est fornix in longitudinem pertingens, medio fornix altior, reliquis depressior. E parietibus effigies rerum summo diligentiq; artificio elaboratæ existunt, reliquus mons à templo se iungitur excisus in profundum, latumq; est interstitium solidi continuiq; lapidis à fronte templi palmos centum, à reliquis lateribus palmos sexaginta. Hæc *Aluarefius*, qui reliqua templa eodem loco depingit.

nobilis 9.  
Ecclesias  
cum Mona-  
sterio con-  
struxit.

VI.  
Templa  
mirabilia  
Æthiopum  
regum.

CAPVT XIV.

TEMPLORVM EXTRVENDO-  
RVM PIETAS MIRACVLIS CON-  
FIRMATA.

**I**N quodam loco ruris angusti, quum res posceret ecclesiam construi, rupes quadam vicini montis ex parte Orientis obiecta, ex alia verò præterfluens fluuius, spatium quantum Ecclesiæ sufficeret, denegabat. Et cum alius omnino non esset locus, omnesque mœstitiam gererent, quod solum

I.  
S. Grego-  
rius Thau-  
maturgus  
montem  
transtulit.

ad

S

vt locus Ec-  
clesiæ con-  
struendæ  
sufficeret.

a. Euf. l. 7.  
cap. 1. Hist.  
Eccles.

II.

Miraculum  
niuis Romę  
in monte  
Exquilino.

ad construendam Ecclesiam non haberent, *Gregorius Neocæsariensis* Episcopus, fide plenus, pernoctasse in oratione dicitur, & Dominum IESVM promissionis suæ admonuisse fideliter, quā dixit: *Si habueritis fidem sicut granum sinapis, diceris monti huic, Tolle te, & mitte te in mare, & fiet utique.* Cumque hæc plenā fide atque deuotione deposceret, ad lucem cōeuntibus populis, inuenta est rupes importuna secessisse tantum, quantum spatij ad condendam, quærebatur Ecclesiam. a.

*Liberio* Summo Pontifice *Ioannes Patricius Romanus*, & vxor, pari nobilitate, cum liberos non suscepissent, quos bonorum heredes relinquerent, suam hereditatem sanctissimæ Virgini DE IMA-TRI vouerunt, ab eā summis precibus assidue petentes, vt in quodpiam opus eam pecuniam potissimum erogari vellet, aliquo modo significaret. Quorum preces & vota ex animo facta beata Virgo MARIA benignè audiens, miraculo comprobauit. Nonis igitur Augusti, quo tempore in Vrbe maximi calores esse solent, noctu nix partem collis *Exquilini* contexit. Quā nocte DE I mater separatim *Ioannem* & coniugem in somnis admonuit, vt quem locum niue conspersum viderent, in eo ecclesiam ædificarent, quæ MARIE Virginis nomine dedicaretur: se enim ita velle ab ipsis heredem institui. Quod *Ioannes* ad *Liberium* Pontificem detulit, qui idem per somnium sibi contigisse affirmauit. Quare solemnī sacerdotum & populi supplicatione ad collem venit niue cooperatum, & in eo locum Ecclesiæ designauit, quæ *Ioannis* & vxoris pecuniā extructa est, postea à *Xysto* tertio restituta. Varijs nominibus primū est appellata, *Basilica Liberij*, S. MARIA ad *Præsepe*. Sed cum multæ jam essent in vrbe Ecclesiæ sub nomine S. MARIE Virginis: vt quæ Basilica nouitate miraculi ac dignitate ceteris eiusdem nominis Basilicis præstaret, vocabuli etiam excellentia significaretur, Ecclesia S. MARIE Virginis maioris dicta est. b.

b. Breu.  
Rom. 5. Au-  
gust. Carol.  
Sigon. l. 7.  
Imp. Oc-  
cid. an. 366.

III.

S. Cornel.  
Centurio  
apparens  
juberet tem-  
plū extrui.

Cuidam *Syluano*, viro pio, & qui virtutem amplectebatur, & erat Episcopus *Troadis*, cum venisset aliquando in ciuitatem *Scepsæorum*, diuinus in somnis apparens *Cornelius* Centurio: *Longo*, dixit, tempore hic habito, & nullus me visitauit, præter eos solos, qui à me fuerunt baptizati. Cum itaque interdū hæc mente considera-

ret



ret Episcopus, & quid sibi vellet somnium, non posset conijcere, nocte sequenti ad eum rursus veniens sanctus: *Ego sum*, inquit, *Cornelius Centurio*: est autem mihi domus prope templum Iouis in rubo. Sed tu adifica alterum oratorium prope locum Demetrii serui D E I. Vocatur autem locus Pandochium: quo in loco sita sunt multa corpora sanctorum fratrum jam consummatorum. c.

Apud oppidum Hispania Olianam, quod est in ripâ Sicoris, & distat ab Ilerdâ passuum millia circiter quadraginta, domus est, MARIÆ Virginis Castilnedrensis in alto loco posita, ad quam domum singulis annis Martio mense, diebus Veneris, ex insulâ fluminis tria lumina cærulei coloris ascendunt, & Ecclesiam per fenestras ingressa, lampades ascendunt & subinde descendunt ad eundem locum vnde venerant, ibique ab insipientium oculis euanescent. d.

Sueni & Boij cum Regibus suis Alarico & Adalogerione, aduersus Clodoucum Gallorū Regem acerrimè congressi prælio, copias eius cædunt funduntque. Clodoucus Rex vbi nullam spem salutis, nec in armis, nec in fugâ esse videt, ad vota & cælum conuersus, ait: *Christe potens rerum, quem uxor mea colit, veneratur, predicat, siste fœdam fugam, deme Francis metum: tu mihi solus posthac jam eris* D E V S: ego tua sacra cum Francis recipiam, & tibi Templum dicabo. Quod erit perpetuum posteris monumentum, tuâ præsentiope seruatos esse Francos. Vix hæc fatus erat, Franci resistunt, redintegratur prælium. Vterque Rex hostium occiditur, Franci superiores fiunt. Sueni ad Theodoricum Regem in Italiam confugiunt, eo deprecatore erga Francos vtuntur, & cum Francis fœdus societatemque perpetuò faciunt. e.

Anno Domini 10. LXXXIX. Verona Athesis amnis ita creuit, vt aqua ad ædem D. Zenonis peruenerit. Quod pro insigni miraculo S. Gregorius scripsit: Authari ipso Rege spectante, aqua apertis templi januis ingruens, templum tamen ipsum non iniit; & paulatim crescens vsque ad fenestras, quæ proximæ tecto erant, euasit. Qui verò in templo remanserant, cum elabi inde non possent, aquam tamen ad januam templi venientes hauriebant: neque ab eius impetu aliquid noxiæ accipiebant. Ea ædes

c. Ex Simi  
Metaphr.  
Sur. in vit.  
Cornel. c. 9.  
die 13. Sept.

IV.

Miraculū  
S. Mariæ  
Castilue-  
drensis.  
d. Marin.  
lib. 5. rer.  
Hispan.

V.

Clodoucus  
R. templum  
vouet, &  
victoriam  
obtinet.

e. Lib. 3.  
Annal. Bôï-  
or. Hincm.  
Ep. Rhem.  
Bar. an. 507.

VI.

Miraculum  
Veronæ ad  
ædem S.  
Zenonis,

f. ExGreg.  
Sigon. l. 1.  
de Reg Ital.

## VII.

Miraculum  
circa ceruū  
ad facellum  
S. Dionysij.

fuit, quæ hodiè in ripâ *Atbesis* sita oratorium *S. Zenonis* vocatur. Templo ipso incolumi, tamen muri vrbs vi aquæ multis in partibus prociderunt. f.

*Dagobertus Francorum* Rex, ceruū insequabatur. Hic jam cursu lassus in vicum *Catuliacum* profugit: in eo vico facellum erat, vbi lapide instrata corpora SS. *S. Dionysij, Rustici, & Elen-therij* martyrum, per annos triginta supra quingentos religiosè condebantur. Eò se ceruus proripuit, soloque recumbens quieti se mandauit: neque canibus aut venatoribus in facellum irrum-pendi facultas fuit. *Dagobertus* ergò martyribus templum vouit: ædificauit, & solido argento texit; eoque transferri corpora instituit, condito ad eum vsum aureo feretro, additisque ad decorem multis varijsque gemmis, annuis insuper prouentibus ad sacerdotum & ministrorum templi alimoniam designatis. Emporium item annuum mense Iunio in campo non procul à basilicâ sanctorum instituit, translatâ ministris Ecclesiæ ditione: id *Len-ditum* vulgus, quasi Edictum appellat, propterea quòd ad eas nundinas mercatores suas vndique mercès edicto regio tamquam ad communem regni mercatum conferre deberent. Templum à *Christo* dedicatum leprosis quidam in eo pernoctans, lepræ ablatæ & parieti affixæ argumento fidem fecit. g.

g. Guagn.  
lib. 3. cap. 2.  
Cranz. l. 1.  
c. 32. Saxon.

## VIII.

Ecclesia S.  
Martini mi-  
raculo fa-  
cto ædifica-  
ta.

th. Pet. de  
Nat. lib. 7.  
c. 55. & 60.

Tribunus quidam, nomine *Domebennus*, gutturis præfocatio-nem pauens, die quo sancta migravit anima à carne, vidit in extasi reginam *Radegundem* ad se venientem, & eadem horâ se de corpore exiisse nuntiantem, eumque admonentem; vt Ecclesiam *S. Martini* in loco sibi ostenso ædificaret: & sic sanitatem reciperet. Qui postquam hæc promisit, ad se redijt: seque sanatum reperiens, diem horamque notauit; & inuenit sanctam à sæculo tunc migras-servnde mox dimissis septuaginta tribus detentis in vinculis, Eccle-siam *S. Martini* in loco vbi nunc est, de proprio ædificauit. h.

## IX.

S. Michael  
apparens D.  
Autberto  
Ep. sibi Ec-  
clesiam eri-  
gi iubet.

A. C. Io. cc. ix. *Childeberto* Monarchiam regni *Franco-rum* tenente, Archangelus *Michaël* apparens *Autberto Abricaten-si* Episcopo, monuit semel & iterum, vt in loco maris, qui propter eminentiam sui Tumba vocatur, fundaret ecclesiam in memoriam sui, volentis talem venerationem exhiberi sibi in pelago, qualis exhibe-

exhibetur sibi in monte *Gargano*. Interim taurus à Leone furtim, raptus in illo loco religatur. Vnde Episcopus tertio admonitus, vt in illo loco fundamentum iaceret, vbi taurum religatum inueniret, & sicut eum terram pedibus protriuisse videret, sic Ecclesiæ ambitum duceret, Ecclesiam in honorem *S. Michaelis* constituit, & ex illo tempore sicut in monte *Gargano* ita etiam in loco illo, qui modò dicitur In periculo maris, veneratio Archangeli frequentari coepit. i.

Cùm *S. Wenceslaus* oraret aliquando in templo, *Boleslaus* frater, à matre ad scelus vigilantiorè excitatus, eum inuadit, ac primò ab ictu suo frustratur, ense sibi de manibus ob insperatum stuporem elapso: mox redeunte animo & furore, quem sceleris participes clientuli extinguere non patiebantur, ictum repetit, ac faciliè inermem fratrem patienterque plagam excipientem, interficit: dissimulataque nece manè statim filium lustrat, nomenque ei inter lustrandum *Strachygnas*, à terrore conuiuij mutato vocabulo, quod ipse terribili parricidio effecerat, indit. Adeò gloriari in malitià etiam sua gestiebat, qui potens erat in iniquitate, nescius adesse Deum bonis omni tempore, tum in vitâ tum in morte, quemadmodum illustrissimo tunc patuit exemplo. Eadem quippe nocte Rex *Dania* per quietem se admonitum oraculo testatus est, vt martyris *Wenceslai* in *Boëmia* à fratre obruncati memoriam sibi colendam susceperet: id quomodo ab ipso factum, cæremonia, sacerdotes, templum in *Daniâ* *D. Wenceslao* dedicatum declarant. k.

i. Sigebert.  
Chron. an.  
709.  
Bar. tom.8.

X.  
Rex Daniæ  
per visum  
iubetur D.  
VVenceslao  
Ecclesiâ  
construere.

k. Dubrau.  
lib. 4. & 5.  
hist. Boem.

CAPVT XV.

TEMPLORVM REVERENTIA: QVI

EAM IMPENDERINT ET

QVIBVS?



**E**X locis sacris, qui olim apud *Christianos* venerationem habuerunt, illa celeberrima & frequentissima fuerunt, in quibus condita Sanctorum corpora, vel aliquod Martyrum vestigium aut monumentum esset. In quorum numero SS. locorum inprimis semper fuit insignis ea Vaticani pars, quam

I.  
Vaticanum  
præ ceteris  
semper honoratum.



*S. Petri* confessionem appellabant. Nam eò *Christiani* ex omnibus orbis terræ partibus tamquam ad fidei petram, & Ecclesiæ fundamentum conuenientes, locum Principis Apostolorum sepulchro consecratum summâ religione ac pietate venerabantur. Illuc *Constantinus Magnus* Imp. octauo die post susceptum baptismum venit, depositoque diademate, & humi jacens, vim lacrymarum profudit; mox sumpto ligone ac bidente, terram eruit, indeque duodecim terræ cophinis, honoris causâ duodecim Apostolorum ablatis, ac loco Basilicæ Principis Apostolorum designato, Ecclesiam ædificauit; quam *S. Siluester* Papa, xiv. Cal. Decemb. eo modo quo *Lateranensem* Ecclesiam v. Id. Nou. consecrauerat, dedicauit: & in eâ altare lapideum chrismate delibutum erexit, Atque ex eo tempore fanciuit, ne deinceps altaria nisi ex lapide fierent. Basilicam item *S. Pauli* Apostoli via *Ostiensis* ab eodem *Constantino* Imp. magnificentissimè ædificatam dedicauit. Basilicas Imp. multis prædijs attributis locupletauit, ac muneribus amplissimis exornauit. *a.*

*a.* Ex Brëu.  
Rom. Bar.  
tom. 3.

## II.

Theodos.  
hostibus ad  
Ecclesiam  
confugien-  
tibus par-  
cit.

*b.* D. Aug.  
l. 5. c. 26. de  
ciu. Dei.

*Theodosius* Imp. accepto prophético de victoriâ contra *Eugenium* tyrannum responso, fide certus eum oppressit, contra cuius robustissimum exercitum, magis orando, quàm feriendo pugnauit. Victor autem sicut crediderat effectus, inimicorum suorum filios, quos non ipsius iussus, sed belli abstulerat impetus, etiam nondum *Christianos* ad Ecclesiam confugientes, *Christianos* hac occasione fieri voluit, & *Christianâ* charitate dilexit; nec priuauit rebus, sed auxit honoribus. In neminem post victoriam priuatas inimicitias valere permisit. *b.*

## III.

*c.* Lib. 7. c.  
39. Rer. Ro-  
man,  
Alaricus  
Gothus re-  
ueretur Ec-  
clesias.

Anno D. CD. X. *Alaricus Gothorum* Rex in urbem *Romam* ingreditur. Cuius rem gestam sic persequitur *Orosius*: *c.* Adest *Alaricus*, trepidam *Romam* obsidet, turbat, irrumpit: dato tamen præcepto prius, ut si qui in sancta loca præcipueq; ad SS. Apostolorum *Petri* & *Pauli* basilicas confugissent, hos in primis inuiolatos securosq; esse ficerent: Tum deinde in quantum possent, præde inhiantes, à sanguine temperarent. Accidit quoque de quo magis illa urbis irruptio indignatione Dei acta, quam hostis fortitudine, probaretur: ut *B. Innocentius* *Rom. Ecclesia* Episcopus, tamquam iustus *Lot* subtractus fuerit à *Sodomis*, occulta

occultâ providentiâ Dei apud *Raucennâ* tunc positus, ut peccatoris populi non videret excidium. Discurrentibus per urbem barbaris, forte unus Gothorum idemq; potens, & Christianus, sacram Deo virginem jam etate prouectam in quadam Ecclesia domo reperit: cumq; ab eâ aurum, argentumq; honeste exposceret, illa fidei constantiâ esse apud se plurimum, & mox proferendum spondit ac protulit (erant hæc vasa sacra in custodia accepta, quæ haud absque instinctu Spiritus sancti barbaro reuelanda putauit.) Dumq; expositis opibus, attonitum barbarum magnitudine & pondere ac pulchritudine, ignotâ etiam vasorum qualitate intelligeret; virgo Christi ad barbarum ait: Hæc Petri Apostoli sacra ministeria sunt. Prasume, si audes: de facto tu videris. Ego quia defendere non valeo, neque tenere audeo. Barbarus ad reuerentiam religionis, timore Dei, & fide Virginis motus, ad Alaricum hæc per nuntium retulit. Qui continuò reportari ad Apostoli basilicam uniuersa, ut erant vasa imperauit: virginem etiam, simulq; omnes qui se adiungerent Christianos, eodem cum defensione deduci. Ea domus à sanctis sedibus longo (ut ferunt) & medio interiectu urbis aberat. Itaque magno spectaculo omnium, disposita per singulos singula, & super capita elata palam aurea atque argentea vasa portantur: exertis undique ad defensionem gladijs pia pompa munitur: hymnus Deo Romanis barbarisq; concinentibus, publicè canitur: personat latè in excidio urbis salutis tuba, omnesq; etiam in abditis latentes inuitat ac pulsât: concurrunt undique ad vasa Petri vasa Christi. Plurimi etiam pagani Christiani professione, si non fide, admiscentur; & per hoc tamen ad tempus, quo magis confundantur, euadunt, Christiani videlicet. Quanto copiosius aggregantur Romani confugientes, tanto auidius circumfunduntur barbari defensores, &c. d.

d. Baron.  
tom. 5. Aug.  
l. 1. c. 1. & 2.  
de Ciuitate  
Dei.

. Recenset præterea *Procopius Casariensis* aliud quoque admiratione dignum, quod Deus fecit in hominibus, non illis quidem, sacris nostris initiatis, sed qui tamen tum quæ sancta essent, facere delegissent. Scribit namque de *Cabaone* quodam *Maurorum* eorum qui circa *Tripolim* sunt, duce. *Cabaones* igitur iste postquam *Vandalos* bellum aduersum se mouere audiuit, hæc fecit. Primum ciuibus subditisque suis præcepit, ut ab iniquitate omni & cibo, qui ad delicias faceret, abessent, omniumque maxime se à con-

gressu

IV.  
Templa ve-  
nerantibus  
etiam pa-  
ganis Deus  
victoriam  
concessit.

gressu mulierum abstinerent : & binis castris positis, in alteris quidem ipse cum viris in armis fuit, in alteris autem mulieres inclusit, mortis supplicium minatus, si quis feminarum vallum ingressus esset. Sub hæc exploratoribus *Carthaginem* missis mandauit, ubi *Vandali* in expeditione militari in templum *Christianorum* aliquod per iniuriam contumeliosè quidquam facerent, vt ipsi quidem, si ea fierent, spectarent; postquam autem *Vandali* ex eo loco decessissent, diuersa & contraria omnium in delubrum id, vnde illi abissent, facerent. Illud etiam eum dixisse ferunt, se quidem, Deum, quem *Christiani* colerent, ignorare: consentaneum verò & par esse, siquidem, quod diceretur, fortis potensque esset, vt quum contemptores numinis sui vlcisceretur, tum cultores tueretur. Itaque speculatores, postquam *Carthaginem* venerunt, per otium, ibi quieuere, *Vandalorum* apparatus belli spectantes. Vbi verò exercitus eorum *Tripolim* versus iret, viliori habitu sumpto, subsequuti sunt. Porro *Vandali* die primo in *Christianorum* templis manserunt, & inductis in ea equis & iumentis alijs, nihil de iniuriâ contumeliaq; aliqua reliqui quidquam fecere. Et lasciuia libidineq; sua vsi, sacerdotibus, quos arripuissent, colaphos impegerunt, & plagis multis in tergo affecerunt, subseruireque eos sibi coegerunt. Postquam verò celerrimè inde discesserunt, *Cabaonis* exploratores, quæ ipsis mandata erant, fecere. Tempia namque, confestim repurgarunt, & purgamentis alijsque rebus, quæ ibi minus sanctè positæ erant, cum cura & diligentia ciectis, ritè omnia disposuere, lucernas omnes incendere, sacerdotes veneratione ingenti coluere: & humanitate alia omni persecuti sunt. e.

e. Niceph.  
l. 17. c. 11.

V.

Theodosius  
Iunior mirâ  
reuerentiâ  
Ecclesias  
prosecutus.

f. Conc.  
Eph. adit.  
pen. 2. c. 21.  
Bar. tom. 3.

His præferendum erat illud de *Theodosio* Minore, qui penso admodum fuit in Ecclesias studio, easq; magna est reuerentia prosecutus: nam præter publicam legem, quâ fanciuit, vt omnes imperij subditi templa reuererentur, de seipso ita loquitur: *Nos qui legitimi imperij armis numquam non circumdamur, quosq; sine armatis stipatoribus esse non conuenit, Dei templum ingressuri foris arma relinquimus, & ipsum etiam diadema, regie maiestatis insigne, humiliter deponimus, & sacra altaria munerum tantum offerendorum causâ accedimus, quibus quoq; oblatis, ad extimū communèq; attritū nos recipimus, nec quidquā ex propinquâ dininitate nobis arrogamus f.* CA-



CAPVT XVI.

TEMPLORVM DEDICATIO, ET  
CONSECRATIO.



EMPLORVM dedicatio & consecratio nihil est aliud, quàm sollemnis quædam, & cum summâ exultatione facta De o gratiarum actio, quod domus illa ad opratum finem perducta sit: cui fausta apprecatio certis sacrisque cæremonijs adiungitur, quarum quasdam ipsa natura docuit, alias lex Ecclesiastica præscripsit. Earum finis est, ad significandum, templum quod dedicatur & consecratur De o eiusque cultui, ac sacris actionibus deputatum, neque esse domum profanam, sed sacram; prout ampliùs in progressu dicitur.

Merito namque Ecclesiæ Præsides templa varijs ritibus & cæremonijs dedicant & consecrant, tamquam quæ deinceps habenda sint tamquam sacra, adeoque summâ veneratione digna: vt quæ ordinem habeant ad DEVM ipsum, cuius ministerio & cultui dedicantur. *Quidquid semel fuerit consecratum Domino*, ait Scriptura, *a. Sanctum sanctorum erit*; vnde De o gratias agunt, quod locum illum sibi elegerit, & cum publicâ lætitiâ illius vsum auspicantur, addito voto, vt *quisquis eadem beneficia petiturus, ingreditur, cuncta se impetrasse letetur.*

Et quamuis eiusmodi ritus Scriptura Apostolica in particulari non meminerit, præsertim cum primis illis temporibus non nisi in priuatis oratorijs & domibus *Christiani* sua sacra peragerent, idque clam metu imminentis persecutionis: Simul ac tamen affulsit spes aliqua quietis, vt templa passim erigi cœperunt, etiam dedicationis & consecrationis ritus adhiberi cœpit.

Hoc interim notandum, quod quamuis initio statûs Evangelici non habeamus tam expressa testimonia Scripturæ, interim tamen ex eo quod *Paulus b. Corinthios* arguit tamquam Ecclesiæ contemptores, quia in Ecclesiâ comedebant, satis innuitur, tunc etiam Ecclesiam aliquo modo sacram fuisse. Cur enim Ecclesiam contemnere dicitur, qui in eâ actionem alibi licitam exercet, nisi propter aliquam eius loci consecrationem; & ex eâ reuerentiam?

T

I.  
Templorum  
dedicatio  
quid sit?

II.  
Cur fiat?

a. Leuit. vlt.

III.

IV.  
Quando  
adhiberi  
cœpta?  
b. 1. Cor. 10.

c. De Hier. Ecclesi. c. 5. p. 1. tiam? Probaturque ex *Dionysio Areopagita*, qui tempore Apostolorum vixit, & c. aperte docet, altaria sacro oleo inungi, & consecrari ab Episcopo debere.

V. Concilium quoque *Carthaginense* V. d. sic habet: *Similiter & de Ecclesijs, quoties super earum consecratione hæsitatur, agendum est, id est, ut sine ullâ trepitatione consecrentur. Agathense Concilium: e. Altaria placuit non solum unctione Chrismatis, sed etiam Sacerdotali benedictione sacrari.* Item patet ex Concilio II. *Bracarensi*. f. Item ex decretis Pontificum *Gelasij & Felicis IV. & Ioannis I.* g. Alia etiam decreta vidè apud *Gratianum*. h. ubi etiam adfertur canon *Nicani* Concilij; & alius Concilij *Hipponensis*: quod plenarium totius *Africae* fuisse testatur *S. Augustinus*. i. quamquam isti canones modò non exstant, nisi apud *Gratianum*.

VI. Meminit quoque huius solennitatis & ritus *Eusebius*, k. *Fe-*  
 k. Lib. 9. stinitates, inquit, à nostris frequentissime gerebantur, cum omni la-  
 hist. c. 10. titia & exultatione, per urbes & loca singula Ecclesiarum dedicationibus celebratis. Congregabantur in unum Sacerdotes, nec pigebat etiam longè positos convenire, quia nullum longum videbatur spatium charitatis. Idem l. scribit, *Constantinum* ad consecrationem & dedicationem ædis, quam *Hierosolymis* Martyribus exstruxerat anno Imperij sui x x x. conuocasse vniuersam Synodum, quæ *Tyri* conuenerat, &c. Illud, inquit *Achanasius*, m. & à beata memoria *Alexandro* alijsq; Patribus actum est, qui populi conuentus habuere, & absoluto opere agendis Deo gratis dedicationem celebrauerunt. Huius ergò dedicationis te, Imperator, auctorem esse oportet. Locus enim ille exadificatus præsentiam tuæ pietatis requirit; hoc enim ei solum deest ad plenum ornatum. Hoc igitur ut adimpleas, & ut vota tua Domino, cui hanc domum construxisti, reddas, omnium vota optant & suspirant, &c. Ibidem pro dedicatione Ecclesiæ adfert exemplum *Esdra* ex Testamento veteri.

VII.  
 n. In Psal.  
 114.

*Basilius* n. reddens causam, cur seriùs venerit ad Ecclesiam dedicandam, ubi populus à mediâ nocte vsque ad meridiem expectauerat: Si verò, inquit, oportet, etiam nos pro nobis ipsis rationè reddere longioris moræ ac longioris nostræ absentiæ, causam adferimus, quod alteram huic æqualem DE I Ecclesiam, non modico intervallo à vobis

vobis distantem; ministerio nostro curantes, tempus hoc diei consumpsimus. Hunc locum fatentur *Magdeburgenses* o. de templi dedicatione intelligendum.

De *Encanijs* honorandis lex vetus est, eaq; praeclarè constituta, inquit *Gregorius Nazianzenus*, p. *Chrysostomus* quoque sermonem habuit in *Encanijs*. q. *Sozomenus* r. scribit *Basilium Ancyranum* ad templi dedicationem plurimos Episcopos inuitasse. *Ambrosius* s. dicit se, & ipsum *Felicem* ad Basilicæ dedicationem à *Basiliano* inuitatum. Rursum: t. Cùm, inquit, *Basilicam* dedicassem, multi tamquam uno ore interpellare cœperant, dicentes: Sic in *Romanâ Basilicâ* dedices. Respondi, faciam, si *Martyrum* reliquias inuenero. &c.

*Gaudentius* u. dicit conuenisse multos Episcopos ad celebritatem dedicationis Ecclesiæ, quæ *Brixie* erecta fuerat in honorem reliquiarum *Ioannis Baptista*, *Andrea*, *Thoma*, *Luca*, *Geruasij*, *Prothasij*, *Celsi*, & quadraginta *Martyrum*. *Augustinus* quinque sermones ad populum habuit in celebritate dedicationis templi, qui sunt inter sermones de tempore. *Gelasius* Papa: x. *Basilicas*, inquit, non iter institutas, non petitis ex more præceptionibus, dedicare non audeat. Et post aliqua alia quædam constituit in dedicatione Ecclesiarum seruanda. *Felix IV.* qui etiam ante mille annos fedit, in epistolâ sua decretali prolixè de hac re disserit, ac inter alia sic ait: Solemnitates verò dedicationum Ecclesiarum per singulos annos celebranda sunt, &c.

*Prosper* y. testatur se interfuisse cùm apud *Carthaginem* dedicaretur insigne quoddam templum, quod olim *Gentilium* fuerat; in cuius frontispicio diuinitus inscriptum inuenerunt magnis atque aeneis litteris: *AVRELIVS PONTIFEX DEDICAVIT*. Quod præsagium omnes mirabantur, cùm viderent ab *Aurelio* Episcopo *Carthaginensi* fieri, quod tanto tempore antè prædictum fuerat.

*Bernardus* sex sermones habuit de dedicatione templi, *Rupertus* z. probat rectè fieri festiuas dedicationes. *Hugo* de S. Vi-lore, a. *Isidorus*, b. *Rabanus*, c. *Amalarius*, d. *B. Ivo*, e. & *Walfridus*, f. qui omnes de dedicatione Ecclesiæ tractant, tam-

T 2

b. Lib. 4. de offic. c. Lib. 2. c. 45. de instit. Cleric. d. De ord. Antiph. e, Ser. de consec. templi. f. De reb. Eccles. c. 9.

o. Cent. 4. cap. 6.

VIII.

p. Orat. in nouam Dominicâ; q. Tom. 3. r. Lib. 4. cap. 13.

s. Lib. 1. epist. 5. t. Epist. ad soror. n. 92. inter ser.

IX.

u. Tract. de dedic. x. Epist. 1. ad Episc. Lucan. & Aprutij. c. 6. & 27.

X.

y. p. 3. c. 38. de promiss. Dei.

XI.

z. In c. 28. Gen. a. Lib. 2. de Sacra. p. 5. cap. 2. & 3.



quam de re antiquissima, cùm tamen etiam ipsi sint auctores antiqui.

## XII.

Ritus quos in consecrandis ecclesijs & altaribus *Romana* seruat Ecclesia, beatus *Silvester* Papa primus instituit: nam etsi ab Apostolorum tempore loca fuerunt Deo dicata, quæ à quibusdàm oratoria, ab alijs Ecclesiæ dicebantur, vbi collectæ fiebant per vnam Sabbati, & *Christianus* populus orare, Dei verbum audire, & Eucharistiam sumere solitus erat; non tamen illa adeò solenni ritu consecrabantur; nec in eis adhuc in titulum erectum erat altare, quod Chrismate delibutum, Domini nostri Iesv Christi, qui altare, hostia & sacerdos noster est, figuram exprimeret. Sed vbi *Constantinus* Imperator per baptismi sacramentum sanitatem salutemque consecutus est, tum primum lege ab eo lata concessum est toto orbe terrarum, *Christianis*, vt Ecclesias ædificarent: quos ille non solum edicto, sed etiam exemplo, ad sacram ædificationem est cohortatus: Nam & in suo *Lateranensi* palatio Ecclesiam *Saluatori* consecrauit, & ei continentem Basilicam nomine *S. Iohannis Baptista* condidit, eo loco quo ipse baptizatus à *S. Silvestro*, à lepra mundatus est. Quam idem Pontifex consecrauit quinto Idus Nouembris: Cuius consecrationis memoria eò die celebratur, quo primum *Roma* publicè Ecclesia consecrata est, & imago Saluatoris in pariete depicta populo Romano apparuit. g.

g. Breuiar.  
9. Nou. Cõ-  
cil. Trid.

## XIII.

Quantâ ce-  
lebritate  
peragi soli-  
ta?

Trigesimo Imperij *Constantini* anno templum *Hierosolymis* in *Caluarie* loco magnificè absolutum fuerat, quod magnum Martyrium dicitur. *Marianus* quidam amplâ dignitate vir, ab Imperatore cum litteris ad Synodum *Tyri Phœnicie* congregatam venit, quibus quàm celerrimè *Hierosolymam* adire, propter sacri eius templi dedicationem iubebatur. Atque illi protinus vt potuere, *Hierosolyma* contenderunt, dissidio atque discordia omni sepositâ, templumque ipsum dedicarunt, donaria simul & ornamenta ab Imperatore missa maximi prorsus pretij consecrantes: Quæ longo sanè post tempore ibi fuere, stuporem & consternationem planè spectantibus conciliantes; tanta erat illorum magnitudo, tantum pretium. Erat is xiv. mensis Septembris dies, qui ab eo tempore in Ecclesia *Hierosolymitanâ* quotannis publicè ab omnibus festus.

festus & celebris agitur, octo ex ordine diebus conuentibus celebrandis. Quibus diebus ex omni terrarum orbe homines eo conueniunt, & ad festos conuentus concurrunt, arcana sacra peracturi, & loca sancta cognituri. *h.*

Sanctus *Hubertus*, licet vocationis suæ haud nescius, rogatu tamen quorundam illustrium virorum *Brabantium* perrexit, Basilicam nouo opere constructam Domino dedicaturus: Cumque quod rogabatur, utpote nomen laudemque Domini propagaturus, lætabundus aduenisset, & domum illam, sicuti petebatur, sanctificaturus esset, discipulorum quidam officio præpositus, eius voluntatem atque possibilitatem requirere studuit, dicendo: Visne Pater, longè protrahi officij moras, annè succingi? At ille, cuius cor perfectionem semper desideraret: Nil, inquit, remaneat imperfectionis: quin prout vales, & morosè, & cum integritate, cuncta compleantur. Cœpto ergo officio insistens, adiunctis presbyteris, & diaconibus, nec non omni Ecclesiæ gradu, cum magno illud honore & reuerentiâ, sicuti & reuerâ idem officium postulabat, ad finem usque perduxit, domumque illam tam in hostiarum oblatione, quam & sacerdotali benedictione, nec non incensi super aram thurificatione acceptabilem Domino prorsus reddidit. Sciebat autem illud potissimum charum esse Domino templum, quod non latomorum diligentia compactum, nec cæmentariorum arte litum, sed virtutum exercitijs est conspicuum. *i.*

*h. Niceph.  
l. 8. cap. 50.  
Guil. Tyr.  
lib. 23. c. 21.*

XI V.  
S. Hubertus  
Ecclesiam  
dedicat.

*i. In vita.  
cap. 12. ap.  
Sur. 3. Nouj*

## CAPVT XVII.

FINIS ET SIGNIFICATIO RITVVM  
ET CÆREMONIARVM DEDICATIONIS  
ET CONSECRATIONIS TEM-  
PLORVM.

I.



IN istarum cæremoniarum præcipuus est ad significandum, templum illud DEO, & sacris actionibus dedicari, neque esse domum profanam sed sacram; nam etiamsi ista dedicatio essentialiter consistit in voluntate, & intentione dedicatoris: tamen necesse est ut hæc intentio, & voluntas signis externis

prodatur alijs hominibus ; quomodo etiam humani contractus consistunt in intentione, & voluntate contrahentium : tamen ut innotescat voluntas, & ut firma & rata sint, non solum proferuntur verba, sed etiam multæ adhibentur cæremoniæ, ut patet in nuptijs, in coronatione Regum, in militiâ, &c,

II.  
Quid per  
12. Cruces.

Quoniam ergo templum dedicatur *Christo*, ideò ad hoc significandum, pingitur signum eius : id est, C R V X. Pinguntur autem cruces numero x i i. ita inter se distantes, ut totum templum occupent ; & ad singulas lampades singulæ accenduntur, ad significandum, quòd Apostoli x i i. hoc vexillum *Christi* per totum orbem terrarum portauerunt, & suâ prædicatione mundum illustrarunt.

III.  
Cur templum in-  
ungatur.

Et quia templum non debet esse profana & communis domus, sed sacra ; ideò ad hoc significandum inungitur ; oleum enim est communissimum, & euentissimum symbolum consecrationis. Quia enim est liquor nobilissimus, quippe qui omnibus supereminet, & maximè omnium penetrat, & sanat, ac roborat ; & demùm res illustres facit : ideò placuit omnibus Gentibus, & ipsi etiam Deo, illo uti ad consecrationem significandam.

IV.  
Cur asper-  
gatur aqua,  
thus & ce-  
rei accen-  
dantur.

Quia rursus templum destinatur diuinis sacrificijs, & orationibus, alijsque sanctis, & puris actionibus, non autem sordibus & tenebris negotiorum sæcularium, ideò ad hanc munditiam & claritatem significandam adspargitur aqua, thus adoletur, cerei accenduntur.

V.  
Alphabetū  
græcum &  
Latinum  
quid deno-  
tet ?

Quia verò sacratur etiam templum ad concionandum, & docendam fidem, quæ est fundamentum totius iustitiæ ; ideò describitur *alphabetum* in pavimento. Describitur autem *Græcè* & *Latine*, quia illis linguis prædicata est fides, & illis linguis utebatur tota fere Ecclesia eo tempore, quo hæc cæremoniæ sunt institutæ. Et quia in templo non solum docentur homines, sed etiam mouentur & inflammantur ad virtutem, & vitæ nouitatem ; idcirco fit illa mixtio aquæ, cineris, salis, & vini.

VI.  
Cur puls-  
etur ostium ?

Quia denique ex templo Diabolus eicitur, neque ibi habitare sinitur, sed è contrario oratur Deus, aduocantur Angeli, alijque Sancti, ut in eo loco habitare dignentur, ideò pulsatur ostium, & ju-



& iubetur Diabolus recedere; & reliquæ Sanctorum introducuntur.

Est præterea alius finis caeremoniarum quas in Templorum consecratione adhibent Ecclesiæ Prælati, videlicet ad significandum *Christum* & Ecclesiam. Ecclesia enim materialis, Ecclesiam spiritualement designat: altare verò significat *Christum*; hinc igitur, altare fit ex lapide, & inungitur, & summo loco ponitur, & sub ipso absconduntur reliquæ: quia *Christus* dicitur petra; *a.* & unctus fuit spiritu sancto, præ confortibus suis. *b.* Et caput est totius Ecclesiæ. *c.* Et in ipso abscondita est vita & gloria Sanctorum. *d.* Vnde etiam in cælo vidit *Ioannes* animas Sanctorum sub altari. *e.*

Porro caeremoniæ, quæ fiunt in ipsâ consecratione, totum progressum fidelium demonstrant. Nam primo loco pulsatur, & aperitur templum baculo Pastoralis ab Episcopo, quia Prædicatores potestate à *Christo* accepta corda infidelium pulsant, & ad fidem suscipiendam aperiunt.

Secundò, ingressus Episcopus eodem baculo describit in pavimento cinere consperso Alphabetum, quia Prædicatores eadem potestate in cordibus pœnitentium inscribunt rudimenta fidei, eosque Catechumenos faciunt.

Tertiò, aspergitur templum aquâ, & cerei accenduntur, quia post Catechismum sequitur Baptismus, quod est Sacramentum illuminationis.

Quartò, in parietibus pinguntur & inunguntur cruce (nam etiam si cruce ante initium consecrationis factæ sunt, tamen hoc tempore fieri debuissent: sed antè factæ sunt propter commoditatem, nimis enim diu expectaretur, si in ipsâ consecratione pingerentur) ad significandam Confirmationem, quæ post Baptismum cruce & chrismate perficitur.

Quintò, fit mixtio quædam aquæ, cineris, salis, & vini, quia tota vita fidelium consumi debet in mortificandis vitijs, & vitæ nouitate quærendâ & retinendâ. Nam aqua significat hominē, qualis est ex se post peccatum; est enim frigidus & insipidus. Cinis significat pœnitentiam, & mortificationem vitiōrum, Sal saporem, & vinum lætitiā & feruorem nouæ vitæ.

VII.  
Aliæ significationes,

- a. 1. Cor. 10.
- b. Psal. 44.
- c. Coloss. 1.
- d. Ibid. 3.
- e. Apoc. 6.

VIII.  
Ordo Caeremoniarū in dedicatione.

I.

2.

3.

4.

5.

Sextò

6.

Sextò agitur dies festus cum latitiâ, finitâ consecratione, quia post finem huius vitæ fideles intrabunt in gaudium Domini, vbi perpetuò lætabuntur. Hæc & similia vide apud *Augustinum*, & *Bernardum* in sermonibus de dedicatione; & apud *Hugonem*, *Inonem* & *Rabanum*, qui singulatim explicant rationes harum cæremoniarum.

## CAPVT XVIII. DE NONNVLIS MIRACVLOSIS ECCLESIA RV M CONSECRATIO- NIBVS.

I.

Miracula in  
dedicatione  
Ecclesiæ  
rum.

a. 2. Paral. 5.

3. Reg. 8.

b. Lib. 8. c. 2.

c. 2. Paral. 7.

d. Lib. 5. de  
reb. Salom.  
cap. 5.



N veteri Testamento cum *Machabeus* templum consecraret, & Altare dedicaret, consecrationem & dedicationem sibi gratam esse, nonnullis prodigijs comprobavit Dominus: sicut cum *Salomon* templum dedicaret, a. *nebula celestis templum implevit*. Neque hymnos canentibus, neque choreas dancantibus lassitudo oborta est, vt docet *Iosephus*, b. *Ignis quoque descendit de celo, & deuorauit holocausta, & victimas*. c. Deinde fores templi, accedente arcâ, diuinitus postmodum apertæ facili præbuerunt aditum, vt tradunt *Hebræi*, & approbant *Lyrannus*, & *Carthusianus* apud *Pinedam*, d. nempe vteo prodigio adumbraretur, & approbaretur Ecclesiæ cæremonia, quâ templi consecrandi fores primùm ocluduntur, & deinde postquam ter ab Episcopo sunt baculo pastoralis percussæ, aperiuntur.

II.

e. 3. Dial. 3.

f. Lib. 2.

vitz S. Gre-  
gorij c. 32.

Sed multò frequentiora, & mirabiliora in nouo Testamento prodigia, quibus Deus templorum consecrationes & dedicationes approbavit. Referam aliqua magis insignia. Primum est apud *D. Gregorium*, e. *Paulum* Diaconum, & *Surium* f. vbi postquâ narrassent, Dæmonem porci immundi specie exiisse ab Ecclesiâ *Arianorum*, quam ritu Catholico dedicauerat *S. Gregorius* introductis in eam reliquijs *S. Sebastiani* & *S. Agathæ*, Post paucos, inquit, dies in magnâ serenitate aeris super altare eiusdem Ecclesiæ nubes calitus descendit, suôq; illud velamine operuit, omnemq; Ecclesiâ tanto terrore, ac suauitate odoris implevit, vt patentibus iannibus, nullus illuc præsumeret intrare: die verò aliâ in eâ lampades sine lumine accensæ sunt. Post

*Post paucos item dies, cū expletis Missarum sollempnijs, extinctis lampadibus custos ex eadem Ecclesiā egressus esset, post paululum intravit, & lampades, quas extinxerat, lucentes reperit; quas negligenter extinxisse se credidit, atque eas jam sollicitius extinxit. Sed post trium horarum spatium regressus, lucentes lampades, quas extinxerat, inuenit; ut videlicet ex ipso lumine aperte claresceret, quia per B. Gregorium locus ille de tenebris ad lucem venisset.*

Mirabilius est, quod narrat *Ealredus* grauissimus scriptor, rerum gestarum *S. Eduardi* Regis *Anglorum*: de templo in memoriam *S. Petri* aedificato à *Seberto* nepote Regis *Ethelberti* à *S. Augustino* ad fidem conuersi, hæc refert: *a. Nocte*, inquit, dedicationem eiusdem præcedente, piscatori cuidam *Thanensis* flumij, qui idem monasterium præterfluit, ulteriori ripā in habitu peregrino beatus *Petrus* apparens, promissā mercede, transponi se ab eodem & petijt, & promeruit. Egressus autem de nauticula, Ecclesiam, piscatore cernente ingreditur: & ecce subito lux caelestis emicuit, miroq; splendore illustrans omnia noctem conuertit in diem. Adfuit cum Apostolo multitudo ciuium supernorum ingredientium, melodiaq; caelestis insonuit. Et paulò post subiungit: *Manè autem factio, Episcopo Mellito ad dedicandam Ecclesiam procedenti cum pisce piscator occurrit, & omnia quæ sibi mandata fuerant, prodit. Stupet Antistes, reueratisq; Ecclesiæ valuis, videt pamentum utriusq; Alphabeti inscriptione signatum, parietem bisseis in locis sanctificationis oleo linitum, totidem cereorum reliquias duodenis crucibus inharere, & quasi recente aspersione adhuc cuncta madescere. Quod videns Episcopus vnā cum populo DEVM benedicebat. Creditum ergo consecrationis mysterium repetitum, quam perfectam monstrarent candela per totam Ecclesiam accensa, cruce facta, nec minùs aqua aspersa, & sacrati olei locis debitis non frivola vestigia.*

Tempore *Dagoberti* Regis *Francorum*, *b. Episcopis* apud diuum *Dionysium* dedicandæ Ecclesiæ gratiā à *Dagoberto* conuocatis, dum sexto Kalend. Martij mysterium absolvere statuissent, pridie ipsarum Calendarum homo leprā admodum deformis ab ædituis impetrat in æde pernoctare. Vbi dum vigil in oratione perseuerat, videt perspicuè Christū comitantibus eum *Petro Pauloq;* vnā cum diuis martyribus, *Dionysio, Rustico, & Eleutherio* per fene-

III.

VVestmonasteriensē templum *S. Petri*,  
a. In uit. *S. Eduard.*  
Beda lib. 2:  
hist. Anglic.  
cap. 3.  
VVilhel.  
Malmesb. l. 2.  
de Pont.  
Ang.

IV.

b. Robert.  
Guag. l. 3.  
Annal.  
Franc. &  
Fulgos. l. 1.  
cap. 6.  
*S. Dionysij*  
Parisijs.



fram in basilicam aduentare. Qui candidâ veste amictus dedicationis sacrum munus absoluit. Indeque ad leprâ contaminatum, progressus *Christus*: *Tu*, inquit *homo*, *dicito Pontificibus, cum crastinâ luce ad hanc adem se conferent, eam à me consecratam esse*. Cuius rei fidem fecit infirmi hominis cura. Nam contactâ hominis facie lepram omnem *Christus* auferens, eam proximo lapidi glutinauit, qui ad hunc vsque diem per summam admirationem visitur. Quo miraculo attoniti Præsules dedicatione abstinerunt. Hæc caussa est quamobrem frequens admodum populus ad Ecclesiam, ipsam sexto Kalend. Martij conueniat, firmissimè credens id à *Christo Deo* fuisse perpetratum.

## V.

In Gargano  
monte S.  
Michaelis.

*Garganus* quidam ciuis *Sipontinus*, cuius prægrande armentum in monte *Vrio Apulie*, qui hodie *Garganus* & *S. Angeli* dicitur, pascebatur, quo tempore *Gothorum* armis *Italia* vexata est, armentalem taurum, qui à grege aberrabat, quæritans, inuentum, tandem ad speluncam natiuam, in viuo cauatam saxo, irâ percitus sagittâ petijt. Ea vbi tergum tauri attingit, retro flexa è vestigio in *Garganum* versa est. Eâ re in religionem versâ, *Garganus Laurentio* sacerdoti rem aperuit. Is indicto trium dierum ieiunio noctu *Michaëlem* Archangelum in somnis vidit, affirmantem, suâ operâ taurum indicem basilicæ extitisse, quam inhabitare vellet, & ab hominibus celebrari. Iam verò cum *Sipontini Neapolitanos* urbem obsidentes, oraculo Archangeli per *Laurentium* habito, statâ horâ erumpentes fudissent, spelunca tamquam Archangeli excauata manibus religiosè coli cœpta, neque *Gelasij* Pontificis Maximi dedicatio, quam parabat, ab Archangelo approbata, quòd locus calitus consecratus humanâ non egeret dedicatione. Sic igitur specus consecrata, cum templo augustissimo, quod plurimî mortales quotannis accedere solent. Est autem natiua specus durissimo è saxo, in quam multis gradibus, ceterum non lato admodum aditu descenditur, specularibus quibusdam lumen præbentibus. Vestit eam parte superiore, quâ natiua ipsa quidem ac petrinosa testudo est, è quercu vastâ proceritate lucus, muris tamen circumdatus, pectori nè quâ pateat ingressus. Antè verò quàm descendere in antrum incipias, ædificia extant manu facta elaborata è

to è lapide. Vbi verò antrum in imum descenderis, quà specus diffunditur, mira animum religio subit, loco ipso subobscuro & & horrido, solaque naturâ constituto. Admouent religionis tabellæ, votaque passim suspensa, titulos indicantia. Vbi verò aræ admotus, ad numinis procumbes statuam, loco solo, & ab hominum accessu semoto, repente inhorrescit tacito metu animus, atque in diuinarum tantum rerum cogitationem versus, in preces & supplicia effunditur. Augent venerationem aliæ item aræ, nullo sumptu, nullo artificio factæ, quibus natura ipsa videtur locum statuisse. c.

c. Pont. I. 3.  
bel. Neap.

VI.

Eremitarū  
in Heluetiâ.  
d. Ex An-  
nal. R. P.  
Chripoph.  
Hartman-  
ni.

An. C. .CMXLVIII. ineunte Septembri, ad *Cunradum* Episcopum *Constantiam* misit *Eberhardus* Abbas *Eremitarum in Heluetiâ*, quando in eius Episcopatus terminis monasterium, templumque, & Sacellum consisterent, eorum ad consecrationem venire ne graueretur. Inuitatus etiam antiquam ob necessitudinem, & amicitiam, moremque ab Apostolicis temporibus receptum, *Vdalricus Augustus Vindelicorum* Episcopus. Vtrumque comitati plures primæ nobilitatis totius propè Germaniæ superioris viri, magnus concursus vicinitatis factus, tantorum virorum reuerentiâ, simul & loci, cuius religionem & celebritatem, jam latè sparserat fama, innitendi, colendique desiderio pertrahebantur. Haud paucos *Eberhardi* & monachorum inibi agitantium sanitatis opinio, alios etiam propinquitas sanguinis attraxerat.

Adpulit ad Heremum *Cunradus* Idibus eiusdem mensis, nocteque in monasterio diuertit. Nocte, quæ secuta est, cum, solito more, circa eius medium, orationis causâ surrexisset, melodiam, longè suauissimam auribus excepit, cumque magis, magisque animum, mentemque intenderet, certissimò animaduertit, angelos cantum eundem, & ordinem, cæremoniasque in Sacelli *DEIPARÆ*, cuius causâ aderat, consecratione habere, quæ, dedicationibus Ecclesiarum, Episcopis vsurpentur. Audiêre eadem, & percognouêre haud pauci monachi, alijque nonnulli, quos precum, & meditationum studium idem tempus intentos, & vigiles attinuerat. Ipse *Cunradus* cæremonias, his verbis, libro quem de Secretis secretorum inscripsit, posteritati prodidit, quæ inferere operæ pretium

putauit,



putaui, rei miraculo, simul tanti viri fide; & quia illa sola ex eo volumine facti raritas, an potius DEI benignitas conseruauit, & posteris testimonium dicere voluit. *Descendit, inquit, Dominus de calis, casulâ violaceâ ante altare ad sacrum officium celebrandum, cui quatuor Euangelistæ capiti eius insulam imponentes, & more consueti, deponentes. Angeli aurea thuribula deferabant, alis suis, ut ramis arborum, stabant. Iuxta Dominum S. Gregorius flabellum in manu tenens, S. Petrus in manu tenens baculum pastorem: Sanctus verò Augustinus & Ambrosius stabant ante Dominum. MARIA Virgo ante altare stabat splendida, sicuti fulgur. Sanctus Michael præcantor erat. Sanctus Stephanus legit Epistolam, Beatus Laurentius Euangelium. Sanctus cantabatur sic: Sanctus DEVS in aula gloriosæ Virginis, miserere nobis. Benedictus MARIE filius in æternum regnaturus qui venit. Agnus Dei sic: Agnus DEI miserere viuorum in te credentium, miserere nobis. Agnus DEI miserere mortuorum in te piè quiescentium, miserere nobis. Agnus DEVS da pacem viuis, & defunctis in te piè regnantibus. Dominus vobiscum. Respondebant Angeli: Qui sedet super Cherubim, & impletur abyssos. Hactenus D. Conradus supra memorato libro, de ijs, quæ eadem nocte cognouit. Verùm coeptâ luce quam Exaltationis S. Crucis memoria, & honore illustrauit Ecclesia, ea in feriam V. inciderat, anno bissextili, paratis ad manum necessarijs, magna attentione, omnibus Conradum præstolantibus, ipse solus cunctari, morasque necdere, neque interea sacello pedem efferre, ibidem fixus, immobilis, attonitus inhærere, & obstupescere, donec ad meridiem jam tempus vergeret. Tum verò omnes virgere, sollicitareque qui aderant Antistites, solennitatem tandem, & officia inchoaret, promoueretque, & cessandi finem faceret, neque ultra tantum mortalium conuentum distineret. Ille adhuc causas obtendere, an aliud signum expectare. Denique quid audisset, quid perspectum haberet, paucis ostendit. Ibi verò tum omnes veluti vana, & tamquam cælestium ex meditatione nata, somnia memorantem reprehendere, obiurgare, postremò ad sacrorum ministerium, & consecrationis opus, illis posthabitis, impellere, & cogere, donec cunctis re inopinata perculsis, & exhorrescentibus, cælestem delapsam vocem CESSA, CESSA, FRATER,*



DIVINITVS CAPPELLA CONSECRATA EST, ter omnes audierunt. Ex eo certa fides & *Cunradum* vera cognouisse, & Sacellum DEIPARÆ calitus dicatum, & consecratum esse, nemo postea dubitauit. Quæ tum tantorum virorum præsentia & testimonio comperta, & meritò credita, crebriora inde & huc vsque confirmarunt miracula. Igitur *Cunradus* Sacello, vbi initium consecrationis facere instituerat, egressus, comitantibus, qui præsentibus erant, & DEVM DEIQVE Genitricem magnificantibus, basilicam porro Sacello circumiectam, solitis cæremonijs, in nomen & titulum, *S. Mauritiij* & Sociorum, ita *Eberhardo* postulante, consecrauit, dedicauit. Mox ad sua quisque alius aliò reuersi, rei gestæ notitiam longè, lateque diffudè. Angelicæ consecrationis meminit etiam *Hermannus Contractus* hoc anno. *Cappella*, inquit, in *Cænobio S. Meginradi* calitus consecrata est, XVIII. Kalen. Octobris. Itemque *Martinus* poenitentiarius: Eodem tempore, inquit, *Cappella S. Meginradi* in prædicto *Cænobio Heremitarum Constantiensis Diocesis* calitus est consecrata XVIII. Kal. Octobris, sancto *Cunrado Constantensi* Episcopo hoc testante. Cuius testimonium postea *Romani Pontifices*, suâ quoque auctoritate sapius adprobauère.

De dedicatione templi, quod *D. Petrus Cælestinus* incolebat, ita scribitur in eius vita: *In aurorâ diei sedens D. Petrus librum legebat in cellâ, & ecce foris, iuxta cella fenestram, aliquot iuuenes facie decoros videre visus est, sibi inuicem dicentes, Dedicemus ædem hanc; ac protinus eam circumeuntes, officium cecinèrè dedicationis: existente & canente, ut sibi videbatur, cum illis Petro. Et hoc quidem ipse rapptus spiritu faciens plurimum admiratus est apud se dicens: Quid est hoc, inquit, dormio an vigilo? Adhuc enim ob rei nouitatem dormire subdu- bitabat. Aperto deinde libro, litteris manum admouebat: clara namq; dies illuxerat, nec poterat phantasma videri. Finito proinde officio dedi- cationis, se delicatissimo pretiosq; vestimento vestitum animaduertit, quo tamen se prius indui non senserat, atque hinc faciliè percipimus quan- ta fuerit apud DEVM viri sanctitas. Et quoniam teste Poëta: Tar- da solet magnis rebus inesse fides: ne dedicatio hæc tam miranda in dubium alijs veniret, sciendum est virum quemdam angusta forma & speciosa, die Dominico cuidam apparuisse dicentem: Oratorium hoc no-*

VII.  
Cap. 8.

Apparitio  
in templi  
dedicatione  
facta D.  
Petro.

Ouid.

**Miraculum  
admirabi-  
le.**

ueris esse à DEO dedicatum, & hoc tibi signum esto: Manè cum ad illud introieris, lampas ante altare jugiter ardens huc & illuc mouebitur, nec quis eam mouerit, apparebit. Quod factum est videntibus & stupentibus admodum Fratribus. In quo signo & aliud mirum accessit, quod abundans oleo lampas quamuis violento miraculo pulsaretur, quasi funditus euerti crederes, tamen ne guttula quidem olei ex eâ effusa est. His itaque prodigijs Spiritus sanctus complacere sibi in loco isto comprobauit. Vnde & merito sacratus illi, sanctus Spiritus de Magella nomen sortitus est.

**S. Spiritus  
de Magella,**

VIII.

Theodechilla seu *Quindechilla* (vtrumque enim nomen ei indunt historici) *Clodonai Francorum Regis* & *S. Chrotilde* filia, vitam secundum Regulam *D. Benedicti* professa est in Monasterio à se erecto, & *SS. Petro & Paulo* dedicato, quod vulgò *S. Petrum viuum*, vel *Petrum Senonensem* vocant. Cum igitur Monasterio abundè prospectum esset, Templique ingens moles stare, *Evarium* Episcopum *Senonensem*, ac alios Præsules, ad dedicandum, inuitauit. Mos autem vetus obtinuerat, sacras excubias in templis agere illis noctibus, quæ dedicationem anteirent, quod etiam hic factum. Atque dum trahunt insomnes horas, dulcissima melodia attonitis allabatur auribus, cælestes voces fundentibus Angelis. Primâ luce fortè in altare maximum conuersi, in quatuor angulis totidem cruces expressas viderunt, omninò ex more ac ritu templa sacrandi. Episcopi intellecto quod res erat, non ausi sunt de nuò ad mouere manus, ne calum in se prouocarent. Ex *Chron. Bened.*

**A Cælibus  
dedicatur  
templum S.  
Petri Se-  
nonensis.**

IX.

**Glastorien-  
sis in An-  
glia.**

Iosephum ab *Arimathæâ* in *Britannias* cum vndecim Socijs deuenisse, hæc vetustissima laminis æneis incisa ac *Glastoniensis* Ecclesiæ columnæ olim appensa refert inscriptio. Anno post passionem Domini 30. duodecim Sancti (ex quibus Iosephus ab *Arimathæâ* primus erat) huc venerunt, qui Ecclesiam huius regni primam in hoc loco construxerunt: quam Christus in honorem suæ matris, & locum pro eorum sepultura præsentialiter dedicauit. Inde Carmen Chronici cœnobitici.

*Intrat Aualloniam duodena caterna virorum,  
Flos Arimathææ Ioseph est primus eorum,*

AVRE-

AVRELIANENSEM Ecclesiam Cathedralem S. CRVCIS, Dominum de nube dignatum consecrare, narrat *Carolus Sausseius*: Cum enim Basilica illa B. Euurtij Episcopi *Aurelianensis* operâ ex thesauris in illius fundamentis diuinitus repertis, accedente magnificentiâ Imperatoris fuisset consummata, & die designato ab Episcopo, V. Nonas Maij, solemnî ritu consecraretur, ecce in horâ confectiois panis celestis, cum ex more Sacerdotali hostiam eleuatis manibus DEO offerret, tamquam nubes splendida apparuit super caput eius, & manus porrectis digitis tertio oblatam benedicens.

X.  
Annal. Eccl.  
cles. Aurel.  
l. 1. n. 7.  
Miraculum  
in dedica-  
tione Ec-  
cles. Aure-  
relianensis  
factum;

Credunt AVENIONENSES, & hoc habet Bulla Sixti IV, Papæ, & alia Ioannis XXII. Ecclesiam Cathedralem suam quæ S. MARIÆ de Donis nuncupatur, à B. Marthâ Domini nostri hospitâ fundatam, manu DEI consecratam fuisse.

XI.  
Auenionē-  
sis Ecclesia  
S. Mariæ de  
Donis diui-  
nitus con-  
crata.

Scripterunt *Algerus* ex scholastico *Corbeiensis* monachus, *Hincmarus* Archiepiscopus *Remensis*, *Hilduinus* Abbas S. *Dionysij Parisiensis*: Dum sacrum mysterium B. Dionysius celebraret in carcere, horâ quâ ab eo frangebatur panis sanctus, quo ipse & populus communicare deberent, resplenduisse lucem de celo, in quâ Dominus IESVS Christus cum multitudine Angelorum panem sanctum ipse accipiens, dedit Dionysio.

XII.

Scriptit *Florentius* Abbas S. *Iudoci* in Britannia, & *Petrus* in Catalogo. S. *Iudocum* filium *Rothaëli* Regis Anglorum, cum adstaret altari tertio idus Iulij, stolam ac casulam candidam indutus, ac diuina cum summa veneratione tractaret sacramenta, manum Domini visibiliter apparuisse, suumque sacerdotem consignasse & confirmasse benedictione perpetua, voce mirabili cælitus emissâ: Quia contempsisti diuitias & paternum regnum, & elegisti pauper esse, preparauit tibi coronam inter agmina Angelorum, erog. huius loci & populi illum in tui memoriam visitaturi perpetuus custos.

XIII.  
Sur, tom. 1.

Idemque refertur de S. *Firmino* martyre, & S. *Honorato* confessore, Episcopis *Ambianensibus*, item S. *Vdalrico* Episcopo *Augustano* ad altare sacrificantibus.

XIV.





SANCTITAS TEMPLI CONSE-  
CRATI.

X quo templa certis caremonijs & ritibus DEO dedicantur & consecrantur, sequitur sancta esse, & veneratione digna censeriac æstimari. Siquidem olim DEVS præcipiens Moyfi consecrationem tabernaculi, & vasorum eius, addit eo sine se illam præcipere, vt sanctificentur. *a. Christus dicit: b. Væ vobis duces cæci, qui dicitis; Quicumque iurauerit per templum, nihil est, qui autem iurauerit in auro templi, debet. Stulti, & cæci, quid enim maius est, aurum, an templum, quod sanctificat aurum? Vbi Dominus vult templum lapideum nobilius esse ipso auro, quod videlicet auro communicet sanctitatem; nam licet lapides sint absolutè inferiores auro, tamen ratione relationis ad DEVM, lapides illi, qui templum efficiunt, sunt longè nobiliores & sanctiores auro. Vnde D. Augustinus: c. DEO, inquit, omnipotenti parietes consecratos, Ecclesiam venerandam, quasi quadam obsessione credidit, retinendam.*

I.  
Templa cur  
sancta?  
a. Exod. 40.  
vers. 9.  
b. Matth.  
23.

c. Lib. 4.  
contra Cre-  
scon. c. 40.

II.  
Ceterum cum dicat Apostolus: *d. Nihil abiiciendum est, quod cum gratiarum actione percipitur; sanctificatur enim per verbum DEI & orationem:* Si cibi sanctificantur per verbum DEI & orationem, cur non etiam templa sanctificabuntur, quæ per sacras personas publicas, precibus & benedictione consecrantur? Præterea sanctificante Salomone templum, DEVS etiam sanctificauit, vt ipse dicit: *e. Exaudiui orationem tuam, & sanctificavi domum hanc quam edificasti.* At non minùs efficaces sunt preces Ecclesiæ quàm Salomonis.

d. 1. Tim. 4.  
e. 3. Reg. 9.

III.  
Res conse-  
crata in  
templo.  
1. 2. 3. 4.  
f. Lib. 7: c.  
12. de bel.  
Iudaico,

Iam verò in templo consecratæ sunt multæ res sanctæ. Primò Crux, & imagines Christi & Sanctorum. Secundò, Reliquiæ Sanctorum. Tertio, præsentia corporis Domini in Eucharistiâ. Quarto præsentia Angelorum; credibile enim est, aut semper aut frequentissimè Angelos adesse. Quare Iosephus f. scribit, in templo Salomonis paulò antè quàm euerteretur, auditas voces: *Migremus hinc, quas Angelorum fuisse, deferentium eum locum, com-*

munijs

munis opinio est. Et B. Chrysostomus super illa verba *Isaia: Vidi Dominum sedentem, &c.* dicit, Angelorum multitudine vallari sacram mensam in Templis. Angeli enim templum oberrant, & singulorum habitum, gestus & vota explorant; audi quid hac de re S. Chrysostomo contigisse non semel sed sæpius, narret S. Nilus S. Chrysostomi discipulus epistolâ ad Anastasium: Ioannes, inquit, Sacerdos admirandus, Ecclesia Constantinopolitana & totius orbis splendor, vir animi perspicacis, omni ferè tempore videbat domum Domini refertam Angelorum cœtu, & tunc in primis cum diuinum & incruentum sacrificium offerebatur, quo quidem tempore stupore & latitiâ plenus, rem præcipuis amicis enarrauit: Cum cœpisset, inquit, Sacerdos S. Sacrificium, plurima statim ex illis virtutibus descendentes, stolis induta splendidissimis, nudis pedibus, intentis oculis, prona altari magno cum silentio & reuerentiâ, quoad reuerendum illud mysterium expletum fuit, circumsteterunt. Deinde huc illuc singula diffuse, per totam domum Episcopis, Presbyteris, & Diaconibus distributionem corporis, & pretiosi sanguinis ministrantibus adhaeserunt, sat agentes & sedulo adinantes.

Angeli sunt  
in templo  
& sacrificio  
Missæ.

Quâ reue-  
rentiâ An-  
geli inter-  
sint Sacrifi-  
cio Missæ.

Quintò, denique adest Deus ipse per singularem quamdam protectionem, & virtutem. In cuius rei signum, quando Tabernaculum à Moyse dedicatum est, g. nubes gloriæ Domini Tabernaculum texit, vt antè dixi: Similiter cum templum à Salomone dedicatum fuit: h. Nebula enim gloria impleuit domum Domini.

g. Exod. vii.

h. 3. Reg 8.

IV.

Idem etiam suo tempore accidisse Ecclesiæ consecratæ, scribit noster S. Gregorius Magnus: i. In magnâ, inquit, serenitate æeris super altare Templi nubes calitûs descendit, suâq; illud velamine operuit, omnemq; Ecclesiam tanto terrore, ac suauitatis odore repleuit, vt patentibus januis ibi præsumeret intrare. Hoc est quod legimus in Scripturâ dixisse Heliodorum: k. In loco illo est verè Dei virtus quædam; nam ipse, qui habitat in calis, visitator & adiutor est loci illius.

i. Lib. 3.

Dial. c. 30.

k. 2. Mach.

3<sup>o</sup>

V.

Denique sicut templa Gentilium polluta sunt & immunda, quia sunt domicilia dæmonum, teste D. Gregorio, l. ita è contrario, templa Dei sancta sunt, quia dæmonibus carent. Idem enim scribit m. post consecrationem templi, quod antea Arianorum fuerat, Diabolum inde egressum sensibilibiter in specie suis, maxi-

l. Lib. 3.

Dial. c. 7.

m. Ibid.

cap. 30.

mo strepitu excitato, & sicut domus Principum asyla sunt, nec ibi lictores ulli manus injicere audent; ita etiam in templo Dei, daemones non sinuntur grassari eo modo, quo in alijs locis. Sed lubet ipsius Gregorij verba depromere. *Arianorum Ecclesia*, inquit, in regione illius urbis, quae Subura dicitur: cum clausa usque biennium remansisset: placuit ut in fide Catholicâ introductis illic beati Stephani, & sancta Agatha martyrum reliquijs dedicari debuisset: quod factum est. Nam cum magnâ multitudine populi venientes, atque omnipotenti Domino laudes canentes, eandem Ecclesiam ingressi sumus. Cumq; in eâ jam Missarum solennia celebrarent, & prae eiusdem loci angustia populi se turba comprimeret: quidam ex his qui extra sacrarium stabant; porcum subito intra suos pedes huc illucq; discurrere senserunt. Quem dum unusquisq; sentiret, & juxta se stantibus indicaret; idem porcus Ecclesia januas petijt, & omnes per quos transijt in admirationem commovit, sed videri à nullo potuit, quamvis sentiri potuisset. Quod idcirco divina pietas ostendit, ut cunctis pateretur, quia de loco eodem immundus habitator exiret. Peractâ igitur celebratione Missarum recessimus, sed adhuc nocte eadem magnus in eiusdem Ecclesia tectis strepitus factus est, ac si in eis aliquis errando discurreret. Sequenti autem nocte gravior sonitus excrevit, ac subito tantò terrore insonuit, ac si omnis illa Ecclesia à fundamentis fuisset eversa, & protinus recessit, & nulla illic ulterius inquietudo antiqui hostis apparuit, sed per terroris sonitum, quem fecit, intonuit, quod à loco, quem diu tenuerat, coactus exibat. Post paucos verò dies in magnâ serenitate aëris super altare eiusdem Ecclesiae nubes celitus descendit, suôq; illud velamine operuit, omnemq; Ecclesiam tanto terrore ac suavitatis odore replenit, ut patentibus jannis nullus illic presumeret intrare. Sacerdos quoque & Custodes, & hi qui ad celebranda Missarum solennia venerant, rem viderant, ingrediq; minime poterant, & suavitatem mirifici odoris trahebant. Die verò alio cum in eâ lampades sine lumine dependerent, emissio divinitus lumine sunt accensa. Post paucos iterum dies, expletis Missarum solennijs, extinctis lampadibus custos ex eadem Ecclesiâ egressus, post paululum intrauit, & lampades quas extinctas reliquerat, lucentes reperit: quas negligenter extinxisse se credens, eas jam sollicitus extinxit, & exiens Ecclesiam clausit. Sed post horarum trium spatium ingressus lucentes lampas-



*lampades, quas extinxerat, iterum accensas inuenit; ut uidelicet ex ipso lumine aperte claresceret, quia locus ille à tenebris ad lucem venisset.*  
Hæc Gregorius.

*Coloniæ celebratâ Synodo ad dedicationem Ecclesiæ à tribus Lotharingiæ Metropolitâ, Lintperto Moguntino, Bertulfo Treuirensi, Willeberio Coloniensi, cùm ab eis maior Ecclesia, quæ est S. Petri, deberet dedicari, præcedente nocte auditæ sunt voces malignorum spirituum inter se dolentium, & conquerentium, se à possessionis diu sedibus debere expelli. n.*

CAPVT XX.

TEMPLORVM SANCTITAS QVOMODO A NONNVLLIS EXPOSITA.



**Q**VAMQVAM Templâ exactè loquendo, DEI solius sint propria, juxta *D. Augustini* doctrinam, a. tamen secluso ordine ad sacrificium (quod incommunicabiliter DEO debetur) dicantur quoque Sanctis templâ, & memoriæ; & adeos ibi venerandos & orandos adeuntur. Porro templorum sanctitatem adhibitis varijs analogijs & comparisonibus expressit *Maximus* Monachus b. Ecclesiam enim (& agit de materiali, seu de templo) ex *S. Dionysio*, quem adducit & expendit, DEI optimi maximi esse typum & figuram docet; itemq; mundi ex substantijs visibilibus & inuisibilibus compacti, nec non mundi sensibilis ex solis corporeis substantijs coagmentati; tandemque hominis ex animâ & corpore constituti, & animæ ex gradu rationali & irrationali secundum rationem coalescentis. Nam vt in Deo omnia vnum sunt, & vnitissimè colligantur tamquam in suâ supremâ causâ; ita in Ecclesiâ fideles cuiusuis ordinis ætatis, sexus, linguæ, & nationis, adunantur in vnâ fidei professione, è quâ existit *cor vnum, & anima vna*, in personis morum & locorum diuersitate disiunctissimis.

Ceteræ comparationes, ferè nituntur bimembri templorum distinctione, saluâ vnitate. Nam in vnâ (quo ad ædificij coniunctionem) domo pars duplex est: altera quæ *Sacrarium* dicitur,

VI.

**D**æmones expelluntur in dedicatione templi.  
n. *Sigebert*, an. 871.

I.

a. Lib. 8. de Ciuit. c. vlt. Templorū sanctitas quibus rebus comparetur.  
b. De myst. ag. Eccles. cap. 2. 3. 4. 5. & 6.

II.

**T**emplum bifariam distinguitur,

solisque tur,

solisque Sacerdotibus & ministris attribuitur, juxta *Maximum* Græcè ἱερατῆον; altera quæ *vaos*, & toti populo æquè patet. Prior igitur templi pars substantias intellectu solo perceptibiles; Posterior corporeas & sensum quoque ferientes perbellè refert: atque ita mundus ex duplici illo partium genere coagmentatus, non incommodè in templo adumbratur. Id quod æquè de solo mundo visibili affirmari potest: Nam cælum, veluti *Sacrarium* est: Regio verò elementaris reliquo templo respondet. Eodem modo exponenda est Ecclesiæ ad hominem proportio: Anima siquidem est veluti *Sacrarium*, in quo mens, est diuinum altare: Corpus, reliquum templum refert. Rursus in animâ penes varios eius gradus, compositionem quamdam rationis agnoscere licet secundum, quam prædicta proportio locum habeat: Nimirum si anima, prout intelligens, cum sacratio; prout autem animalis & libertate carens, cum templi naue componatur. Ista fusissimè ad templi sanctitatem, per ea quorum symbolum est, exprimendam, prosequitur citatis capitibus *Maximus*, affundens lucem *S. Dionysio*, qui ea perpaucis attigerat.

## III.

c. Contra  
Vald. c. 12.

Aliam quoque Ecclesiæ materialis, siue Templi; & spiritualis, quæ corpus *Christi* est, analogiam, pulchrè his verbis tradit *Bernardus Abbas*: c. *Manifestum est tum Auctoritate Apostoli, tum inductione perscriptorum similium, Ecclesiam dici tam domum orationis, quam conuocationem fidelium. In Ecclesiâ enim materiali, varietas siue multitudo lapidum, aut lignorum, significat diuersos ordines fidelium: Pavimentum & tectum, subditos & Prælatos: fenestræ per quas lux cæli infunditur, doctores per quos ceteri fideles illustrantur; qui luce feruoris Dei illuminantur. Fundamentum, quod totum pondus Ecclesiæ sustinet, Christus est qui mores nostros sustinet; ostium, fides: Altare, DEVS: Latitudo Ecclesiæ, Charitas: altitudo, spes: longitudo, perseuerantia: Lampades, seu candela, scriptura, siue virtutes: Cymbala, signum iubilationis. Cum ergo materialis Ecclesiæ significet spirituales, non inconuenienter nomen eius accipit, quia plerumque signum censetur nomine rei, cuius est signum.*

## IV.

Ad quem  
finem con-

Commodiùs tamen pertingemus ad propositum scopum detegendi Ecclesiæ sanctitudinem, ac decorem primum domus

DEI,

DEI, si Ecclesiam absolutè considerantes, quorsum fabricata sit, si cui fini addicta, deprehendamus. *Iudei* plerique (vt erant ingenio pingues, ac obesi animo) templum *Hierosolymitanum*, quod illis vnicum erat, in eum finem conditum arbitrabantur, vt esset domus DEI: quo nomine Scriptura ipsa per sepe templum nominat, & ex vsu *Christiano* jam olim ita vocata templa habet *Zeno Veronensis*. d. Videndus *Heraldus* ad *B. Arnobij*. Porro iisdem *Iudei* de domo DEI non secus philosophabantur, ac de cuiusdam hominis domo, quia eâ concludatur, ibique diuerfetur eius finitus septus. Non secus enim *Iudeorum* plerosque, DEVM finibus templi *Hierosolymitani* conclusisse testantur *Hilarius*, e. *Hieronymus*, f. & *Cyrillus Alex.* g. Quamquam *S. Chrysostomus*, h. errorem illum non communiter *Iudeorum*, sed dumtaxat *Samaritanorum*, qui à veris *Iudeis* schismate scissi erant, fuisse confirmat.

In Ethnicis DEOS suos templo concludentibus, idem damnat *Arnobius*: i. Hæc tamen hominum carnalibus sensibus deditorum, nec DEVM ipsum nisi animaliter cogitantium, æquè stulta ac sacrilega deliria, vt *S. Fulgentius* contra Sermonem *Fasidiōs* rectè pronuntiauit, procul amandanda sunt: æquè ac contraria blasphemia *Valdensium*, quos *Ebrardus* k. refert, negasse DEVM inexistere substantialiter templis materialibus, cū Apostolus differtè dicat: l. *DEVS non in manufactis templis habitat*. Quod ab Apostolo verissimè dictum de inhabitatione per localem conclusionem, qualem diximus *Iudeos* quosdam somniasse; ab his nugiuendis trahitur ad constandam localem DEI finitatem, per exclusionem ab ædibus sacris. Ita enim DEVS templo inexistit, vt tamen eo non concludatur, nec in eo habitet, vt homo in domo suâ cuius finibus continetur, nec vltà porrigitur. Quamuis per aliquam analogiam, dicatur DEVS habitare in templo, quia ibi libentiùs conuenitur, faciliusque ad eum patet accessus, cū interpellandus est in necessitatibus.

Nec præsentia Angelorum reuerenter in templo astantium, exiguum est motuum reuerentiæ, homuncionibus. Assiduos Angelorum quippe & omnino multos esse in Ecclesijs Angelos, tradunt *Origenes*.

structa sic  
Ecclesia.

d. In Psal.  
126.

e. 2. Trinit.  
f. c. 66. Isai.  
g. l. 2. in Iu-  
lian.  
h. Hom. 32.  
in Ioan.

V.

i. Lib. 6.

k. Cap. 4.

l. Act. 7. &  
17.

VI.

præsentia.



m. Hom. 23. in Luc. n. In Ecclef. Myſtag. cap. 24. nes, m. & Maximus, n. Eorum igitur præſentia, & ſcilicet ſumma in ſacris ædibus reuerentia, mortalium hac in parte oſcitantiam interpellat, jungit hoc motuum ceteris *Stephanus* in egregia concione, cuius partem recitat *Anaſtaſius* ſin eius vitæ his verbis. *Filiationem veſtram, Chariffimi commonemus, ut conuenientes ad ſacraſſimum DEI templum, id diligenter pertractare ſtudeatis, ad quod veniſtis. Si enim veraciter templum DEI eſſe creditis illud ad quod conuenitis, id procul dubio inibi operari debetis, quod ei placeat, cuius templum eſt, ad quod conuenieratis. Cum enim ubiq; DEVS ſit, in ſuo tamen templo ſpecialiter debet requiri, & quantum ipſe inſpirare dignatus fuerit inibi, quod ei placeat, debet expeti. Eſt igitur miſericors DEVS, ita tamen ſuam miſericordiam unicuique diſponit in pertiri, ut rogantibus eam tribuat, non ingratis: & tanto largiori illam tribuat unicuique pietate, quanto maioribus gemitibus & ardentiori animo fuerit à quolibet deprecatus, ſicut ipſe dicit: Dimittuntur ei peccata multa, quia dilexit multum. Eſt namq; templum DEI, locus orationis, &c. Et multò plura ibi egregiè.*

VII.  
Deſtatio  
immundo-  
rum in Ec-  
cleſiâ ocu-  
lorum.

Igitur plurimùm deteſtanda eſt peruerſitas, quâ mulieres ad locum & tempus orationis conueſiunt, ad inſcandos ſpectatores, & ad peccati illecebram ſubminiſtrandam: quod feciſſe *Mariam* adhuc *Ægyptiacam*, habent eius acta, eademq; fortaliſſis ex cauſâ, anno 1131. mulier *Laundenſis* in celeberrimo conuentu, ter conata templum ſubire, ter diuinitus eſt reiecta; nec priùs ingredi potuit, quàm conſeſſa de peccatis, mutafſet mentem. Rem geſtam narrat eo anno Auctor Chronici B. Virginis. Hæc igitur lupa fortaliſſis eodem animo inſcandî ad libidinem, quo *Maria Ægyptiaca* templum adibat. Eumq; fuiſſe olim inter Ethnicos ſinem pomparum omnium ut luxuriæ negotiaretur, vel gloria inſoleſceret per mutuum videre ac videri, dixit *Tertullianus*, addens, has procedendi cauſas deeſſe *Chriſtianiſ* mulieribus. Similiterq; *S. Auguſtinus* grauiter monet, cauendum eſſe mulieribus ne Eccleſiam adeant oſtentandi in eâ fœni ſui gratiâ, quod ait eſſe in domo vitæ mortem quærere, & ut aliâ occasione ait *Tertullianus*, deputare occaſionem *Luxuriæ*.

Lib. de cul-  
tu fem. c. 11.  
Serm. 246.  
de temp.

Cap. 35.  
Apolog.

VIII.

Sanè multi *Chriſtiani*, in templis & ſuper ipſa ſacra hoc tem-  
pore,

pore, non modò feriuntur obtutibus tamquam telis ex improuiso intorris, sed ea sibi tela vltro accersunt, & volentes feriuntur ac etiam feriunt. Grauiissimè planè, in hanc indignissimam, & nimium quantum frequentem indignitatem conclamat *Chrysostomus* aduersus eos agens qui muliebres formas in templo consecantur, adductis illis verbis: *Dirigatur oratio mea, sicut incensam in conspectu tuo*, subdit. *Quòd si non incensum, sed mordacissimus abs te, ac graniter olens fumus ascendet, quibus supplicijs dignus eris? Quis autem iste fumus est tam gravis, tamq̃ molestus? Multi ad formas mulierum afficiendas, ad adolescentulorum pulchritudinem curiosius intruendam in Ecclesiam veniunt. Deinde non miraris, quomodo undique fulmina non deferuntur, quomodo cuncta funditùs non euertuntur? Hac enim non fulminibus solùm, sed etiam gehenna supplicio dignissima. Verùm DEVS cùm longanimus, & misericors sit, vt ad pœnitentiam, te adducat, iram suam interea retinet. Quid facis homo? mulierum speciem curiosius in Ecclesiâ perscrutaris, nec horrescis tantà templum Dei afficiens contumeliâ. Prostibulumnè tibi videtur Ecclesia, & foro ignobilior? Nam in foro erubescis, etiam times, ne quis te videat mulierem sectari: in Ecclesiâ verò Dei, cùm ipse Deus te alloquatur, & ab istis deterreat; eo ipso tempore maximè fornicatione, ac adulterio vteris, quo tibi magnà voce intonatur, vt ab his fugias, nec horrescis, nec stupes?*

Ædificantur enim templa ad exhibendum Deo cultum, præfertim supremum per sacrificium. Item ad orandum, & ad Martyrum corpora condenda, & denique ad pabulum sacramentorum & Verbi DEI, ministrandum familiæ Christi, per fideles dispensatores, constitutos diuinitùs ad dandũ ei cibum in tempore. Hoc est, locum esse Deo consecratum, & esse domum DEI, quam diximus esse templi Christiani notionem. Colligere hinc possumus cum *Repetto*, quàm verè de Ecclesiâ Christianâ dicatur: *Terribilis est locus iste*. Estimanda siquidè vt plurimum, in templis Christianis, præsentia Corporis Christi. Cogita apud te, inquit *Chrysostomus*, quanta tibi sanctitate opus sit, qui signa multò maiora acceperis, quàm qui sancta sanctorum tunc acceperunt. Neq̃ enim Cherubim, sed ipsorum Cherubim Dominum habes inhabitantem, neque urnam, & manna, & tabulas

Hom. 74.  
in Matth.  
Psal. 140.

IX.  
Cur ædificata templa?

Lib. 7. in  
Gen. c. 25.

In Psal. 133.

*tabulas lapideas, & virgam Aaron, sed corpus & sanguinem Domini- cum, & spiritum pro litterâ, & gratiam qua superat humanam cogitationem, & donum inenarrabile. Quò autem maioribus signis ac symbolis, & magis venerandis sacramentis dignatus es, eò maior est à te præstanda sanctitas, & eò eris maiori obnoxius supplicio, si qua iusta sunt, transitis. Similiter & planè luculenter argumentatum in hanc rem video S. Odozem, ubi facta contentione reuerentiæ, quam Moyses exhibuit loco sancto in quo stabat ob ignis Typici præsentiam, cum irreuerentiâ Christianorum in templis, quibus inest corpus Christi in quo habitat omnis plenitudo diuinitatis, ostendit, tantò auctiorem deberi templis nostris reuerentiam, quantò verum Christi corpus igni Typico antecellit,*

Lib. 2. col-  
lat. C. II.

## CAPVT XXI.

TEMPLORVM IMMVNITAS A-  
PVD CHRISTIANOS.

I.

Omnes  
gentes im-  
munitatem  
templorū  
obserua-  
bant.



NTER priuilegia religionis in fauorem diuini cultus introducta, illud non minimum putandum, quòd omnes Nationes, cuiuscumque sectæ aut religionis, tantum tribuerint Numini supremo & Deo, vt ad suam tutelam confugientes, & suplices, inuiolabiles, & à vi immunes conseruariint: & eos qui violassent, dignos irâ Dei & pœnis arbitrati fuerint. De Christianorum templorum immunitate & asylo constat ex iure communi, confugientes ad Ecclesias, inuitos inde extrahi non posse.

II.

Christianis  
omnia lo-  
ca sacra  
pro asylo  
sunt.

Quibus jus  
asyli nega-  
tur.

Nunc igitur in lege Euangelicâ, Reis & fontibus Asyla sunt omnes Ecclesiæ, cœmeteria, domus religiosæ, & Ecclesiasticæ; ita vt plura sint nobis asyla, quàm *Iudeis* olim. Quin his dumtaxat, asyla erant pro homicidis inuoluntarijs: poterantque extrahi ab Asylo, vt eorum causa ventilaretur: At *Christianis* asyla hæc conceduntur pro omni pænè crimine, & periculo. Sunt tamen quædam, quibus jus asyli negatur; vt sunt, raptus virginum, blasphemia, sacrilegia, Latrocinia publica. De quibus separatim agemus in sequentibus.

Olim



Olim tamen jus asyli erat cæremoniale & iudiciale, ideoque vt sic abrogatum in lege nouâ, vt in quâ dumtaxat est merè humanum, à Pontificibus, Imperatoribus, Regibus constitutum, cum ob reuerentiam locorū sacrorum, immò Dei ipsius, cui ea sunt sacra- ta: tum ad misericordiam illius declarandam.

Quin *Alaricus & Gothi* captâ Româ, parcebant fugientibus ad Ecclesias. Immò cum *Gothus* quidam sacra vasa apud virginem consecratam reperisset, illaque ei diceret; *Hac vasa mihi de sacra- rio B. Petri sunt commissa, Tange si audes: ego sacra tibi dare non au- deo*: Ille ad nomen Apostoli exterritus, Regi nuntiauit. Qui ociùs ad sacrarium *S. Petri* vniuersa referri mandauit, dicens: cum *Romanis* se bellum gerere, non cum Apostolis IESV CHRISTI. a.

Olim etiam confugientes ad sacerdotem, deferentem Sacram Eucharistiam, asyli priuilegium habebant. b. Idem domus Re- gum & refugia ad illos, jus adferebant asyli. Sic *Chilpericus* pul- sus regno, ad *Ludovicum Lotharingæ* Regem: *Alphonsus Rex Lusitania*, ad *Tilledam* Regem *Granata*: *Xizimus* Imp. Turcarum à *Ba- iazete* pulsus, ad *Ludovicum II. Themistocles* ad Regem *Persarum* olim profugerunt.

Sacrosanctus fuit olim *Christiani* Baptisterij locus, vt testa- tur *Euagrius* c. de *Proterio Alexandrinorum* episcopo scribens: Ipsum, dum necem effugeret, ad sacrosanctissimum baptisterium se recepisse. Quo in loco & barbaris, & cunctis ferocibus homi- nibus reuerentia quædam incutitur.

*Theophilus* Imp. tantum *Mariæ* filiæ defunctæ, vxori *Cæsaris Alexij*, honoris detulit, vt cadauer in arcâ argento obductâ re- posuerit, & cuiuscumque flagitij reis sepulchrum eius asylum constituerit. d.

*Bonifacius V. Papa Heraclio* imperante, instituit, vt ad Tem- pla confugientes salui essent. e.

e. Volat. l. 22 *Anthrop. & Platina. & Cranz. lib. 2. Metrop. Alaricus Gothorum* rex, sub *Honorio* Imp. occupatâ Româ edixit, ne eorum corpora ignominia vel vulnere afficerent, bo- naue diriperent, qui in Apostolorum Tempia se recepissent. f.

Refert *Suidas, Eutropium, Arcadij* Imp. Cubicularium om- nis

III.

Quale apud Christianos?

IV.

Ipsi Gothi parcebant Ecclesijs.

a. Roderic; Tolet. lib. 2. Hisp. c. 5.

V.

b. Archid. in caus. quæst. 12. q. 2.

VI.

c. Lib. 2. c. 8. Baptisterij locus.

VII.

d. Cedren.

VIII.

IX.

f. Aug. l. 1. & 2. de Ciu. Dei.

X.

**Consilium  
confultori  
pessimum.**

**g. Lib. 13.  
cap. 4.**

**XI.**

**h. l. pateant.  
4. de ijs qui  
ad Eccles.  
confug. l. 9.  
C. Theod.  
tit. 45.**

**XII.**

**k. Can. mi-  
ror. 17. q. 4.**

**XIII.**

**XIV.  
m. Ca. de-  
finit. ead.  
quast.**

**XV.**

**o. tit. de ijs  
quæ ad le-  
gem, de  
Cleric. oc-  
cissione sta-  
tuuntur.**

**XVI.**

nis generis facinoribus plenum, cum vellet etiam eos, qui ad templa confugissent, comprehendere, legem promulgasse, quæ concederet etiam eos vel ab aris extrahi. Sed eâ lege vix promulgatâ, eum ultionē crudelitatis fuisse consecutum: non enim multo post Imperatore offenso, in templū fugit sub altari jacens, inde abstractus noctu capite truncatus fuit. Quod & *Niceph.* refert. *g.*

*Theodosius & Valentinianus* h. legem hanc immunitatis Ecclesiæ constitutione firmarunt, atque pro asylo omnia, quæ Ecclesiâ continentur, usque ad extremas fores Ecclesiæ constituerunt fugientibus eò sine armis. Statuta & poena, ut qui propriâ auctoritate confugientem auulserit, extraxeritque verberibus affectus ralusque relegetur. Cuius meminit *Constant. Armenopol. i.*

*i. Lib. 2. Prompt. Iuris. tit. 9.*

*D. Augustinus* ad *Bonifacium*, k. eum qui hominem ad Ecclesiam fugituum rapuerat, punit primum ne eius oblationes à Clericis susciperentur, de hinc communionem interdicat, donec poenitentiam egisset.

*Gelasius* Papa cap. frater, ead. q. reo eiusdem criminis Ecclesiarum omnium inhibet ingressum: ex Concilio *Hilderens.* l.

*l. Can. nullus Clericorum, ead. 17. q. 4.*

*Concilium Toletanum XII. m.* asyllum Ecclesiæ extra Ecclesiam etiam constituit intra 30. passus, utque non inde extrahantur servi confugientes à dominis, nisi præstitâ cautione, quod eis iniuriam non inferent ob eam causam. Quod & aliorum alijs constitutionibus cauetur. n.

*n. Cap. metuentes, ea. id constituimus, 17. q. 4. li. fin. 5. fin. de ijs qui ad Eccles. confug.*

In legibus *Longobardorum*, & in Capitularibus *Caroli Magni*, o. statuitur his verbis: Si quis ad Ecclesiam confugiam fecerit, in ipso atrio Ecclesiæ pacem habeat, nec sit necesse Ecclesiam ingredi: & nullus inde per vim eum extrahere presumat, sed liceat ibi confiteri quid fecit, & inde per manus bonorum hominum ad discussionem in publicum perducatur.

*Lucius III.* Pontifex p. sub anathematis poenâ vetat ne  
faculares

p. In cap. cum Eccles. 5. de Immunit. lib. 3. tit. 39.

ſeculares iudices, cauſas, vbi de ſanguinis effuſione, & poenâ corporali agitur, in Eccleſijs aut cœmiterijs tractent.

*Gelaſius* verò ſacrilegium exiliat, hominem reum ad ſanctuarium conſugientem, reſiſtente violentè abſtrahere, & ideo eos ab omni Eccleſiarum ingreſſu, qui hoc auſi ſunt, prohibet. q.

q. In c. Frater & Coepiſcopus cap. 17. q. 4.

In Concilio quoque *Ilerdenſi*; r. nullus Clericorum ſeruum aut diſcipulum ſuum fugientem ad Eccleſiam, extrahere audeat, vel flagellare præſumat. Quòd ſi fecerit, donec dignè poeniteat, à loco cui honorem non dedit, ſegregetur.

Et Concilio *Triburienſi*. s. *Siquis contumax vel ſuperbus, timorem Dei, vel reuerentiam ſanctarum Eccleſiarum non habuerit, & fugientem ſeruum ſuum, vel quem ipſe perſecutus fuerit, de atrio Eccleſie, vel de portibus quolibet modo Eccleſie adherentibus per vim abſtraxerit, pro immunitate nongentos ſolidos Epifcopo componat: & ipſe publicâ poenitentia, juſto iudicio Epifcopi multetur.*

In Iure ciuili exſtat conſtitutio *Honorij & Theodoſij c. c. r.* *Fideli denotâq; deuotione, inquirunt, ſancimus, nemini licere ad ſacroſanctas Eccleſias conſugientes abducere: ſub hac videlicet definitione, vt ſi quiſquam contra hanc legem venire tentauerit, ſciat ſe maiestatis crimine eſſe retinendum.*

Et à Leone Imp. u. ſupplicium imponitur inuadenti conſugam ex Eccleſiâ, pro quo adeundus Epifcopus, & Clerici Eccleſie, reuerentiâ religionis & loci non violentâ, confirmantur, priuilegia Eccleſiarum, Clericorum & conſugarum. x.

u. In l. præſenti lib. 6. eo tit. cap. ſupplicium. x. in l. ſi qua per ealum. 22. §. de Epifc. & clerice.

*Henricus* Imp. *Barbaroſſa* filius, *Briſacum* *Auſtrie* oppidum, in pauperum refugium, veluti miſericordiæ aſylum, adificauit. y. *Otho* *Frif.* lib. 7. cap. vi.

*Dongardus* *Scotorum* rex loca omnia *Chriſto* ſacra, per vnuerſas *Scotia* regiones, aſyla effecit, & ad ea conſugientes, ſeruos fugitiuos, fontes quouis crimine reos, ne iudicium ſubire publicâ cogerentur auctoritate, dum illuc ſe continerent, regio vetuit. edicto, z.

XVII.

XVIII.

r. Cap. 8.  
c. nullus  
Cler. 9. ead.  
17. q. 4.  
s. Cap. 20.  
& in legib.  
Boiarior.  
tit. 7. c. Si  
quis contu-  
max. 20.  
ead. 17. q. 4.

XIX.

t. In l. 2. de  
his qui ad  
Eccleſ. con-  
fug. l. i. Cod.  
tit. Fidei.

XX.

XXI.

XXII.

z. H. Boe-  
thius l. 18.



XXIII.  
Vergilius  
lib. 3. c. 12.  
de Inuent.  
rerum.

Sunt hodie in orbe *Christiano*, præsertim apud *Anglos* passim asyla, inquit *Polydorus*, quæ non modò insidias timentibus, sed quibusvis fontibus, etiam maiestatis reis patent: quod facit, ut manifestè appareat, nos id institutum non à *Moyse*, qui illis dumtaxat, qui volentes hominem occidissent, asylum posuit, sed à *Romulo* esse mutuatos. Quæ nempe res haud dubiè in causâ est, cur benè multi à maleficijs minùs abstineant manus. Quid, quòd templa nostra vbique gentium istiusmodi sceleratis hominibus instar asylorum sunt? & id contra quàm *Moyse*s etiam constituerit, qui a. ita sanxit: *Si quis per industriam occiderit proximum suum, etiam per insidias, ab altari meo auelles eum, ut moriatur.*

a. Exod. 21.

XXIV.

*Colnanum* asylum in *Angliâ* abest ab *Abydoniâ* circiter millia passuum duo: quod perfugio non est illis, qui contra regis maiestatem committunt. b.

b. Polyd.,  
lib. 26.

Verùm silentio prætereundū non est, quod anno 15. CLXXXVII. post redemptum orbem *Athelstanus Angliæ* Rex Collegio Canoniorum *Reuerlacensi*, instituto à *Ioanne Eboracensi* Episcopo V. jus asyli concesserit, certæque lapideæ cathedræ quæ ibidem in Ecclesiâ collocatur, annexuerit, cum hac inscriptione: *Hæc sedes lapidea dicitur Freedstoel*, id est, Pacis Cathedra, ad quam reus fugiendo perueniens, omnimodam habet securitatem. c.

c. Godebin.  
in Episc.  
Angl.

XXV.

*Edoardus II.* Anglorum Rex, legem sanciuir, quæ hodie seruatur, ut quoties quis delicti reus ad templum confugeret, in perpetuum exilium eat intra quadraginta dies, & 12. horas (eo enim spatio temporis se æstus Oceani ex alto incirat) nec aliam pœnam patitur, excepto quòd vsque ad littus crucem manu gestat, veluti signum seruatae per religionem vitæ, teste *Polydoro Vergilio*. d.

d. Lib. 1.  
Hist. Angl.  
in Henric.

## CAP. V T. XXII.

### VIOLATORES IMMUNITATIS ECCLESIASTICÆ PVNITI.

I.  
a. Lib. 14.  
hist. Eccles.  
cap. 32.  
Immunitatem Eccle-



ETERVM constitutione innotescit, quàm seuerè in violatores huius immunitatis animaduersum fuerit. Refert *Nicephorus Calistus* a. vindictam diuinam in violatores asyli: Cùm quidam, inquit, *Servi* ab heris male tractati ad

ad Ecclesiam confugissent, neque hinc euelli possent, turbantes Clericos, fasticam  
unum Clericum occiderunt, & postea seipsos: quo tempore cepit error violentes  
Nestorij, quidamq; poeta mali ominis, illud factum ijs Lambis pradixit. puniti.

σημεῖα καὶ γὰρ ταῦτα γίνεσθαι εἶλε  
ὅταν τῆ ναοῦ κατασκήνη μῖσος. Id est.

Assuevit omen ferre triste, sanctius

Si forte templum polluat piaculum.

Nicanor Deum spernens, & jurans se templum Domini Libe-  
ro patri dicaturum, nisi traderetur Indas, qui ibi erat, interficitur.  
b. Simile exemplum est de Heliodoro. c. D. Augustinus d. Boni-  
facium Comitem agentem cum Gothis in Africâ, Ducem exercitus,  
quod confugientem ad Ecclesiam inde abstrahi iussisset, grauitè,  
reprehendit: *Miror, inquit, quomodo tam subito fidei murum aries*  
*ruperit inimici. Non enim quâ Religionem semper sis Ecclesiam Dei ve-*  
*neratus. Quo instigante, frater, hominem de Ecclesiâ rapuisti? Tuis*  
*si de tuo amico fortè presumeret fugitiuus; posset proculdubio intercesso-*  
*ris causâ veniam promereri. Ergo si amicus intenditur, cur Deus of-*  
*fendiitur? Sed si de potestate presumitur, Nabuchodonosor Regem inten-*  
*de, qui causâ superbia in bonum est ex homine cōmutatus. Non ut*  
*confundam te, hæc scribo, sed ut filium meum carissimum moneo. Ec-*  
*clesia igitur illasum renoca, quem ut irreligiosissimus rapuisti. Oblatio*  
*verò domus tua a clericis ne suscipiatur indixi, communionemq; tibi*  
*interdico, donec peractâ pro ausibus vel errore à me definitâ tibimet poe-*  
*nitentiâ, & tempore condonato pro hoc facto, corde contrito & humiliato*  
*dignum offeras sacrificium Deo.*

Anno Domini Io. c. vi. & anno Phocæ Imp. III. Scholasticus  
eunuchus, vir religiosus Palatij, Constantinam dominam, olim  
Augustam, coniugem Mauritiij Imp. cum tribus filiabus eius ac-  
cipiens ad magnam Ecclesiam confugit, consilio Germani Patricij  
desiderantis Imperium. Fit igitur seditio magna in vrbe. Germa-  
nus autem Demarcho Prasinorum talentum auri misit, vt coopera-  
retur ei: primores autem vulgi id admittere noluerunt. At verò  
tyrannus in Ecclesiam ad abstrahendum mulieres destinauit. Sanè  
Patriarcha Cyriacus tunc restitit tyranno, minimè passus è templo  
tyrannicè abduci mulieres. Verùm iuramenti certo eo reddito à

II.

Exempla.  
b. 2. Mach.  
14.  
c. Ibid c. 3.  
d. Epist. 6.  
in ap.

III.

Cyriaci Pa-  
triarchæ  
constantia.

*Phocà*, quòd non læderet eas, educuntur è templo, & clauduntur in monasterio. d.

d. Ex Theoph. Cedren. Baron. anno 606. n. 3.

## IV.

Item Mar-  
celli Archi-  
mandritæ.

De *Ardaburij* & *Asparis*, quæ erat in illo tempore potentia, nihil est dicendum, neque de crudelitate æquali potentia, atque adeò maiori (erant ambo *Ariani* potentissimi, vtpote longo tempore militiæ præfecturis insigniti, ipsi quoque Imperatori timendi.) Hic ergo qui adeò potens erat & crudelis *Ardaburius* irascebatur cuidam ex ijs qui erant in eius potestate, nomine *Ioanni*. Ille verò omnibus alijs, atque adeò ipso Imperatore prætermisiss, vt qui non essent satis potentes, vnum nouit refugium, *Marcelli* tabernaculum, ipsum videlicet *Accemetarum* cœnobium: & id subit, & in eo latet, tamquam sub aliquo tuto propugnaculo. Ille autem cùm rescuissset, petebat (ad ipsum mittens) hominem sibi tradi. Cùm verò non obtemperaret, cœpit minari. Cùm *Marcellus* autem minas non curaret, ei vim attulit; missisque militibus, & qui viribus valebant (erant multi numero) iussit quærere eum qui confugerat; & si non pareret, vti armis. Atque ille quidem cùm sic iussisset, eos dimisit. Illi autem profecti, & verbis, vti iussi erant, vsi; quoniam non parebat, monasterium circumfidebant: hæc facta sunt vespere. Magnus verò *Marcellus* rogauit eos, an vellent manere, & se ijs dixit alimenta daturum. Cùm autem mansissent, suppeditauit alimenta, & res ita quidē transijt vsq; ad vesperam. Cùm autem nox aduentasset, qui foris quidē erant, enses jam quatiebant terribiliter: Monachi autem hæc videntes & audientes, Sanctum circumfidentes, pro ensibus eum verbis feriebant: Quid ergò, dicentes, tibi omnes propter vnum peribimus? idq; mortē violentā & acerbā? & tuis filiis erit tibi præferendus externus? Et tibi à fundamentis cum templo peribit monasterium? Non dimittes, non cirò præbebis eum qui quæritur, qui malis huc peruenit pedibus? Cùm sic per totam noctem eum & hostes amici etiam acriter iuaderent; tempusque frustra contereretur, & supplex non traderetur; manē autem statuissent milites vti gladijs, & jam essent aggressuri: tunc *Christi* athleta suam obiecit potentiam, Eis verò præter opinionem apparet aduersaria, non phalanx



phalanx quidem, sed diuina quædam & cælestis potentia in orbem ab igne circumscripta, & arma inexpugnabilia, nempe *Crucis Christi* imaginem in medio ferens, longè magis refulgentem, quàm ignis qui erat circumcirca. Hæc ergò terribilis potentia, quæ apparuerat; ex ipso fastigio monasterij emittebat grauius tela aduersum milites, quæ quidem erant ignis fulgura intolerabilia. Quibus cum non solum non resistere, sed nec ea quidem contra intueri possent: gladios in terram proiecerunt, & ipsi ceciderunt, & voces ad *DEVM* placandum accommodatas, prout quisque poterat, emittebant. Quas cum hi qui intus erant sensissent, canere coeperunt, & fuerunt ipsi quoque testes miraculi quod euenerat præter opinionem. Hoc effecit, vt crudelissimus *Ardaburius* suorum morum obliuisceretur: & causa fuit, vt præter sententiam benignus videretur, irâ in *Ioannem* remissa. e.

Huius rei occasione factum putat *Baronius*, vt *Leo* Imperator egregiam hanc sanctionem de immunitate confugientium ad Ecclesiam hoc ipso anno promulgauerit, ita rescribens ad *Erythreum* Præfectum prætorio: *Præsenti lege decernimus per omnia loca valiturâ (exceptâ hac vrbe regiâ, in quâ nos diuinitate propriâ degentes quoties usus exegerit, innocari, singulis causis atque personis presentanea constituta prestamus) nullos penitus, cuiuscumque conditionis sint, de sacrosanctis Ecclesijs Orthodoxæ fidei expelli aut trahi, vel protrahi confugas; nec pro his venerabiles Episcopos, vel religiosos Oeconomos exigi, quæ ab ipsis debeantur.*

Anno. cccxcvi. cum Consulatus sui tempore Imperator *Honorius* in vrbe *Mediolanensi* *Libycarum* ferarum exhiberet munus, populo illuc concurrente, data copia est missis militibus ab *Stilicone* Com. hortatu *Eus.* Præfecti, vt *Cresconius* de Ecclesiâ raperetur. Quem confugientem ad altare Domini, sanctus Episcopus cum clericis, qui in tempore aderant, defendendum circumdedit. Sed multitudo militum, quæ duces suos habebat de perfidiâ *Arianorum*, præualuit aduersus paucos; atque ablato *Cresconio*, exultantes ad amphitheatrum reuerterunt, Ecclesiæ luctum non modicum relinquentes. Nam sacerdos prostratus ante altare Dei factum diu fleuit. Sed in tempore, cum reuertissent & renuntiassent.

e. Exa. Marcell. Archiman. Metaph. & Sur. 29. Dec. cap. 33. V.

VI. Milites à Leopardis puniti ob violatam Ecclesiæ immunitatem,

f. Paulin.  
in vitâ S.  
Ambr. Bar.  
t. 5.

VII.  
Benedictus  
Hungarus  
grauissimè  
punitus,

g. Nauei.  
vol. 2. Chro-  
nogr. gen.  
17.

VIII.  
Veremundus  
Rex  
cum popu-  
lo fame  
punitus,

sens eis à quibus fuerant destinati milites, dimissi leopardi, saltu celeri ad eundem locum, in quo sederant qui de Ecclesiâ triumphabant, ascendentes grauitè laniatos reliquerunt. Quod ubi vidit tunc *Stilico* Comes, pœnitentiâ motus est, ita vt per multos dies satisfaceret sacerdoti. Et illasum quidem illum, qui ablatus fuerat, dimiserat: sed & quia grauissimorum criminum erat reus, & aliter emendari non poterat, ad exilium destinatur, non multò post indulgentiâ prosequente. f.

Anno c lxxcv. obiit *Ladislaus* Rex *Hungariae*, quem *Hungari* sanctum esse volunt. Reliquit autem duos fratres *Almum* & *Colomannum*. *Almus* Regem destinat *Pressius*, quòd *Colomannus* sanguinarius esset: *Almus* tamen jure primogenituræ fratrem, præferens, Ducatum accepit. Hic Rex factus *Almus* persequi sæpè tentat, sed illos semper Principes conciliauerunt. Tandem, confirmatâ per Imperatorem inter eos pace, Rex cepit Ducem, *Almum*, & filium eius *Belam* infantulum, & excacauit eos. Sed & *Belam* infantulum præcepit castrari. Satelles autem timens DEVM, catellum castrauit, & testiculos eius Regi præsentauit. Idem Rex plures nobiles excacauit, postea cœpit ægrotare vsque ad mortem, & consilio habito fecit apprehendi Ducem, ne fortè sibi succederet etiam cæcus. Præsensit *Almus*, profugit in monasterium, & manu altare comprehendit. *Benedictus* autem quidam à rege missus sacrilegas manus in eum iniecit: & dum conaretur eum extrahere, diuulsa est manus ducis, & infectum altare sanguine. Territus sacrilegus equum conscendit exiens, & in viâ cadens de equo, ceruice fractâ, expirauit, ac à canibus voratus est. g.

Circa annum Domini millesimum *Veremundus II. Legionis & Asturum* Rex, à susurrone deceptus, præcepit capi *Gudestem* Episcopum *Ouerensem*; sed vt tantum nefas non procederet impunitum, facta est siccitas magna in terrâ, ita quòd totus populus ciborum penuriâ ardebatur: Cumque quibusdam fuisset à Domino reuelatum, famem propter iniuriam Episcopi accidisse, & Regi esset reuelatio intimata, confestim absoluit Episcopum, & per *Semenum Asturicensem* Episcopum, cui Rex Episcopum commendauerat,

uerat, fecit restitui *Gudestem*, & statim Dominus pluuiam voluntariam segregauit, & terra attulit fructus suos. Tunc Rex *Vere-mundus* corde compunctus Ecclesiam beati *Iacobi*, & cetera loca, quæ *Almanzor* profanarat diripens, prout potuit, restaurauit, & bonis operibus, & elemosynis jam intentus, de commissis cum consilio Prælatorum, pœnitentiam agere satagebat, & in villâ quæ est in *Berizo*, moritur & sepelitur. *h.*

Matrona quædam, *Misnensis* diœceseos, ex villâ *Pretzendorpff* propè *Fribergam*, nostrâ hac tempestate dæmonio arrepta, ad sepulchrum diui *Bennonis* adducta, cum nullis dæmon exorcismis ab eâ fugari posset, inducta est tandem diui *Bennonis* casula, & datus in manu baculus pastoralis, quo facto, exclamauit dæmon: Nunc tempus est vt egrediar: relinquam tamen hospitæ meæ signum, quo mei perpetuò meminerit: moxque aperto altero mulieris crure, terribiliter elisum est. Foramen autem quod ille fecerat, nullâ medicorum arte sanabile mulier adhuc hodie gestat, & vt timendum est, donec vixerit non abolebitur. Præterea, vt pius erga supplices, ita seuerus in obstinatos diuus pater iuxta promissa sua sæpius inuentus est. Marchionem enim *Wilhelmum*, eum qui *Grymnis* mortuus est, cum Præpositus olim *Misnensis*, *Brutenus* nomine, sæpè adhortatus esset, vt ab exactionibus, & seruitijs, quibus colonos ac subditos Ecclesiæ *Misnensis* præter jus ac consuetudinem prægrauabat, desisteret, nec eum ab incepto posset deflectere, ad auxilium tandem diui *Bennonis* confugit, qui exoratus tandem assidujs Præpositi precibus, Marchioni in somnis apparuit, arguens & commonefaciens ad remittenda iniusta grauamina. Cumque is consiliariorum suorum suasu, dicentium non esse curanda somniorum deliramenta, in nullo se emendaret, aliâ vice per quietem iterum visus est sibi *Benno* irruere, & faciem quam manu gestabat, alterum ocellum inurere. Qui manè surgens & eluscatum se sentiens, tandem compunctus corde, Ecclesiæ *Misnensi* non solum data refarciuit damna, verum insuper multa contulit donaria, quibus, vt sperandum est, benedictionem pro maledictione à Deo promeruit. Legitur tamen tam hunc, quam diui *Bennonis* percussorem, spe prolis à Deo frustratos absque le-

*h. Roderic.*  
*Tol. l. 5. c. 17.*  
*Vasæus an.*  
*982. Cranz.*  
*lib. 5. c. 21.*

IX.

Marchio  
*Misnensis*  
punitus.

D. Benno  
apparet in  
somnia.



Bennon. c. 32. Sur. 16. Iunij. Bre- tit. i.  
denb. lib. 5. gitimo decessisse herede, in poenam læsæ Ecclesiasticæ liberta-  
cap. 54. tis. i.

X.  
De *Sanctio* maiore *Castella* atque *Nauarra* Rege omnes ferè rerum *Hispanicarum* scriptores ferunt, quòd cùm die quadam in-  
venatione aprum insectaretur, ille fatigatus, intra obuios parietes, qui supererant memoriæ *S. Antonini* martyris, se recepit, apud reli-  
ctam ibi sacram aram consistens, tutum asylum, Angelorum cu-  
stodiâ vallari consuetum. Sic juxta illud oraculum: *Homines & iumenta saluabis Domine*. Cùm Rex venabulo illum appeteret, eleuatum brachium ad feriendum mox torpedine redditum sentit inuile: sed reatum agnoscens, martyrem deprecatus, ad pristinum

k. Bar. an. 1032. ex Ro- der. Tolet. 1. 6. c. 6. vsum sensit diuinis reuocatum, didicitque suo damno, quanta deberetur locis sacris immunitas, etiamsi corruisse visa fuissent, vt nec bestiam illuc fugientem lædere licuisset. k.

XI.

Fuere non pauci mortales, qui Comitibus *Sariberiensis Angli*, cùm genere tum bellicâ laude illustris, mortem in obsidione *Aurelianiensis*, in religionem verterent, & diuinam esse iram interpre-  
tarentur, quòd & neglecto iureiurando, quo duci *Aureliano* in *Angliâ* captiuo fidem suam obstrinxerat, vrbes *Aurelia* ditionis fore incolumes, ipsam tamen urbem *Aureliam* oppugnasset, & quòd sacrilegâ manu, donaria antiquis dicata templis, & religiose vsque in eam diem custodita, non cunctanter auferret, resque pretiosas in cœnobijs absconditas, suam esse prædam diceret. Postremò quòd expilatò fano diuæ *MARIÆ Cleriace*, auræ argenteaque donaria, nefando auaritiæ genere, in scyphos & pateras conflasset. Hæc erant præter vasa altaribus dicata, statuæ paruæ, simulachra periculorum, omniumque humanorum membrorum effigies, sicuti ea religiosi mortales voto pro salute suscepto exoluerant. Idque ingenti cum luctu multorum, mulierumque præsertim crebis eiulatibus, quæ pietatis causâ conceptis votis imaginem illam diuæ *MARIÆ* inuisere atque

venerari consueuerunt. Ita *Ioan. Lu-*

*donicus Muquellus.*

0950

CAPVT XXIII.

QVI IMMVNITATE ECCLESIAE  
NON GAUDEANT.



Ex Dei est: a. Si quis per industriam occiderit proximum suum etiam per insidias, ab altari meo euellens eum ut moriatur. b. Iuxta quam repelluntur ab Ecclesiae asylo, Latrones, qui vias obsident, depopulatores nocturni agrorum, quia per insidias delinquant. c. Excipitur & publicus Lator. d. Sententia autem Philonis Iudaei, e. de iure asylo impiorum denegando, digna est, quae hic adscribitur: *Homicida, inquit, censendi sunt, non solum qui interimunt, sed etiam qui nihil non conantur clamq; palamq; ut interficiant, etiamsi non perpetraverint facinus. Quod si praemetu vel audacia vitij contrarij in templum irrumpere tentauerint, impunitatis prohibenda gratia, impediendi sunt: sin autem iam surreperunt, dedendi sunt ad supplicium cum hoc praconio: Hominibus nefarijs in fano jus asyli non deberi. Nam quisquis malum dat incurabile, inimicus est Deo. Homicida autem ledit immedicabiliter, quia occisus non potest in integrum restitui: pollutos vero inelutibili scelere abluendo nulla mora temporis, dignabimur aditu sacrarum adiun, quos nec priuata quidem domus honesti viri, & sanctitatem amantis admitteret, &c.* quae ibi copiose & eruditè in hanc rem expenduntur. Casus quidam excepti sunt apud aliquas nationes, vel ex more, vel ex lege, in quibus jus asyli non habeat locum, nec immunitas.

Et primum impunè licet ad Ecclesias confugientes educere, si alieni à religione, quae eo in templo colitur, sint: veluti si Iudaei ad Ecclesias confugerint. f. Si excommunicati, haeretici, & alij quos prosequitur *Nicolaus Boerius. g.*

Olim etiam serui adscriptitijque coloni ab aris submouebantur, & dominis reddebantur h. quod postea temperatum est. i. Cicero k. meminit *M. Aurelium Scaurum* euocasse Rom. in iudicium *Periclem Ephesum* hominem, quod is Ephesi se quaestorem vi prohibitum esse dicebat, quod minùs è fano *Diana* seruum suum, qui in illud asyllum confugisset, abduceret, & is author iniuriæ diceretur.

I.

a. Exod. 21. vers. 14.  
b. Relat. in c. de homic. l. 5. tit. 12.  
c. C. inter alia 6. de immunit. Eccles.  
d. in c. sicut antiquitus 6. 17. q. 4.  
e. Lib. de spece, legib.

II.

f. l. 1. de ijs qui ad Eccles. confug.

g. de eis, 310  
h. Lib. 3. ad tit. de ijs qui ad Eccles.  
i. lib. fin. C. eo tit.

k. 3. in Ver.

## III.

l. 3. Reg. 2. m. Deut. 19. Num. 35. Ios. 20. & s. neque autem homicid. de mand. prin. coll. 3. tit. 4. & l. auxil. de minor. in P. L. si fine, ad S. C. Velleian. C. l. 2. si minor se maior. dixit. l. ij. qui sancta, de Apost. C. n. An. 1539. art. 166.

Euelli *Salomon* iussit à cornu altaris *Ioab*, & interfici, quia proditor maiestatis fuisset. l.

Lege quoque diuinâ & humanâ iustum visum est, atrociter delinquentes, veluti, adulteros, homicidas, raptores, & id genus, ab aris submoueri ad quas confugerint, & in supplicium abduci. Etenim legis auxilio indigni sunt, qui in legem peccant. m. Exstat constitutio *Francisci I. Galliarum* Regis. n. quâ prohibentur immunitates Ecclesiarum pro debitis, alijsque causis ciuilibus, vel alijs quibus prehensio decreta est personâ.

*Ioannes Lucius* o. placuisse memorat Senatui *Parisiensi*, ob æs alienum nexui corporis & fortunarum obligatum, in loco sacro comprehendi posse. Denegatur immunitas ijs, qui rei sunt tributorum publicorum, ea namque & vtilia templis sunt. p. Item Curialibus & apparitoribus qui fiscalia intercipiunt, vt statuitur in edicto *Iustiniani X.*

Non gaudent etiam immunitate Ecclesiarum sacrilegi; q. quique Ecclesiam violarunt, & alios eò confugientes extraxerunt. effractores carcerum, non damnati à iudice, neque ij qui jam comprehensi vel ab administris iudicij, vel alijs infecuti, vt comprehenderentur, ad Ecclesias confugiunt. Vide plura apud *Boërium*. s.

## IV.

In *Galliâ* & *Alemanîâ* secundum *Papiensem*, confugiens ad Ecclesiam non gaudet immunitate: at *Chassaneus Pictanij* vidisse se gaudere confugientem damnatum morte testatur.

Certè in *Germaniâ* etiam extra Ecclesias plurima asyla reperire est, ex priuilegio Cæsarium, Regum aliorumque Principum. In legibus capitularibus *Caroli Magni*, t. homicidæ ceterique rei, qui per leges mori debent, ad Ecclesiam confugientes non excusantur, nec permittitur eisdem ibidem viduum præbere. Id ipsum statuitur in legibus

*Longobardorum*. n.

o. Lib. 1. placit. Cur. tit. 2. Plac. fin. p. §. public. verò trib. de mand. prin. col. 3. tit. 4. q. C. fin. de immunit. Eccles. c. fin. & c. de sent. excom. r. Cap. frater & can. ad Episcop. 17. q. 4. s. Deci. 110. n. 9. & 10. t. Cap. 8. u. tit. de reuer. Eccles.



# QVOMODO TRACTANDI, QVI SIC AB ECCLESIA EVELLVN-

TVR.



**Q**UAMVIS plura crimina immunitate Ecclesiæ non gaudeant, tamen seruandum esse modum suggerit *Tolosanus*.  
a. vt quando educuntur rei criminum ex Ecclesiâ inuiti, idipsum fiat sine tumultu, aut scandalo sacrorum, propter reuerentiam Numinis; neque excusandos puto impios, vel crudeles satellites, qui prætextu mandati judicialis capiendi aliquos in locis etiam sacris, insolentiùs quàm reuerentia loci postulet, se gesserint: ne videantur *Christiani* inferiores in veri DEI cultu, & irreuerentiores ipsis *Ethnicis* in templorum suorum & idolorum religione conseruandâ, eiusque rei gratiâ non pigebit exempla referre, & in primis *SIBYLLÆ* oraculum, quod habetur 3. *oraculorum eius*.

*Muri affabre facti in terram cadent omnes  
Hominum inimicorum, qui legem non agnoscunt  
Nec iudicium magnum DEI, sed insipientes mente  
Omnes impetu adacti leuantes contra sacrum lanceas sunt.  
Iudicat DEVS omnes bello & gladio,  
Et igne & pruinâ demergente & inundante; & erit  
Sulphur è calo, sed & lapis & grando  
Multa & grauis, & mors in quadrupedibus erit:  
Et tunc cognoscent DEVM immortalem qui hæc omnia fecit.*

Sunt sacrilegi reputati qui res in templo depositas etiam non sacras, de sacro loco rapiunt. b. Vt etiam aues, quæ ibidem nidum habent, olim periculum fuerit eiicere, multo magis vt homines eò conuenientes supplices, quò pertinet oraculum de quo meminuit *Herodotus*: c. Cùm enim, inquit, *Pactios* profugus *Cumæ* templum supplex ingressus fuisset, & *Aristidicus* *Cumæ*orum nobilis templum circumiens passerem aliasq, auiculas, quæ fortè in templo nidulabantur, è nidis exemisset, vox ex adyto audita tunc ad *Aristidicum*: *Hominum scelestissime, quanam libida te incescit, vt auderes meos supplices diriper e?*

I.

a. Lib. 13. de  
Repub. c.  
23. n. 11  
Quomodo  
rei educen-  
di ab Eccle-  
sijs.

E græco  
conuersum

II.

b. 21. c. fi  
quis. 17. q. 4  
c. Lib. 1.

## III.

Quinam  
non gau-  
deant im-  
munitate  
Eccles. ex  
constit.  
Gregorij 14

Exstat Constitutio *Gregorij XIV.* declarans quinam confu-  
gientes ad Ecclesiam immunitate gaudere non debeant, & quis  
modus seruandus in illis extrahendis. Disponit autem & laicis ad  
Ecclesias locaque sacra confugientibus, si fuerint publici latrones,  
viarumque grassatores qui itinera frequentata & stratas publicas  
obsident, ac viatores ex insidijs aggrediuntur: aut agrorum depo-  
pulatores: quiue homicidia aut membrorum mutilationes in ipsâ  
Ecclesiâ aut cœmeterijs committere non verentur: aut qui prodi-  
toriè alium occiderit, aut Assassini, aut hæresis aut læsæ maiestatis  
in persona ipsiusmet Principis rei, immunitas Ecclesiastica non  
suffragetur. Sed qui talia delicta commisisse videbuntur, quando  
à Curia Sæculari Episcopi fuerint requisiti, extrahantur, & ad  
carcerem Episcopi traducantur, nec sæculari Curia aut potestati  
consignentur, nisi Episcopus, aut ab eo deputatus, de crimine cog-  
noscat an verè tale sit: & tum demum tradentur de ipsius Episco-  
pi mandato. Et sæculares secus facientes incurrunt pœnas & cen-  
suras contra infractores immunitatis Ecclesiasticæ latas.

## IV.

d. Sess. 25.  
cap. 20.  
e. 21. Oct.  
1492.  
f. Lib. 3. de  
immunit.  
g. Lib. 3. c. 8.  
de virt. Re-  
lig.

Concilium *Tridentinum* d. etiam adhortatur omnes Reges  
& Principes, vt immunitatem Ecclesiasticam vel maximè com-  
mendatam habeant. Et exstat de eadem re vetus Epistola *Alexan-  
dri VI. e.* ad *Philippum* Archiducem *Austriæ*, Ducem *Saxoniæ*, &  
alios Principes. Legatur Ius Pontificium nouum *Francisci Zypri*  
Can. & officialis *Antuerp.* f. Scripsit idem Argumentum *Se-  
ares, g.*

## CAPVT XXV.

# TEMPLA NON ESSE DANDA HÆRETICIS.

## I.

Vigilius PP.  
vehemen-  
ter resistit  
Theodoræ  
vt Anthemi-  
us hære-  
ticus non  
restituatur.



ANNO Domini Io. lv. instabat vehementer *Theodora Au-  
gusta*, vt *Vigilius* Pontifex Max. *Constantinopolim* profici-  
scretur iuxta promissionē factam ante Pontificatū ad-  
eptum, & *Anthemiū* Patriarcham *Constantinopolitanū*, pulso *Mennâ*  
*Catholico*, restitueret. Quod cum se facturum negasset, nisi prius  
pœnitentiæ libellum daret, resipisceret ac satisfaceret; censere  
enim se quæ *Agapetus* & *Silnerius* contra *Anthemium* hæreticum  
egissent,

egissent, iure facta esse, & propterea eorum acta nullo modo esse rescindenda videri, assereretque malè promississe, & malè promissa nolle exequi. Irata *Theodora, Romanis* quibusdam adiuuantibus, *Vigilium* in iudicium vocat. At ferunt eum naui per *Tyberim* euectum in *Siciliam* fugisse: & inde *Constantinopolim* peruenisse. Vbi cum *Theodora* denuò instaret, vt, quod pollicitus erat, præstaret; tum ille, malle se quoduis supplicium pati, & millies mori velle, potius quàm hominem hæreticum, & à præcessoribus suis damnatum reuocare, & sententiam mutare, respondit. Et cum mulierum suis, qui aderant, minis instarent; ad *Diocletianum* se, non ad *Iustinianum*, quemadmodum arbitrabatur, venisse dicens, ita cæsus est, vt paululùm abfuerit, quin tunc occideretur. Fugiens itaque in templum *S. Euphemia*, quod haud procul aberat, inde à grassatoribus extrahitur, & iniecto in collum fune, tamquam latro per totam urbem vsque ad vesperam trahitur. Deinde carceri inclusus, pane & aquâ aliquamdiu ita patienter vixit, vt semper diceret, se etiam maiora meritum, si digna pro peccatis pœna irrogaretur. Clerici verò qui Pontificem sequuti fuerant, partim in exilium, partim ad rescindenda metalla deportati sunt. Verùm postea rogantibus *Romanis* omnibus, qui iam sententiam mutaerant, & instante etiam *Narsese, Vigilius* ipse atque exules omnes in libertatem remittuntur, & in patriam redeundi, cum vellent, libera copia datur. a.

*Valens* Imperator, fautor *Arianorum*, cum Ecclesiam quamdam, quæ *Christianorum* erat, *Arianis* tradidisset, vir sanctus *Basilus* Magnus Episcopus *Casariensis* non est veritus eum grauius increpare. Sublatis jurgijs eò deducta res est, vt fidei periculum facerent. Clauferunt itaque Ecclesiæ fores, ac vtrunque sigillo muniunt, decernentes, vt ad quorum precationem per se patefierent, illis eius possessio cederet. *Ariani* tres dies supplicationibus continuis in cassum orarunt. *Basilus* verò postquam precatus est, leui bacillo portas Ecclesiæ tetigit dicens; *Attollite portas principes vestras & eleuamini porta aternales, & introibit Rex gloria.* Et statim, ac si vocem iubentis sensu aurium, quas non habebant, percepissent, patuerunt, idcirco nemine refragante Ecclesia adiudicatur.

*Christiani.*

a. *Alfons. Ciacon. de vit. & gestis Pontif.*

II. *S. Basilus Valenti resistit, & Arianos superati*



b. Amphil.  
in vit. Bas.  
Pet. de Na-  
tal. l. 2. c. 28.

*Christianis*, plerique etiam *Arianorum* relicta hæresi fidelibus se-  
junxere, quod solis illis patere cæli aditum dicerent, ad quorum  
inuocationem sic aperiri Ecclesiæ aditum viderant. b.

## III.

S. Chryso-  
stomus im-  
pedit ne  
Gainæ Ari-  
ano Eccle-  
sia tradere-  
tur.

Circa annū Domini c. d. *Gainas* quidam nomine erat *Constan-*  
*tinopoli*, genere quidem *Celtus*, præter autem omnem modum bar-  
barus, militiæ *Romanorum* assuetus. Hic cum per gradus promo-  
tus esset, designatur tandem *Romana* militiæ equestris pariter ac  
pedestris dux: *Ariana* pestis velut sortito complex is erat. Quare  
ex ædibus sacris, quæ in ciuitate erant, ausus est vnam ab Impera-  
tore (*Arcadio*) deposcere attribuendam suæ hæreseos conforti-  
bus. Imperator autem respondet se de eâ re capturum consilium,  
pollicitus autem est eis principatum quemdam. Eam postulatio-  
nem accersito ad se eximio *Ioanni Chrysostomo* Episcopo *Constantino-*  
*politano* aperuit, simulque commemorat promissi potentatus, ty-  
rannydem insuper ab illo excogitatam subindicauit, hortabatur,  
vt dono quopiam præferocem barbari animum suffrænaret. Ad  
hæc respondit vir ille generosus: Ne tu ô Imperator, talia pollice-  
aris; tunè suadeas, vt sancta dem canibus istis? non enim feram  
eos è templo exigi, qui *DEVM* & sermonibus prædicant, & con-  
celebrant hymnis. Hisne iubes, vt dem templum Deo consecra-  
tum, qui ipsum incessunt ore blasphemio? Ne quid tibi, ô Impe-  
rator, malè metuas ab isto barbaro. Tantum est, vtrumque iube-  
to acciri, me, & illum. Tu quidem subausculta silenter quæ di-  
centur. Ego sanè illius infranabo linguam: equidem persuadebo  
tunc illum efflagitasse quod dare neuti quam expedit. Hisce audi-  
tis, Imperator exhilaratus animo est. Et quidem reposcebat ille,  
pollicitationem: Eximius autem *Ioannes* reclamabat postulationi;  
asserens nequaquam couenire Imperatori, nec esse rationi consen-  
taneum, vt quidquam moliri ausit aduersus ædes Deo consecra-  
tas, quippe qui constituit piè Deum colere. Illo autem respon-  
dente, sibi suisque oratorio esse opus, ait *Ioannes*: Nulli non ada-  
perta est domus *DEI*; ac proinde nemo cupientem orare & vota  
nuncupare prohibere potest. Ad hæc *Gainas*: Sed meum sodali-  
tium mecum expetit sibi concedi ædem vnam sacram, & valdè  
quidem iustè id dari postulo, quippe qui in gratiam *Romanorum*

tam multos exantiarim agones bellicos. Tuis hisce laboribus cumulationem reportas vicariam pensationem, ait *Ioannes*: Dux siquidem creatus es, simul & stolâ consulari redimitus: æquum fuerit, vt circumspectiùs ad mentem reuoces, quis olim fueris, quis contrâ nunc sis: ex quantâ rerum penuriâ emerferis ad præsentem opulentiam: quibus vsus fueris vestimentis priùs quàm trajece- res *Istrum*; & ea confer cum hoc quo ambitiosè ornaris amicu- lo. Itaque animo reputa & expende, quantâ præmia paucis tuis laboribus repensâ sint; & prouideto ne deprehendaris ingratus fuisse erga eos, qui te tanto honore cumularunt. Eximius hic Doctor orbis vniuersi, eiusmodi sermonibus os oppulauit *Gaius*, co- que adegit, vt eâ de re prorsus conticesceret, adeò vt *Arcadius* *Ioannis* sapientiam maximoperè admiraretur, quod breuium ver- borum compendio potuerit ad officium renocare & in ordinem redigere hominem cruentum adeò & immanem, illiusque os ad- uersus DEVM impudens & blasphemum obturare. Hactenus ille.

c. Quibus videas oculis, manibusque contingas illud Apostoli: *Arma militiæ nostræ non sunt carnalia, sed potentia DEO ad destru- ctionem munitiorum*, per ea enim non jura tantùm Ecclesiæ ser- uantur illæsa, sed ipsum quoq; imperium & leges publicæ defensiæ, custoditæque subsistunt à barbarorum ac tyrannorum hominum insultibus.

c. Georg.  
Alex. Ar.  
chiep. in  
vit. D. Chry-  
sost. Theod.  
l. 5 c. 32 Hist.  
Tripart. l.  
10. cap. 6.  
Baron. 10. 5

Plurimq; tentarunt hæretici *Catholicorum* Ecclesias sibi ven- dicare, sed eorum conatibus diuina obstiterunt miracula. Cùm ad *Spoletanam* urbem *Longobardorum* Episcopus *Arianus* venisset, & locum illic, vbi solemnina sua ageret non haberet, cœpit ab eius ciuitatis Episcopo Ecclesiam petere quam suo errori dedicaret, Quod dum valdè Episcopus negaret, idem qui venerat *Arianus*, *B. Pauli* Apostoli Ecclesiam illic comminus sitam se die altero vio- lenter intraturum esse professus est. Quod eiusdem Ecclesiæ custos audiens festinus cucurrit, Ecclesiam clausit, seris muniuit, facto autem vespere lampades omnes extinxit, seque in interioribus abs- condit. In ipso autem subsequenti lucis crepusculo *Arianus* Episcopus collectâ multitudine aduenit, clausas Ecclesiæ januas ef- fringere paratus, Sed repenti cunctæ simul portæ diuinitus con-

IV.  
Arianus  
Episc. cæci-  
tate puni-  
tus, quòd  
veller Ec-  
clesiam Ca-  
tholicam  
inuadere.

d. Greg.  
Dial. l. 2. c.  
29. Bellar.  
l. 1. de Christi-  
sto, c. 12.

cussæ, abiectis longius seris, apertæ sunt, atque cum magno sonitu omnia Ecclesiæ claustra patuerunt; effuso desuper lumine, omnes quæ extinctæ sunt lampades, accensæ sunt. *Arianus* verò Episcopus, qui vim facturus aduenerat, subitâ cæcitate percussus est, atque alienis manibus ad suum habitaculum reductus. *d.*

## CAPVT XXVI.

DE TEMPLORVM POLLVTIONE, ITA  
VT CONSECRARI RVRSVS DEBEANT:  
PER QVOS ACTVS FIAT?

## I.

Quomodo  
Ecclesia di-  
catur esse  
polluta?



ON hic loquimur de illis actibus, siue fortuiti sint, siue voluntarij, per quos templa aut Deo dedicata loca destruantur atque evertuntur, vt verbi gratia incendium, aut aliud excidium quamuis ex casu etiam execranda reddatur, hoc est, consecratio eius destruat, adeoque repeti debeat: non tamen illius benedictio, quæ solo siue pauimento adhæret, amittitur, vt notauit *Soarez*. *a.* Sed de illis actibus agimus in præsentibus, qui iure vetiti sunt in Ecclesiâ fieri, ac grauius sacrilegia censentur si fiant, ijsque Ecclesia polluitur, vt consecranda iterum veniat & expurganda.

a. Lib. 3. de  
statu relig.  
cap. 2. n. 4.

## II.

b. Cap. Pro-  
posuisti, de  
cons. Eccles  
primo.  
c. dicto cap.

d. Cap. Si  
Eccles. de  
consecr.  
Eccles.  
Secundò.

e. Victoria  
in Summa  
n. 99.

Tertiò.

Sunt autem tales actiones quinque. Primò vetitum est in Ecclesiâ homicidium: nam illo polluitur. *b.* Intellige autem de voluntario, & iniurioso, non de casuali, quod nec sacrilegium est, nec Ecclesiam polluit. Ad quod tamen suffecerit, si indirectè sit voluntarium; & ita tenent DD. cum *Panormitano*. *c.*

Secundò, prohibita est in Ecclesiâ sanguinis humani effusio. *d.* Intellige iterum de iniuriôsâ & voluntariâ effusione, non casuali, aut naturali, aut medicinali, aut quæ fiat in defensionem propriam. Et perinde est, an sanguis effusus attingat Ecclesiæ pauimentum, vel muros, an non. Non enim Ecclesia violatur per contactum sanguinis, sed per violentam effusionem, quam tunc censent, si sequatur percussione grauem, quæ ad mortale peccatum sufficeret. *e.*

Tertiò violatur Ecclesia per voluntariam humani seminis effusio-



effusionem, factam intra Ecclesiam, eamque illicitam quouis genere turpitudinis, ac publicam. Sub quâ non comprehenditur, quæ fiet iustâ ex causâ per actum conjugalem.

Quartò, si in Ecclesiâ sepeliatur fidelis, nominatim excommunicatus, aut manifestus percussor Clerici, tradunt omnes f. *ex cap. Consuluit.* eam pollui; immò addunt idem euenire, si Ecclesia ab Episcopo excommunicato consecratur vel benedicatur. Ita *Paludanus & Syluester. g.* *In dicto cap. Con. Quintò.*

Quintò, violatur Ecclesia, quando aliquis paganus vel infidelis in eâ sepelitur, vel sepultus jacet. *h. Per paganum autem & infidelem intellige etiam puerum ante Baptismum mortuum; est enim talis infidelis, saltem negatiuè. Addunt Syluester, & alij, hoc non procedere, si mulier fidelis prægnans in Ecclesiâ sepeliatur, cum puero ante partum. Verùm si puer ille viuat, ratione hominidij polluetur Ecclesia, non verò si in vtero mortuus fuerit, tunc enim per se non censetur sepeliri, sed per accidens cum matre.* *h. Ex cap. Eccles. 1. & 2. de cons. distinct. 1.*

Quinque hi casus etiam locum habent in Ecclesijs, etiam si non sint consecratæ, sed simpliciter benedictæ. Item in cœmeterijs, quæ proinde violantur violatâ Ecclesiâ, non tamen è conuerso. Quod iterum intellige de cœmeterio quod sit Ecclesiæ con-  
tiguum.

III.

Præter hos casus alius est suprà indicatus, quando parietes Ecclesiæ combüruntur, aut ita destruuntur, vt reâdicati eam oporteat, dummodo ipsi parietes simul ruant, vt in quibus potissimum fit consecratio, vnctio Chrismatis, &c. Colligitur ex *Cap. Ligneis. de consecr. Eccles. & cap. Ecclesijs. de consecr. dist. 1. & latè tractat Syluester verb. Consecratio. 2. dist. 4. Vide etiam de hoc argumentum Soarez. tom. 3. part. 3. dist. 81. sect. 4.*

## CAPVT. XXVII.

# ERRORS CIRCA TEMPLA, EORVMQVE ENODATIO.



Vogenera hostium habuerunt templa DEI. Vnum eorum qui ipsâ templa euertebant; non odio templorum, *I. Circa eorū structuram,* sed odio gentis, aut religionis. Aliud eorum, qui tem-

pla ipsa vel eorum aliquid oderant tamquam malum. Primi generis fuerunt *Nabuchodonosor*, a. *Antiochus*, b. *Pompeius*, *Cassius*, *Titus*, c. qui templum *Salomonis* vel incenderunt, vel profanarunt, non odio templi, sed gentis.

a. 4. Rég. vlt. b. 1. Mach. 10. c. Ioseph. 14. Antiq. & 7. de bello. Tacit. lib. 21. D. Aug. l. 18. de Cin. Dei c. 45.

## II.

*Christianorum* Ecclesias *Diocletianus* iussit omnes solo æquari, non odio templorum, sed religionis *Christiane*. d. Idem facere voluisse *Julianum* scribit *S. Hieronymus*. e.

d. Euf. lib. 8. cap. 1. histor. e. Epist. ad Ripar.

*Ariani* quoque & *Donatista* templa *Catholicorum* profanabant & spoliabant, non odio templi, sed religionis. f.

f. *S. Athanas.* in apol. *Theodoret.* lib. 4. c. 19. *Optat.* l. 6. cont. Par.

g. Lib. 20. apud *Augustinum* g. obijcit *Catholicis*, quod haberent templa & altaria more *Gentium*, & *Iudeorum*. cap. 3. & 4.

h. Lib. de crabantur, & solum in suis domibus orare volebant DEVM, vt. 100. hæres. refert *Damasceus*. h.

i. Lib. 2. hist. Eodem ferè tempore *Eustathius* templa omnia & præcipue Martyrum detestabatur, teste *Socrate*, i. & in priuatis domibus conuenticula fieri volebat. *Petrobrusiani* templa destruebant, novaeque templorum fabricas irridebant. k. cap. 33. k. In vit. S. Bern. l. 3. c. 5.

Idem docuerunt postea *Albigenses*, vt refert *Bernardus Luzemburgensis*. l. Idem docuerunt *Waldenses* apud *Claudium Confordium*. m. Idem *Wiclefista*. n. Idem *Taborite*. o. Idem *Anabaptista Transylvani*. p.

l. in Catalogo. m. Lib. cont. VValdens. cap. 6. n. Thom. VValdens. tom. 3. tit. 17. & 22. o. *Aeneas Syl.* c. 35. de Orig. Boem. p. in antithesibus. an. 1568.

## III.

q. Isa. 66. Ceterum conuincunt illos testimonia euentia S. Scripturæ; Dei ipsius inprimis dicentis: q. *Cælum mihi sedes est, terra autem scabellum pedum meorum, & quam domum edificabitis mihi?* Et de templo manufacto inquit *Christus*: r. *Auferte ista hinc, & nolite facere domum Patris mei domum negotiationis.* Iterum: s. *Domus mea, Domus orationis vocabitur.*

DEVS

DE vs igitur vnus & idem in vtroque Testamento approbat templa in quibus adoretur, & non approbat templa, quibus putetur includi: quomodo idola, id est, Dij Gentium verè in templis continebantur, nec inde poterant exire, nisi qui eos affixerant parietibus, inde detrahere & asportare vellent. Multa in huius confirmationem diximus suprà capite de Templorum antiquitate.

*Lutherani & Calvinista* admittunt templa, sed solùm ad concionandum & Sacramenta ministranda; reprehendunt autem, quòd fiant templa ad orandum, quòd in honorem Sanctorum, quòd consecrentur certo ritu, quòd magnis sumptibus ornentur. Nam *Magdeburgenses* 1. multa dicunt contra ritus consecrandi Ecclesias. Iterùm, 2. reprehendunt *Catholicos*, quòd ingentibus sumptibus fabricent Ecclesias, easque in martyrum honorem.

*Ioannes Calvinus* 3. reprehendit ornatum templorum ex auro, argento, serico, lapidibus pretiosis, &c. Rursus 7. ornamenta templorum solùm esse vellet concionem, & Sacramenta. Item dicit, 8. templa quidem erigi debere ad communes preces fundendas, sed non esse putandum vllam inesse templo sanctitatem.

Verùm contra horum errores latè *finis Templorum* prosecuti fuimus peculiari capite; Item *ritum consecrationis, ornatum tam interiorem, quàm exteriorem*, aliaque eò facientia.

De oratione in templo magis efficaci, quàm extra illud, infra nonnulla dicemus. Nunc Templa ad conciones erigi, contra *Anabaptistas* probabimus.

Probat id primùm *Christi & Apostolorum exemplũ*, vt nihil dicamus de veteri Tabernaculo & Templo, vbi lex populo proponebatur; qui quamuis interdum datà occasione in varijs locis verbum DEI seminarent, tamen ordinariè in templo vel synagogis, quæ erant eius temporis Ecclesiæ, id faciebant. Vnde Dominus sic ait: a. *Quotidie apud vos sedebam docens in templo, & non me tenuistis.* Iterum: b. *Ego palàm loquutus sum mundo, ego semper docui in Synagogà, & in templo, quò omnes Iudæi conueniunt, & in occulto loquutus sum nihil.* Angelus educens Apostolos de carcere, dicit illis: c. *Ite, & stantes in templo loquimini plebi omnia verba vite*

IV.

Errores circa finem templorum  
t. Cent. 4.  
cap. 6.  
u. In præf. Cent. 6.  
x. Præfat. Instit.  
y. Lib. 1. c. 11. §. 13.  
z. Lib. 3. c. 20. §. 30.  
V.

VI.

a. Matth. 20.  
b. Ioan. 18.

c. Act. 4.



d. Ibid. 13. *huius; qui cū audissent, intraverunt diluculo in templum, & docebant: Iterum: d. Paulus & Barnabas missi ad prædicandum, primum intrant in Synagoga, & ibi prædicant.*

Quin primi *Christiani* habiterunt Ecclesias à domibus distinctas, ut patet ex *Paulo: e. Convenientibus vobis in Ecclesiam, audio scissuras esse inter vos. At quòd ista Ecclesia non esset priuata domus, patet ex sequentibus: Numquid domos non habetis ad manducandum & bibendum, aut Ecclesiam Dei contemnitis? Et rursus: Si quis esurit, domi manducet, ut non in iudicium conveniatis. Et in alio loco: f. Mulieres in Ecclesijs taceant, si quid autem volunt discere, domi viros interrogant.*

## VII.

g. Lib. 10. *Refert Antiochia Petro prædicante conversam fuisse Theophili domum in Ecclesiam, ibique Petro cathedram constitutam, unde doceret populum. Philo, h. quem citat Eusebius, i. scribit, primos Christianos in omnibus locis constituisse ædes sacras ad mysteria celebranda, & sacros libros legendos. Iustinus k. dicit, Christianos die Dominico in vnum certum locum omnes convenire ad verbum, & Eucharistiæ communicationem. Tertullianus antiquissimus Latinorum l. expressè meminit sacre ædis ad quam Christiani conveniebant. Cyprianus m. arguens mulieres opulentas, quæ in Ecclesiam sine oblatione veniebant, In Dominicam, inquit, sine sacrificio venis, & partem de sacrificio, quod pauper obtulit sumis. Vbi Dominicam Ecclesiam vocat, quia domus illa sacra. Domini palatium est.*

## CAPVT XXVIII.

RITE AC LICITE CONSTRVI  
TEMPLA AD HONOREM SANCTORVM,  
CONTRA LVTHERANOS ET CAL-  
VINISTAS

## I.

a. Epist. ad  
Episc. Armeniæ.



b Can. 20, c. Can. ult,

Oncilium Gangrense a. damnat *Eustathium* tamquam contemptorem Basilicarum S S. Martyrum. Idem b. sicut & *Cablonense* c. nominat *Martyrum Basilicas.*

Conci-

Concilium *Carthaginense V. d.* vetat, ne ædes ulli Martyri ædificentur, nisi ibi sit aut corpus, aut aliquæ eius reliquæ, aut ibi martyr habitauerit; aut certè in eo loco passus sit; aliquid enim horum requiritur, vt Memoria Martyris dici possit aliquisocus.

Præterea Patres idem docent, ac primùm Græci. *Cyillus e.* meminit Ecclesiæ Apostolorum erectæ in *Hierosolymis* in loco vbi Spiritus sanctus descenderat. *Athanasius f.* nominat templum *S. Quirini*. *Basilius g.* in ipso principio vocat sacrum Martyrum templum. *Nazianzenus h.* scribit, *Gallum*, & *Julianum* ædem sacram *Mama* martyri ingentibus sumptibus erigere cœpisse; & laudat *Gallum*, quia ex amore sincero id faciebat.

*Gregorius Nyssenus i.* multa dicit de templo *Theodoro* martyri dicato. *Chrysostomus k.* *Ad veras*, inquit, *regias Ecclesias dico, & oratorias ades, & martyrum templa, &c.* Alibi dicit *l. Constantinum* post mortem factum janitorem piscatoris, quia sepultus erat pro foribus basilicæ *S. Petri* apud *Constantinopolim*. *Theodore-tus m.* templa olim idolorum, nunc Martyrum esse dicit. *Eusebius n.* dicit, templum pulcherrimum *Constantinopoli* Apostolis à *Constantino* erectum. *Sozomenus o.* meminit templi *S. Thome*, quod erat *Edeffe*. *Socrates p.* meminit Ecclesiæ Apostolorum. *Enagrius q.* meminit templi *S. Euphemie*. Item *r.* templi *S. Thecle* amplissimè à *Zenone* exstructi. *Nicephorus s.* meminit templi *S. Basilici*. *Damasceus t.* asserit templa in Martyrum memoriam ædificanda.

Denique extat liber *Procopij* de ædificijs *Iustiniani*, vbi plurima templa Martyrum, aliorumque Sanctorum enumerat. Ex *Latinis* *Ambrosius u.* *Ortus* inquit, *est sermo de basilicâ, quam condidit, Apostolorum nomine dedicandâ*. *Hieronymus x.* *Ingredere*, inquit, *Basilicas martyrum, & aliquando purgaberis*. Ibidem, & in Epistolâ præcedente, & alibi passim meminit Basilicarum Apostolorum & Martyrum. *Gaudentius Ambrosij* æqualis: *y.* *Vt venerandas SS. reliquias haberemus, DEVS noster tribuit; deinde vt hanc honori eorum fundare basilicam valeremus, ipse largitus est, &c.* *Augustinus z.* meminit Basilicæ *S. Felicis*: *In beatissimi*, inquit, *Felici-*

II.  
e. Catech. 16  
f. Epist. ad solitar.  
g. In Psa. 114.  
h. Orat. 1.  
in Julian.  
i. Orat. in Theod.  
k. Hom. 28.  
ad pop.  
l. Hom. 66.  
m. Lib. 8.  
ad Græcos.  
n. Lib. 4. de vit. Const.  
cap. 58. 59.  
& 60.  
o. l. 6. c. 18.  
p. l. 1. c. ult.  
q. Lib. 2. c. 3.  
r. l. 3. c. 8.  
s. l. 3. c. 37.  
t. l. 4. c. 16.

III.

u. Epist. 5. lib. 1.  
x Lib. cont. Vigilant.  
y. tract. de dedic. Ecclæs.  
z. Lib. de curâ pro mort,

a. Lib. 1. c. 1. de Ciuit. Dei. *cis basilicâ poneretur &c.* Et alibi: a. *Testantur hoc*, inquit, *Martyrum loca, & Basilica Apostolorum, &c.* Rursum: b. *Populus Christianus memorias Martyrum religiosâ solemnitate concelebrat.* Item, c. *Sed hoc videtur dolere, quod memoria Martyrum nostrorum, templis eorum delubrisq; succederent.* Auctor libri de Ecclesiasticis dogmatibus: d. *Martyrum Basilicas deuotè adeundas dicit.* Paulinus e. *dicit se optare vt possit seruire S. Felici in eius basilicâ purgandâ, & custodiendâ:*

d. Capi. 73.  
e. Nat. 1. S. Felic.

*Et foribus seruire tuis, tua limina manè  
Munditie/curare fines, & nocte vicissim  
Excubijs seruire pijs, & munere in isto  
Clandere promeritam defesso corpore vitam.*

f. Lib. 1. *Victor Viicensis f. scribit, apud Carthaginienses duas amplas basilicas S. Cypriani fuisse.* Gregorius g. *scribit, à S. Benedicto in monte Cassino duo sana Apollinis versa in oratoria sanctorum, vnum Martini, alterum Ioannis.*

g. Lib. 2. dial. c. 8.  
Antiquit. templ. Sanctis dedica-  
ta.

Liber Pontificalis testatur, *Siluestrum* dedicasse Basilicas à *Constantino* exstructas, vnam *Petro*, alteram *Paulo*, tertiam *Ioanni*; quartam *Laurentio*, & alias. *Liberium B. MARIE*; *Damasum* aliam *S. Laurentio*; *Innocentium SS. Gernasio & Protasio*, *Sixum B. Mariae*, & *S. Laurentio*; *Leonem, S. Cornelio*; *Gelasium S. Euphemie*; *Symmachum S. Andrea*; *Ioannem I. SS. Philippo & Iacobo*; *Pelagium II. S. Laurentio*, *Gregorium S. Agatha*; *Bonifacium IV. MARIE & omnibus Sanctis.* Qui omnes Pontifices ante mille annos floruerunt.

IV.  
Quid nomine Reliquiarum intelligatur?  
h. Lib. 1.

Porro obseruandum hoc loco, nomine reliquiarum non solum intelligi ossa & vestes, sed etiam loca vbi Sancti passi sunt, vel vbi habitauerunt, aut aliquid præclare gesserunt. Et hoc modo exstructæ fuerunt *Cypriano* duæ Basilicæ, teste *Victore*, h. vna vbi passus erat, altera, vbi jacebat corpus eius. Similiter hoc modo exstructæ sunt multæ basilicæ *B. MARIE*, vel *Angelis*, in locis, vbi apparuerunt, vel miracula aliqua ostenderunt.

V.  
Per imaginem & solum nomen. §.

Addo etiam posse erigi basilicas ad Sanctorum memoriam, conseruandam per imaginem, per ipsum solum nomen. Nimirum potest erigi basilicâ *S. Petre*, vt qui ingrediuntur, admoniti imagine



imagine ibi depictà, vel ipso templi nomine, recordentur *S. Petri*, eumque in eo loco tamquam patronum colant & deprecentur.

Secundò, distinguendum inter templum & basilicam. Nam sacra ædes propriè *templum* dicitur, quatenus erigitur ad sacrificia; eadem sacra ædes dicitur basilica, quatenus erigitur ad ornatum sepulchri alicuius Sancti, & commoditatem visitantium eiusmodi reliquias. *Basilica* enim non dicit relationem ad sacrificia; nam etiam Regum palatia dicuntur Basilicæ, vt patet in libro *Heister*; i. immò ea palatia propriè dicuntur *Basilica*, & inde nomen translatum est ad Martyrum ædes significandas.

*Augustinus* clarissimè testatur, templi erectionem esse cultum Iatriæ, soli Deo debitum; *k.* idemque *Augustinus* coniungit templum cum altari & sacrificio, *l.* docens, cui conuenit vnum eorum, & alia conuenire, & contrà, & tamen in ijsdem locis factetur, memorias rectè Martyribus ædificari; & præcipuè locus ille notandus est, *m.* vbi sic ait: *Nos autem Martyribus nostris, non templa sicut dijs, sed memorias sicut hominibus, quorum apud Deum viuunt spiritus, fabricamus.* Et numquam *Augustinus* dicit templa Martyrum: & tamen passim dicit *Basilicas Martyrum*: quod etiam in alijs *Latinis* Patribus obseruare licet.

Porro *Græci* dicunt quidem templa Martyribus fabricari, vel dedicari, vt patet ex *Basilio*, *n.* vbi vocant, *ἱερὸν τῶν μαρτύρων*, & similiter loquuntur *Nysenus* & alij. Tamen certum est eos intelligere materialiter, id est, domum illam, quæ dicitur templum, fabricari Martyribus, non tamen sub ratione templi, sed basilicæ ad ornandam memoriam ipsorum Sanctorum.

CAPVT XXIX.

ERRORES CIRCA CONSECRATIONEM, ORNATVM, FORMAM TEMPLORV; ITEM CIRCA ORATIONEM

IN TEMPLO FACIENDAM.



*Agdeburgenses a.* tria in dedicationibus reprehendunt. Primò, quòd templa à nobis cum ingenti latitià & celebritate dedicentur; quod ortum esse dicunt.

ria conseruatur in templis.

VI. Differentia inter templum & Basilicam.

i. Cap. 5.

VII.

k. Lib. 1. cont. Max. & lib. cont. ser. Arianor l. Lib. 8. de ciuit. Dei, cap. vlt. m. Lib. 22. de ciuit. Dei, cap. 10.

n. In Psal. 114.

I.

a. Cent. 4. cap. 6. Quæ Magdeburgenses in dedicatione templorum reprehendant. Primò esse speciem ludisim.

ἐκ κακοθυλίας *Judaismi*, & esse rursus introducere *Judaismum* in Ecclesiam.

Secundò  
superstitio-  
nis ob tot  
cæremoni-  
as.

Secundò, quòd vtamur tot cæremonijs in consecratione templorum; nam præter alias, quædam sunt, quæ non videntur posse excusari à superstitione & Magiâ. Nam primò pinguntur duodecim cruces, & ante singulas accenduntur singulæ lampades; deinde pulsatur templum & aperitur; tum describitur in pavimento cinere consperso Alphabetum *Græcum* ab vno Angulo ad alium, ita vt inde crux fiat: tum fit mixtura ex aquâ, vino, sale & cineribus, & inde aspergitur templum; ac demùm templum & ara Chrismate inunguntur.

Tertiò.  
Non esse  
sanctiora  
alijs locis.  
b. Lib. 3. In-  
stitut. c. 20.  
§. 30.

Tertiò, arguunt, quòd putemus templa esse loca sanctiora ceteris: quod etiam reprehendit *Calvinus* b. Verùm cum his erroribus & opinionum figmentis abundè satisfactum sit in superioribus, vbi de templorum dedicatione, & cæremonijs disseruimus, transitum faciemus ad errores alios.

II.  
Circa orna-  
tum.

Ornatum templorum reprehendunt, tam veteres *Petrobrusiani*, & *Wiclefista*, quàm etiam *Lutherani* & *Caluinista*. At pro *Catholicorum* in hac re pietate plura antiquitatis testimonia & exempla adducta sunt superioribus capitibus, vbi fusè de ornatu tam externo quàm interno agitur.

III.  
Circa for-  
mam.

Reprehendunt quoque hæretici passim Templorum nostrorum formam, quòd scilicet in tres velut distinctas mansiones eam partiamur, & ad orientem eadem conuertamus. Sed partim ex fabricâ veteris templi quod nostrorum typus erat; partim ex vsu primitiue Ecclesiæ, & rationibus quas pro eodem produximus, suprà, facilè vterque hic error conuellitur.

IV.  
Circa ora-  
tionem in  
templo fa-  
ciendam.  
c. Lib. 3. In-  
stitut. cap. 20.  
num. 30.

Denique omnes Hæretici huius temporis, negant Ecclesiam ad orandum institui oportere, quasi oratio sit efficacior vno loco, quàm alio: cum *Christus* iusserit orantes intrare cubiculum, & *Paulus* viros velit in omni loco orare. *Cauendum est*, ait *Calvinus*, c. ne secretam, nescio quam, templis affingamus sanctitatem, qua sacratiorum apud Deum orationem reddat. Vera enim Dei templa cum simus ipsi, in nobis oramus oportet, si in templo sancto suo Deum volumus inuocare. Illam verò crassitiem *Judaïs* aut *gentibus* relinquamus, qui præceptum

*praeceptum habemus de innocando citra loci discretionem, in spiritu & veritate Domino. Sic Caluinus.*

Sed hæc *Massilianorum* vetus etiam hæresis fuit, qui teste *Damasceno*, d. ceteris suis hæresibus adiciebant templorum, & ararum contemptum, & quod spirituales viri contenti esse deberent precibus quas in sacellis & oratorijs priuatis explerent.

Similis quoque illius magni schismatici *Ieroboam* vox erat, cum peccare fecit *Israel*, vt commemorat *Iosephus* : e. *Viri*, inquit, *populares*, notum vobis existimo quod nullus locus Deo est vacuus, & quod is nullo certò loco includitur, sed ubique vota exaudit, ubiq; cultores suos respicit.

Sed contra hanc imposturam apertè sunt sequentia. *Salomon* affirmat f. templum factum esse, vt sit locus orationis, & petit à Deo, vt quicumque ibi orauerit, exaudiat. Deus apparet *Salomoni* pollicetur ita futurum vt ille petierat. g. *Anna* precaturam Dominum ad Tabernaculum accedit vbi erat arca, ibique orans exaudita est. h. *Dauid* precaturus perrexit ad tabernaculum, & cōgram arcæ Domini orare cœpit. i. At certè nisi putasset, ibi Dominum magis esse præsentem, & facilius orationem exaudiri, domi suæ mansisset. Idem k. voluit ire ad tabernaculum Domini in *Gabaon*, vt oraret pro auertendâ peste à populo, sed non præualuit nimio timore perterritus, ideò in ipsâ *Hierusalem* extruxit altare.

*Daniel* oraturus, quia non poterat ingredi templum, in *Babylone* existens captiuus, saltem apertâ fenestrâ orabat ad eam partem conuersus, vbi fuerat templum Domini l. *Anna* filia *Phanuelis*, non discedebat de templo, ieiunijs & obsecrationibus seruans, nocte & die. m.

*Publicanus* in templo orans iustificatur. n.

*Petrus & Ioannes* ascendeabant in templum ad horam orationis nonam. o.

*Eunuchus Regina Ethiopum* venerat adorare in *Hierusalem*. p.

His omnibus accedit testimonium *Isaie*, q. vbi per illum. dicit Deus domum suam domum orationis; eoque epitheto rursus

Bb 2

o. Eunuchi. p. Act. 8. q. Cap. 56.

V.

d. Hæ. 80.

c. Antiq. lud. l. 8 c. 3.

VI.

Exempla Salomonis. f. 3 Reg. 8. 2. Paral. 6. g. 3. Reg. 9. h. 1. Reg. 1. i. 2. Reg. 7. k. 1. Paral. 29. Annæ Samuelis, Dauidis.

Danielis. l. Dan. 6. Annæ Phanuelis. m. Luc. 2. Publicani. n. Idem 18. Petri & Ioannis.

o. Act. 3. Isaïas & Christus. plū domū orationis vocant.



r. Matth. 21.

utitur *Christus* r. dicens: *Domus mea domus orationis vocabitur*, id est, templum meo cultui consecratum primariò ad orationem institutum est, ideoque ab hac meritò nomen sortitur.

## VII.

Tabernaculum ad orandum Deum erectum.

s. Cap. 7.

Certè Tabernaculum à *Moyse* in deserto erectum, templum à *Salomone* Deo vero exadificatum manifestè hoc demonstrant; ubi sacrificare, orare, Deum inuocare Sacerdos cum populo & populus cum sacerdote debebat. Quod cùm non fieret, profanari suam domum Deus per Prophetas conquestus est, ut apud *Ieremiam*: s. *Numquid spelunca latronum facta est domus ista, in qua inuocatum est nomen meum?*

## VIII.

Christus Eucharistià in domo instituit.

Est autem singulariter notandum, quòd cùm *Christus* Dominus cruentam oblationem (quæ semel erat facienda) sub dio faceret; sui corporis oblationem, quæ in alterius memoriam perpetuò renouanda erat, non nisi in domo constituit: cuius etiam figura, agni paschalis manducatio, non nisi in domibus, vel tabernaculis, vel demùm in templo fiebat.

Exemplum Apostolorum.

t. de Doct. Christi, l. 3. cap. 6.

Apostoli ipsi qui verba *Christi* optimè intellexerunt, quum adhuc templa *Christianorum* propria non essent, ipsum *Indaicum* templum orationis causâ petiuerunt; ut de *Petro* & *Ioanne* antè diximus. Quare notat *Augustinus*, t. quòd tam Apostoli quàm alij primi credentes in templo veteri Deo seruiebant.

## IX.

D. Iacobi.

Notum est *D. Iacobum* Apostolum & Episcopum *Hierosolymitanum*, multis annis post *Christum* in ipso templo *Indaico* assiduè precibus *DEVM* coluisse, utpote cui soli concessum erat in Sancta Sanctorum ingredi, & cuius tanta fuit in templo orandi assiduitas, ut genua eius callum obduxerint, teste totà antiquitate. D. quoque *Ioannes* Apostolus, ita deuotè & assiduè in templo orabat, ut vltimà jam senectute per discipulorum manus ad Ecclesiam deferri solet, teste *D. Hieronymo*. u.

S. Ioannis.

u. In Catalog. viror. illustr.

## X.

Isti Sancti illud *Christi* præceptum de adorando *DEVM* in spiritu & veritate sic intellexerunt, ut loci tamen discretionem contra *Calvinum*, & Templi frequentationem probarent: nec crassitiam Iudaicam, sed pietatem Christianam esse iudicabant, *DEVM* in templis consecratis orare. Quis enim *Christianus* ad Ecclesiam non pergat sollicitè sanus & robustus, quò tantus Apostolus *Io-*

annes deferri voluit decrepitus & semimortuus? *Eusebius* x. te- x. Lib. 3.  
statur ex *Philone*, primos *Christianos* singulis panē locis ades con- hist. c. 7,  
struxisse, quas orationi consecrabant, qui mos ab Apostolis ema-  
nauit, & ad mundi finem perdurabit.

Deinde templum vocatur *domus DEI*, & dicitur in eo Deus XI.  
habitare, quia in templis, tamquam locis eius cultui consecratis, Cur voce-  
ideoque ei magis acceptis, preces suorum facilius exaudit, quā tur Domus  
in alio quouis loco, ceteris paribus, id est, si pari pietate, studio, Dei.  
fide, ( quas virtutes ipsa loci circumstantia, & ea quæ in templis  
aguntur, plurimum excitant atque confirmant ) *Deus* illic in-  
uocetur.

Præter eam præsentiam quā vbique est, adest ordinariē ipse  
mediator noster in Eucharistiæ Sacramento, quod non parum au-  
get fiduciam nostram, & religiosæ menti reuerentem timorem. y. Hom. 36.  
incurrit; nam ubi est *Christus*, inquit S. Chrysostomus y. in Eucha- in epist ad  
ristia, ibi etiam non deest *Angelorum frequentia*: ubi autem est talis Corinth.  
Rex, & tales Principes, ibi est cæleste palatium, & cælum ipsum. XII.

Observatione dignum quoddā olim *Salomon* in suo templo æ-  
dificauerit atrium, cuius vniuersa fabrica speciem referebat Leonis,  
vt quæ versus Orientem latior erat, quā versus occidentem. Leo  
autem pectore latior est, quā tergo. Eamque ob causam *Rabbini*  
*Hebraorum* dicunt toti operi inditum nomen *ARIEL*, quod inter-  
pretantur *Leonem DEI*: quia in eo loco *Deus* se leonem, id est,  
potentissimum demonstrabat, vt intelligeret populus, templum  
maximā cum fiduciā orationis causā frequentandum, vnde nimi-  
rūm *Deus* aduersus hostes ipsius tam visibiles quā inuisibiles in  
campis prodiret; quod disertis verbis ab *Isaiā* traditum: *Quomodo*  
*si rugiat leo, & catulus leonis super prædam suam: sic descendet Domi-*  
*nus exercituum, vt prælietur supra montem Sion, & collem eius.* XIII.

*Deus* porro in templis facilius exaudire, & piorum preces, Cur Deus  
ceteris paribus, magis in Ecclesiā quā in domo cuiusque, Deo in templis  
placere, magis viles ac salutares esse, SS. Patres, ac doctissima Ec- facilius ex-  
clesiæ lumina crediderunt & docuerunt. S. Chrysostomus x. sic audire di-  
scribit, & nostri temporis hæreticos, vel etiam frigidos *Catholicos* catur?  
doctissimè coarguit. O frigidam excusationem, quam à compluribus z hom 3. de  
incomp.

reddi Dei natura.

reddi audio! Orare vel domi possumus, dicunt: sed homiliam doctrinamq; audire non nisi in Ecclesiâ possumus. Te homo decipis, & magno in errore versaris. Nam etsi & domi quoque orandi datur facultas, fieri tamen non potest, ut domi tam benè ores quàm in Ecclesiâ, ubi tot patres, ubi clamor felici societate excitus, ad Deum immortalem referatur. Non pariter exoras cum Dominum solus obsecras, atque tuis cum fratribus. Et paulò post: Tempore illo (tempus oblationis & sacrificij dicit, quo Christi corpus & sanguis consecrantur) mi frater charissime, non solum homines clamorum illum terribilem reddunt, sed etiam Angeli Domino genua flectunt, & Archangeli rogant: habent sibi tempus idoneum, habent sacram oblationem in fauore. Hæc ille. Duas causas affert cur in templo orationes factæ plus valeant apud

**Caussa prima.** DEVM. Vna est propter coniunctas plurium fratrum orationes, quod paulò post confirmat exemplo primorum credentium, qui pro Petro in vinculis solliciti communes preces faciebant: & exemplo Pauli qui Corinthios rogat, ut pro eo simul ac communiter orent. a. Altera est, propter sacrificij & oblationis in Missâ præsentiam. Multò etiam vehementius (ait Petrus Abbas Cluniacensis doctissimus contra Henricianos) ad admirandum atque amandum Christum accendit eius demonstrata præsentia, quàm prædicata absentia.

**XIV.**  
b. Serm. 3.  
de ieiun. 7.  
mentis.  
Tertia,

Tertiam adhuc causam adfert D. Leo Magnus, b. cur plus valeant publicæ in Ecclesiâ orationes, quàm domi privatae. Nempe quia ex obedientia & præcepto Ecclesiæ fiunt. *Diuiinarum*, inquit, *reuerentia sanctionum inter qualibet spontanea obseruantia studia semper habet priuilegium suum, ut sacratius sit quod publicâ lege celebratur, quàm quod priuatâ institutione tenetur.* Hæc ille, de ieiunio quidem: sed de oratione quoque publicâ, quæ ieiunio publico semper coniuncta fuit, etiam hoc sensisse dubitari non potest. Porro certo certius est, idcirco diaboli astu à templis orandi causâ adeundis multos auocari, ne opus publicæ cuiusdam obedientiæ faciant, loca & horas orandi constitutas obseruando.

**XV.**  
Quarta.  
Præsentia  
Angelorum  
in templis;

Quartò, sunt in Ecclesiâ præsentés Angeli, yti paulò antè tetigimus; qui preces nostras deferant ante conspectum diuinæ maiestatis, quomodo eos Tobia seniori, & Cornelio fecisse clarum est.



est. *Vbi Rex, ibi curia*; quod & figuratum in loco illo, vbi Iacob erexit lapidem in titulum in symbolum Ecclesiæ, & exclamauit: *O quam terribilis est locus iste!* aduersus illos, videlicet, qui reuerenter & deuotè eum non frequentant. *Verè Dominus est in loco isto*: & vidit in eodem Scalam erectam ad cælos extensam, & per eam ascendentes & descendentes Angelos; quo significabatur in Ecclesijs consecratis (jam enim lapidem *Iacob* oleo inunxerat) esse continuum Angelorum ascensum & descensum: cum vt opera & preces nostras deferant, tum vt beneficiorum cælestium charismata reportent, & tueantur eos, quorum protectioni assidue incumbunt.

Quintò, ipse locus deuotionem auget, immò mouet; omnia namque in templis *Catholicorum* orationi & deuotioni accommodata reperies, abest inprimis omnis obambulatio, strepitus, negotiatio, quæ Ecclesijs, (pro dolor!) aut conuenticulis hereticorum communia sunt, vt nunc fori, nunc peristylij, nunc negotiationis & officinæ formam induant: adest nitor & ornatus non vulgaris, quem populi zelus & diuini cultus feruor adhibet; Altaria quæ sunt velut aræ sacræ in quibus salutis nostræ auctor immolatur pro viuis & defunctis: tabulæ, mysteriorum diuinorum, aut sacrorum exemplorum imagines preponentes: Sanctorum etiam reliquiæ, immò parietes ipsi, Deo dicati, pietatem spirant & prouocant, dum nunc *Christum* in cruce extensum, flagellatum, coronatum, pœnitentibus obijciunt: nunc *Laurentium*, *Stephanum*, *Agnetem*, infanda sustinentes pro veritatis defensione, ostendunt infirmioribus in fide: nunc obduratis *Magdalenam* lacrymantem: rapacibus & auariz *Zacchaum* ablata restituentem: superbis *Maria* humilitatem, & *Centurionis* reuerentiam: desperabundis, *latronis* in cruce pendentis supremam salutem: alijs alia oculis opponunt.

Plura pro hoc argumento tam fecundo, reperiet Lector apud R. Cardinalem *Bellarminum*, c. & fusè in gratiam concionatorum apud *D. Laurentium Beyerlinck*, d.

XVI.  
Quinta,

c. Lib. 3. de  
cultu SS. c.  
4. tom. 2.  
Contro-  
uers.  
d In Prom-  
ptu. Morali  
to. 3. in de-  
dic. Ecclesiæ  
textu. 31



# SYLLABVS SANCTORVM QVI IN TEMPLIS PRO FIDE VEL IUSTITIA, AVT PIETATE GLORIOSE OCCV-

BVERVNT.

1.  
a. Matth. 23.



ACHARIAS filius *Barachia*, testante *Christo IESV* Salvatore nostro, a. inter templum & altare occisus est.

2.

S. MATTHEVS Apostolus & Euangelista, cum in interiore *Ethiopia* progressus, horridos *Ethiopes* ac nudos candido immaculati Agni vellere vestiuisset, atque missione à Synaxi populo facta, ad altare Martyrij coronam adeptus est: regnans modò cum *Christo* in calo, qui apud *Capharnaum* sedit in telonio. b.

b. Breu.  
Rom. Hip.  
pol. de A-  
post.

3.

S. THOMAS Apostolum lanceis in Ecclesià confossum, perhibent nonnulli, vnde instrumentum passionis eius, simul cum corpore, in peruetusta Ecclesia inuentum tradunt *Hieronymus Ose-*  
*rius c. & Io: Petrus Massenius.*

e. Hist. Ind.  
lib. 3.

4.

S. STEPHANVS Papa & Martyr, in persecutione Valeriani, dum *Missa sacrificium* perageret, superuenientibus militibus ante altare intrepidus & immobilis cœpta mysteria perficiens, in sede suâ decollatus est, inquit Martyrologium Romanum. d.

d. 2. Augu-  
sti.

5.

S. AVTONOMVS Episcopus, in *Bithyniâ* à furentibus Gentilibus, dum sacra mysteria perageret, ad altare mactatus, hostia *Christi* effectus est. Martyrol. Rom. XII. Sept. Sur. tom. 5.

6.  
e. In Chron.  
August.

S. NARCISVS Episcopus *Gerundensis, Augustanorum* Apostolus, in altari tribus vulneribus confosus, Martyr occubuit, vt fusiùs alibi descripsimus. e.

7.

S. STANISLAVS Episcopus *Craconiensis*, à *Boleslao* impio *Polonia* Rege, quòd illius notam libidinem publicè arguisset, & à fidelium communione remouisset, hostiam immaculatam ad altare offerens, necatus est. Auctor est *Ioannes Longinus. f.*

f. S. S. S.  
tom. 3.

8.

B. CAROLVS, cognomento Bonus, inclytus *Flandriæ* Comes, cum *Brugis* coram altari S. DEI genitricis *MARIÆ*, quod in superiori parte S. *Donatiani* constitutum erat, orationi incumberet,

beret, à perfido quodam nebulone *Buchardo Stratenſi* trucidatus est, cerebro eius in pavementum exeuſſo, anno 1127. g.

S. FREDEGERVS Presbyter, *Lyra* in *Brabantia*, crudeliter à *Normannis*, summa Maieſtati sacrificium offerens, peremptus est. h.

S. PRÆTEXTATVM Episcopum *Rothomagensem*, inter psallendum super formulam quiescentem, occisum fuisse iubente *Fredegunde* Regina, in die Dominica Resurrectionis, scribit *Gregorius Turonensis*. i. Vide etiam *Baronij annales*. k.

S. PROTERIVM in sacratissimi Baptisterij loco peremptum, membratimque concisum, & locis omnibus circumtractū, & post hæc igni contraditum, aliaque passum, quæ propter sceleris exaggerationem terretur lingua proferre; scribunt Episcopi *Europæ* ad *Leonem* Imp. in Epistolâ pro Concilio *Chalcedonensi*. l. Vide etiam *Euagrium*, m. & *Nicephorum*. n.

B. CHRISTIANVS Antistes *Antiochenus* pontificali pompa indutus, ante aram maiorem templi, à *Saracenis* occisus procubuit, ac martyrij palmam accepit. o.

Refert item *Bzonius* ad annum 1230. Presbyterum quemdam in templo, prope castrum *Falsinum* situm, à quodam *Gibellinarum* partium milite crudelissimè interfectum fuisse.

Anno 892. EARNVM Episcopum *Wirzburgensem*, dum sacratissimum Missæ sacrificium celebraret, ab hostibus interfectum, martyrium cum suis consecutum esse, *Ditmarus* est auctor, lib. 10.

S. LAMPERTVM XXIX. *Leodicensem* Episcopum, quod *Pipinum Herſtallum*, fidei matrimonialis oblitum, dehortatus esset, vt *Alpaidem* pellicem, quam domi secreto fouebat, domo exigeret, à *Dodone Arduenna* Duce, & prædictæ *Alpaidis* fratre (ipsâ eum per litteras instigantē) & tanti sceleris asseclis, ad altare SS. *Cosmæ & Damiani*, Missæ sacrificium celebrantem gladio percussus, sicque martyrij laureâ redimitum, refert *Ioannes Bertelius*. p.

S. RAYNELDIS Virgo, *S. Gudila* soror, vt refert *Molanus*, q. irrudentibus *Hunnis*, vel vt alij volunt, *Normannis*, ante altare *S. Quintini*, in modum dominicæ crucis prostrata, anno 660. pro Christi fide est interempta.

g. Eius vita  
Parisijs 1615.  
editâ.

9.  
h. Molan. 11.  
Octob.

10.  
i. Lib 5. c. 18.  
lib. 7. c. 16.  
Lib. 8. c. 31.  
k. Tom. 7.  
anno. 589.

11.  
l. Tom. 2.  
Conc.  
m. Lib. 2. c. 8  
n. Lib. 15.  
cap. 17.

12.  
o. Bzou. 10.  
13. an. 1267.

13.

14.

15.

p. In Hist.  
Luxem-  
burg.

16.

q. 17. Cal.  
Aug. de SS.  
Belg.



17. S. FRIDERICVS *Traiectensis* Episcopus, de quo in Martyrologio Romano xv. Cal. Sept. martyrio occubuit, quòd, sicut S. *Iohannes Baptista*, coarguisset Regem *Ludovicum* ob introductam pellicem consanguineam; cuius artibus, missis sicarijs, in templo, peracto Missæ sacrificio, crudeliter necatus est. An. DCCC. XXXVIII.
18. S. THOMAS *Canuariensis* Archiepiscopus, qui ob defensionem, vt habet citatum Martyrologium Romanum iv. Cal. Ian. *Iusticia & ecclesiastica immunitatis, impiorum hominum factione, in Basilicâ suâ, gladio percussus, migravit ad Christum.*
19. S. POLYCHRONIVS Presbyter tempore Constantij Imperatoris (vt loquitur Martyrologium Rom. VIII. Idus Decembris) cum ad altare Missas ageret, inuasus est ab Arianis, & jugulatus.
20. *Victor Vicensis* memorat, in *Africâ* in loco, qui Regia vocabatur, cum in paschali solennitate lector in pulpito *Alleluia* cantaret, iactu sagittæ transfixus ab *Arianis* canendo mortuus est, Martyrque in cælum euolauit, perenne ibi *Alleluia* modulaturus.
21. Sic *Alexandria* ab *Arianis* Catholici, dum in ecclesiâ Synaxim agerent, diuerso mortis genere sunt interempti. r.
- r. Martyrol. Rom. 5. Cal. Febr.
22. Præterea III. Idus Maij Martyrologium Rom. commemorationem facit plurimorum SS. Martyrum, qui *Alexandria* ob fidem Catholicam ab *Arianis* in ecclesiâ *Theona* occisi sunt.
23. S. MAXIMIANVS vel *Maiminianus Vagiensis* Episcopus, in *Africâ* à *Donatistis* hæreticis, in basilicâ sub altari, quò confugerat, eodem super se fracto, eiusque lignis, alijsque fustibus, ferro etiam crudeliter cæsus, totum illum locum sacrum sanguine opplenit: vt loquitur S. *Augustinus*, s.
24. PRIMVS & DONATVS Diaconi in *Africâ* in castello *Lemelsenf*, cum altare in ecclesiâ tutarentur, à *Donatistis* occisi sunt. t.
- t. Mart. Rom. 5. Id. Febr.
25. S. MAVRINVS Abbas S. *Pantaleonis* Colonie *Agrippina* martyrium pertulit in atrio ecclesiæ, vt testatur inscriptio ipsius sarcophagi, quæ sic habet: *Hic requiescunt ossa bona memoria Maurini, qui in atrio ecclesiæ martyrium pertulit, sub die iv. Id. Iunij.* u.
26. FRANCISCVM *Laurentij* Minoritam cum selecto eius socio

*Ioanne, à Gnaxacaslanensibus Indiæ, impij satanæ satellitibus, in ecclesiæ valuis, ferreis truncis, plumbatisque atrociter interemptum fuisse referunt chronica obseruantia strictioris.*

x. Lib. 3.  
cap. 18.

S. AVREVM *Moguntinensem* Episcopum in altari sacra facientem *Ariani* crudelissimi cum *Iustina* sacra Virgine trucidarunt, atque in vianum, puteum præcipitarunt.

27.

y. Breu. Mog. 16. lun. Serar. rer. Mog. lib. 2. cap. 17.

viii. Kal. Ian. ipso Natiuitatis D. N. IESV CHRISTI secundum carnem die, Martyrologium Romanum, multorum millium Martyrum meminit, qui *Nicomedia* in basilicâ passi sunt. De quibus etiam *Nicephorus*.

28.

z. Lib. 7. c. 4

S. WOCARDVS. 30. S. WINEBALDVS Presbyteri: 31. S. REGENARDVS & 32. GERWALDVS Diaconi, durante *Normannorum* tyrannide, anno DCCC. LXI. in *Bertinensi* ecclesiâ diuersis fuerunt interempti cruciatibus, sicque martyrij laureâ illustres vitam consummârunt.

29. 30.

31. 32.

In Martyrologio Monastico *Hugonis Menardi* recensentur plures ordinis *S. Benedicti* in ecclesiâ trucidati. Inter quos S. BERTHARIVS Abbas *Cassinensis* xxii. Octobris.

33.

S. THEODORICVS Abbas *Croilandenfis* xxv. Septembris.

34.

S. THEOFREDVS Abbas, xviii. Nouembris: cum pluribus socijs.

35.

THOMAS de *Argentolio* Præpositus cathedralis ecclesiæ *Ambasenfis*, anno clō. xxvi. secundâ Iunij, in ipso ecclesiæ gremio, propter iustitiam ac libertatem ecclesiæ à sicarijs interfectus est.

36.

a. Molan. in  
SS. Belg.

SIMON *Fossensis* xvi. Prior *Ogniacensis*, pro domo Dei, proque asserendo ecclesiæ jure, ad gradum summi altaris occubuit, anno clō. ccclxx. b.

37.

b. Franc.  
Moyse ca-

PETRV M de *Arbues*, aliàs *Epilam*, Inquisitorem sanctæ fidei, S. Theologia Professore, facinorosi homines, ob fidei propagationem, & stabilitatem S. Officij, in basilicâ *Casar-Augustana*, officium beatæ Virginis Dei genitricis recitantem, multis vulneribus confectum, pro mortuo reliquerunt, non aliud in sanguine proferentem, quam: *Laudis sit Saluatori IESV Christo, pro cuius fide morior.* c.

38.

c. Bzonius  
tom. 18. ad  
an. 1485.



39.

Nouissimè verò Patrum nostrorum memoria, a sceleratissimis *Genssis* Sacerdotes & Monachi, in loco sacro trucidati sunt, quamquam illis ante nominatis, nequaquam in vitæ sanctitate, comparandi: tamen intexam quos reperire potui.

40.

PETRVS *Ballingus* Nicolai Fil. Sacerdos, cum incruentum Missæ sacrificium Deo Patri libasset, ac Deum pro animarum, fundatorum incolumitate, pro more suo deprecaretur, perditissimis *Genssis*, qui valuas ecclesiæ vi effregerant, tribus lethalibus vulneribus conficitur, nihil aliud dicens, quam *Deo gratias*. Coronatus est *Harlemi* iv. Cal. Iunij, anno ab incarnatione Domini clō. 13. LXXVIII. d.

d. Vide au-  
ctarium ad  
Molan.

41.

IOANNES *Gravius*, primò *Anderlacenſis* Canonicus, postmodum verò *S. Francisci Assisatis* alumnus, ante venerabile Sacramentum *Bruxellæ* in *Franciscanorum* templo, a scurris *Genssis* cæsus, & verbis iniuriarum plenis lacellitus, humili voce, *Parcite obsecro*, respondit, *parcite*. Sæuissimi verò bonorum osiores: *Tibinē*, inquit, *parcemus scelestissime?* arreptoque gladio eorum aliquis capiti grauiſſimum & lethale infligit vulnus; ille verò ingemilians hæc: *Ego vobis certè parcos*, agonem feliciter compleuit, anno clō. 13. LXXVII. Nonis Iunij. e.

e. Loc. cit.

42.

SEVERVS *Carthusianus Roermondæ* in *Carthusiâ Bethleēmiticâ* ante sacram aram beatæ *MARIÆ* trucidatus est: cui addendi sunt:

43.

HENRICVS *Wellen* Diaconus.

44.

IOANNES *Leunis*.

45.

IOANNES *Leodicenſis*, etiam *Carthusiani*, quos crudeliter in ipso choro, e regione summæ aræ, e medio sustulit furor *Gensſianus*, Vide *Arnoldi Hauēſij* historiam.

## CAPVT XXXI.

RARI ET MIRIFICVS NONNVL-  
LI, QUI CIRCA TEMPLA EVE-  
NERE.

I.

Ingens ter-  
ræ motus  
Constanti-  
nopolii.



ANNO C. 1509. die 14. Septembr. incipiens terræ motus, decem & octo continuis diebus, murum *Constantinopolitanæ* urbis, quâ parte mare spectat, cum omni-  
bus



bus adjacentibus domibus dilecit, & fossas rudibus impleuit, ac terræ æquauit. Arcem, in quâ gazophylacium Imperatoris quinque turribus munitissimis custoditur, & insignis domus, in quâ leones, tamquam in viuario nutriuntur, destruxit. Cuniculos, qui per montes, ac longa itinera è *Danubio* aquas in urbem inuehunt, maximis & laboribus, & impensis fabricatos, concussit. Sinus autem maris inter *Constantinopolim* & *Peram* violentiâ terræ motus adeò infremuit, vt in vtramque ciuitatem mare ultra muros aquam inijceret. Domus tributaria, iuxta muros *Constantinopolis*, in mare tota decedit, vt nullum illic appareret vestigium. Maxima item pars turris plumbeæ, in *Perâ*, corruit. In *Callipoli* munitissima arx penitus rupta est; neque vlla domus illic integra mansit, totamque *Graciam*, ad *Danubium* vsque hic terræ motus longè lateque peruagatus est. Feruntur *Constantinopoli* tredecim millia hominum interiisse.

In tantâ irâ suæ misericordiæ recordatus D E V S ostendit, quid, & quos peteret illa clades. Nam, vt, in mari rubro olim, *Israëlitis* innoxie transeuntibus, *Aegyptij* perierunt; ita & hîc inter sacra & profana magnum discrimen est demonstratum. Mirissimum enim fuit, quòd cùm corruerit sepulchrum *Machometi* patris *Baiaxeti*, maximis extructum impensis, multæque *Turcorum* sacræ (quid sacras voco?) profanæ ædes, quas suâ linguâ *Moscheas* vocant, collaberentur; *Christianorum* tamen templa illæsa manserint; ingensque illa *Sophia* ædes nihil mali senserit præter turrin, à *Turcis* post captam urbem, templo, in fine, ornatus gratiâ annexam, quæ tota præcipitata periit. Sed & illo terræ motu calx & cœmentum, quo beatorum imagines, post captiuitatem, urbis coopertæ fuerant, ita separatim ab imaginibus ceciderunt, quasi arte nouâ jam primùm suo splendori essent redditæ.

D *Maurilius* fanum diuersis idolorum cultibus, non procul *Andégauo*, videns, humanâ vi, excindi non posse, oratione impetravit, vt, igne de cælo labente, quidquid simulacrorum, & immunditiæ ibi erat, momento temporis ablueretur. a.

An. C. 857. Colonia 17. Cal. Octobr. b. terribili coortâ

a. Sur, tom. 5. 13. Sept b. Baron. in Annal.

Cc 3

tempe-

II.

Gentilium  
templis  
corruentibus  
Sophiæ  
templum  
illæsum  
mansit.

III.

Idolorum  
templum  
igne consumptum.

IV.

Coloniæ  
S. Petri ec-  
clesia ful-  
mine laesa.

tempestate, subito fulmen informe, igne, draconis instar, Basilicam S. Petri hominibus confertissimam, scidit, penetrauit, atque ex omni illa multitudine tres homines, diuersis quidem locis, vno tamen ictu, in mortem deiecit; alios autem sex, eodem impetu, ita prostrauit, vt semiuui auferrentur; ceteros verò, quos non tetigit igne, perculit timore, docuitque rebus diuinis incontaminatos adesse.

V.

Itaque non impia *Ethnicorum* dumtaxat fana, sed religiosissima etiam *Christianorum* templa sunt de cælo verberata. Cur enim *Dominus vniuersorum* non posset satanæ permittere in templa, ad terrorem eorum, qui templis abutuntur, quod concessit illi, in *Iob* seruum suum, qui & ipse templum *DEI* c. fuit? De Romano illo *Tullius* cecinit: *Iuppiter omnipotens stellanti nixus Olympo Ipse suas arces, atque inclyta templa petiuit, Et capitolinis, iniecit sedibus ignem.* Quod mirum non erat, dignum etenim igne fuit fanum, tot sacrilegijs impiatum. Magis mirum id de nostris. Nam & de alio *Christiano* templo, alius Author memorat: *d. In vigilia S. Mathia Apostoli, Colonia ignem è nubibus excussum, in turrim S. Andrea incidisse, eamque incendisse, illà ipsâ nocte, quâ, præ frigore, aquis glacies est inducta, vt tantò mirabilius esset, si, vicinuis, fulmina cecidissent.*


a. 1. Cor. 6:  
vers. 16.  
Item Capi-  
tolinum  
Romæ.

d. Cæsar. l.  
10. cap. 72.  
Rursum  
Coloniæ S.  
Andree.

VI.

e. Sigebert.  
in Chron.  
Turris tē-  
pli eunsa  
miraculose  
iterum ere-  
cta.

Anno 1081. e. cū campanile Ecclesiæ S. Petri Maldemburgensis, in Belgio, (quam, ipso Apostolo sibi reuelante, extruxerat & consecrarat S. Vrsmarus Episcopus) vehementi vento flante euulsum, inq̃ terram inuersum, ita in aëre penderet, vt tum sui ipsius tum vicinorum omnium ruinam minitaretur, populusq̃ in 6. dierum, totidemq̃ noctium spatio tractaret, quanam ratione, hinc inde extractis machinis, sursum erigi posset; ecce pridie cal. Ian. circa noctis medium tota Ecclesiā intus ac foris luce igneā diuinitus impletur: ipsum verò campanile totum simul erigitur, suisq̃ in sedibus firmissimè, campanis mox sonantibus, reponitur.



# ECCLESIAM NON ESSE BONIS SVIS EVERTENDAM, NEQVE ALIOS EX EIS LOCVPLETANDOS.



VANTO, quamque inexpressibili se scelere alligent ij, qui res Ecclesiæ diripiunt, quæ Deus exempla in *Carolus Francorum Regem*, *Pipini* patrem, edidit, satis superque declarant. Quam rem, quamvis à non nemine, tamquam temerè confictam rejici, non me lateat, quia tamen sacris canonibus consignatam inuenio, ac multis posse prodesse intelligo, referam.

Hic igitur *Carolus* bona, Deo dicata, Ecclesijs ademerat, & quibus libitum fuerat, impertierat. Eo vitâ functo *S. Enchevinus Aurelianensis* Episcopus, fusus in preces, sibi visus est à corpore abstrahi, atque, Angelo duce, ad loca, improborum supplicij foeda & horrenda, perducì, ubi *Carolus* exquisitis tormentis excruciatì conspexit; cuius tam grauis in eum animaduersionis causam cum rogasset, respondisse Angelum, quodd eorum Sanctorum sententijs, quorum ecclesias expilasset, quique vnà cum *Christo* genus humanum iudicaturi essent, ante diem iudicij, pariter, cum corpore, æternis esset ignibus addictus. Quod in se reuersus, Sancto *Bonifacio* ac *Fuldrado* Abbati narrauit; quibus vehementer exterritis placuit ad *Caroli* sepulchrum accedere. Quod cum aperiendum curassent, draconem ex eo, horribili sanè formâ, euolantem, illudque præterea intus igne peresum fumoque nigrum, aspexerunt. Quare *Pipinus*, ut par erat, commotus, bona ecclesijs erepta perquirenda eidemque reddenda curauit.

Verum, ut ut sese res habeat; hæc à Deo sacrilegis ecclesiarum prædonibus, sceleris merces & gratia rependitur. Prædones autem ecclesiarum, non eos tantum voco, qui bona ecclesijs per vim ereptum eunt, verum etiam, qui ingentes annuas pecunias, à maioribus nostris, religiosissimis mortalibus, ad sustentandam pauperum inopiam relictas & traditas, vel ipsi per luxuriam effundunt, vel filijs, cognatis, ac nepotibus ipsorum perdendas dissipant.

I.  
Vide Car.  
Saus. Annal  
Aurelian.

II.  
Carolus  
Martellus  
bona Ec-  
cles. milit.  
distribuit.

Pipinus ea-  
dem resti-  
tuit.

III.



diffipandasque relinquunt, qui filij, vel nepotes, non parum saepe maiorum suorum cupiditatis auaritiæque pœnas pendunt. Nam pecuniæ illæ, tanto ab eis labore studioque coactæ, nescio quo pacto, dilabuntur, & in nihilum abeunt, ipsi verò ad eam egestatem adiguntur, quam in pauperibus *Christi* neglexerunt.

## IV.

Ex bonis  
Ecclesiasti-  
cis nemo  
ditatur.

Erat *Roma*, paulò supra hanc ætatem, vir quidam, qui ad summos honores diuitiasque ex pingui sacerdotio coactas, peruenerat, adeò vt, eo mortuo, quos sibi heredes instituerat, partim ex opulenti ecclesiasticis beneficijs, partim ex optimis prædijs supra triginta aureorum millia quotannis acciperent, præterea ædes pulcherrimè factas, in celeberrimâ vrbis parte sitas, obtinerent; quas ædes vt in vrbis pænè modum ædificaret, dederat ille operam, vt maxima religiosissimi antiquissimi que cuiusdam templi pars dirueretur. Sed contentus hac iniquitate non fuit: nam cum ædes, quas extruxerat, templo annexæ continerentur, atque eas vehementer cuperet insulæ cuiusdam instar habere, ita à templo seiunxit, vt illud ad exigui cuiusdam sacelli modum redegerit. Ne multa, vix quinquaginta ab eius interitu anni intercesserant, cum ingentes illæ diuitiæ disperierunt, neque vllum ferè sui vestigium reliquerunt. Nam ex eius filijs ac nepotibus alij, quòd, magno ære alieno obstricti, soluendo non essent, ac propterea exilium patriâ sede mutassent, sacris interdicti, & à communione ceterorum fidelium segregati, discesserunt è vitâ: alij bonis ferè omnibus amissis, dignitatem suam tueri vix poterant; qui verò reliqui sunt ex ea familiâ, partim in egestate ac solitudine indignam ipforum genere vitam exigunt, partim cognitâ rerum humanarum vanitate & inconstantia, ijs valere iussis, ad religiosorum hominum castra confugerunt, vbi angelorum vitam in humanis corporibus agunt.

## V.

Henricus  
VIII. Angliæ  
Rex instar  
Martelli  
punitus.

Geminum superiori de *Carolo Martello* est, quod *Ioannes Nicus Erythraeus lib. 2. Epist. 12.* hisce verbis scribit: Meas veniad aures, quod silentio præteriri non potest; immò dignum est (si verum) quod litteris consignatum, posteritatis memoriæ mandetur. Modo nauarchus *Anglus*, qui cum naui, mercimonijs onustissimâ, ex *Anglicâ Pyrgos* venit, retulit ad nos, *Henrico VIII. Regi*, qui tantas

tantas in *Angliâ* turbas excitauit, qui Regnum illud antiquissimum ac religiosissimum à Sedis Apostolicæ obedientiâ distraxit, nulum antehac sepulchrum è marmore fuisse exstructum, regali fastigio dignum, itaque venisse huc in mentem qui nunc rerum positur, hunc honorem; Regis illius memoriæ, persolvere, ne videlicet solus hoc cultu fraudatus existeret; quamobrem magnificentissimum eidem sepulchrum faciendum locasse. Sed cum priortumulus, ex lateribus congestus, dirueretur, cupido maxima Regem inuasit; inspicendi in arcam; in qua *Henrici* corpus continebatur, quam statim iussit aperiri. Verùm, (rem miram) sublato operculo, ne tenue quidem positi ibi cadaueris vestigium apparuit. Quo viso, Rex præter modum exterritus, rem ad Reginam detulit, quæ, non esse mirandum, ait, si Rex ille, qui tantum Reip. Christianæ vulnus inflixisset, qui omnia humana ac diuina jura perueritisset, qui libidinem suam, æternâ populorum suorum salute potiore habuisset, ante supremum extremi iudicii diem, vnâ cum corpore, æternis inferorum ignibus fuisset addictus. Ac, sumptâ occasione, multa eidem, de fidei Catholicæ veritate, disertè copioseque differnit. Quæ Rex attentè, atque silentio, excepit. Vtinam ille tum re tantâ, tamquam admirabili perculsus, tum suasionibus Regina permotus, ad Ecclesiæ *Romanæ* castra venire constituat, quodque eidem Rex ille impius per summum nefas ademit, piè ac liberaliter reddere. Hactenus ille: cuius tamen votum irritum fuisse, testatur nupera Regis eiusdem decollatio, à proprijs subditis facta.

Hoc loco licet interponere, etsi paululum à re alienum videatur, malè cessisse omnibus, quos quidem ego nouerim, qui ad priuatas domos ædificandas, vel ad hortorum suorum terminos proferendos, sacras ædes solo æquarunt. Nam alij hortos domosque quas excitant alij, pretio abalienarunt, neque ijs frui voluerunt; alij in furorem prolapsi, infelicem vitæ exitum sunt adepti; alij liberorum cupidi, nullam ex vxoribus suis masculam, vel virilem prolem susceperunt; alij, quos habebant, in solitudine & egestate reliquerunt; alij amplas atque florentes res suas, præcipiti ferè lapsu ad extremum panis casum perductas conspexerunt.

VI.

Sacras ædes  
destruentes  
qualiter  
paniti.

runt. Sed jam eò, vnde digressi sumus reuertamur. Is de quo commemorauimus, perpetuâ vsus felicitate, necdum alteram fortunam expertus, decessit è vitâ, ac cupiditatis avaritiæque suæ pœnas posteris luendas reliquit. At consuevit etiam Deus sacrilegos istos, non impunitos ab hac vitâ dimittere, sed ab eisdem etiam tum viuus eas pœnas repetere, quæ cupiditati illi, cuius æstu rapiuntur, in primis aduersetur. Quoniam ferè accidit, vt in suo quisque vitio plectatur: Nam quid raptores huiusmodi tam sectantur, quàm diuitias? quid tam fugiunt, quàm paupertatem? at ab illis sæpenumero absunt, hanc frequenter incurrunt.

## VII.

Bona Ecclesiastica etiam secularia deuorant.

Fuit olim in oppido quodam subalpinæ regionis, vir nobilis, ecclesiastici cuiusdam beneficij patronus, præterea opibus ac diuitijs, sui loci atque ordinis facillè primus. Hic annuas pecunias, quas sacerdotem, eius sacelli rectorem, capere oportebat, tamquam calamitas aliqua, interceptabat, ac domum suam auertebat. Querebatur sacerdos, inopiam suam cum lacrimis aperiebat, eum etiam admonendum corripiendumque curauerat, sed plus apud illum poterat paucillulum illud lucri, quàm jus, quàm æquitas, quàm Dei metus, in cuius offensionem incurrerat. Non tulit diutius tantam hominis iniquitatem Deus, sed, quam minimè ille volebat, pœnâ compescuit. Etenim sacra illa pecunia, tamquam si aliquod incendium fuisset, vniuersum eius patrimonium absumpsit; adeò vt, ex locupletissimo, factus sit omnium longè pauperrimus; & quod mirabilius videri debeat, quærens ille, atq; inuestigans, quid subitæ illius inopiæ causam attulisset, nihil reperiebat; nullis, neque publicis, neque maritimis negotijs affinis fuerat, nullam mercaturam habuerat, vbi rem perdidisset, nullos extraordinarios sumptus fecerat, nullum rei familiaris damnum indiligentiâ contraxerat, sed contrà, à negotijs alienus, frugalissimus, & in tutandâ re suâ diligentissimus fuerat. *Erythraus exemplo. 57.*

## VIII.

Hinc coniicias, quanto in errore versentur, qui ecclesiasticis bonis vtuntur ac fruuntur, si opes ac diuitias, auariter ex eis collectas, putant generi ipsorum fore sempiternas, multæ nostrâ patrumque memoria summorum virorum familiæ declarant, quæ intra



intra paucos annos, quàm ad summum perueniant, præcipiti fere lapsu conciderunt, adeò ut vix aliquod sur vestigium reliquerint. Non est necesse à me quemquam nominari; quocumque, oculos couerterimus, licet ibi plurima harum familiarum quasi cadauera diruta atque prostrata conspicerè. Sed incredibile dictum est, quàm citò, me puero, immensæ Abbatis cuiusdam opes, libris ipsius, ut erat fama, relictæ, perierint. Nam illi, præter ternas ædes amplissimas magnificentissimæque, in celeberrimâ urbis parte sitas, atque ornatissimam supellectilem, magnam etiam, tum in nominibus, tum numeratam pecuniam testamento, perceperant. Hæc bona tam multa, ac tam latè dispersa, si flamma corripuisset, propè dixerim, non tam citò in fumum redigere potuisse, quàm sunt ab ipsis dissipata atque consumpta. Vix integrum decennium effluxerat, ab aditâ hereditate, cum infinitæ eorum largitiones, immanes sumptus, improbissimæque effusiones, nihil ferè ex tantis opibus reliquerunt. Ex quo factum est, ut, qui antea conspecti essent in sericâ atque aureâ veste, postea pannis benè obstiti, ab omnibus despicerentur; qui antea multo magnæ comiratu instructi per urbem incessissent, postea soli, atque ab ijs deserti, quos aluerant & locupletauerant, prodirent; qui rhedâ, auro interlitâ ostroque constratâ, vecti essent, postea pedibus iter haberent. Itaque alijs risum, alijs misericordiam commouebant, alijs prudentioribus erant exemplo, quàm longè infamiâ ac scelère prodeant, qui, ex facultatibus pauperum, familiam ac nobilitatem generis se posse fundare ac stabilire, sibi persuasum habuerint. *Idem Exemplo 98.*

Notabile  
exemplum,

Meritis gloriosi P. N. *Benedicti*, & veteri culturâ *S. Mauri* vegetum stabat *Glanofoliense* monasterium, floruitque perpetuò centum quadraginta Monachis ex *S. Mauri* statuto, donec *Pipino Caroli M.* patre rerum domino, de gradu deiectum fuit. Rex enim iste rem Pontificis acturus, se traiecit in *Italiam*. Scribenti militum *Itali* nomina dedere, quos inter *Gaidulphus Rauennas* erat. Partâ victoriâ in *Galliam* reuersus, quosdam præfectos militum, ob edita præclara facinora præmijs affecit, *Gaidulphum* Comitum titulo ornatum, *Andegano* donauit, cuius in ditione *Glanofolium*

IX.

*Gaidulphus* inprimis tondet, postea deglubit, denique pelle detrahit *Gandofo*

est situm. Peregrinus & hospes in *Gallia* nouus Comes quâ auctoritate quâ sanctitate polleret locus, ignarus, vel certè si habuit omnia explorata, auri tamen sacrâ fame inescatus, turpique auaritiâ captus, Monachos acerbè vexauit, vt ijs hunc in modum pulsus, Monasterij fortunas inuadere liceret. Neq; animi falsus est. Multi enim cùm graues eius iniurias ferre non possent, in alia *Gallia* Cœnobia se contulerunt: pauci verò qui remanserunt, Canonicorum habitum sumperunt, quod *Addon* refert.

X. Ergo plerisque aliò dilapsis, etiam reliquos eiecit tyrannus: vt tamen loco sacro consulere videretur, quinque Clericos, fruges consumere natos, subrogauit. Postremò famam elinguentem redditurus, totum Monasterium excidit, summo labore à *S. Mauro* extractum. Ne porrò vestigium superesset, etiam archiuo manus attulit, eius tabulis ac litterarum monumentis exustis; alijs in frustra discerptis ac præterlabenti fluuiio propinatis. Designare flagitia, parum est scelestis, nisi etiam laudi sibi ac gloriæ sua probra ducant; impiè jactitent. Ita infelici sidere natus *Gandulphus*, *Bactra* vel *Susa* cepisse se ratus, *Sibariticum* instruxit conuiuium: necessitudine & familiaritate coniunctos inuitauit: quam lepidè nuper egisset fabulam, iisdem inter fumantes lances & rorantia pocula narrauit.

Gloriatur  
infando fa-  
cinore.

XI. Cùm adhuc infandum facinus suum (quod ipse pulcherrimum ducebat) festinè deprædicaret, ac necdum perorasset, hem, non secus quàm Rex *Bathassar*, decretoriam sententiam tulit: illicò pœnas persoluit. Vaga in pariete manus, Regi *Chaldeo* ad calculum exegit sacrilegum symbolum; atqui huc totus *Maurus* in cœnationem, baculo gradum firmans, & caniciem toto capite spargens, sese intulit: *Baccho* vina libantem *Gaidulphum* flammantibus igne luminibus perstrinxit: scipionem improbo capiti impexit: mox stomachum feriens in tristia fata virum egit. Idus enim ad mortem rapi se sensit, lugubre carmen hoc identidem repetens: *Maure tu me occidis*: *Maure me occidis*. Fronti illicò exciderunt oculi: è ventre effusa sunt intestina, simulque infelicem animam ebullijt, conuiuis terribili iudicio DEI attonitis. *Addon* Abbas non modò tragœdiam narrat, sed insuper testes oculatos & auritos producit. *Anon. de Vepes in Chron. Bened.*

S. Mauro  
pœnas dat.

CA.

## CAPVT XXXIII.

NON OPORTERE, ÆDIVM PRO-  
FERENDARVM GRATIA, DEI IM.

MORTALIS ACSANCTORVM SVO-

RVM TEMPLA DIRVERE.



ON defuere hac noſtrâ memoriâ, qui, vt domos ædifi-  
carent, vel hortos, quos voluptatis ſibi cauſâ compara-  
uerant, laxiores efficerent, templa religioſiſſima antiquiſ-  
ſimaque diruenda ſoloque æquanda curarunt: verum id, quan-  
uis auctoritas publica ſemper acceſſerit, tum iſſis, tum iſſorum  
familix, foedè atque infeliciter ceſſit.

Quidam vir locuples ac nobilis, non multis ab hinc annis,  
quò ædes ſuas quadraret, templum B. V. ſacrum & antiquâ reli-  
gine præditum, demoliendum; atque alterum, in aliâ parte, non  
ita magno ſumptu excitandum curauerat: verum non diu hoc per-  
functus eſt gaudio. Nam ipſe amplo ornatus magiſtratu ac mune-  
re obiit, & ingentis pecuniæ, quâ illud comparauerat, jacturam  
fecit, non ſine magno totius familix damno; eiufdem verò frater,  
nullo morbo præeunte, delapſus eſt in furorem, adeò vt non ſo-  
lùm intra verba deſiperet, ſed nudus in viam exiret, ſibi que alijs-  
que noceret; quomobrem vinctus, non ita multò poſt in catenis  
eſt mortuus.

Alter etiam, longè ampliori munere præditus, quod impen-  
ſè coemerat; magnâ etiam apud Principem auctoritate & gra-  
tiâ; qui ſine vllâ dubitatione, ſi longior illi vita ſuppeditaſſet,  
proceſſiſſet honoribus longiùs; quò ædibus, quas omni luxu in-  
ſtructas ornauerat, cubicula aliquot & ambulacra adiungeret,  
Ædem ſacram, ſuis ædibus contiguam, demolitus fuerat, pri-  
mùm intra paucos meſes, valetudine deuolutus eſt adeò, vt fa-  
milix ſuæ damno, doloris magnitudine & acerbitate, de medio  
ſublatus ſit: illas verò magnificas ædes, in quibus ædificandis tantû  
ſumptu proceſſerat, & quod refert, Dei domum euerterat, ſolo-  
que æquarat, heredes eiufdem, re neceſſaria compulſi, coacti ſunt  
ſtatim, cum incredibili jactura, diuendere.

I.

II.

Templum  
B. V. tranſ-  
ferens pu-  
nitus.

III.

Aliud ex-  
emplum.



IV.  
Rursum  
aliud.

Alter item, *Roma* vir nobilis, vetustissimum templum in stabulum equorum conuerterat. Non tulit hanc iniuriam *Deus*, sed vindicauit, tum in ipso, tum in eius liberis. Nam & ipse ferè semper conflictatus est cum aduersa fortuna, & filij, quos genuit, neque ad senectutis initia peruenerunt; nam fermè omnes ante quadragesimum vitæ annum sunt mortui; è quibus ille, qui ceteros ætate antecedebat, cum, ex infania, violenter quædam manu faceret, vinctus est, diuque in compedibus habitus. Nempe summa ac singulari sapientia, hoc præsertim supplicij genere vsus est in illos *Deus*. Eius enim liberos, ex hominibus, passus est propè in pecudes verti, qui pecudum greges in ipsius templum induxerat. *Erythræus exemplo. 99.*

V.  
*Sixtus V.*  
ornat. tem-  
plum *S.*  
*Mariæ ma-*  
*ioris.*

*Sixtus V.* Pont. Max. pro sua in *B. Virginem* pietate ac religione, Basilicam *S. Mariæ* ad *Niues* in *Exquilij* expoliuit, ornauit, sacello augustissimo auxit, auro, lapidibus pretiosis, omnique regalis opulentia cultu referto; tum, vt ea clariùs magnificentiusque pateret ad oculos, humiliora circa ipsam ædificia dirui, soloque æquari imperauit, præterea plures directas ad eandem Basilicam vias aperuit ac muniuit, collem *Exquilinum*, antea arduum, molliuit, & in eius medio obeliscum, ex ruinis *Mausolæi Augusti* Cæsaris erutum, erexit: quibus rebus perficiendis, fuit necesse multas ædes subuertere, & in his ædiculam, ad radices eius collis sitam, vbi depicta erat imago *D. Antonij* Abbatis; cui faber murarius, qui ædiculam demoliendam conduxerat, quò fortasse facetus videretur, *Pace tuâ*, inquit, *Antoni*, non potes effugere, quin tibi hoc malleo, quem gero, crus adimam. Vix ea dixerat, cum pedelapsus, è ponte, quem in alto suspenderat, decedit, & crus alterum miserè fregit; atque suo illo grauissimo miseroque casu, viro

Neg ioco,  
neg serio,  
sanctos vi-  
ros ludi-  
brio esse  
habendos.

sanctissimo, omni que honore dignissimo, quem petulante læserat, insulsi illius ioci pœnas dependit. *Idem*

*exemp. 100.*



CAPVT XXXIV.

DEI ATQVE SANCTORVM TEM-  
PLA SACRIS PRECIBVS, NON AVTEM  
IMPVRIS CANTIONIBVS CELEBRANDA: MVLTQ

MINVS NEFARIA LIBIDINE, ALIISQVE OBSCOE-  
NIS ACTIBVS VIOLANDA.



ANNO Domini M. DC. xxx. cùm in æde *D. Petri in Vati-*  
*cano* egregij cuiusdam operis forma edificaretur, &  
magnus fabricarum numerus, ex machinâ ligneâ, Apo-  
stolorum principis aræ imposita (ea enim illo erat opere exornan-  
da) elaboraret, eorum vnus, fortasse molestia, quam labor habet  
adiunctam, minuendæ, vel fallendi temporis gratiâ, amatoriam  
quamdam cantiunculam exorsus est canere, ita clarè, vt à sacerdo-  
te, qui propè ab eo loco confessiones audiebat, exaudiretur. A  
quo admonitus, ne templum, omnium religiosissimum, ipsis sacra-  
tissimis Apostolorum corporibus imminens, impuris illis cantiu-  
culis contaminaret; contempsit ille, neque minùs lasciuum illud  
prosecutus est carmen. Sed breui sprætæ religionis, & admonitio-  
nis pœnas exsoluit. Nam pede lapsus ex altissima illa machinâ  
grauissimo casu corruit, atque ad ipsam Apostolorum aram, mi-  
serabiliter elisus & comminutus, occubuit.

Quòd verò Dei immortalis Tempia piè & castè celebranda  
sint, atque omne ab eis scelus & flagitium remouendum, multa  
atque grauiâ, edita in homines impios & sacrilegos, exempla te-  
stantur. Sed in primis argumento sunt homines, ad mille & du-  
centos, anno MDCXI. horribili incendio necati.

Est locus in Regno *Neapolitano*, magnâ & antiquâ religione  
præditus, Deiparæ Virgini sacer, distans *Awellino* quinque milli-  
bus passuum; quem in locum, die sacro Pentecostes, ex vicinis op-  
pidis pagisq̃ue incredibilis cuiusvis generis hominum multitudo  
confluit, religionis ac pietatis ergò. Erat Ædi sacræ adiuncta (vr-  
bis pene instar) domus, ad hospitum aduentum excitata, in qua tre-  
centa & eo amplius cubicula numerabantur; ad hæc multa acce-  
debant ambulacrâ, & loca, cuius peruia, quæ omnia à multitudi-

I.

Templum  
impuris  
cantiu-  
culis pollu-  
ens puni-  
tur.

II.

III.

Sacram pe-  
reginatio  
nem irreligi-  
ose obe-  
untes hor-  
rendè pu-  
niti.

ne complebantur; & cū non possent omnes excipere, necesse erat multis, in templum ipsum diuertere, vbi feminis permitti, pernoctabant, epulis vinoque operam dabant, multaue alia nefaria, stupra faciebant, non satis digna quæ in intimis lupanariorum recessibus committerentur; mædebant pauimenta vino, redolebant epularum nidore parietes, personabant fidium ac vocum impurissimarum cantu, feruebant omnia stupris, adulterijs, ac furtis. Quæ res mihi videtur in primis Deo quasi vim quādam adhibuisse, vt eorum, de quibus loquimur, supplicio ceteros edoceret, quid sit periculi, sua ac Sanctorum suorum templa flagitijs atque sceleribus inquinare atque polluere.

## IV.

Itaque mense Iunio, sacro diei Pentecostes peruigilio, mediam circiter noctem, ingens illud ædificium plenum hospitibus, qui ad decem millia conuenerant, ignem concepit, ac duabus horis deiectum est totum. At ingens illa hominum multitudo, terrore metuque percussa, verensque ne intra ædes opprimeretur, duabus ædium portis, quarum ea, quā aditus erat in peristylum, janitorum incuriā inuenta est clausa, salutem sibi atque exitum quæritabat; quorum hominum pars magna, cū ipsi se impedirent, multitudine & angustijs oppressa exanimabatur; alij, ne in eas angustias deuenirent, de fenestris se præcipitabant in viam, alij ab igne intercepti comburebantur. Quamobrem magni ubique mortuorum acervi conspiciebantur, quorum numerum qui inière, eos referunt ad mille & quingentos & eo amplius peruenisse; quorum omnium plus mille in ædium portis oppressi, ab euntium terrore & fugâ deperierunt. Eximuntur ab hoc numero infantes & pueri, qui, vnâ cum parentibus, in turbâ elisi interierunt; qui verò vel crura fregerunt, vel oculos amiserunt, vel se in turbâ ruperunt, propter eorum multitudinem, non fuit eos facile ad certum numerum reuocare. *Erythraus exemp. iii. c. 113.*

## V.

Templum  
libidinosè  
polluentes  
ibidem to-  
li.

Illud verò horrendum formidandumq; quod in sermonibus *D. Vincentij Ferrerij* scriptum inuenitur. Refert hic vir sanctissimus, cū vespere feriæ quintæ maioris hebdomadis, luminib<sup>9</sup> remotis; *Christi* Domini passionis historiam populo frequenti narraret, duos quosdam, in angulo eius ecclesiæ, vbi sacram illam concionē habebat,



habebat, suadente libidine, hortantibus tenebris, ceterorum animis attentis, nefario execrandoque concubitu sacrosanctum illud templum ausos esse polluere, tum ipsum (diuinitus, vt arbitror, edoctum) clamores maximos extulisse, & magnâ voce coepisse lumina poscere: etenim in illis tenebris, diuinam omnipotentis Dei maiestatem graui & inexpiabili scelere violari; ad quâ vocē accurrisse ædituos, aliosque cum facibus, explorasse omnia, atque inuenisse infeliciū duorum illorum corpora, ita vt vnâ erant, tamquam arida quædam ligna, foetido nigroque igne torreri.

Anno MDCXXXV. *Roma* vir quidam impurus, cū vellent cum amicâ in colloquium venire, nec locus alter commodior occurreret, quamdam ad eam sacram vtriusque colloquii delegerat. Nam ferè vsus obtinuit, vt in locis sanctissimis religiosissimisque eiusmodi de rebus veneris negotia tractentur. Quò cū illa ad diem atque horam dictam venisset, atque aliquot ibi horas eius aduentum expectasset, vidit inter plures cereos defuncti corpus efferri; quem cū esset intuita, illum esse cognouit, quem expectasset. Etenim miser, subitâ oppressus morte, decesserat.

VI.

Amicam ad templum citans subitaneè mortuus.

CAPVT XXXV.

MINISTER HÆRETICORVM, QUI RES MIRAS, A B. V. PATRATAS, A CATHOLICIS CONFICTAS ESSE CONTENTERAT, IN TEMPLO PALAM A DÆMONE, VTI SIBI

FVERAT IMPRECATVS, ABRIPITVR.

**S**UNT quidam sapientes huius sæculi, qui tum maximè sapientiâ ceteros se anteire existimant, cū quæ à Deo, B. Virginis vel Sanctorum intercessione, supra naturâ vires eduntur, tamquam aniles fabulas, vel ad lucrum captandum, ficta, conuellere ac labefactare conantur; immò codices, stipeos, plumbeos, atq; alia præ se eos esse arbitrantur, qui assensionē suam miraculis præbent. Verùm istorum sæpe stultitiam DEVS ea omnia superare conuincit, quæ ipsi in eos, quos videbant, conueni-

re iactabant: Quod videlicet suo ipsi malo edocti, demum fateri coguntur, se non minùs stultè, quàm impiè, conatos fuisse, miraculis fidem abrogare, quorum in se vim experiri cogerentur.

## II.

B. V. imago  
miraculosa  
in monte  
regali,

In oppido Subalpinae regionis, *Monte regali* nomine, Deiparae Virginis imago religiosissimè colitur, quae anno MDXCIV. ad eò florere miraculis coepit, ut non oppidanos modò, sed propinquarum etiam urbium ac regionum incolas ac ciues ad se attraheret; qui incredibili pænè concursu, partim voti soluendi causâ, partim ad petendum consilium, conueniebant. Quâ in primis famâ compulsus *Heluetiorum* quidam pagus, haeretica labe infectus, certum illuc hominem, cum mandatis ablegauit; primùm ut mira illa, si vera essent, oculis ipse suis acciperet, tum penitus perspecta ac cognita, ad ipsos pagi eiusdem moderatores ducesque referret.

## III.

Qui cum *Montem regalem*, ut erat praecipuum, venisset, comperit, rem ipsam multò esse famâ maiorem. Nam quotquot ad B. Virginis opem auxiliumque confugiebant, omnes ferè voti compotes abire cernebat. Quam B. Virginis benignitatem, in omnes largè effusèque diffusam, sensit etiam in sese maxima ex parte fluxisse. Nam, singulari B. Virginis munere, & celebritate illa & religione hominum permotus, amplexus est Catholicam fidem, à qua antea abhorrebat.

## IV.

Minister  
haereticus  
calumniâs  
miracula  
SS. è sugge-  
stu à dæ-  
mone abri-  
pitur.

Itaque reuersus in patriam, & quae oculis ipse acceperat, quaeque in se expertus fuerat, popularibus suis exposuit, qui cum fidem faceret, vehementerque omnium animos ad B. Virginis studium & Catholicæ religionis amorem impelleret, id haereticae impietatis minister quidam animaduertens, suggestum conscendit, ac vehementissimâ contentione animi, conatus est ijs, quae ab eo dicebantur, detrahare, cum diceret, hæc esse nota atque vulgata sacerdotum nostrorum commenta; ad emungendas simplicium virorum crumenas. Neque tamen multum proficiebat; nam propensior erat populus in ea, quae audierat. Tum ille commotior factus, coepit multa capiti suo mala imprecari, nisi falsa ea essent, quae ipsis deferebantur; atque in primis precatus est Deum. ut si mentiretur, ipsis inspectantibus, à dæmone abreptus, in aternos cruciatus

cruciatus abstraheretur. Neque diutius suo à capite pestis, quam sibi imprecatus fuerat, absuit. Nam continuò, cunctis cernentibus, abreptus est, &, quò erat dignus, asportatus. Quamobrem suo infortunio fidem ijs, quæ nuntiabantur, obtinuit, sicut optauerat; nunc verò apud inferos positus vnà cum demonibus, quibus se addixerat, credit & contremiscit. *Erythraeus exemp. 153.*

# PARS V. CELEBRIORA TER- RAE SANCTAE TEMPLA.

## CAPVT I.



**B**ETHLEHEMI erat Ecclesia constructa super ipsum specum, vnde salus mundo emerfit, & super ipsum præsepe, in quo Agnus Dei reclinatus est, erectum altare, vt Christus in sacrificio ad placandam eius iram ibi Deo offerretur, vnde ille pro salute hominum primum, mundo illuxit. Cuius quidem ædificij ea magnificentia est, splendor & elegantia, vt quod huic compares, toto terrarum orbe non inueneris. Videlicet est excelsum cum primis, & amplissimum, cuius tota superior concameratio, quatuor ex marmore columnarum ordinibus; quarum non modò multitudo miraculum, sed etiam magnitudo admirationem excitat. Habet enim ordo quilibet quinquaginta columnas, singulari artificio & sumptu; cum, vel ipsa materia sui pretio cuiusuis æstimationem vincat. Super ipsas columnas naui Ecclesiæ ostenditur opere vermiculato, quæ omnis veteris testamenti exhibet historias, ab exordio mundi vsq; ad Christi ortum, mirando artificio, & colorum varietate distincta. Parietes, tabulis ex alabastro pretiosissimis, sunt incrustati, quarum ea opulencia est & pulchritudo, vt ipse aliquando *Sultanus*,

I.

Peregrini:  
Baumgart.  
l. 2. c. 5. hæc  
habet.  
Aedes sacræ  
sunt statua-  
rio opere  
totæ admi-  
rabiler  
ornatz.  
marmore  
candido ac  
electissimo  
mirificè



vestitz, viginti duabus columnis per duplicem ordinē egregiē sustentatæ: olim autem quadraginta eiusmodi columnas habuisse, locus ipse ac ruinæ indicant.

harum formā & pretio, sacratissimo Templo manus sacrilegas admouerit, iubens latomis, ut ē parietibus leuiter submouerent, & pro palatio suo in *Babyloniam* transportarent. Sed illi ut accesserunt tabulas amaturi, ex solido pariete miræ magnitudinis serpens prodijt, & primam tabulam momordit, statimque crepuit, & in hunc modum reliquæ morsæ à serpente crepuerunt numero quadraginta. Quo viso *Sultanus* timens vlticem Dei iram, iussu reuocauit, & de templo exijt turbatus & plenus formidine, simulq; serpens disparuit. Visuntur etiānum serpentis ibi vestigia & fixuræ tabularum. Quam historiam relatam ait in annales scriptorum *Saligniatus*; adeo ut *Turce* etiam & *Saraceni* reuerenter hoc templum frequentent. Pavimentum huius templi totum stratum est marmore; sed & ipsa concameratio est ex marmore; testudines, & colore & pulchritudine admirandæ. In superiore templi huius parte versus Orientem altare erectum est, eo loco, vbi Magi relictis dromedarijs, cum muneribus IESVM DEI filium adorauerunt. Ad locum autem dulcissimæ natiuitatis, descenditur ab Ecclesiâ in cappellam decem gradibus, locum vel ipso cælo augustiorem, æternâ memoria omnibus fidelibus honorandum; in quo, medio noctis silentio, Virgo sacrosancto partu grauida, cæstis visceribus & illibato pudore edidit Saluatorem, tenellum infantulum in commune exponens, duum animalium medio. Hic locus regitur mensâ marmoreâ & candidâ, in qua & sacrum peragitur, & qui eò veniant peregrini, osculo deuotionem contestantur. Ceterum lapidis illa pars, super quâ *Christus* dicitur natus, & præsepis pars, in quam fuit reclinatus, non vestiuntur marmore, sed nudæ patent, ut erant tempore natiuitatis. Lapis, in quem reclinauit MARIA, & cui flexis genibus insedit, similitudinem stellæ habet. Est autem tora hæc Cappella sumptuoso opere ex marmore & auro exornata. Et de præsepio quidem, ait *Hieronymus*, in quo Dominus infantulus vagijt, tacendum potius est, quàm infirmo sermone honorandum: dicitur tamen translatum postea *Remam*, & in templo S. MARIE Maioris asseruari. Neque longè à templo locus est *Circumcisionis*, neque procul inde crypta adhæret, locus olim studiorum S. *Hieronymi*, ait *Salig*. Crypta quoque visitatur

Locus Circumcisionis.

tatur ad Austrum, in quâ multa Innocentium corpora fuerunt congesta: extruxerat autem & ijsdem templum *B. Helena*, vt patet ex *Eusebio* & *Nicephoro*. In exitu templi ad Aquilonem, ambitus est claustrum monachorum, quod Minores ex Ordine *D. Francisci* inhabitant. Ad Orientem quantum est iactus lapidis, monumenta visuntur *Paula* & *Eustochij*. In Ecclesiâ Fratrum est sacellum *S. Catharinae*, quò primum inducuntur peregrini.

CALVARIE Montis Basilica *Ierosolymis* reliquas totius orbis amplitudine atque pulchritudine longè excellit; nam auratis corusca laquearibus, & aureis diues altaribus, marmoreis septuaginta tribus columnis fulcitur, & tam resurrectionis, quàm crucifixionis locum sub vno eodemque tecto comprehendit; quod in sui medio, rotundo patet foramine apertum, sub quo, in inferiori Ecclesiâ parte Dominicum consistit sub dio sepulchrum, cui passionis *Christi* theatrum mons *Caluarie*, nunc viginti octo pedes altus, chori loco adhæret, qui octodecim gradibus, quorum singuli pedem & semissem in altitudine continent, sui accessum præbet. Ex quo rursus in locum vbi Crux inuenta fuit, quadraginta octo gradibus fit descensus.

NAZARETHI Apostoli post *Christi* in cælos ascensionem, *B. Mariæ* Virginis domicilium, in quo ab Angelo salutata, *Christum* Saluatorem concepit, sacris vsibus dedicauerant, & sacris etiam ibidem nonnumquam operati sunt.

Eodemque loco postmodum *DEI* genitrici peramœnum, & quod Archiepiscopali cathedrâ præcelleret, excitatum fuit templum: in quo tria, ex rupe excisa, sunt altaria. Sicut etiam in fine ciuitatis Archangelo *Gabrieli* templum ædificatum fuit, vbi fons scaturit, qui ab incolis venerationi idcirco habetur, quòd puer *Iesus* matri suæ ministrans, sæpe ex eo dicatur hausisse aquam.

Cùm in MONTE OLIVETI à *B. Helenâ* Imperatoris *Constantini* matre rotundo schemate & pulcherrimo opere condetur Ecclesia, quæ in sui medio, lapidi impressa Dominica includeret vestigia, locus ille de quo ascendit, numquam, vt *Paulinus Nolanus* Episcopus testatur, tegi marmore aut paupri recepit.

II.  
Templum  
Caluarie  
Montis.

III.  
Nazarethæ  
na Domus,  
& Templū.

S. Gabrielis  
ecclesia.

IV.  
Templum  
Montis Oli-  
ueti.

semper excussis solo respuente, quæ manus adorandi studio tentavit apponere: & summum eius cacumen, ut scribit *D. Hieronymus*, propter Dominici corporis meatum, nullo modo contegi aut concamerari potuit: sed transitus eius à terrâ ad cælum usque patet apertus. Quæ ecclesia multis ibi sæculis permansit: *Christi* autem vestigia adhuc cernuntur.

V.  
Sepulchri  
B. M. V. Ec-  
clesia,  
on:

In valle *Iosaphat* juxta villam *Gethsemani* in honorem *Deiparæ Virginis* à piâ Imperatrice *Helenâ* grandis, testudinata, atque mirifica (in quam nunc quâdraginta octo gradibus descenditur) extructa est ecclesia, in cuius medio sanctissimū ipsius B. M. V. sepulchrum, quod albo marmore vestierat, est inclusum: idque adhuc nedum *Christiani* peregrini, verum & *Saraceni* atque *Turcæ* summè venerantur.

VI.  
Templum  
Montis Si-  
on,

In *MONTE SION*, ubi *Cænaculum Christi*, sæpe dicta *Helenâ* amplissimum longè latèque extruxit Templum, in cuius postico *Cænaculum* circumcluit. Quo in templo ætate *S. Hieronymi* ostendebatur marmorea illa *Columna*, cruore Domini infecta, ad quam in domo *Pilati* vinctus fuit, & flagellatus.

Porro in præfato *Cænaculi* loco postea ædificatum est monasterium *Franciscanorum*: qui ibi per aliquot sæcula diurnis nocturnisque officiis Deo ministraverunt. Ceterum anno Christi 1561, *Turcæ* (*Franciscanis* in aliud Cænobium intra urbem translatis) ex eorum monasterio Palatium sibi fecerunt: locumq; hunc in tantâ habent veneratione, ut non nisi discalceati eum intrent.

VII.  
Domus B.  
M. V. tem-  
plo exor-  
nata,

DOMVS B. MARIE VIRGINIS, in quâ post filij sui mortem cum *Ioanne* Apostolo habitavit: ubi & eam, anno post *Christi* ascensionem decimo quarto, mortis soluisse debitum, atque hinc in cælum migrasse, veterum traditiones & scripta habent. Quæ quidem domus, deinde facta est Ecclesia B. MARIE, totius mundi prima. Qua per *Romanos* destructa, alia in eodem loco à *Christianis* extructa fuit; quam decoram fuisse, eius ruinæ hodie etiam probant. Ipseque locus, ne vllâ maculetur immunditie, stratis ordine lapidibus adhuc cingitur.

VIII.  
Domus An-  
tæ Pontif.

S. S. ANGELORVM templum fabricatum est ex domo *Anne* Pontificis, ad quam *Christus* captivus primùm ductus fuit: in quo etiam-



etiamnum Græci monachi *Christiani* habitant, & sacris officijs Deo seruiunt.

EX PALATIO CAIPHÆ, in quo *Christus* à *Iudæis* mortis reus iudicatus est; postmodum *Helena* Imperatrix *Petro* Apostolorum Principi pulchrum constituit templum: quod posteri S. SALVATORIS nuncupauerunt; idque nunc *Armeni* professione *Christiani* tenentes, sua in eo sacra Deo peragunt.

EX DOMO S. ANNE auia *Christi*, pulchrum ædificatum est Templum in honorem eiusdem; quo nunc *Turca* turpiter abutuntur.

EX PALATIO PILATI, in quo *Christus* flagellatus; spinis coronatus, ac demum ad mortem condemnatus fuit, speciosum postea à *Christianis* extructum fuit Templum. Nunc autem habitat ibi Præses, qui *Turca* nomine *Hierosolymis* dominatur. Porro Gradus huius *Pilati* Prætorij postmodum *Romam* translati, etiam nunc sunt pro foribus Templi *S. Ioannis Lateranensis*, de quibus suo loco.

B. MARIÆ V. *Helena* Imperatrix splendidam ædificauit Ecclesiam (quæ nunc desolata cernitur) in loco, vbi B. MARIA cum *Ioanne* & pijs mulieribus stetit, *Christo* cum cruce prætereunte.

EX DOMO MARIÆ, matris *Ioannis Marci*, vnius ex 72. discipulis, in quâ primitiua Ecclesiæ fideles conuenire & orare solebant, insignis postea constructa est ecclesia, quæ *Græcorum Christianorum* fuit prima. Estque Sedes Episcopalis, quam vsque hodie *Syri* tenent.

BETHANIE marmoreum *Lazari monumentum*, in quo à Salvatore fuit suscitatus, ob hoc tam celebre miraculum, ab *Helena* Imperatrice, insigni Ecclesiâ circumdatum est: quod etiam hodie non à *Christianis* solum, sed & à *Saracenis* ac *Turcis* ingenti deuotione honoratur. Posterioribus temporibus fuit hic à *Domina Milisende* Reginâ, abbatia erecta. Quæ omnia nunc panè desertæ peregrinis adhuc ostenduntur.

IN HORTO Montis *Oliueti* non longè à *Gethsemani* rupi cuiusdam concauæ adhærente: in quo *Christus* supplex, semel, iterum,

conuersa in templum.

I X.

Item Caiaphæ.

X.

S. Annæ domus & ecclesia.

XI.

Item Pilati.

XII.

In loco vbi *Christus* cum cruce præteriuit.

XIII.

Domus *Mariæ* *Ioannis Marci*.

XIV.

Sepulchrū *Lazari*.

XV.

In Horto *M Oliueti* & templum.

& tertio Patrem orauit, & sanguinem sudauit, ætate *D. Hieronymi* desuper Ecclesia erat ædificata, quæ adhuc ostenditur.

**XVI.**  
Item in M.  
Oliuarum  
aliud.

TEMPLVM quoque pulchrum ædificatum fuit in loco montis Oliuarum, vbi *Christus* sedens iuxta quamdam cisternam, longo sermone destructionem *Ierusalem*, extremi denique iudicii modum discipulis suis prædixit. Sed nunc desolatum est.

**XVII.**  
Antrum S.  
Petri.

SACELLVM quoque extructum fuit in *Anthro Petri Apostoli*, in quo post trinam Domini negationem, culpam suam amarâ pœnitentiâ & lachrymis expiauit; quod nunc funditus euersum est.

**XVIII.**  
Locus vbi  
Christus  
crucem fe-  
rens, muli-  
eres allocu-  
tus est.

Ecclesia præterea constructa fuit in loco, vbi *Christus crucem ferens*, ad mulieres lamentantes conuersus: *Filiæ*, inquit, *Ierusalem*, nolite flere super me, sed super vos ipsas flete, &c. Sed huius nunc ne quidem vestigia apparent.

**XIX.**  
Turris  
Ader, cum  
Templo.

TURRIS Ader siue *Gregis*, distat passibus ferè mille à *Bethlehem*, vbi pastores nocte vigilantes super gregem suum, viderunt & audierunt Angelos canentes: *Gloria in excelsis DEO* &c; vbi postea templum erectum est SS. *Angelorum* à *B. Helenâ*.

**XX.**  
In Hebron  
Templum.

HEBRON, vbi Patriarchæ *Abraham*, *Isaac* & *Iacob* habitauerunt & sepulti sunt: ibi Templum ornatissimum ab *Helenâ Constantiniani* filij insinctu constructum est. Hodie autem præter magnas & admirabiles ruinas nihil ibi cernitur, sed spatio quantum ter jacit arcus, est *Hebron* noua extructa, in loco videlicet speluncæ duplicis, quæ cum olim habuisset Ecclesiam Cathedralem, nunc in spurcissimos *Turcarum* ritus redacta est.

**XXI.**  
In Monte  
Thabor Ec-  
clesia.

THABOR Mons, in quo *Christus transfiguratus est*: in cuius facti memoriam *D. Helena* tribus Apostolis *Petro*, *Iacobo* & *Ioanni* pulcherrimum hoc loco extruxit Templum, multamque reliquit pecuniam in subsidium eis, qui ibi manerent, locumque ipsum excolerent. Huic Templo accesserunt postea duo Monasteria, ut hîc essent quasi tria, ex *D. Petri* desiderio, tabernacula. Quorum vnum inuenio fuisse Græcorum, atque *D. Elia* consecratum: verisimile est alterum fuisse *Moyse* dedicatum. Nunc trium horum Templorum, & per ambitum planicie aliorum palatiorum, turrium, nobilissimorumque ædificiorum grandes tantum videntur ruinae, in quibus leones, aliæque ferae latent.

SACELLVM quoque fuit extructum ex parte Occidentali contra Nazareth, ad pedem montis Thabor, in loco, vbi Dominus discipulis suis dixit: *Nemini dixeritis visionem hanc, &c. Matth. 17.*

HELENA mater Constantini, Tiberiadi, *Δωδεκάθερον*, hoc est, duodecim Thronorum Templum statuit, quo loco Christus quinque hominum millia pauit, vt auctor est Nicephorus. Intra urbem iocrus Petri domo repertâ, D. Petro pulchrum constituit delubrum.

PTOLEMAIDE insigne fuit Templum S. Crucis, & alterum. S. Sabba, atque hospitale Dominorum Teutonicorum.

In loco ante Australem Sarepta portam, vbi Elias olim ad Sareptanam viduam duo ligna colligentem venit, & cum eâ locutus est; postea Christiani sacram ædiculam cum turri erexerunt. Quam Hieronymi ætate Paula nobilis vidua Romana, cum sacra Palestina loca peragraret, ingressa, Dominum Saluatorem, vt idem Doctor testatur, in ea adorauit.

SACELLVM etiam extructum est à Christianis ante Orientalem Sidonis portam, in loco, vbi mulier Chananea, pro filiâ sua demoniacâ Dominum orans, quod postulauit impetrauit.

In deserto Quarentana dicto commoratus est. S. Ioannes Baptista, inibique in eius memoriam extructa fuit Ecclesia & Monasterium, quod Graci Monachi inhabitabant. Ibi venientem ad se, vt baptizaretur, Christum digito demonstrauit Ioannes: Ecce Agnus Dei; In hoc ieiunauit Christus 40. diebus & noctibus, agens & habitans cum bestiis.

QUARENTANA mons altus & ascensu difficilis, in quo tentatus primùm est Dominus à Satanâ. In huius montis cacumine Sacellum est ruinosum, ieiuniò & oratione Christi venerabile.

FONS IACOB. ad hunc puteum Iesus fatigatus sedens cum muliere Samaritanâ locutus est de aquâ viua, &c. quo loco, D. Hieronymi temporibus, Ecclesia extructa erat & fabricata erat ad radices montis Garizim.

LYDDA, postea Diospolis dicta, in qua sanauit Aneam paralyticum S. Petrus Apostolus. In hac vrbe vsque hodie, ait Guilelmus Tyrius, egregij Martiris Georgij gloriosum sepulchrum ostenditur, in quo, secundum exteriorem hominem, in Deo creditur

XXII.

Ibidem Sacellum.

XXIII.

Tiberiadis duo templa Hist Eccles. lib. 8. c. 30;

XXIV.

Ptolemaidis Ecclesie;

XXV.

Sareptanum Sacellum.

XXVI.

Item Sidonis.

XXVII.

S. Ioannis Baptistæ templum;

XXVIII.

Sacellum M. Quarentana.

XXIX.

Ad fontem Iacob Ecclesia.

XXX.

Sepulchrû S. Georgij. Lib. 7. bel. fac. cap. 22;



conquiescere : ad cuius honorem *Iustinianus Ecclesiam*, multo studio & deuotione promptâ, ædificari præceperat. Erat enim in eadem vrbe decollatus *S. Georgius* : vnde etiam nunc ad *S. Georgium* dicitur.

XXXI.  
S. Ioannis  
Baptistæ.  
templum.  
Samarizæ.

SAMARIZÆ fuit *Ecclesia* quondam in honorem *B. Ioannis Baptistæ*, cum sepulchro, quod de marmore fuerat factum ad instar sepulchri Dominici. Sed hanc *Saraceni* sibi vsurpauerunt, vt & aliam Cathedralem Suffraganeam, quam in supercilio montis positam *Græci* Monachi inhabitabant, à quibus perbenignè fuit exceptus *Brocardus*.

XX XII.  
Templum  
M. Carmeli.

In CARMELI promontorio *S. Helena* construxit *Ecclesiam*. Porro in pede montis *Carmeli* Orientali spelunca est & fons, vbi habitabant *Elias* & *Heliséus* & filij Prophetarum. Postea habitauerunt ibi fratres *Carmelita*, vnde & originem & nomen habent.

XXXIII.  
Ecclesia ad  
arborem  
Mambre.

B. HELENA, *Constantini* filij instinctu, ad arborem *Mambre*, quæ nunc *Terebinthus* dicitur, quindecim stadijs meridiem versus vicinam habens *Hebron*, à *Ierosolymis* autem abest ducenta circiter & quinquaginta stadia ; vbi vera certaue fama est, vnâ cum Angelis contra *Sodomam* euntibus, & Filium DEI hospitio acceptum esse ab *Abraham*, ab eoque *Isaaci* procreationem annuntiatam ; maximum ornatissimumque *Templum* erexit : intellexerat enim *Constantinus*, veteres *Græci* superstitionis aras sub eâ construxisse, *Græcis* sacrificijs isthic operatos esse, vinum libasse, thura adoleuisse, bouem, hircum & gallum sacrificasse, lucernas oleo infuso apposuisse, placentas obtulisse ; quosdam etiam nummos & varij generis vnguenta in vicinum puteum coniecisse, ita vt rerum coniectarum ingenti copia aqua inutilis sit reddita. Quod sanè *Constantini* vxoris mater cum fortè istuc transiret, visum, genero ipsi renuntiavit : Animaduenterat enim æstiuo tempore, loci incolas, longinquoiores etiam *Palestinos*, *Phœnices*, & *Arabes*, annuas ferias in ea regione peragere. Et conuentus celebrataeque ea grata fuerat omnibus : *Iudæis* quidem, quod Patriarcham, generisque sui principem iactarent *Abrahamum* ; *Græcis* verò propter Angelorum in eum locum aduentum ; *Christianis* porro, quod à Deo dilecto illi id prædictum fuerat, quod multis postea sæculis de Virgine

gine futurum fuerat. Quà re *Constantinus* cognitâ, Episcopis *Pala-*  
*stinis* vitio vertebat, inprimisque *Eusebium Pamphili* perstringebat,  
quòd sic tam sanctum locum despexissent: Itaque Episcopis *Phœ-*  
*nicia* mandauit, vt ex ipsis fundamentis aræ euerterentur, simula-  
cra igne comburerentur, ac *Templum* ibi tantæ antiquitatis nomi-  
ni conueniens extrueretur, in quo diuinum numen Ecclesiæ rece-  
pto ritu coleretur, locusque de cetero à contaminatione omni li-  
ber esset. Quòd si quis deinceps eiusmodi quidquam facere depre-  
hensus esset, eum graui multatum iri pœnâ constituit. Atque im-  
perata hæc ad rem collata, legitimum consecuta sunt exitum. *Ex*  
*Niceph. l. 8. hist. Eccles. cap. 30.*

In summitate Montis SINAI (vbi *Moyfès* legem à Deo acce-  
perat) corpus *S. Catharina* ex *Alexandria Aegypti* ab Angelis dela-  
tum & sepultum est: ex cuius membris virgineis olei fluit vnda  
salubris. Ad radices huius montis à Iustiniano Imp. fundatum est  
monasterium *S. Catharina*, Monachorum Ord. *S. Basilij*, vbi plus-  
quam nouem millia descriptorum quiescunt corpora Monacho-  
rum. *Wilhelmus Tyr. 14. bell. 12.*

XXXIV.

S. Cathari-  
næ in Mon-  
te Sinai.

BETHSAIDÆ *Helena Constantini* mater pulchrum *D. Petro*  
constituit Templum, vbi erat domus *Petri & Andree*, quam *Chri-*  
*stus* ingressus, socrum *Petri* in lecto decumbentem, grauiusque  
febricitantem manu apprehendisse, ac dicto sanasse Euangelistæ  
describunt. Vbi quoque post Solis occasum oblatos sibi ante ja-  
nuam multos male habentes, ac varijs morbis affictos, atque à  
demonijs vexatos curauerit.

XXXV.

Ecclesia  
Bethsaidæ.

## CAPVT II.

# ALIE ORIENTIS NONNVLLÆ CELEBRES ECCLESIAE.



IUSTINIANVS Imp. in construendis Templis se multum  
municum & magnificum ostendit: de cuius ædificijs  
legendus *Procopius*. Certè ANTIOCHIAE à se restituta

I.  
Iustiniani  
templum  
Antiochiæ.

DEI Genitrici ingens Templum dedicauit, cuius splendorem & ma-  
gnificentiam oratione æquare impossibile est, ait *Procopius*.

Præterea MICHAELI Archangelo magnam admodum ædem  
confe-

II.  
S. Michaelis

consecrauit, addit de Nofocomijs, Xenodochijs, &c. *Procop. de ædif. 2. anno 542.*

## III.

SS. Aposto-  
lorum.

Instaurauit idem CONSTANTINOPOLI *Basilicam Apostolorum*, repertis corporibus Apostolorum, *Andrea, Luca, & Timothei.*

## IV.

5. Sophiae  
Constanti-  
noli.

Euagr. lib.

4. c. 30.

Procop. lib.

1. ædif. Iust.

Idem instaurandis ædificijs intentus: cum multas sacras ædes pulcherrimo artificio elaboratas, Deo & Sanctis erexit, tum insigne illud, & præ ceteris eximium, amplissimum dico & sumptuosissimum SOPHIAE Templum extruxit, quod quidem tale fuit, quale non aliquando antè visum fuisset, quodque ornatu & splendore adeò excelluit, ut nullâ dicendi vi facillè explanari posset. In orbem hanc habuit inscriptionem.

TVA DE TVIS TIBI OFFERIMVS SERVI TVI CHRISTE, IVSTINIANVS, & THEODORA. EA TV PROPITIVS ACCIPE FILI DEI VERBUM. QVI NOSTRI CAUSA CARNEM ASSUMPSISTI, ET CRUCI AFFIXVS EVISTI, AC NOS IN TVA RECTA FIDE CONSERVA, ET QVAM NOBIS COMMISISTI REM. EAM AD TVAM GLORIAM AVGE, ET TVERE, INTERCEDENTE SANCTA DEIPARA VIRGINE MARIA.

Porro Templum hoc magnificentissimum, admirando ædificio stupendum, Græcâ voce ΑΓΙΑΝ ΣΟΦΙΑΝ, id est, *sanctam Sapientiam*, appellauit.

## V.

Blachernis  
Deiparae  
templum.

BLACHERNIS ibidem insigne Deiparae templum, eximiâ quadam ac pænè incomparabili pulchritudine, & lapillis aureis in utroque pariete arte summâ exornatum fuit. Etenim eximio & pererudito artificio carnalis Christi natiuitas, & diuina ipsius miracula, & venerandorum mysteriorum traditio, ac denique per ipsius Crucem in infernum descensus, & resurrectio illic picta erant,

## VI.

Elegantissi-  
mum Pari-  
templum.

In insulâ *Paro* Templum DEI genitricis elegantissimum, erat vndique iustâ constructum symmetriâ, & frequentibus ful-  
tum columnis ex lapide basilico, & secto lapide vestiti erant eius parietes, non secus ac columnæ. Lapidem autem adeò tenuem, & subtilem effecerat artifex ut viderentur parietes induti textis byssinis. Marmoreus verò nitor lapidum tantum ostendebat candorem & splendorem, ut margaritarum superaret fulgorem.

Tam



Tam egregius erat lapis, vel potius studium artificis, qui etiam naturæ contendit tribuere pulchritudinem. Cum autem venerandæ & diuinæ mensæ, quod est supra impositum tegumentum, intra portum vidimus, stupuimus elegantia. Ita enim erat tornatum, vt non videretur habere naturam lapidis, neque ferro, & arte, & manibus excisum esse: sed simile erat cuidam succo lactis commixto, cuius suffusio fabrefacta erat ad testi figuram.

CAPVT III.

CELEBRIORA ROMANÆ VRBIS  
TEMPLA.



ROMANVM S. PETRI in Vaticano Templum, augustissimum Urbis & Orbis terrarum: siquidem eius fabrica, sumptu, magnificentia, marmoribus, & opere superat omnia orbis terræ templa. Vincit haud dubiè *Ephesinum* illud, vnum in vniuersi orbis miraculis, ab *Erostrato* incensum, vt hoc flagitio nomen ad posteros, obscurum alioqui, transmitteret.

Id principio Magnus *Constantinus* extruxit, atque etiam suismet ipse humeris xxi. corbes arenæ è fundamentis suâ dextrâ egestæ asportauit, hoc infimæ submissionis actu totidem Apostolos veneratus. Pridem *Iulius* ii. hanc quæ jam exsurgit, superstruere molem orsus est, ceterique post eum Pontifices immenso suo sumptu, *Michaëlis Angeli Bonarota*, & *Iacobi Porta* eximiâ operâ propemodum ad sidera duxere. Etenim celsitudinis est planè admirabilis: stadij dimidij aut pedum trecentorum, longitudinis quadringentorum; tecta quatuor ædiculis fornicatis, quas inter medius est ingens & vertice suo longè reliquum rectum exsuperans tholus, qui duplici fornice constat, atque in interuallo, quod inter vtrumque fornicem patet, plures cameras habet elegantissimis fenestris & inter eas interiectis columnis alijsque ornamentis lucentes: radiat verò intrinsecus auro, & *Mosaica* picturæ genere ornatus adeò splendide est, vt adijci ad elegantiam nihil posse videatur. Alæ Templi in plura Sacella discretæ: sed omnium augustissima illa, quæ quaternis, quas dixi, fornicatis ædiculis teguntur, micantque auratis laquearibus. Horum illud, quod pri-

I.  
Ecclesia S.  
Petri in Va-  
ticano.

Sacellum  
Gregorianum, in  
quo Gregorius XIII.  
Pont. humatus: ex  
aduerso

Paulus III.

Templi veteris reli-  
quæ.

num ad dextram se offert, *Gregorianum* nominatur, quia *Gregorius XIII.* eius nominis Pontifex *D. Gregorio Nazianzeno* dicauit, & sepulchrum in eo viuens sibi præparauit. E regione *Pauli III.* ex illustri familiâ *Farnesiorum* æneum insigne cœnotaphium; vt mittam alia tam ærea, quàm marmorea Rom. Pontificum sepulchra, quæ in veteri nouaque Basilica crebra atque illustria conspiciuntur.

Vetus Templum fulciebant *xxiv.* columnæ. Harum marmor admirandis coloribus variegatum est. Nihil vsquam gentium spectatur elegantius: allatæ sunt hæ vastissimæ columnæ è proximâ *Hadriani* Imp. mole, vt Templi huius fulcra essent. Columnæ ad *S. Eucharistiæ* Sacellum, tortiles, & foliatis gyris cinctæ, & illæ quæ sudarium *Veronica*, vulgò *Vultro sancto*, sustinent, & quinque in Sacello sacro, vna item in medio fabricæ nouæ *Hierosolymis* à *Tito Vespasiano* aduectæ putantur è templo & palatio *Salomonis*, deuictis *Iudeis*, vrbeque funditus euersâ. In Templi areâ quæ *Paradisus* nominatur, ingens nux est pinea ex ære fusa, alta amplius quinque cubitos, integiturque æneâ crate, porphyreticis columnis suffultâ; & in cratis fronte duo ærei pauones. Plura de hoc vide *suprà p. 4. c. 8.*

II.

S. Pauli Basilica.

*S. PAULI* amplum & pulchrum Templum, à *Constantino M.* ædificatum, longum passus *cxx.* latum *lxxxv.* Fulcitur columnis marmoreis striatis *xl.* alijsque toridem rotundis, & paulò minoribus: vt sint vniuersim *cxliii.* Pavimentum marmoreum. Altare summum *liii.* columnis porphyreticis marmoreis sustinetur, ad quod imago *Saluatoris* frequenter ostenditur, quæ *S. Brigida* oranti locuta, vt inscriptio, & appensa tabula testatur. Duo marmora, in quibus Euangelium & Epistola in sacre Liturgiæ officio recitatur. In fornice miraberis opere musuo egregie expressum *Saluatorem*, *SS. Petrum & Paulum*, & *Andream*, cum dictis cuiusque mortisque *Christi* insignibus & instrumentis. Instaurauit nuper egregie *Clemens VIII.* Pont. verè optimus. In portis æneis sacre historiæ incisa variæ, Græcè & Latine expositæ: testaturque titulus *Alexandro IV.* Pont. Max. à *Pantaleone* Cos. fieri iussus. *Paulus V.* Pont. Max. exornauit hoc Templum excitato in capite eius

Noua ornamenta à  
Paulo V.  
Pont.

eius splendidissimo Altari, pauimento ac parietibus circa obductis pretiosissimo lithostroto, illustratis plurimo auro, interpositis pulcherrimi operis imaginibus, absis, quæ imminet, musuè seu mosaicè picturata è veteribus superest. Sacella hinc inde columnis conspicua recens exstructa sunt. In hac Ecclesià ante Altare B. MARIE V. S. Ignatius S. I. conditor solennem professionem emisit, seque suosque pulcherrimum DEO holocaustum obrulit. Hoc autem (vt memorià ad posteros perenni transmitteretur) sequentem Inscriptionem, vt in eadem Patriarchali S. PAULI Basilicà appenderetur, vir doctus, eius Monasterij cœnobita, in S. Ignatium affectu optimo confecit.

S. Ignatius  
hîc professi-  
onem  
emisit.

## MEMORIÆ SACRVM.

*Sanctus Ignatius de Loyola,  
Quem Benedictina Religio in Sanctioris vitæ Incunabulis  
Lactauit in Monte Serrato:  
Pietate adultiori prima nuncupantem vota Religiosæ vitæ  
In Monte Martyrum suscepit:  
Sue Societatis condentem leges  
Albanetano Cassini montis secessu instruxit:  
Triplici monte triplicem formans, fouensq; hominem,  
Pium, Religiosum, Patriarcham:  
Ad hanc Beatissima Dei-parentis Aram  
Cum primis tanti Operis, & Auspicijs  
Sui Ordinis solemnia vota Primus sacravit:  
Et Societati Domini Iesv nomen, & auspicia dedit,  
Anno Incarnati DEI MD. XXXXI. XIII. Kalend. Maij:  
Sedente ad Catholica clauum Ecclesiæ  
Paulo III. Pont. Max.*

*Et sacri huius Cœnobij S. Pauli de Vibe Abbate*

*Domino Laurentio Mantuano.*

*(Scilicet Beneficiorum à Benedictino Ordine acceptorum memor,*

*Alibi nec voluit, nec valuit gratius feliciusue)*

*Viro sanctissimo, & in Benedictinam Religionem animo gratissimo*

*Cassinen-*



## Cassinenses Benedictini Monachi

*Sacrofancta Patriarchalis Basilica S. Pauli de Vrbe,  
Ne tanti facinoris hic peracti memoria periret,  
Gratissimi posuere.*

III.  
Ecclesia S.  
Mariæ Mai-  
oris,

S. MARIE Maioris Templum Augustum, inter cetera, operis musui, vniuersim *Ionici* fultum columnis, longitudine pedum CCCXII. latitudine CXII. Pauimentum opere tessellato, atque emblemate vermiculato, laquearia item inaurata. Extat hic pars præsepis, in quo *Christus* virgineo vtero egressus primum recubnit; seruaturque in laterali Sacello, quod *Pius V.* inchoauit, *Sixtus V.* verò, vt cetera, splendidissime perfecit, operuit pulcherrimo tholo, picturis marmoribusque elegantissime vestijt, hinc suo, inde *Pij V.* iconico simulacro, & rebus gestis *Pario* marmore expressis. Geminum huic è regione *Paulus V.* erexit. Templi ipsiusmet tria præ ceteris memoranda altaria videntur: Summum, sub quo *D. Mathia* Apostoli ossa; alterum ad dexteram columnatum, plurium Diuorum à *Serrano* nominatorum ossa seruans; tertium item ornatum columnis, ferentibus notam illam *Deipara* effigiem; qualem *S. Lucam* pinxisse scribit *Nicephorus*. Hic etiam sepulchrum *S. Hieronymi E. D.*

IV.  
S. Laurentij  
templi ve-  
teres opes,

S. LAURENTII extra muros Ædes pulchra marmoreis nixa columnis xxxvi. ac marmorum haud paucis ornamentis conspiciua, quæ à conditore suo *M. Constantino* accepit atque retinuit: opes alias, quas amouere facile erat, amisit. Nusquam est aurea illa xx. pondo lucerna; nusquam denæ argenteæ, singulæ xv. pondo, quas cum illâ Templo dicauit pius Imperator; non cetera eius donaria: vt phari, quos vocabant, ex argento pondo ccxl. non argentea corona pondo xxx. non argenteum altare pondo l. non eiusdem metalli cancelli m. pondo; non illi item ex argento ccc. pondo, quos *Sixtus III.* altari circumdedit scribitur, comparent. Tectum verò, quod auratis laquearibus collucens cernis, *Oliferius Carafa* Card. *Neapol.* adstruxit. Verumtamen omnis auri, argenti ac marmorum instar sunt pretiosissima Martyrum ossa, quæ in subterraneis cellulis, sepulta coluntur; exsuperant humanas ac fluxas

fluxas opes illæ beatissimarum mentium exuuiæ: corpora inquam duorum clarissimorum bellatorum, *Stephani* protomartyris ac *Laurentij* in marmoreo loculo, ferreis cancellis incluso, condita sub principali arâ. Nec corpora modò, quæ patiendo victores animos effecere, sed victoria insuper instrumenta exstant: lapis, quo petitus fuit *S. Stephanus*; & pars cratis, in quâ tostus *S. Laurentius*, & lapis in quo exspirauit, fluente ex corpore eius tabo adipeque tinctus per transfennam adspicitur. Superest præterea æreum vasculum, quo idem in carcere *S. Lucillum* baptizauit.

*S. IOANNIS Lateranensis* Basilicam, restibus *Damaso* & *Beda*, primam omnium Magnus *Constantinus* CHRISTO DEO Diuisque *Ioanni Baptista*, & *Ioanni Apostolo* dedicauit; addiditque donaria inæstimabilis pretij: lucernas auro & argento solidas, in quibus nardinum piscicum oleum nutriret æternum ignem, vtque comparando huic tam pretioso pabulo sufficerent sumptus, agri *Lati- ni Campani*; partem Ecclesiæ *Lateranensis* donum dedit. Ornamenta Templi & sacram supellectilem, statuas nimirum, calices, patinas, cantharos, aliaque id genus vasa aurea & argentea, quæcumque huic ædi pientissimus Imperator largitus est, vetus quidam de munificentia *Constantini* scriptus & inscriptus liber sigillatim enumerat, habitâ ponderis eorum exactâ ratione; pendebant autem auri purissimi pondo MLXXXV. argenti puri pondo MDCLXXXV. Ceterum templi *Lateranensis* facies hodie talis est. Tectum eius vermiculatis emblematis inauratisque laquearibus fulgidum; quæ verò principali aræ incumbit, arcuatum est & Diuorum imaginibus pictum, quas inter meritò spectanda *Christi* effigies, quoniam omnium prima *Roma* publicata fuit; atque ab incendio, quo cetera non semel arserè, intacta permansit. Tectum quadruplex columnarum series sustentat, quas *Constantinum* ipsum subdidisse arbitror: cetera ornamenta satis scio non ita pridem *Romanos* Pontifices addidisse: *Martinus V.* cuius in medio templo sepulchrum simulacrumque visitur, Basilicam vetustate atque incendio deformatam picturâ & tessellato pavimento illustrauit; cui operi, quia *Martinus* non omninò perfecit, *Eugenius IV.* extremam addidit manum curauit, inde alij Pontifices fulgentia auro laquearia imposuerunt.

V.

Ecclesiæ  
Lateranensis.Veteris  
opes.Nouæ or-  
namenta.

Baptisteriū  
Constanti-  
ni M.

Exitur è Templo in Sacella: inprimis *Constantini Magni* baptisterium, circularis figuræ, porphyreticis columnis circumcinctum, plumbeis à *Leone X.* tectum laminis. Inscriptio in fronte hæc legitur:

*Insons esse volens isto mundare lauacro,*

*Seu patrio premeris crimine, seu proprio.*

Fuere autem cetera quidem porphyretica: vas, quod aquam continebat, argento solidum, pondo MMMVIII. inque medio eius è porphyrite sculpta columna surgebat auream lampadem L. pondo ferens, cui in vicem olei balsamum infundebatur; positi circum septem argentei cerui erant, aquam fundentes, quorum quisque pondo LXXX. pendebat; aureus insuper agnus pondo xxx. & argenteum *Christi* simulacrum CLXX. pondo. *Ioannis* Baptistæ statua item argentea pondo centum; thymiamaterium ex puro puro auro duabus & quadraginta pretiosissimis gemmis redimitum, pondo x. Hæc quò rapta, aut in quos usus versa fuerint, equidem ignoro. Porphyreticæ modò columnæ, quas baptisterio circumdederat *Constantinus*, supersunt; aliaque insuper eiusdem æreum, galli sigillum gestans columella, nescio vnde in hunc locum illata. Iam in Templi atrio tres marmoreæ portæ spectantur, *Pilati* quondam in ædibus constratæ, per quas *Christus* ad *Pilatum*, ut aiunt, fuit introductus. Ceterum ad Sancta Sanctorum marmorea Scala ducitur duo de triginta graduum; ipsa quoque *Hierosolymis* aduecta, cum ad *Pilati* ædes fuisset, per quam tractus *Christus*, quamque sanguine è vulneribus rorante imbuisse creditur. Cernere adhuc guttas aliquot licet sub ferreâ crate: itaque pedibus calcare locum nefas; genibus nixi repetunt per gradus concessasq; à Pontificibus Indulgentias merent.

Sancta San-  
ctorum, &  
Scala.

Basilica S.  
Sebastiani.

S. SEBASTIANI Templum oblongum in via *Appiâ*, non nimium superbæ, sed simplicis structuræ, pauimento marmoreo, tecto lapideo, quatuor ad maximam aram sitis columnis. Sub Templo & cancellis *S. Lucine* Templi conditricis, & *DD. Sebastiani* ac *Stephani* Pontificis & Martyris corpora recumbunt, ostenditurque in Catacumbis, ut vocant, puteus, in quem abiecta *SS. Petri* & *Pauli* corpora plurimis annis delituere, Sacellum & subterra-

neum



neum XII. gradibus : & Crypta ac Cœmiterium B. Calixti Papæ & Martyris : & reliquæ amplius CLXXIII. millium SS. Martyrum, & XLVI. (alii non nisi XIX. summos PP. numerant) beatorum summorum Pontificum corpora requiescunt.

S. CRVCIS IN HIERVSALEM in *Celio monte*, vna è septem, maximè religiosæ vrbs *Romæ* Ecclesijs Templum mundum & elegans, ab *Helena Constantini* Magni Imp. matre adificatum, columnis xx. Sunt & hîc duo marmorea monumenta è nigro, subrufo, & candidissimo marmore. Summi altaris tectum IV. marmoreis columnis sustinetur. Solum loci illius è terra sancta *Hierosolymis* aduectum fuisse inscriptio testatur, & asyllum ibi olim fuisse sub *Romulo*, auctamque inde à *Tullo Hostilio* urbem, pomerioque additum olim fuisse referunt : vt vbi olim sceleris impunitas, ibi sub CHRISTO criminum venia tribuatur.

Hîc descendantibus occurrit Sacellum, quod D. *Helena* Imperatrix exstruxit, consecrauit *Siluester*, ceterique deinceps Pontifices Maximi sacris opibus & Indulgentijs ditârunt ; nec ita pridem *Albertus Austria* Archi Dux parietes illustrauit. Testudinem veteris picturæ genere, quod *Mosaicum* vocant, ipsa, vt existimo, Imperatrix *Helena* exornauit.

S. MARIA ROTVND A, à formâ sic dictum ; olim quia Deorum omnium fanum, *Pantheon* dictum ; & rotundum, nequa de loco lis inter DEOS, cum ne *Terminus* quidem *Ioui* voluit cedere : nunc omnibus Sanctis sacrum, & B. Virgini calorum reginæ. Magnificentissimum spectabis Templum à M. *Agrippa III. Cof.* constructum, vt inscriptio vncialibus litteris præfert. Hoc ipsum Templum, vt ideam & exemplar perfectæ Architecturæ exhibet, explicauit *Ludonicus Demontesius*, pictor & Architectus insignis, singulari libro *Romæ* edito, qui inscribitur, *GALLVS hospes in vrbe*. Qui tradit omnium deorum inibi statuas fuisse, & situm ordinemque explicat : scilicet *Iouis Vltoris*, cui potissimum, *Plinio* teste, *Pantheon Agrippa* dicauit, in tribunali maximo, vbi hodie Ara principalis consistit ; ceterorum cælestium deorum in ædiculis, quæ toto circum templo incisæ muro spectantur : terrestrium verò in intercolumnijs, loco humiliore ; inferos denique

VII.  
Ecclesia S.  
Crucis in  
Hierusalē,

VIII.  
Pantheon ;  
seu S. Maria  
Rotunda.

Lib. 36. c. 15.

infra terram abditos delituiffe. Celebratiffimum itaque omnium templorum fuit laudatumque vnicè & ab architecturæ præfantiâ ac dignitate, & à superbo alio ornatu. Cuius quidem ad hæc tempora peruenit propè nihil, præter ænearum tegularum quædâ fragmenta, & æreas ingentes valuas; & marmorum, quibus templum intrinsecus incrustatum ac pavementatum pulcherrimè fuit, quasdam reliquias. Aliorum ornamentorum partem homines abstulere, partem temporum varij casus: attamen nuda quamuis moles structuræ omnes laudes exsuperat, absolutiffimæ architecturæ exemplar atque miraculum. Quis enim non stupeat adeò amplum fornicem, nullis sustentatum fulcris, velut in aëre hædere suspensum? in cuius vmbilico patulum foramen diem accipit, eaque vnica fenestra est. Per hanc Solem, per hanc imbres incidere necessum est, sed protinùs effluere, namque medio in pavemento cloacæ os est, hinc confluens pluvia aqua emittitur.

Altitudinis templi ac latitudinis par spatium, pedum CXLIII. quâ in dimensione crassitudo muri non continetur; propè quadragenis pedibus latitudo celsitatem excedit, cum duodeviginti pedes murus crassus sit, qui numerus duplicandus est, vt *Demonstefus* obseruauit: vt *Schraderus* verò, ad tectum gradus CL, ascensum præbent hinc ad vmbilicū testudinis (quâ nempe parte altissima est) gradus XL. olim ærati, post nudati demùm plumbeis laminis obtecti. Vestibulum templi, siue prothyron mauis vocare, humilior multò est dissimileq; omnibus partibus ipsi corpori; cuius nec pars quidem esse videtur. Sed, Deus bone, quæ illud columnæ ferunt, & machina se ipsam fert; stupemus in hac, quòd columnas non habeat: in illo, quòd habeat adeò vastas, altas, excultas. Crassitudo quidem est pedum sex, altitudo trium ac quinquaginta. E *Thebano* autem vel *Ethiopico* durissimo marmore (quem *ophitem* quidam, *Itali granitum* vocant) exsculptæ XIII. sunt, cum olim XVI. essent; abest quippe vna, & duæ ab incendio inutiles factæ fuerunt. Cultus præcipuus in capitibus est, quæ *Corinthia*, impositæque super æreæ trabes: & ærea fulcra sunt, quæ tectum sustinent. Sed & tellus, quæ omnia atque adeò seipsam fert, siue impar ferendo fuit, siue impositum onus indignata, subsedit,

subsedit, & quod conditor adeò supra solum extulerat, vt pluribus gradibus ad id ascenderetur, ipsa tantum intra se recepit, vt totidem hodie descendatur.

Qui *Pantheon Christianis* sacris, & summæ Diuæ addicauit, *Bonifacius IV.* fuit, fecitque *Phoca* Imp. permisso. Addit *Hugonius* eundem Pontificem Diuorum ossa è coemeterijs egesta aduectaq; duodetriginta plaustis subter intimum altare condidisse.

S. MARIA in *Arâ cæli*, situm in Capitolij summo vertice Templum, varijs marmoribus ac columnis illustratum est, & auratis laquearibus fulget; quod dum Magnus *Gregorius*, conditor eius, dedicaret sacraretque, Angelum aiunt humano habitu apparuisse. Spectantur sanè in marmore rotundo ferreis clathris circumsepto velut infantilium pedum notæ, quas perhibent insistentem ei Angelum reliquisse, & *Deiparæ* juxta crucifixum filium consistentis imago monstratur, à *S. Lucâ*, vt memorant, depicta.

S. MARIA de *Anima*, gentilium *Germanorum* & *Belgarum* templum. Plurima in eo *Germanorum* monumenta, quibus in patriam reditum mors inuidit. Hic ad altaris summi sinistram augustus tumulus *Hadriani VI.* Pont. Max. Ad dextrum aræ latus *Caroli* Principis *Cliniæ* monumentum ingentis sumptus. Templum ipsum ab *Hadriano*, quem dixi, aut exstructum, aut exstrui cœptum, magnificè, vt dignum erat amplitudine nostræ nationis. Postea atque altaria marmoribus exulta; sacella quæque alia sunt, platarum pictorumque illustrata operibus; moles ipsa testudineata, vastis innititur columnis. Imago est B. Virginis marmorea, hoc disticho:

*Virginitas, Partus, discordes tempore longo,*

*Virginis in gremio fœdera pacis habent.*

Templum PP. Societatis Iesv admirabili structuræ splendore excellit inter pauca. Frons forinsecus quadratis carentibus faxis alioque cultu magnifica, intus superba aliquot altaria: sed quod principale atque intimum est, columnarum ornamento facillè præstat. Tegitur templum fornice vasto, elato, pulcherrimo: & ipsum plumbeæ laminæ tegunt. Omnia *Alexandri Farnesij* Card.

maximis impensis fabricata.

IX.

Ecclesia S. Mariæ in Arâ cæli.

X.

S. Maria de Anima.

XI.

PP. Societatis Iesv.



# CELEBRIORA VENETIARVM VR BIS TEMPLA.

Templi S.  
Marci or-  
natus mul-  
tiplex.



Antiqui MARCI tutelaris *Venetorum* Diui augustum Tem-  
plum sumptu & artificio mirabile, quod quidem amplifi-  
simum, ac ex marmore nobili constructum est. Pau-  
mentum ex *Porphyriticis, Laconicis, Thasijs, Ophiticis* aliorumque  
pretiosorum marmorum lapillis tessellatum, ac varietate colorum  
resplendens picturas egregias repræsentat, quæ inter potissimum,  
spectatur saxum bipedale, angustum ac discolor, rufo tamen simil-  
limum, de quo varia vulgus in æstimando tantum non varium:  
aurum pretio exæquat, & propè semel fuisse, ut à *Iudeo* effoderetur,  
memorat. Pariter in pavimento saxeum æquor ostentat, albos la-  
pides cæruleis tractibus distinctos, ita ut vndarum quamdam spe-  
ciem referant. Videntur in eiusdem templi solo emblemata ali-  
quot insignia, quæ curiosa ingenia diuersis coniecturis exercent:  
*Ioachimo Abbati Sansorio*, quondam vaticinijs claro adscribunt.

Lapides à  
naturâ va-  
riè picti.

Parietes templi seu basilicæ, marmoreis tabulis varietate co-  
lorum pulcherrimis sunt incrustati. Ad læuam duæ albæ coniun-  
ctæ sunt ex vnâ trabe marmoris sectæ tabulæ, in quarum commis-  
surâ lineis nigricantibus natura ludibunda tanto artificio viri effi-  
giem expressit, ut omnibus industriose depicta videatur, & eius  
tamquam miraculi mentionem fecerit *Albertus Magnus* in suis  
Meteoris. Fornices *Mosaico* opere, quod vocant, inaurati sunt, in-  
fertis elegantibus figuris, & vnâ S. Marci effigie plurimum lauda-  
tâ. Testudinem in pictas, ut dixi, apsidēs curuatam sustentant.  
xxxvi. columnæ marmoreæ, quas inter viii. nigerrimæ candidis  
maculis venustè discretæ dubrum pedum crassitudine per diame-  
trum, nam tota peripheria plurimum est. Vide *suprà p. 4. c. 13.*

Aræ maxi-  
mæ orna-  
menta,

Aræ maioris palla, quam vocant, ex aureis solidis laminis  
compacta, lucida frequentibus gemmis & *Græcanicis* sigillis varie-  
gata hercle spectantium oculos diu moratur. Testudinem, quæ  
aram tegit decussatim, ex pulcherrimo ophite constructam or-  
natamq; insculptis Biblicis imaginibus ferunt quaternæ columnæ

*Parij*

*Parisi* marmoris simili ornatu insignes. A tergo, ultimam ante aram videas totidem alias sub pallidas columnas, alabastrinas, diaphanas instar nitri crassioris, quas è palatio *Salomonis* ablatas illataque fuisse in hoc Templum audeat dicere *Boissardus*: Iam monumenta principum virorum & sacella, quæ in hoc templo illustria, quis prodiguitate explicauerit? In eâ deinde cellâ, quam indicabunt ad dexteram eminentes fores auro & tessellis conspicuæ (ubi loci, spectantur quoque *DD. Dominici & Francisci* effigies multò antè, quàm ij nascerentur, ab Abbate *Isachimo* formatæ) thesaurus *S. Marci*, ut vocant, asseruatur, immensæ res pretij, atque ut ait Poëta quidam:

*Innumeros calices hic, aurea vasaq; cernes*

*Apta ministerijs, usibus apta pijs.*

*Ac plures chlamydes gemmis auroq; rigentes,*

*Quam quot luciferos integer annus habet.*

*Mollia prætereo, qua Seres vellera quondam*

*Nère, sed Ausonides jam didicere nurus.*

*Nec refero tinctas concha Sidonide vestes,*

*Nemo sacerdotum quas numerare potest.*

Syllabum pretiosissimarum rerum apud alios leges, ego templi reliqua persequor, portas scilicet, vestibulum & externa ornamenta. Portæ anteriores quinque sunt ex ære fusæ. Frons, ubi aditus principalis è foro, super emblemata *Græcanici* operis statuasque Diuorum in spatijs sitas exornata est duplici ordine columnarum, quarum quæ in inferiori stant, altæ pedes XIII. centum quatuordecim: superiores non eiusdem quidem magnitudinis. Attamen formæ paræ & numeri multò maioris, CCXLVI. numerantur. Notârunt aliqui ampliùs quingentas totius Basilicæ columnas esse, quarum pars maxima è *Graciâ* atque *Athenis* fuerit aduecta, præter reliquam materiam & structuram, quæ ipsa quoque sumpta à *Græcis* fuisse videntur. *Christiano* tamen ritu, & fermè jam totâ *Italiâ* vîtato formatum templum fuit, ut crucis figuram referret. Quinque fornicatæ, hemisphærij in modum testudines obtegunt molem, ipsæque plumbeis laminis teguntur. Nec silenti promittentes in forum cuprei plumbei que siphones, in quos pluuia aquæ

<sup>1</sup> par. topogr. Rom,

Templi D. Marcifrons, eiusq; ornatus à statuis & columnis.

Cisterna Venetæ.

Lib. 2. Venet. de script.

I I.

Quot templa Venetijs?  
146.

corruantur, delapsæque porrò in terram & ab occultis canalibus haustæ vicinos puteos implent, quos intra defæcata in potum humanosque alios vsus solent conuerti. Ceterum principali ostio, quod occidentale forum respicit, adsunt porphyreticæ oëcio columnæ pretij & elegantix incredibilis. Superstant quatuor ærei equi, auro oblitri, salientium specie, effecti ad eò singulari arte, vt ausit dicere *Sanfoninus*, omnibus in terris pares non reperiri.

Templa *Venetiarum* omnia enumerare, non est mei instituti, quia non nisi principalia, & à singularis structuræ elegantia celebrata adnumerare constitui, quibus dumtaxat per censendis operam meam impensam volui. Vt tamen quotam partem omiserim sciatur, Parochialia in Vrbe templa ad septem & sexaginta numerantur; quorum omnium D. MARCI ædes sine controuersia splendidissima atque amplissima est: D. Iacobi vetustissima: S. Petri in castello religiosissima, vt cui *Venetus* Patriarcha præsideat, quam DD. Martyrum *Sergij & Bacchi & Laurentij Iustiniani* cineres, quam Petri Apostoli marmorea cathedra *Antiochiæ* ex dono *Michaelis Palæologi* Imp. accepta, dignissimam reddant omni veneratione. Præterea Monasteria Virginum, viginti sex: virorum quatuor & quinquaginta.

III.

Illam primò, quæ contra forum D. Marci quingentos admodum passus diffusa conspicitur, & S. GEORGII Maioris dicitur, *Benedictini* incolunt, vix pauciores quinque & septuaginta. Locus suopte ingenio amœnissimus, Patrum sumptibus ad miraculum excultus est. Taceo monasterij ornamenta, Bibliothecam nobilem *Cosmi Medici*, dum apud *Venetos* exfularet, liberalitate constitutam, coenacula amplitudine pictisque tabulis conspicua, cetera conclauiâ hand secus ornata, porticus atque atria spatiosa, & elegantias id genus plures. Templum vide quàm augustum sit, quàm pretiosum. vastæ & affabrè exsculptæ columnæ fulciunt decorantque molem, tegunt plumbeæ laminæ; pauimentum vario marmore stratum est; sacerdotum sedilia bellè exsculpta sunt. Altaria deinde, tabulæ, statux, sepulchra Diuorum hominumque, monumenta alia & donaria haud facile dictu est, quanta sint ab arte pretioque.

S. Georgij Maioris templum.



S. SALVATORIS templum amplum atque elegans est, nec non IV.  
*Theodori* tutelaris *Venetorum* Diui sepulchro venerabile; signa & Aedis S. Sal-  
 imagines ornatus religionisque ergò passim locata; aræ palla, natoris or-  
 quam vocant, è puro puto argento fabrefacta, statuisque pedali- namenta.  
 bus exculpta, cenotaphia in primis speciosa *Francisci Venerij* Ducis,  
*Catharina Cornaria Cypri* reginæ, & trium ex eadem *Cornariâ* domo  
 purpuratorum, quos diuersi Pontifices Max. in sacrum Senatum  
 adlegerunt.

Iam Protomartyri STEPHANO sacra Basilica inter paucas V.  
 Urbis numeranda, seu amplitudinem spectes, seu columnarum S. Stephani  
 statuarumque & tabularum ornamenta, seu celebrium virorum templum.  
 sepulchra.

S. SEPVLCHRI fanum à marmoreo sepulchro ad similitudi- VI.  
 nem religiosissimi eius, quod *Hierosolymis* interuistur, efficto no- S. Sepulchri  
 men habet.

SERVITARVM Templum, ornatissimum signis, tabulis, fa- VII.  
 cellis, & clarorum hominum sepulchris è marmore quàm affabrè Seruitarum  
 exsculptis.

MARIAM *Horti* (templi hoc nomen est) ornant excellentiù VIII.  
 pictorum ac statuariorum opera; quibus vt magnitudine, ita for- S. Mariæ  
 mâ etiam præstare videtur colosseum magni *Christophori* simula- Horti tem-  
 crum ad staturæ eius exactam similitudinem, vt quidem fabulatur plum.  
 vulgus, effictum. Laquearia genere picturæ, quam perspectiuam  
 vocant, vestita suspicientium oculos recreant falluntque iuxtà,  
 nec enim quisquam ea intuitus est, quin sinuata & retracta intror-  
 sus, atque ea re templum excelsius longè, quàm reuera est, esse pu-  
 tauerit.

S. MARIE, cui à cannarum copiâ *Cannareum* nomen fece- IX.  
 runt, tertia & vltima ædes illa est, quæ ab admirandis D. Virginis S. Mariæ  
 erga cultores suos beneficijs *Miraculorum* cognomen inuenit, Miraculo-  
 exstructa & ornata è collatâ stipe & piorum donarijs, quæ profe- sa.  
 ctò amplissima fuisse oportet; incrustata est enim politissimis  
 marmoribus, & fronte tenus *ophite Spartano* lapide ac porphyrite  
 obducta, pauimentata lithostrôto, intecta auratis laquearibus,  
 exculpta pictis tabulis, & è *Paria* genuino marmore elaboratis in-

dustriè signis alijsque imaginibus, quas aut materiæ pretium aut artificis fama commendet, vtpote cùm puerorum marmorea simulacra subter Organum locata nobilissimus sculptor *Praxiteles*, quantum *Sanfouini* verba audio, sculpsit.

X.  
S. Mariæ  
Frari.

S. MARIÆ cognomento *Frari* ob guttam *Christi* sanguinis *Maria Magdalena* vnguento infusam, quam *Melchior Frisianus Constantinopoli* attulit. Templum ipsum amplissimæ molis in plura sacella discretum est, excultumque picturæ ac statuariæ artissimis operibus, quæ crebra videas in marmoreis sepulchris illustrium virorum.

XI.  
Ecclesia S.  
Helenæ.

S. HELENÆ Augustæ Templum splendidissimum, sacrarium deinde vermiculatis emblematis pictum ac pavementatum pulcherrimè, armaria versicoloribus scandulis tessellata, in templi intimis penetralibus sedilia ipsa quoque varijs tessellulis picturata, & incisas multarum urbium exactissimas icones parergis jucundissimis circumuestitas obstupefcimus.

## CAPVT V.

### ILLVSTRIORA PATAVII TEMPLA.

I.  
Templum  
Pontificale.



PATAVII Templum Cathedrale à fundamentis *Fridericus II.* eius nominis, aut, quod alij tradunt, *Henricus IV.* Imp. excitauit. Coniugem cerè huius *Bertam* auxisse plurimum opes eius, datis dono prædijs, ex vetustâ inscriptione apparet.

II.  
S. Iustinæ.  
Lib. 6. hist.  
Coen. D.  
Iust. Pat.

S. IUSTINÆ augustissimum templum amplissimo campo, quod *Pratum Vallis* dicitur, imminens, non multò ante nostram ætatem exstructum fuit; eius descriptionem dabo ex *D. Iacobo Canacio*, sed paululùm contractam. Anno *MDXXI.* in fundamentum novi templi prid. Cal. Febr. demissus est primus lapis multis precationibus & caremonijs sacer. Multo stipendio adscitus est Venetijs *Alexander Leopardus Architectus*, sed breni tanto oneri cessit. Neque diutius præfuit *Vincentius Abbas* accepto successore *D. Ioan. Cremonse Monacho* nostro. Prouexit is tanto studio fundatum templum, ut altero anno, quo etiam magistratu abiit, solo tenuis parietes viderentur. Successit

cessit Io. Mariæ Abbati D. Andreas Venetus è Cœnobio S. Georgij, qui etiam templum enexit, quod metiri nunc placet. Ab arâ maximâ quæ Orientem spectat, enumerantur ad ostium pedes CCCXXXII. Tractus medius, qui crucis figuram exhibet, ab Austro in Septentrionem excurret pedes CCXXVIII. latitudo ubi maxima est, habet pedes LXXII. ubi minima, XL. Ipsa latitudo variat ubi media nauis laterales junguntur. Singulos ad Orientem angulos ornant duo Sacella, ad Occidentem unicum. Hac vniuersa in absidem flexa, reliquum templi recta in Occidentem sena Sacella habet ad Meridiem, sena ad Aquilonem. Ingentes columna quadrangulares lateritiæ, quæ fornicem sustinent, ex marmore Istro habent capita & bases. Coronix ex eodem marmore totum templum excurret lata pedes IX. proiecta III. Architectura ratio mixta est, sed magis in Corinthiam despectens. Columnarum capita habent florem abacum, volutam, & cimatum, licet, non habeant folia. Basibus adsunt stereobata, qui suppedaneum præbent, ac stilobata, qui sedes faciunt his qui diuina rei intersunt. Martyrium subest aræ maxima, quod fornice obtegitur summè artificioso. Neque enim fulcitur vetricibus vel catenis, sed ferè planus sub vastissimo pondere longius excurret. Hac templi dimensio est; ornamenta verò quæ non facile describantur. Augustinus Abbas Anno MDXXXIII. constitutus, à foro ad curam templi conuersus, Andreæ Moronum Bergomensis Architectum mul-  
ti nominis conduxit, cuius etiam studio satis prouectum est. Pòst Anno Christi MDXXXVI. Leonardus Pontremulensis secundo Abbas renuntiatus, accensus emulatione decessorum præ his templum extulit. Sacrarium ultra coronicem erexit; Sacella SS. Maximi & Iuliani concamerauit, nobilissimo ambulacro veterem Ecclesiam nouo templo coniunxit. Sub huius successore MDXLI. Ignatio Sanctuarium fornice ac testudine (Catium vocant) obtectum est, atque primum conspecta coronix marmore a ingentis operis, quæ Ecclesiam interius totam decurret. Altero anno Sacella SS. Innocentium & Arnaldi absoluntur, maiora duo SS. Mathiæ & Lucæ inchoantur. Anno MDL. Idem Abbas ad templum conuersus, Sacella Mathiæ ac Lucæ ducto fornice, ac interpositis testudinibus obtegit. Eius successor D. Stephanus Nouariensis templi fastigium absoluit, & duodecim Sacella fundauit, quæ latera exornant. MDLII,



Anno MDLV. D. Hieronymus Abbas ad templum conuersus, absoluit Sacella SS. Vrij & Felicitatis, atque ducto pariete medium templum quod absolutum erat seclufit ab reliquo proximè à Stephano inchoato.

Tadebat Hieronymum persolui diuina officia in templo veteri praangusto, cum jam nouum alterum his aptissimum extaret; itaque constructis raptim subsellijs, deportatisq; musicis organis, eò Monachos iussit diuinis rebus adesse. Postea de construendâ arâ maximâ, cuius ornamenta magnificèntia ipsius templi responderent, & de sedibus Monachorum agere cepit. Adhibiti calatores plures ac multi nominis, plures etiam exhibuere typos sedium. Sed præ ceteris allexit animos Patrum typus operis Corinthij, quem exhibebat Richardus quidam Gallus. Is sedes quinquaginta, subsellia triginta octo confecit, quibus id genus nihil habeat Italia conferendum. Ex opere tessellato spectatissima alia visuntur Bononia apud Dominicanos Patres, quæ propriam laudem habent ex compactis mirâ elegantia lignorum frustulis, Nostra hæc rotunda ut aiunt ferè calatura ceteris eminent. Sunt lignea quidem, sed adeò raro artificio biblicæ imagines incisæ sunt, ut vel marmora fastidire possit ad illa admissus spectator.

Anno Christi MDLXII. D. Peregrinus Abbas ad transferenda de veteri templo corpora Sanctorum animum appulit. Aras itaque vni cuique in nouâ Ecclesiâ extruxit, & ingentes arcas ex vario marmore decreuit, quæ singulis imponerentur. Has Franciscus Sordus Patauinus sculpsit. Diruto altari arca operata perfuderunt presentes & lachrymantes odore suauissimo, & humanis sensibus insucto. Ex proprijs altaribus item extractæ sunt arca SS. Mathiæ & Lucæ & cum ceteris delata in nouum templum, ut in sublimi ornatissimoq; tabulato conspici a fidelibus possent. Quatuordecim dies ibi manserunt, quibus è totâ prouinciâ promiscua fidelium multitudo aduenit, ut ipsum & templum latè patens his angustum esset. Miracula ac signa plurima acciderunt, quibus Deus Sanctorum suorum merita & preces quanti essent ostendit.

Deinde prid. Id. Martij maximo omnium rerum apparatu, pietate, ac populi frequentia supplicatio insignis fuit. Reliquiæ Sanctorum arcis marmoreis clausæ sunt, & his adiecta plumbea tabula, quæ singulorum memorias docent.

D. Angelus Sangrinus Abbas ducto ambulacro, amplexus paucum S. S. Martyrum, etiam Sacellum S. Prosdocimi cum nouo templo coniunxit. Aram in austrum transfudit, ingentem fenestram in Orientem aperuit, marmoreas tabulas semirutas, quibus Sacellum vestiebatur, detraxit, loculamenta. statuis Sanctorum, inscriptiones adiecit, sacras historias appinxit, marmoreum pavementum stravit, atque adiculam fere aliam Prosdocimo aptissimam restituit. In huius gratiam Putens etiam Sanctorum Martyrum auctus est ornamentis, quae extant. Lapis, super quo mactati quidam Martyrum fuere, hanc habet inscriptionem:

Saxum à Martyrum caede.

Quam lapis hic pretiosus, ubi tot colla piorum Martyrij titulo deposuere caput.

Itemq; è regione alius rubens cum hoc disticho:

Hac super insigni petra Prosdocimus olim

Obtulit o quoties! munera sacra DEO.

Aliud S. Prosdocii mi sacrificijs Venerabile.

Postea reliquiae S. Praefulis insigni pompa, & populi frequentia circumlatæ, in antiquo Sacello reconduntur MDLXV. Decennio post D. Iuliani Abbatis auspicio tabula ad aram maximam vastum egregiumq; opus, mox tabernaculum quo Sanctissima Eucharistia asseruatur, eriguntur à Ioanne Maneto Florentino insigni calatore. Virumq; ligneum est, sed magnitudine, calaturâ, auro, ac pluribus ornamentis conspiciendum. Pictura opus adiecit Paulus Calliarius Veronensis celebris pictor, quâ Iustina martyrium, & caelestem gloriam expressit. Richardus Gallus etiam sedes expleuerat, quae ante Sanctuarium collocata, ingentem hominum vim in sui admirationem traxerunt. Pavimentum lateritium haftenus, Sanctuarij, ac sedum magnificentiam dehonestabat. Id Iulianus ex vario marmore angustum effecit.

D. Celsus Abbas ingentes columnas, quarum tantum bases extabant, integras effecit, marmoream coronicem totam absoluit, ingentes absides ad latus duxit, latissimum in fronte parietem extulit, Sacella duodena inferius absoluit. D. Paulus Orius Abbas, pone Sanctuarium, quâ ad Musica organa ascensus est, portam marmoream statuit operis Corinthij. Super columnas, quas Celsus extruxerat, ductis arcibus quibus testudines incubarent, totum templum obtexit. Fastigium ex lariceis tabulis, & trabibus induxit, marmoreas fenestras amplissimi orbis

orbis absoluit. Parietem quo Hieronymus Placentinus templum diniserat, idem prostravit, atque cupitum diu aspectum totius Ecclesiæ liberum exhibuit. Sacrarium auxit Cruce insigni è crystallo, & argento, quam Baptista Patauinus egregius calator elaboravit. Tricubitalis est simulacro Redemptoris in eâ pendentis, & ornamentorum opere expolitissimo commendata.

Quia Turris antiqua sub eminente nouo Templo ferè latebat, nec sonus ex eâ ad urbem pertingebat, D. Ioannes Euangelista Abbas eandem extulit, ac marmore exornauit, ut duplo elatior sit, & alia prorsus videatur. Tectum noni templi ad veterem archetypum testudines habet ubique, ex quibus septem maiores, quatuor minores sunt. Media quæ Crucis angulos vel centrum supereminet, absque carebat, ut aliquando ad aquam formam extrueretur. Rem periculosam apprimè faciebat testudinis pondus, & columnarum bases palustri loco sitæ, ne sub iniecto pondere hiscerent. Attamen re cum Architectis communicatâ, tabulatum ac fastigium detraxit, mox circumducto pariete etiam columnarum bases disposuit, circa annum MDC. Hactenus Cautius.

## III.

Templum  
S. Antonij.  
de Padua.

S. ANTONII de Padua Templi tectum plumbeum est: Chorus ultra medium versicolore marmore cingitur, inclusaque in id sunt plures tabellæ æræe eleganter elaboratæ. Subsellia in Choro lignea, opere tamen conspicua. Ara marmorea æneis imaginibus exornatur. Propè consistit æreum candelabrum pulcherrimè calatum, basi marmoreæ insistent, *Andree Riuji Briosci* nobilis statuarij opus. Exteriùs ad sinistrum templi latus *S. Antonij* tumulus visitur è candido totus marmore. Paries circumcirca vestitur nobilissimis trium sculptorum operibus, *Tullij Lompardi*, *Iacobi Sansouini*, *Hieronymi Compagna*, qui mirifica eius Diui, dum inter homines versaretur, edita opera ingeniosè in candido marmore expresserunt.

## IV.

Templa Pa-  
tauin. 71.

Hæc *Patavij* templa præcipuè spectanda. Nec verò inficior, esse alia quædam non spernenda; verùm summa sector, humiliora vix tango. Sunt enim *Patavij* templa parochialia xxvi. Xenodochia præcipua iv, Monasteria virorum xxiii. Virginum xviii. quibus describendis ne volumen quidem satis sit.



## CAPVT VI.

CELEBRIORES BONONIÆ, FLO-  
RENTIÆ ET SENARVM EC-  
CLESIAE.

**B**ONONIÆ S. DOMINICI Templum visu dignum, vbi huius Diui sacrata ossa pretioso in tymbo recondita, ad quem per plures gradus ascenditur. Opus est affabrè è *Pario* marmore elaboratum; & exstruetur ibidem Sacellum rarissimæ futurum pulchritudinis, si quidem primis vltima, vt debent, paria fient. In Choro templi subsellia sunt lignea opere segmentario; arte eâ, vt particularum coniunctiones planè nullæ animaduertantur. Itaque aiunt *Carolus V.* Imperatorem arbitratum picturam eam colorum esse, quæ lignearum scandularum & tessellarum versicolorum suisque locis aptissimè commissarum est, pugione excuisse frustula aliquot, quæ adhuc absunt. Imagines autem Biblicæ sunt; operisque eius sanè nobilissimi artificem ferunt *Franciscum Damianum Bergomatem*, è *Dominicanorum* familiâ virum.

I.

S. Domini-  
ci Bononiæ;

Extra urbem S. MICHAELIS in *Bosco* seu nemore nuncupatum Monasterium visitur nouis & vetustis ædificijs sumptuosissimum, cuius Templum atque sacraria cuncta, marmorum nobilium omnis generis columnis, trabibus atque cælaturâ præclara renitent. Altaria reliquijs Diuûm raris atque donarijs pretiosis angusta resplendent statuis, signis, tabulisq; pictis artificio ad miraculum excellentibus. Sedilia & subsellia sacerdotum in lateribus templi disposita, ex secamentis & scandulis variorum lignorum studiosè commissa, picturam quamdam elegantissimam repræsentant: vti castella, turres, arbores, animalia, campi, montes, ac regionum plagæ, nec non herbarum, ac florum minutæ suis coloribus vix penicillo possent à perito pictore diligentius exprimi.

II.

S. Michaelis  
in Bosco.

FLORENTIÆ templum S. Spiritus Altare habet cum appositis ornamentis, piâ Io: Baptiste Michelocij Senatoris & ciuis opulentissimi (quod hoc opus abundè testatur) munificentia exstructum. Non marmora ibi miror, solita passim in *Italia*, & vsu vulgata; sed gem-

III.

S. Spiritus  
Florentiæ,

mas

mas ac lapides peregrinos æstimo. Quî possim verò æstimare, cùm pretij inæstimabilis sint? minùs assequor animo artificium, superat enim omnem cogitationem, omnia encomia. Videre est è variorum colorum gemmis, vitri instar resplendentibus, & pulcherrimâ ratione tessellatis, vrceorum flores continentium aliarumque rerum formatas imagines. Superiorem ædiculam, in quâ S. S. Eucharistia reponi solet, plures columellæ è cæreole pretiosissimo lapide exsculptæ, aureis epistylis insignes complectuntur; ad latera altaris quaternæ stant è viridi lapide columnæ: ambit & claudit ipsum paries è varijs politissimis marmoribus constructus; cui superstat columellarum ordo ferreis inauratis cancellis variatus. At templum vastæ è petrâ *Serena*, vt *Bochus* nominat, columnæ sustentant.

## IV.

S. Mariæ  
Floridæ.

D. *MARIÆ Floridæ* Templum ibidem à *Florentinis* ciuibus sub an: M. CC. LXXXVIII. erecta, architecto *Arnulpho Lapo*, longâ à foribus ad Chorum siue intima penetralia vsque pedes amplius ccc. lata LXXV. Stupendi operis est *Cupola*, id est testudo octogena hemisphærij in modum fastigiata, vix credibilis ei, qui oculos iudices habet, altitudinis; vlnas enim alta est CLIV. præter capitulum seu turriculam superimpositam, quæ in sex & triginta vlnarum, celsitudinem attollitur, scanditurque ab humo gradibus quingentis viginti. Vnumquodque octo laterum, quæ dixi, LXXV. pedes protendi in longitudinem comperi. Intrinsecus tria ambulatoria habet, quorum quod est infimum, circum totam ædem ducitur, eique forinsecus respondet aliud coronidis vice è marmore structum ita, vt totum templum intus exteriusque ambiri possit; anteriori parte exceptâ, quæ cultu marmorum nigrorum alborumque quibus exteriores parietes artificiosè incrustati sunt, caret. Pariter & ambulatorum illud ibi interruptum est, credo quòd cùm eam templi frontē reiecisset ad vltimum artifex elegantiori meritò opere exornandam, casus aliquis seu ipsi seu ciuibus incidens impedierit tantæ fabricæ complementum. Ceterum augustissimus ille, quem dixi, fornix illustratur arte excellentium duorum pictorum *Vasarij* & *Zucchari*, qui vltimum illud futurum iudicium in arcu eius optimè adumbrarunt. Arcus capitis vice turriculam,

quans

quam dixi gestat, siue prægrandes aliquot è candido marmore exsculptas columnas, quarum interstitia vitreis fenestris expleta sunt. Columnarum vna caua est, perq; eam in globum inauratum ascenditur. Et huius capacitati, qui fidem oculis dederit, fidem denegaturus est. Altitudine omnem humani corporis longitudinem excedit: amplitudine est pedum xx. metiendo non diametron solam, sed peripheriam totam. Fornix iste Chorum tegit, qui & ipse octogenus est, circumseptus marmoreis columnis & imaginibus *Parium* in marmor perbellè incisis. Eiusdem materiæ ipsa quoque Ara est, *Baccij Bandinelli* eximij statuarij opus: eiusdem sunt xii. prægrandia Apostolorum simulacra, à summis sculptoribus, quos nominat *Bochus*, efficta.

In descript.  
Florent.  
Turris  
marmorea;

Proximè templum turris in altitudinem centum & quadraginta quatuor vlnarum exurgit, ampliùs vicenas defossa infra terram. Habet quatuor latera aperta, & muro templi nulli ex parte immissa: sita eo artificio, vt qui ad angulum straminis (locus est vulgo *canto della paglia* vocitatus) constiterit, vnico intuitu omnia videat. In his admirabilis sculptura est è triplici marmore, albo, nigro, rubeoque; dispositæque sunt suis locis statuae, quarum interualla aut permeans occupat aër, aut vermiculato opere, expletur.

Porro ante frontem templi quod descripsimus, area est, atque in ea ædícula, *Murti* quondam, iam S. IOANNI Baptistæ consecrata, octogona; cuius pauimentum ampliùs medium frustulis lapideis pictum, parietes albo nigroque marmore conteguntur. Testudo opere musciario seu musiuo, quod *mosaicum* vocant, illustratur. Ianuæ tres sunt, earumque valuæ æreæ: in ære biblicæ aliquot historiæ spectantur, fusili opere expressæ à *Laurentio Cione Chibertio*; quibus pares arte alias vix in toto terrarum orbe reperiri autumat *Leander*. Ad portam principalem erectæ stant porphyreticæ duæ columnæ. Intra ædiculam visitur alabastrinum. Baptisterium bellissimè elaboratum, quod totius vrbis infantes lustrandi deferuntur.

V.  
Fanum D.  
Ioannis Baptistæ.

In Flor. de  
script.

S. LAVRENTII Basilica, nobilis & suâ ipsius structurâ & *Medicearum* Principum monumentis. Sacellum candido intus marmore.

VI.  
Templûs:  
Laurentij.



more opertum, in quo *Medicorum* cenotaphia, conspicua binis heroum sedentium simulacris *Pario* ex marmore effictis; nec parua artis alterum opus ibidem statutum, *Deiparae* videlicet effigies è simili marmore excisa, propterque eam adstantes marmorci item, *Cosmas & Damianus*, *Medicæ* familiæ tutelares Diui, Medici ipsi. Cetera, quæ ad architectonicen huius loci pertinent, apud *Franciscum Bocchum* tute legas; multus est in describendo laudandoque hoc Sacello, vt iudice ipso inter Urbis opera primas ferat, elegantia & architectura nomine.

## VII.

Nec tacendum est *Sacellum*, quod *Ferdinandus Etruria* Princeps, ad frontem *Laurentiani* templi exstruendum curat. Decrèssè aiunt ipsum ad hoc opus duos auri milliones; quæ licet incredibilis pecuniæ summa nonnullis videri possit, repertura autem facile fidem est apud eos, qui opes, qui magnanimos spiritus optimi Principis cognitos habent. Nihil ibi vulgare futurum; excelsa & minimè trita *Ferdinandus* meditatur. Vt gemmas taceam aliaque pretio quidem magna, sed vsu jam vulgata: crystallinæ columnæ auratis capitulis fulgentes conspiciuntur in illo Sacello propediè, vt spero; absoluta enim sunt ornamenta ferè omnia. Beatum puto, qui illa suis locis disposita, qui tot in vnum locum congesta artium naturæque miracula visurus est.

Materies  
Sacello Fer-  
nando  
destinata.

## VIII.

Templum  
S. Marci.

In D. MARCI templo est *Sacellum à Saluatis* proceribus *D. Antonino* è familiâ *Dominicanorum*, Archiepiscopo *Florentino*, sub arâ ibi humato, ædificatû è pretiosissimis lapidibus, plurimo marmore *Pario*; è quo etiam excisæ sunt sex prægrandes Diuorum statua, supraque has æræ paginæ insignes Diuorum res gestas fusili opere repræsentant. Sacelli huius sanè eximij architectus fuit *Ioannes Bologna Belgæ*.

## IX.

S. Mariæ  
Annuntia-  
ta.

Ad ædem D. MARIE *Annuntiata* ægri vt ad medicum confluunt. Certè ad quem melius? tot tantisque restituta sanitas diuinitus; & quicumque sincerè opem subsidiumque malis suis implorârunt, acceperunt. Indicio sunt myriades votiuarum tabellarum signorumque, quibus totum templum (verè dixerim) onustum est; ea sunt monumenta, spem, vt in rebus humanis fallacem, ita in DEO, Diuaque eius matre fixam, vanam numquam fuisse.

Facit.

Facit religionem istam loci, imago *Angeli*, *D. MARIE Aue* dicen- Vnde tanta  
tis, quam pinxisse *D. Lucas* perhibetur. Hæc vulgaris juxta ac loco reli-  
falsa fama est: verior illa, nec miraculo minor: Pictorem ferunt, *gio*  
probum ac pium hominem, ceteri quidem corporis imaginem suâ  
manu excellenter pinxisse; cum vltimum operis ac præstantissi-  
mum restaret, ipse *D. Virginis* vultus efformandus, anxium animo,  
ac seu diffidentem arti, seu formam sollicitè excogitantem, paulis-  
per, obdormiisse: à somno cum ad opus rediret, vidisse absolutam  
faciem, omnibus numeris, admirabili elegantiâ; creditumque  
haud falsò, diuinitus admotam fuisse manum, cum humana acce-  
dere potuerit nulla. Vtque tanto cælitus demisso operi humani  
omnes honores haberentur, in pretiosissimo altari collocatum  
fuit. Claudunt altare quatuor alabastrinæ columnæ, illuminant  
triginta ex argento lampades, vt taceam bina argentea maximi  
ponderis candelabra, ceteraque donaria. Templi vniuersum or-  
natus ac splendor in Sacellis plurimum elucet; quæ licet cuncta  
pulcherrimis picturis decorata sint, facilitè attamen omnibus præ-  
stat intimum, quod *Ioannes Bologna* summi nominis sculptor, sibi *IoannisBo-*  
suæque artis studiosis construxit è fusco lapide, dispositis jucun- *lognae Bel-*  
dissimâ ratione columnis, & è *Pario* marmore exsculptis statu- *gæ clarissi-*  
& ex ore fufis tabellis, *Christi* perpeffos cruciatus referentibus. *mi statuarij*  
Numerandum quoque inter elegantias templi huius sepulchrum *Itemq; Bac-*  
*Baccij Bandinelli*, præclarissimi statuarij, suum juxta opus, statuam *cij Bandi-*  
scilicet *Christi* Seruatoris, cubantis. *nelli mo-*  
*numenta.*

S. CRVCIS templum, si Cathedrale excipias, quodlibet aliud  
mole superat. Longum est vlnas, vt *Florentini* metiuntur, cccxl.  
latum lxx. altitudo quæ sit, definire non ausim, at affirmare sum-  
mam esse & incredibilem. Altaria, quibus latera vestiuntur, binis  
quoque columnis exornantur, materie opereque similia omnia;  
haud facilitè dixerim, quantopere spectatorem oblectent. Sugge-  
stum, nec si *Cicerone* facundior ipso sim, pro dignitate laudauero;  
ea ars est & formâ columnarum, statuarum, imaginum, quæ in  
marmore à peritissimo sculptore efformatæ *D. Francisci* vitæ hi-  
storiam pulcherrimè exhibent. Sculpsit *Benedictus Maianensis*  
sumptibus *Petri Mellini*, ob adeò piè ac liberaliter impensas opes  
digni immortalī famâ viri,

X.  
Templum  
S. Cræcis.

## XI.

Templa  
Florentiæ.

Ceterum in *Florentinâ* vrbe XLIV. parochiæ numerantur. Cœnobia virorum virginumque sunt LXXVI. Xenodochia similesque domus, in quibus agri, pauperes atque expositi infantes aluntur, XXXVII.

## XII.

Templum  
Cathedrale  
Senis.

SENIS in Pontificali Basilicâ plura consideranda sese offerunt. Situs primum loco maiestatem quamdam concilians, etenim in edito positum templum est, maximè difficili ascensu ab eâ parte, quâ in Urbem prominet: ducti tamen vsque ad summum, marmorei gradus quantum ascendentibus commodi præbent, tantum addunt ipsi templo venustatis. Ipsam quoque eius frontem, etsi marmoreis statuīs, columellis, spirīs, epistylijs, & similibus ornamentis tota vestitur, multò minus decus speciemque habituram fuisse, si suppositis gradibus eleuata non esset, à multis est obseruatum. Auget formam aditus seu vestibuli spatiosa & elegans area. Templi longitudo pedum CCCXXX. latitudo CLXXXIII. tectum arcuatum est: arcus in triplici testudine pares omnes, colore cæruleo, auro stellati, nisi quòd laterales medijs sunt humiliores. Sustentant eos marmoreæ columnæ structiles, candidis nigrisque lineis pari ordine, ab se mutuò disiunctis; ita parietes quoque lineati siue virgati sunt. Reliquâ testudine excelsior tholus est, quem marmoreæ ingentes columnæ similiter virgatæ sustinent; nisi quòd lineæ in his magis contractæ, & eodem ab invicem intervallo ac magnitudine albæ nigræque sunt: aliæ columnæ inæqualiter discolores, breuibus orbibus nigris, longissimis, candidis. Hic tholus in medio testudinis vmbilico exsurgit, superatque celsitudine suâ ceterum tectum, vt dixi; crebris fenestris intercisus ac pellucidus: spatia, quæ inter fenestras intersunt, marmoreæ statuæ explent. Nec omitto seriem simulacrorum, quæ sub mediâ testudine per totum templum ducitur, omnium Rom. Pontificum ij vultus sunt è gypso perbenè effigiati. His subsunt capita aliquot Imperatorum: at Pontificum, qui ex hac vrbe prodire, ad fores integra sunt simulacra. Iam templi pauimentum, quàm admirabili & vnico, ausim dicere, in Europâ artificio; tamen in tantâ emblematum imaginumque copiâ ac varietate, quibus templum stratum est & ornatum, non magnopere miramur.

Area pro  
Templo.

Templi  
species descripta.

Pauimenti  
singularis  
ornatus.



nisi illam partem, quæ ante maiorem aram tabulis vt plurimum, oblecta latet, vt ne quid detrimenti à conculcatione patiatur. Tres eæ Biblicæ historiæ sunt, è candido maximè ac nigro marmore efformatæ: qui tamen color non vnus est ac simplex, sed variè mixtus, prout lucidū aut opacum scenographia requirit; & quas pictores penicillo vmbas, vt ipsi vocant, effingunt, eas solertissimus sculptor paruulis crustis subtilissimè inter se coagmentatis expressit aded absolutè, vt peritissimi pictores ex lithostrōto illo, tamquam ex archetypo, perfectam picturam petant. Adde marmoreum suggestum, cui insculpti *Christi* Seruatoris nostri cruciatus quàm spectatorem specie dilectant, tam perfundunt, commiseratione & dolore cogitantem, suam noxam illis supplicijs fuisse expiatam. Adde sedilia materie quidem inferiora (lignea enim sunt) at opere paria. Adde illa ærea: vas scilicet maximo altari impositum, incredibilis artificij, & angelorum statuas, quæ affixæ columnis octo candididos cereos gerunt, æternum ignem; deflagrantibus quippe alij substituuntur, *quorum quatuor*, inquit Capugnanus, *ab Auâ nobilissimâ Magdeburgensis Saxonix ciuitate jam dudum fuerunt imperati; quæ vt DEO seruiret, in Senensem se recepit ditionem, & monialium D. Benedicti habitum suscepit, edificauitq; in Insulâ Abbatiam, obiitq; in suo monasterio, nunc diruto, super montem Madium ab ea edificato.* Hæc de eâ Capugnanus: de templo ego id modò habeo, quod dictis adiungam: esse videlicet altaria multa, speciosa, columnis alijsq; ornamentis & picturis exulta, esse bina organa eâ suauitate soni, vt non dubitem contendere cum omnibus quotquot *Italia* habet.

Ornamenta alia marmorea, lignea, ærea,

In itin. Ital. Anæ Magdeburgensis pietas.

## CAPVT VII.

### LAURETANI TEMPLI DESCRIPTIO.

**L**AURETANÆ Domus historia notissima cū sit, eam hīc non repero, ad templum propero. Id augusto situ specieq; excelsis fornicibus mediaque testudine plumbo opertā altè euectum, quadratis pilis XII. sustentatur, ad quas appendens votiux tabellæ, descriptæque in tabulis sunt, quæ scire omnium interfit. Legere licebit *Lauretana* ædis historiam potio-

I.  
Lauretani  
Templi  
structura

Aediculæ  
Virginæ  
Marianæ  
descriptio.

Lib. 3. Lau-  
ret. hist. c. 3.

Parietum S.  
ædiculam  
circumcin-  
gentium  
ornamen-  
ta.

rum gentium, etiam peregrinis litteris conscriptam. Medio in templo ædes consistit, marmoreis parietibus pulcherrimè cælatis forinsecus vestita. Ceterum ne sustentandæ ædis & fulcri potius gratiâ, quàm ornatus circumiecti viderentur, disuncti aliquantulum fuere, relictumque patens interuallum, quod fidem faciat, sacrum ædificium nullo humano opere, sed Numinis dumtaxat viribus à tot sæculis integrum stare; nulli adeò subterraneo fundamento, sed pleno mollique solo insistens. Ornamentum enim uerò parietes illi hanc ob solam causam circumstructi, ut dixi, egregium sunt, atque ut à *Tursellino* descripti, *Carrariensi* marmore candoris eximij, constant, quadranguli, ut ædes ipsa, quam tegunt: at enim bina latera longiora sunt, quæ *Corinthijs* columnis senis, breuiora quaternis adornantur. Imam partem fascia pedalis è marmore *Luculléo*, vice sterobatæ circumplectitur; excipiunt inde stylobatæ coronati distinguendis spatijs appositæ. In spatijs & stylobatis *Leonis* Pont. Max. insignia virtutumque emblemata sigillis pedalibus, atque etiam grandioribus scitissimè expressa, spectantur. Supra stylobatas columnæ sitæ ad singulos angulos binæ: binæ item interpositæ januis, quæ in longioribus lateribus patentes, æreis valuis conspicuæ, quadruplicem in sacram cellam aditum præbent. Intercolumnia à loculamentis explentur: loculamenta à statuis diuinorum vatum & *Sybillarum*, quas *DEI* Deiparæque; prænuntiati ortus claras fecerunt. Eadem porphyreticis crustis vestita, haud facile dictu est, quantum pulchritudinis operi huic vniuerso concilient. Quæ verò inter columnarum scapos spatia patent, ornata signis, *D. MARIE* vitam ob oculos ponentibus, spectatores religionis voluptatisque quodam sensu iuxta perfundunt. Epistylia seu capita columnarum *Corinthium* in modum exsculpta coronatæque multiplici sermo visuntur; subtus appositæ Leonum rostra & aquilæ encarpas restesque pomorum & similibus fructuum mordicus tenent. Vltimus ac summus columellarum ordo, eminentium angelorum figuris concinnè venusteque variatus, pro coronide est, & præbet vndique peruiam ambulationem ad suspendenda vexilla aliaque id genus anathemata, quæ rei votorum ex diuersis regionibus afferunt. Opus hoc ad formam à

*Sanfonino*

*Sanfouino* nobilissimo & architecto & statuario descriptam *Leo X.* Pontifex coepit: *Clemens VII.* propè ad fastigium perduxit: *Paulus III.* absoluit. Stetit autem, vt è rationum libris compertum est, aureorum nummùm millibus pænè quatuor & quadraginta.

Iam ædes sacra, cuius gratiâ tantum opus tantis sumptibus exstructum, atq; à me descriptum fuit, obtegitur circum vndique, & licet parietibus marmoreis non cohæreat disuncta, vt dixi, non nihil extrinsecus tamen aspectui non patet, intrinsecus spectatur, tangiturque liberrimè. Itaque crebro attritu læuigati, lucentium, tot lampadarum repercussibus illustrati muri clarum splendent; & quamquam nigricent à tanti temporis vetustate incutiantque, tacitum quemdam cum religione horrorem, integri tamen solidiq; adeò sunt, vt æterni videantur futuri: ceteroquin, vt in paupere casâ, rudes atque informes, neque ad perpendiculum, neque ad regulam exacti: loricati tamen opere tectorio, & veteri picturâ obducti, quæ supernè multis locis manet; infernè temporis vetustate attrituque hominum cum tectorio defluxit. Crassi sunt, cubitum non ampliùs, è coctis lateribus saxisque ineleganter constructi: ita nimirum tenues ædificant, quos inopia potioris materiæ vti sine delectu quacumque, cuius copia sit, cogit. Tectum, ligneum quondam: sed in æde nihil pulchrius spectabatur; quippe cæruleo pigmento oblita lacunaria, auratisque interiectis stellis assimilabantur cælo: verùm arida materies, & incendio opportuna, tot subter ardentibus lucernis, non ita pridem deposita, & laquearium vice substitutus opere testudineato hic fornix fuit; nitidus tunc, jam à fumo ater. De cetero licet ædem nominauerim, vt alij vulgò nominant, nemo existimet domum esse in cameris contignationesque diuisam. Vnica cella est, longa pedes circiter XL, lata XX. altitudine paululum latitudinem superante. In sinistro pariete armarium exstat, fictilibus asseruandis, vt reor, quondam comparatum: in illo, qui templi fores spectat, fenestra est, quâ ingressum Angelum, D. *MARIÆ* virginiei partus nuntium tulisse ferunt. Contra fenestram caminus neque amplius, neque ornatus. Post altare (quod Apostoli juxtà atque ædem ipsam, consecrassè memorantur) Virginis Filium sinistrâ manu amplexantis,

II.

Sacræ ædificulæ speciem porrò descripta.



**Simulacrū  
D. Mariæ &  
pueruli  
IESV.**

tis, dextrā sustinentis statua colitur; *Nazaretho* ipsa quoque in *Dalmatiam*, ac porrò in hunc locum Angelorum manibus aduecta. Cedrina est & ferè bicubitalis, specie prorsus peregrinā; namq; facies velut inargentata nitet: obscuriùs tamen, quia luminū circumcīcā appensorum fumo identidem afflatur. Crines passi discriminatīque, *Nazarenorum* ritu, per nuda colli & humeros fluunt; vertex gemmatā coronā redimitus; cetera corporis stola aurataliore zonā adstricta, atque ad pedes promissa velat; cui superinductum carulei coloris amiculum ex humero pendet. Puer dextræ matris impositus, & *Nazareno* habitu amictus: talari scilicet tunicā, zonā & discriminato capillo, lauvā auratum gestat globum; dextræ manus digitos binos benedictis in modum tollit. Atque hæc, ut fama est, *Luca* Evangelistæ manu è cedro sculptā, oblitaque coloribus omnia, ut ab Angelis allata fuerunt, ita manent, superadditis tamen sericis, argenteis, aureis, gemmeis ornamentis, quibus plerumque simulacra quæ matris, quæ filij ita operta sunt, ut ligni parum admodum appareat. Circumcīcā suspensæ votiux tabellæ, argento atque auro calatæ, murum penitus obtegunt. Dependent è laquearibus innumeræ argenteæ lampades, & sacratam illustrant cellam. Sacræ aliæ opes profectò numero pretioque stupendæ, alibi tuto in loco seruantur. Visa ibi Regum ac Principum opulentissima donaria, plurima auro argentoque solida, multa aurata, multa argentata, quædam gemmea. Visa humanorum corporum membrorumque simulacra, aurea, alia, alia argentea ex voto dono data. Visæ materiæ eiusdem ponderis ac pretij ingentis, statux Diuorum, atque inter eas duodena Apostolorum ex argento simulacra sesqui cubitalia, singula pondocirciter LX. Visus diuini ministerij apparatus: calices, patinæ, phialæ, pelues, gutti, thuribula, & id genus complura vasa sacris faciundis dicata. Visa sacerdotalium vestimentorum multiplex synthesis, artificio, materiæ nobilitate, pretio ac varietate concinna, quò sacra obeuntium habitus pro Festorum ratione mutari subinde posset. Visa pallia, chlanæ, dalmaticæ, brachialia ex aureo, argenteo & holoserico panno, textilibus aureis figuris grana, gemmis item & vnionibus intertextis rigentia, Quid memo-

**Thesaurus  
sacer.**

**Supellex  
sacra.**

rem

rem aulae *Mileſia*, cortinas, vela altarium, mappas, mantilia, pulvinaria, textilibus picturis perornata: Quid amicula vestiendo D. Virginis simulacro comparata? opere juxta ac materie præstantia, sericis, argenteis, aureis filis contexta, picta acu, nitentia creberrimis margaritis, fulgentia pretiosissimis lapidibus; quorum, ut sileam alia; quod nouissimum est, non ita pridem è *Belgio* transmissum, adamantum tribus, vnionum viginti millibus obsitum, aureorum nummum XL. M. æstimatur. Alia pariter exculta quis æstimet; quis enumeret? sat scio obrui solere spectatores multitudine rerum illustrium, cumque ad posteriora deuenierint, priorum non meminisse, itaque numerum & descriptionem exactam hoc in genere nequidquam à me expectauerit lector: cetera, quæ in *Lauretano* templo spectabilia sunt, fide ac diligentia, quâ potero maximâ percontabo.

Isabella Infanta domus.

Alas eius Sacella obtinent, venustissimis pictorum plastrorumque operibus exornata. Præcipuè placebat apud sinistras fores æreum baptisterium ita eleganter celatum, ut spectantium oculi non possint quin summam inde hauriant voluptatem. Nec parua artis alterum ex ære opus: collosa, inquam, *Sixti V. Pont. Max.* statua, quam populares *Picentes* benè merito, pro templo posuerunt: templi portis merita eius erga hunc locum superscripserunt his verbis: *Sixtus V. Pont. Max. Picenus Ecclesiam hanc ex Collegiata Cathedralē constituit. Laureti oppidum Episcopali dignitate ornatum ciuitatis jure donauit. MD. LXXXVI. Pont. An. I.* Hæc portis vtriusque aureis litteris superscripta: medium spatium ænea Deiparæ Deigeræque effigies, *Lombardi* celebris statuarij opus, obtinet. Ianua quæ subtus maxima panditur, marmoreis striatis columnis decorata: binæ laterariæ parastatis & stylobatis ornatae sunt. Cetera faciei niueis *Histrici* marmoris operta crustis candent; aut vitreis discriminata fenestris splendent. Ante templum patet spatiosa area, numquam non religiosorum aduenarum referta; quam *Romani* Pontifices superbâ Basilicâ, geminataque præstructâ porticu cingere parant; cinxeruntque fermè dimidiam, incredibili ornamento loci.

Sacella.

Baptisterium æneum insignis operis. Statua ærea Sixti V. P. Max.

Portarum & vestibuli ornatus.

Basilica & porticus ante templum,

## CAPVT VIII.

ALIORVM PER ITALIAM CELE-  
BRIORVM TEMPLORVM DESCRIPTIO:

PISIS, LVCÆ, GENVÆ, TICINI, MEDIO-

LANI, PANORMI, RAVENNÆ.

## I.

Templi  
principalis  
Pisani spe-  
cies & or-  
namenta.



ISANI Cathedralis Templi corpus brachiaque sustinet duplex columnarum ordo, supra quas per totum templum ducitur porticus, vnde despectari, spectarique res diuina potest. In lateribus vtrisque sita sunt altaria varijs marmoribus statuisque exornata. Organum recens concinnatum situmque conspicuo in loco, profectò conspiciendum; ita vassum est; ita fulget auro. Sacerdotum loca, quæ templi caput occupant, inclusa marmoribus sunt venustè tessellatis, intraque ea columna porphyretica visitur à magnitudine & capitulo, quod è *Pario* marmore pulcherrimè exsculptum est, celebrata. Subsellia in templo passim locata, versicoloribus tessellis picta. Pavimentum marmoris tabellis constratum: quod verò sub Tholo jacet, minutis lapillis eleganti ratione tessellatum. Fores æræ sunt, fufis ex eodem metallo statuis ornata. Frons templi, vt fermè omnium, quæ *Pisis* sunt, columnata. Tectum plumbeum, plumbeisque item laminis media testudo oblecta. Turris, rarissimo artificio ita exstructa atque inclinata est, vt cadere videatur, numquam casura. Circumcingunt eam ab imo ad summum septeni columnarum ordines, & ipsi obliquè pendentes, cum singulis ostijs, quibus exiri, ambiri que per columnarum illos gyros extrinsecus turris queat, columnas quilibet ordo triginta habet: sed summus, quàm ceteri, angustior indicat architectum totum opus voluisse in fastigium contrahere, nec procul sine abfuisse, vt vt aliqui perfectum existiment, symmetriæ ratio certè caput tectumque desiderat, quæ superimpofuisset vtique artifex, si vita aut otium fuisset.

Turris, vul-  
gò Campa-  
nile.

## II.

Templum  
D. Ioannis.  
Cœmete-  
rium, vulgo

Inde D. IOANNIS fanum est, sphæricum &, vt templum ac turris, è candido marmore fabricatum, partemque eam, quæ sub aspectum cadit, plumbo tectum. Celebratur in eo Chorus, & suggestum à pretio lapidum. Propè cœmeterium est porticu marmoribus



ribus pauimentatâ septum, & pulcherrimus imaginibus illustratum; longum pedes CCCCLXXXVI. latum CLX. Terram, in quam mortui ciues, intra quartam & vigesimam horam ossium tenuis consumendi, conduntur, aduectam *Hierosolymis* ferunt.

LVCÆ primarium Templum columnis marmoreis circumcinctum ad veteris architecturæ normam: in frontis fastigio statuat Archangeli, insigne templi, gerit; principi enim Angelorum Michaëli sacratum est.

Superbum item D. CRVCIS fanum est, nixum immanibus pilis, constratum marmore, ornatum pretiosis ciuium donarijs, & aureâ Cruce magni ponderis, dudum æstimatâ x. v. m. aureorum nummum. Sed habent *Lucenses* præmium pietatis suæ, effigiem *Christi* crucifixi, quam, siue ad viuum expressa sit, siue ita creditum, approbat certè DEVS quotidianis muneribus, quibus suos cultores afficit. Istam in cedrino ligno à *Nicodemo Christi* discipulo efformatam asserunt.

Si quis GENVENSIVM Vrbis sacras ædes perlustret, reperiet haud pauca in ijs ornamenta testantia, & quantæ eorum opes sint, & quàm non in postremis rem diuinam habeant, sed in eâ, vt ceteris, magnifici splendidiq; haberi velint. E quibus ille in primis è *Sauliâ* gente, cuius sanè grauib; impensis surrexit æmulum *Vaticana* D. Petri Basilicæ templum.

Ecce *Franciscanorum* in edito monte positum templum quot habet è *Pario* marmore constructas aras? quot sacella statuis æreis marmoreisq; & venustissimis picturis exornata?

Primariam inde Vrbis ædem D. LAVRENTIO dedicatam si quis æstimet, agnoscet jure primam esse, ceteris quâ maiestate loci ( sita enim fermè in umbilico Vrbis, loco alto atque conspicuo est ) quâ ornamentis omnibus superiorem. Fuerit profectò magnus ciuium in religionem amor necesse est, qui tantis publicis priuatisque sumptibus extruxerint, atque exstructum ornaverint hoc templum. Forinsecus nigro candidoque marmore incrustatum, tribus marmoreis columnatisq; variè portis à fronte nititur. Vastæ item marmoreæ columnæ tectum ferunt. Intima templi statuis decorata; & sacerdotum sedilia lignea quidem, sed summâ arte tessellata.

Campus Sanctus.  
Arena in id Hierosolymis petita;

III.

Basilica maior Lucæ  
S. Michaelis

I V.

Templum S. Crucis.  
Insignitum Cruce & in eâ fixi Christi effigie, à Nicodemò sculpta.

V.

VI.

Templum Franciscanorum.

VII.

Basilica S. Laurentij.

Descripta eius species exterior & interior.

Laudata al-  
taria & sa-  
cella.

Paropſis  
ſmaragdina  
vt putant.

VIII.  
Templum  
Carthufiæ  
Ticinenſis.

Chori ele-  
gantiz.

lata. Circumcircuit frequentia monumenta atque altaria inſigni-  
bus pictorum ſculptorumque operibus exornata ſpectantur: ge-  
mina nimirum ſacella ad latera Chori; & quod ſub ſiniſtro Orga-  
no altare eſt, ſtatuſ excultum mirabilem in modum; & vicinum  
*S. Ioannis Baptiſta* delubrum, auratis parietibus laquearibusque  
micans, vbi inſiſtentes aræ quatuor porphyreticas columnas ad-  
ſpicias. Inter ſupelleſtilem huius templi numerant *Genuenſes*  
ſmaragdinam paropſidem, quæ ex ſmaragdōne an aliâ gemmâ  
conſecta ſit, inquirere ego nolo; ſunt certè, qui in dubium vocent.

TICINI *Carthuſianorum* Templum conſtructum eſt Crucis  
in formam, vt fermè omnia *Italia* templa ſunt. Teſtudinem habet  
intrinſecus atque forinſecus columnatam: tectum plumbeum,  
cum gemino etiam columnato ambulacro, quod circum ædem ex-  
trinſecus ducitur. Frons præſertim niueo marmore tota obteſta,  
ſtatuſ atque imaginibus ita ſplendidè ornata eſt, vt nihil ad de-  
cus, maiestatemque eius addi poſſe videatur. Sacella in templo  
plurima ac nitidiſſima: arcus, quos vaſtiſſimæ è lapide ſtructæ co-  
lumnæ fulciunt, picturis illuſtrati. In ſiniſtri cornu angulo ara eſt  
eburnea, Biblicas hiſtorias pulcherrimè exſculptis imagunculis re-  
ferens. E regione conditoris *Galeatii* cenotaphium conſiſtit, ſcul-  
ptum è *Pario* marmore; vbi iconicum eius ſimulacrum reſque ge-  
ſtæ & prouinciarum gubernatarum inſignia ſpectantur, cum elo-  
gijs, quæ *Schraderus* pridem vulgauit. Intima templi, quem Cho-  
rum vocant, ad ſtuporem ornata. Quocumque vertas oculos, oc-  
cuſabit inſolitum & eximium aliquid, quod ſuſpicias, humus  
adèd, viliffima pars, vario marmore loricata, ſine admiratione non  
videnda. Subſellia affabrè ſegmentata inſculptis Diuorum imagi-  
nibus inſigniuntur; parietes marmorum cruſtis operti, verſicolori-  
bus interpoſitis columnis variantur. Altare ipſum è puriſſimo  
elaboratum marmore, varijs ac pretioſis lapillis ſtatuſque relucet.  
In Ceimeliarcheo lignea armaria cernes, ob eximiam ſculpturam,  
meritò ſpectanda, in quibus ſacra ſupellex ſeruatur, digna tanto  
templo. Etiam Aſſumptæ, vt nominant, Virginis ſacellum inſito,  
ſpecioſiſſimis picturis & armarijs, vt illa, exſculptis, & marmoreo  
pauimento conſpicuum. Tum in coenobium exito, eâ amplitudine,

ea magnificentiâ ædificatum, vt pauca similia reperiās, vix aliquod superius. Aream porticus milliaria ambit, columnis suffulta & plumbeis laminis tecta. Circumcirca dispositæ Monachorum ædiculæ sunt, ipsæ quoque plumbo intectæ.

MEDIOLANI summum templum, *Domum* nunc appellant **Mediolanense cathedrale templum.** vulgò, est basilica peraugusta, sumptus immensi, ac amplitudinis, artificijque tanti, vt pauca prorsus quæ in orbe *Christiano* summo nunc extant templa, huic conferri posse existiment, siue magnitudinem ac architecturam ædificij species, siue pretia materiarum æstimes; vnde non iniuriâ scriptores Octauum Orbis miraculum, vocant. Resplendet etenim non solum intus forisq; crustis marmoreis intectæ, verum etiâ artificiosarum ex marmore *Pario* statuarum incredibili multitudine circumquaque perornata est: vt integros dies spectatorum oculos artium ac historiarum varietate detinere possit. Quid fenestras memorê versicoloribus vitris varias imagines referentes, dubiumq; licet certâ luce lumen admittentes? Quid columnarû moles, altissimarû testudinum fulcra? quid marmoribus pavementatum maximam partem solum, immò opertos penitus parietes esse? quid altaria & multa, & arte non minùs, quàm pretio admiranda? quid signa, imagines & illustrium hominum, splendida monumenta? quid supellectilem sacram, & beatarum mentium exuuias? corpora inquam Diuorum, quæ plurima templo & templi sacrario recondita summam ei conciliant cum religione venerationem. E quorum numero *S. Caroli Borromæi* venerabilem & quotidianis miraculis inclytum tumulum silens præterire non possum: nec verò præterit, nisi impius quisquam, quin ad eum procumbat habeatque meritum honorem memoriæ nostrorum temporum proximo Diuo. Ita tu cùm submissus feceris, tum tolle oculos, & proximis columnis affixa bina suggesta contuere, sunt enim auro & argento pulcherrimè cælatæ; adspice & audi gemina Organa, vtrimque accidet tibi plurimum voluptatis, ea suauitas soni est, is auri, quo oblita sunt, fulgor. Adscendes **Turris templi.** denique in turris ornatissimæ molem altissimam, vt ex eius ambitu inferiore contempleris vrbis suburbiorumque situm planum; regionisque circumuicinæ spatium ac condicionem. Obstupeces



pulchritudine situs & amplitudine, atque aded prouinciã, non urbem te videre meritò putabis. Profectò stuporis plenus discedes ab hoc templo, iterùm atque iterùm respectans ornatissimam & mole ipsâ terribilem ædem, quæ alta octingentos cubitos, longaducentos quinquaginta, lata centum triginta.

## X.

Templorũ  
& Monasteriorum,  
quæ Mediolani, nume-  
rus.

Numerantur autem *Mediolani* vltra ducenta templa: ex quibus Ecclesiæ Collegiatæ xi. parœciales lxxi. Monasteria in vniuersum lxxiiii. quorum xxxvi. Virginibus sacris, xxx. Monachis, viii. reliqua Canonicis regularibus habitata.

## XI.

PANORMI templum est *D. Petro* sacrum, à *Rogero Sicilia* Rege conditum, quod, suâ pulchritudine, & rerum pretiosarum apparatu, ceteris, quæ in *Italiâ* nunc vsquam extant, seu veteribus, seu nouis meritò præferri constat: quo nomine ab omnibus, qui *Panormum* aut inhabitant aut inuisunt, viris, non imperitis modò, sed ingenio etiam doctrinaque præstantibus, summâ cum admiratione ac voluptate frequentatur.

Maior etiam totius urbis Ecclesia reticulatâ est structurâ, quadrato ac diuersis in exteriori facie imaginibus figurisque inciso ac perpolito lapide à *Gualtherio* huius nominis ii. Archiepiscopo, anno clcclxxxv. fundata: vbi Regum Reginarumque *Sicilia* ac Ducum quoque corpora sunt recondita.

## XII.

Classensis  
templi de-  
scriptio.

*Leander Albertus*, qui Templum *Classense* juxta *Rauennam* describendum sibi sumpsit, postquam architecturam & impensum aurum mirè extulit (quippe pretioso marmore, saxisque prægrandibus constructum, & cum splendissimis *Italia* templis comparandum) centum triginta pedes longum, octoginta quinquelatum, sexaginta octo altum esse, nec non quinquaginta sex fenestris diem admittere, affirmat. Insuper laquearia tres in ordines distincta pretiosis ac versicoloribus columnis pendere: parietes marmore primi nominis scitè secto, vestitos: pavementum quoque varias in figuras eleganter explicatum. Ad maiestatem tamen ante omnia facit, primos Archiepiscopos *Rauennates* ibi conditos esse. Nam cultui & amori *S. Apollinaris* hoc dederunt, vt propriam urbem *Classensi* postponerent. Duodecim sancta in eo corpora, non secus quàm nitidissima sidera, monstrantur, quæ inter,

Archiepisc.  
Rauennat.  
quondam  
condito-  
rium fuit.

caput

caput ac sol *S. Apollinaris* est. *Blondus* non *Iustiniani*, sed Regis *Theodorici* opus esse, contendit: alij *Narsen* conditorem faciunt: rectè tamen *Rubens* *Theodorico* quædam solùm beneficia deberi, asserit. Sed vtut sit, inter augusta antiquitatis monumenta haud immeritò numeratur.

CAPVT IX.

ILLVSTRIORA PER GERMANIAM  
TEMPLA, QVÆ PRÆ CETERIS STRV-  
CTVRÆ MAGNIFICENTIA CELE-

BRIA SVNT.



ALISBVRGENSIS Basilicæ è saxo quadrato stat vastissima moles, & stat tota sub cupro. Amplissimæ circumquaque fenestræ, *Pario* lapide perquàm scitè emarginatæ, Templum pulchrum in modum candicant. Prima dein Templi Facies augustissima longè lateque per ingens spatium sese explicat, & precaturos tribus non minùs portis admittit. Atque tanti moliminis opus, æterno marmore candidoque constructum est. Iam verò arduæ turres, quas dextra læuaque molitur adhuc architectus, quæque etiam celsæ hodie, ad summum tamen fastigium multò altiùs enituntur; hæ, inquam, puro quoque marmore rigent: in quibus idcirco magnæ gloriæ locus est.

I.  
Cathedrale  
Téplum  
Salisburgi

Porrè simul vt in Basilicam te penetras, occurrit, cum PORPHYRETICO PARIVS lapis, in pauimentum discretè factus, non cassim (quod solet) in varia picturæ argumenta diminutus, sed ad maiestatem longus, latusque & qui introeunti suum pretium adeò luculenter venditet, vt an pedem calcaturum sustineas, parumper addubites.

Primis deinde oculis obuia SYMMA ARA est, de primi nominis marmore faberrimè exstructa. Mediam si resurgentis CHRISTI effigiem excipias, reliqua lapis sunt quidem, & qui multo ster auro.

Aliæ decem Aræ primum oculorum idum frustrantur, quando per latera Templi ex intervallo sunt dispositæ. Vasta laquearia opere

opere gypsato varias in formas subacta, quas veritati ars similes expresserat, quidquid de spatio reliqui fecerunt, vnicus isque floridissimus *R. P. Arsenij Mascagni Florentini* ord. Seruorum B. Virg. penicillus ad inuidiam occupauit. His Organa quatuor Musica, haud exiguam addunt gratiam. Videas præterea summum specimen architecturæ. Namq; THOLVS è tecto exsurgit (surrexit imis à fundamentis postremo triennio) THOLVS, vt dico, cessim patescens, & octo in angulos ita curiosè dispensatus, vt nolente quoque Sole diem TEMPLO faciat. Sex insuper campana (quas præterieram) recens fusæ, Diuisque dicatæ sunt. Eas extollere, promptum esset, nisi simul ac pistillo pulsarentur, magnitudinem suam longè lateque ipsæ proderent. Memorare quoque possem, sacras vestes, alia, ni res hæc me longiùs à breuitate tractura foret. Igitur vno te verbo absoluius: Nihil in hoc TEMPLO intra sumptus, aut artis mediocritatem stare, vt si ex vtraque re id ipsum æstimes, inter celeberrimas totius Europæ Basilicas quàm verissimè reponas. Magnam verò hanc fabricam *D. Santinus Solarius Comensis*, pari labore & constantiâ ædificauit, cuius construendæ primùm onus subiit *Marcus Sitticus C. de Hohenembs*, Archiepiscopus A. C. c10. 10CXII. anno deinde XIV. supra c10. 10C. primum lapidem pro fundamento iecit. Anno relatæ Salutis c10. 10C. XIX. *Paris Comes Lodroni*, è voto & sententiâ Archiepiscopus, arduo jam templo, & ferè tecto tenus erecto, sed rudi etiamnum, & opem flagitanti, liberaliter dexteram porrexit, absoluit & dedicauit, An. C. c10. 10CXXVIII. VII. CAL. OCTOB. presentibus S. R. I. Principibus, *Ferdinando* Archiepisc. Colon. Electore; *MAXIMILIANO C. P. R.* vtriusque Bau. Ducis S. R. I. Archidapifero & Electore; *Leopoldo* Archiduce *Austriæ*, &c. *Alberto* Duce Bau. C. P. R. *Francisco Guilielmo*, Episcopo *Osnabruggenfi*, &c. *Alberto* Episcopo *Ratisbon.* *Vito Adamo* Episcopo *Frising.* *Ioanne Iacobo* Episc. *Gurcensi*; *Iacobo*, Episc. *Secconiensi*; *Ioanni Christo-phoro* Episcopo *Chiemensi*; ac 20. præterea mitratis Abbatibus & Præpositis.

II.  
Templa  
Monacēsia.

MONACHII *Bauaria* Metropoli Templà varia, sed duo turribus altissimis præ ceteris eminent, quæ & Parochiæ & Collegiatæ sunt



sunt, D. Petri, & Deipara Virginis, in qua Mausolæum *Banaria* Ducum, amplissima totius *Boiaria* Basilicarum, vbi & *Ludonicus IV.* huius nominis Imp. sepultus: cuius tumulum *Maximilianus* Elector demùm nostro æuo, Mausoleo absolutissimæ artis, splendorisque verè Regij exornauit. Turres templi binæ, columnarum instar, eadẽ altitudine ad 33. pedes assurgunt. Organum eius templi maius compactum est fistulis ligneis ex Buxo tornatilibus, tantæ quidem capacitatis, vt vix vsquam tantæ conspiciantur ex plumbo & stanno fusiles. Sed omnia superat Templum D. *Michaëli* Archangelo dicatum, quod elegantia suâ & artificiosa structurâ omnem fidem superat, & paucis describi non potest. Quod A. C. CLO. IO. LXXXII. *Wilhelmus V. Bau.* Dux moliri aggressus, tandem A. C. MDXCVII. ad absolutissimam perfectionem adduxit, eiusque Dedicatione colophonem imposuit; ad cuius celebritatem cum omnia ornamenta collata essent, illud tamen omnia vincit, quod Fundatoris filium *Philippum Episc. Ratisbonens.* eodem anno inter Cardinales R.E. coopratum, concionantem in purpurâ, attonitâ rei nouitate patriâ, audiuit spectauitque dignissimum & diuinæ gloriæ & paterni operis præconem; quod si describere membratim aggrediar, in quantam molem crescat Epitome? ornantur auro argentoque vndecim Altarium abaci, ingeruntque oculis mirum artis cum materiâ certamen: nam quæ vtramque superat, sacrorum sanctitas Lipsanorum etiam in animos penetrat, eosque religioso horrore perfundit. Telam *Damascenâ* viliorẽ ne in quotidiano quidem sacrificantium vsu spectari voluit, doctemque addidit continuandæ huic elegantiaë suffecturam.

LANDISHUTI summa vrbs Ecclesia artificiosa structurâ, & viuo lapide visenda, stupendæque altitudinis Turri conspicua est. III. Landishuti.

PASSAVIÆ visu dignum est Diui *Stephani* summum Templum, marmoreis operibus pulcherrimum, magnificentissimeque adornatum. IV. Passauia.

ARGENTORATENSE Templum celeberrimum elegantissimâ structurâ, præcelsâ Turri conspicuum, nequaquam silentio prætereundum. Inter totius enim vniuersi Miracula, non immeritò octauum obtinet locum. Porro Episcopatus *Argentinenſis* conditor. V. Argentinæ.

rorem plerique faciunt *Dagobertum* circa annum *DCXXXIII*. Sanè verò principem *Argentorati* Basilicam jam ab constituti Præsulatus nobilissimi primordijs, eiusdem Regis voluntate, amplissimis prædiorum reddituumque donationibus confertim acervatis, ita constitutam accepimus, vt donaria illa primis huius Diœceseos Præsulibus liberalissimè impensa, hodieque apud *Alsatas* in amplissimis *Dagoberti* Regis laudibus reponantur. Dein *Henricus II.* cognomento Sanctus, *Wernero I.* id nominis Episcopo *Argentinenſi* autor fuit, vel certè fautor, vt augustum illud, quod hodieque *Argentorati* eminet Templum *Deiparæ* Virgini excitaret; qui illud sub Annum *MXV.* ponere orditur, in cuius fundamentis ab centenar, vel vt alij ducentenis operarum capitibus decem anni consumpti sunt; cumque *Argentorati* sub id tempus ageret Cæsar, æternâ sui nominis, & diuini cultus commendatione, Sacerdotium insigniter dotatum eidem Ædi Cathedrali assignauit, cuius hodieque memoria extat, & *Regium* ab eo nominatur. Cœptum est autem augustissimum hoc Templum jactis fundamentis ædificari Anno Christi *CIXXV.* Anno autem Domini *CIŒ. CCLXXVII.* sub Episcopo *Conrado à Liechtenberg,* *Erkuinus à Steinbach* Architectus Turrim exstruere cœpit, opus nobile & ingens, cuius simile nec in *Germaniâ,* neque in *Italiâ* aut *Galliâ* reperitur: quæ *XXVII.* annis ferè vsq; ad fastigium consummata. Hæc ab ipsis fundamentis vsque ad supremum culmen quadris & pulchrè figuratis lapidibus est erecta. Vbique aëri & vento est peruia, patetque ascensus eius quatuor cochleis. Vbi verò crassities eius in fastigium incipit acuminari, ibi octo consurgunt cochleæ. Supremus nodus, qui inferiùs vix modij magnitudinem habere videtur, tantus est, vt capacitas eius recipiat quinque aut sex homines. Longitudo eius habet pedes Geometricos *IXXXIV.* Est & *Horologium* artificiosissimum atque inprimis admirandum. Vide suprà p. 4. c. 13. n. 2.

## VI.

Oeniponti.

*OENIPONTI* *Franciscanorum* Templum pulcherrimum, opus magnificum, quod *D. Ferdinandus* Augustus, è quadrato Saxo magnis impensis construxit. Præter ornamenta, inprimis conspiciendum est, in eius medio intrantibus obuium, Imperatoris *Maximiliani* primi monumentum, artificio, signis, & marmorum vario-  
rum

rūm pretio sumptuosum & augustum, quod Auo pij Nepotes *Carolus V. & Ferdinandus* Aug. posuere. Morantur aduenarum, atque intuentium oculos artificiosissima signa, imagines, ac tabellæ, in lateribus Monumenti; ex *Pario* marmore, in quibus *Maximiliani* Augusti res pace belloque præclare gestæ, opere sculptili pulcherrimè repræsentantur. Circumstant ab utroque monumento latere per intercolumnia templi, veterum *Austria* domūs Heroum, humanâ staturâ maiores, immò decupedales statuæ, ad viuum, in habitu atq; armaturâ antiquâ, pro more cuiusque sæculi factæ, cum titulis & elogijs suis, haud mediocrem maiestatem præ se ferentes.

SPIRENSIS amplissima Basilica, multorum Imp. Augustis VII. Mausolæis illustris, per *D. Bernardum* etiam *Conradi III.* templo *Spiræ*, ribus frequentata est, cuius etiamnū vestigia laminis æneis templo impressa visuntur. Hanc *Conradus Salicus* Imp. vetere, præ vetustate casum minitante, destructâ, à fundamentis sumptuosissimam ac longè amplissimam cœpit ædificare nouam: & quia morte præuentus, structuram consummare non poterat, posteris suis perficiendam demandauit, quam proinde magnificè cœptam, postea *Henricus III. & IV.* Imperatores magnificentiùs perfecerunt. Hæc in hodiernum adhuc diem conspicua, magnifico apparatu, laqueariis & columnis instructa, admirando sui fulgore venerandam religionis maiestatem accessuris præbet. Templum ipsum cum senis Turribus plumbo tectum; de quo *Wittichindus*: Quod ille, ait de Henrico IV. à fundo fundatū vsq; mirâ mole & sculptili opere compleretur, ut hoc opus super omnia Regum antiquorū opera laude & admiratione dignum sit. Qualem etiam ornatum ex auro & argento, lapidibus pretiosis & sericis vestibus illi Monasterio contulerit, difficile est credere, nisi cui contingat & videre. Et post pauca: Testatur hoc aurea tabula Spirensis Altaris, tam artis nouitate, quàm metalli pondere miranda, quàm Rex Græciæ dum Imperatoris votum & studium circa Spirense Monasterium feruere cognosceret, nobile donum, & tam eo qui misit, quàm cui mittebatur dignissimum transmisit. De eodem *Aneas Syluius*, qui post *Pius* Papa II. *Spiræ* nobile templum quamuis anno *Inlibei* conflagrauerit, ita tamen postea restauratum est, ut felix incen-



dium illud fuisse videatur. Visitur in eadem Æde candelabrum penfile ex ære auro obductum, *S. Reginaldi* ex illustri *Kyburgenfium* Comitum fatu Cœnobiarchæ primùm *Auguste* ad *D. Vdalrici*, deinde *Spirensis* Præfulis eximium munus, cui versus xxvi. auratis literis inscripti, hanc ad Virginem Matrem clausulam præferunt:

*Isud non magnum dignanter suscipe munus,*

*Quod Reginaldus tibi Præsul reddo missellus.*

De hac coronâ candeliferâ, seu LXXII. Lampadum *Iac. Wimphelingius*:

*Vendicat atque sibi summo de culmine pendens*

*Parte chori mediâ magna corona locum.*

*Totâ oleo fotas noctu flagrare videres*

*Lampades in sacra septuaginta duo.*

Habet munitum situ, spectandumque miris molibus regium hoc *Spirensē* templum, nobile & ingens quoddam opus, cuius simile nec in *Germaniâ*, neque in *Galliâ* aut *Italiâ* inuenitur: nempe sumptuosissimam illam *Oliueti* montis effigiem, laborem excultissimū, totiusq; *Germaniæ* opus præclarissimum, septenis etiam Mundi spectaculis annectendum.

### VIII.

**Aquisgran.** *mania*, cis *Rhenum* fl. oppidum, gaudet clarissimo *Deipare* domicilio, quod rotundâ figurâ *Carolus Magnus* ei adstruxit, & tantâ soliditate compaginavit, vt cum *Nortmanni* *Carolino* nomini ac generi, à quo domiti erant, infestissimi, eius famæ stirpitus abolendæ, sub *Carolo Caluo* Ædem demoliri subiectis identidem ignibus laborarent, nequidquam omnia ob firmissimam lapidum congeriem attentarint. Id ergo vt decore, ita religione augustissimum, *Conrado Celte* attestante.

*Sanctius in nostro quo nihil orbe micat.*

Siquidem is *Carolus* multa loco isti priuilegia, multas facultates, ac ex *Italiâ* asportatas marmoreas columnas, ex *Palastinâ* Sanctorum reliquias, ex *Perside* transmissa donaria attribuit. Nec silendum est, quod olim ibi Cæsares inaugurarentur: quod terrarum vndique ab antiquis ijs temporibus in nostram vsque ætatem, deuotionis ergo, ad sacram illam ædem quotannis peregrinentur: quod

septem

septem Concilia in eâ celebrata fuisse memorentur. Inquâ Æde cum ad xv. Kal. Febr. è vitâ migrâisset idem *Carolus Magnus*, consepultus, hodieque ab omnibus ibi, vt Coelitum vnus, festâ veneratione colitur.

PRAGÆ *Bretislai Bohemia* Ducis filius *Spitigneus*, è scædo impurâ impiæque vitæ cœno emersus, cum, vt fit, Templum *D. Wenceslao* sacrum Numini propitiando subiisset, religione ictus, quod laxiora ipse & ampliora palatia, quàm Deus Diuusque *VWenceslaus* templa obtineret, nouo atque Augusto operi excitando cogitationem curamque admouit. Quare dirutâ *D. VWenceslai* Æde, & gemino quod adiacebat facello, quorum alterum *D. Vito* Martyri, alterum *Adelberto Pragensium* Antiliti consecratum fuit, aream longè amplissimam mensus, Templum Augustum Trium Diuorum memoriæ fuscitauit, cui tamen ante fastigium tectumq; impositum mors intercessit; quod inter alia egregiæ pietatis monimenta *Carolus IV.* id nominis Imperator structuris donarijsque amplissimis honorauit.

TREVIRI templa multa, & admodum insignia, mediam tamen ætatem referentia, vt ea quæ *Colonia Agrippinensium* & *Aquisgranî*, tale est & ipsum summum templum, quod vernaculo sono *Dom*, quasi à domo vel à Domino appellant, Diuo *Petro* Apostolo, ciuitatis patrono, consecratum. Nisi cui fortasse Diui *Simeonis* ædes videatur antiquior, & *Romana* quodammodo tempora referre. Collis jugum occupat, qui vnicus est in hac vrbe, formâ quadrilaterâ, oblongâ, tota ex lapidibus subcinericei coloris, & quidem magnitudinis ita stupendæ, vt vix credatur, hominum manibus potuisse eò aduolui, vsque eò, vt apud imperitum vulgus fabella locum inuenerit, *Cacodemonis* vsum auxilio, qui eam, ædificârit, cui quidem persuasisset se lupanar & aleatorum mensas ponere, sic, inquit, aras, quarum superficies non recta vt reliquarum sed deorsum spectat, & appensum muro cornu quoddam, vt videtur, quod vocant *Cacodemonis vnguem*; eum scilicet, vbi se circumuentum sensit, impetu in aras facto, vnguem cofregisse. Atque eiusmodi ferè narratiunculæ proferuntur, quotiescumque opus aliquod humanum videtur captum excedere. Tres habet hæc

IX.

Pragæ.  
Dubrau. l. 84  
hist. Bohæ,

X.

ædes concamerationes, sibi inuicem suprapositas, in quarum singulis sacra facit diuersi ordinis Clerus. Facies exterior externo est fenestrarum ordine, inter columellas semirotundas; ex eodem omnia lapide, præterquam ad Chori ambitum, ubi & columellæ sunt marmoreæ. Moles est admiranda, cui in totâ Gallia nec parem aliam superesse existimamus. Atque vnicum fortasse ædificium hoc fuit, quod operis eximia soliditas, à tot cladibus, quibus hæc vrbs ab exteris nationibus, *Hunnis, Francis, Normannis* vastata est, vindicauit. Cum reliqua in fauillas abiisse videamus, nec ex antiquâ illâ *Treueri*, Principum domicilio, quidquam restare, præter columnarum & marmorum fragmina, hinc inde dispersa, & rudera sub terras, quæ subinde veteris eius splendoris admo-

## XI.

*SVSATI* in *Westphalia* est templum celeberrimum miræ magnitudinis, cum maximæ altitudinis. Turri, *S. Patroclo* sacrum, quem tutelarem Diuum agnoscit hæc ciuitas.

## XII.

Propè *Donnia*s, quod municipium supra *Vallisoletum* ad *Piscoricam* flumen situm est, extat *Ioannis Baptiste* nomine vetusti operis, atque adeò *Gothica* structuræ imaginem representans Templum lapide jaspide atque marmore varium: *Recessuinthi* impensâ ob imo totum exstructum, salutis anno *DCLXI. Mariana*.

Lib. 6. c. II.

## XIII.

Coloniz.

*Colonizæ* anno 1237. *Conradus* ab *Hoesleden* 50. *Colonien-* sis Archiepiscopus magnificentiorem fabricam meditans, vetere Cathedrali ecclesiâ demolitâ, præsentem hanc re & nomine sicuti altam, amplam, atque augustam, ita & magnam valdè ex viuâ lapidum congerie, arte mirabili elaboratam erexit Basilicam, Cathedralâ Archiepiscopali Metropolitanâ ac Electoriâ vtrique dignam, quæ *D. Petro* sacra esset. Cui si extrema manus addita fuisset, nullum omnino vniuersæ *Germaniæ* Templum tam elegantia, quàm immani ac vastissimâ mole non superaret. Siquidem ideam veteris Ecclesiæ non amisisset, quam ita Veteres descripsêre: *Antiqua autem maior Ecclesia duos habuit choros & cryptas duas. Superior chorum erat S. Petri, Inferior, qui erat inter duas Turres Campanarias ligneas, fuit Chorus B. M. Virginis. Item in dextrâ Turri, erat altare S. Stephani, & in sinistrâ Altare S. Martini. Item in Choro S. Petri,*



Petri, fuerunt tres magna fenestrae juxta Altare, & similiter in Choro B. M. Virginis. In lateribus vero superioris fenestrae fuerunt viginti quatuor hinc & hinc. Item versus altare S. Stephani fuerunt tres, & una super altare. Item versus altare S. Seuerini, quod situm apud ianuam, per quam de Ecclesiâ ad gradus B. M. A. R. I. Æ intratur ad Maiorem, ubi quondam una turris, fuerunt quinque fenestrae, & una super Altare. Item versus altare Cosmæ & Damiani in dextero latere, ubi quondam turris altera, fuerunt quinque fenestrae & una super altare. Item in latere, in quo adificata est Sacristia, inferiores fenestrae sex. Item in alio latere versus Austrum, inferiores fenestrae duodecim. Item circa Altare S. Petri, erant quinque rotunda fenestrae. Et supra Altare B. M. V ex utraque parte Maiestatis una rotunda fenestra. Sic etiam fiet Deo dante completo nouo opere, &c.

Maior Campana anno 1437. conflata centenarios 224. siue 16. plaustra vini librata, ponderat. Stella in exteriori Summitate Chori admirandæ magnitudinis metallina, muro inædificata, deaurata præstantissimè, mirabiliter ad occasum solis fulgens, procul se conspiciendam exhibet; ubi notandum, quod si Templum hoc, arte, sumptu, labore ac decore summum, completum fuisset, SS. Trium Regum sepulchrum, non ubi modò cernitur, sed directè infra hanc stellam collocatum fuisset, vt illà desuper correspondente, clariùs innotuisset, SS. hos magos figuratiuè istius stellæ indicio, non nisi Colonia reconditos esse.

Ibidem S. GERONIS & Sociorum 318. Militum Basilica rotundæ formæ, spectatu iucundissima fabrica, à S. Helenâ M. Constantini Matre circa annum D, 310. fundata: cui Chorum deinde S. Anno Colonienf. Archiep. adiecit. Structura hæc nullâ operis cuiusuis arte imitabilis esse creditur; ita metallorum fulgore & artificij varietate muris etiam validis excelsisque etiamnum aliquantulum decorata firmataque est, vt nihil supra per omnes illas regiones, vel fuisse vel futurum esse celebri sermone feratur. Opus enim totum marmoreis columnis fulciebatur: Auri verò fulgoris tantum in eâ emicuit, vt musuâ foris & intus rutilans elegantia nomen ad aureos Sanctos sortita sit.

RATISPONÆ visu digna est Basilica S. Petri perampla & magnifica,

XIV.

Item Colonia,

XV.

HERS- Ratispone,

- XVI.**      **HERSFELDIAE** Templum mirâ arte exstructum est, nam tota  
**Hersfeldia:** moles nititur 16. columnis, ex singulis integris siue solis lapidibus  
 constructis. Sunt autem singulae columnae altitudine 30. pedum.
- XVII.**      **RIPAE** *Cimbrica Dania* vrbe templum rudius ab initio, sed  
**Ripæ:** temporis successu in eam creuit amplitudinem, vt nulli huius pa-  
 triæ aut cuiusvis nationis sit inferius. Facit illud admirabile, te-  
 studo rotundior, solerti artificio chorum vniuersum ambiens.  
 Firmitatis maiestas, multitudine columnarum sectarum, de marmore  
 affabrè concinnatarum elucet. Splendorem mirum in modum  
 auget, præter ipsam ædificij molem, vna præcipuè turris, quæ par-  
 tim marmoreo partim lateritio opere, formâ quadratâ in altitudi-  
 nem muri solius 106. vinarum *Holfaticarum*educta, conspicien-  
 dam se exhibet procul vrbe ad 6. milliaria. Hic quorundam Re-  
 gum *Daniae* conditæ reliquiae.
- XVIII.**      **ANTVERPIA** habet prægrandem & operis prorsus mirifici  
**Antuerpiæ:** Basilicam Cathedralem B.M.V. dicatam, amplitudine magnificen-  
 tiaque excellentem; multis ornamentorum generibus decoratam;  
 turri secti lapidis & quadrati è candido marmore ad quadringen-  
 tos sexaginta sex pedes sursum eminente gloriosissimam; vnde non  
 tantum sumptuosissima ciuitatis ædificia, sed & amœnissimi qua-  
 quauersus agri, horti, prata etiam ultra *Scaldim in Flandriâ* pro-  
 spiciuntur. Sunt in eâ triginta tres campanae, promiscuæ magnitu-  
 dinis, quæ tam consonantem edunt sonum, & diuersas melodias  
 ita expriment, vt ab harmoniâ musicâ vix eum distinxeris.
- Hæc Basilica anno 1533. tertio nonas Octobr. incendium  
 passa, non minore magnificentia paulò post resplenduit.
- XIX.**      **LOVANIVM** sacratas ædes habet plurimas; vnam *D. Petri*,  
**Louanij:** structurâ tam eleganti, vt Architectorum iudicio, nullam pluri-  
 bus locis inuenias pari politia.
- XX.**      **MACHLINIAE** cunctis operibus splendore, artificio, structu-  
**Mechliniæ:** raque antecellit Basilica *D. Rumberto* dicata, cui vasta & præalta  
 imminet Turris, quâ speculæ loco ad remotissimarum tum ciuita-  
 tum, cum amœnissimarum circumstantium possessionum prospe-  
 ctum vtuntur.
- XXI.**      **TORNACVM** insignem habet Ecclesiæ Cathedralis Basilicam,  
 in

in meditullio quasi vrbs sitam, Deiparæ Virgini sacram, quinque præaltis Turribus, formam crucis *Burgundica* referentem. Eius chorus præ ceteris aliarum Ecclesiarum Cathedralium provincie *Rhemensis*, meritò laudatur, cum ab altitudine, tum à forniciſ elevatione, & lucis claritate.

GOUDA vrbs Cimbrica Templum habet, haud ſcitur, an alibi ſpatioſius atque amplius, quod anno 1551. pridie Idus Ian. caeſti conflagrauit prodigio, haud dubiè diuinitùs factò inter arundineo tegulo conſtrata vndique teſta, quæ templum ambiunt, ſed intacta tamen à fulminis afflatu, quod ipſum magnificis operis atque impenſis reparatum indies, ſuperiorum temporum ſplendorem & amplitudinem obſcurat longiſſimeque ſuperat.

HARLEMIVM quoque Templum habet, Architectorum iudicio celeberrimum, pulchrumque opus, firmiſſimis innixum columnis, fornice laqueata ex inteſtinâ materiâ, quod ſpatioſo & quadrato imminet foro.

CAMPENA in *Geldrico* ducatu vrbs præcipuè ſpectanda exhibet *D. Nicolai* & *Deiparæ* Virginis Templum, illud Parochiale, quod non oppidani tantùm omnes, ſed frequens è vicinia populus frequentat: hoc præcellam & eleganti ſtructurâ nobilem habet, turrim, vnde per vicinũ mare Australe *Enchuſam* uſque viſus dari pandique poteſt. Eadem Eccleſia non ſine ſpectantium admiratione, ſummo in Altari, elaboratam & venuſtam Tabulam repræſentat, maiorum imaginibus clariffimæ Virginis manu depictam, qualis & in *Franciſcanorum* Collegio perelegans conſpicitur.

LVNDIA, ſedes olim erat Archiepiſcopalis, ita vt plurima, in hac vrbe olim eſſent templa, & quidẽ parochialia non pauciora viginti duobus, inter quæ primas ſemper tenuit *Ædes Laurentiana* Cathedralis in meditullio fermè ciuitatis ſita, vaſta, & inprimis magnifica. Ex ſecto enim lapide conſtructa eſt, & plumbeis laminis teſta tota, &c.

EGRÆ in prinio *Bahemia* aditu vrbe eſt magnificum *S. Nicolai* templum, cum duabus altis, ac orienti Soli obverſis turribus. Sunt & alia pari elegantia templa & Monasteria.

BASILEÆ ſatis magnus Templorum numerus, at illam *Baſi-*

XXII.

Goudæ.

XXIII.

Harlemij.

XXIV.

Campenz.

XXV.

Lundia.

XXVI.

Egræ.

XXVII.

Baſileæ.



*leensem* primariam *Augustæ Rauracorum* Ecclesiam per *Nortmannicam* vastationem propemodum solo æquatam *Henricus II.* Imperator, cognomento Sanctus, dote illi assignatâ, tum multis Divorum pignoribus illatis cumulavit; tum in Deiparæ memoriam dicendam curavit, itaque erexit, ut eius unâ cum Castissima Virgine *Cunigundâ*, non tam Assertor atque instaurator, quam Parens ac Fundator meritò habeatur. Inter donaria verò eius eminet lamina illa aurea lignæ Tabulæ adharens, septem florenorum millibus æstimata, quâ ipse priuatim in Sacellò suo, quum viveret, usus est.

XXVIII.  
Magdeburgi.

MAGDEBURGI extiterunt complura ampla & ornatissima templa. Inprimis verò nobile illud *D. Mauritij* Templum, ex quadrato lapide structuræ magnificentia conspicuum, *Ottonum* Caesarum insigne opus.

XXIX.  
Augustæ  
Vind.

AVGUSTÆ Vind. præter varia splendida atque magnifica ædificia, Templa visuntur complura, eaque ornatissima; in ijs tamen eminet Basilica SS. *Vdalrico* & *Afræ* dedicata, quæ ob insignem ipsius Templi molem, inter alia urbis ædificia adeò caput effert, ut candidam frontem suam oculis etiam longè distantium cum rarâ venustate obijcere soleat. Tota Templi machina quæ oblonga est, pedes habens cccx. (latitudo quippe in pedes xciv. altitudo si eam à pavimento usq; ad fornicem metiaris, in unum supra centum protenditur) Crucis formam refert. Tribus enim pars anterior versus Orientem Solem Choris distinguitur, quorum primus paulò ceteris elevatior, qui etiam subsellia ad Divina Officia decantanda comprehendit, *S. Narcisso* consecratus est. Alij duo Chori binis gradibus inferiores è regione in æquabili pavimento, candido marmore strato, mutuo sibi respondent, ac Templi longitudinem ex transverso intersecant, extentisque velut brachijs Crucem conficiunt. Dexter meridiem versus à *S. Vdalrico* Episcopo ac Patrono Diœcesis præcipuo, sinister verò Aquilonem versus à *S. Afrâ* Martyre nomen habent. In his Choris tres visuntur Aræ opere sculptili magnificentissimæ, quarum prima pedes LXXX. ceteræ duæ pedes LXII. altæ sunt.

Posteriorem Templi partem, quam *Nauim* appellant, quæque

que occidua partem respicit, noua è coctili latere structa pergula, hæc anno 1651 iterum sublata est, ab anteriori discriminat, cui quatuor cancelli ferrei faberrimè elaborati paribus interuallis distincti subiiciuntur ad arcendos exteros, ne cuius liber ad interiora pateat accessus. Nauis hæc, quæ ex integro, sicut reliqua Templi pars, testudinata est, septenis æquali ordine vtrimque positis è quadrato lapide pilis incumbit, quas nec sæcula quidem dissolvere posse credas. Alas duas habet sub tecto, quàm medianæ Ædis aliquanto humiliori, concameratas tamen, quibus etiam facellæ quædam adhærent, quæ totius structuræ proportionem ac elegantiam non parum adaugent. Organa in hac æde duo & operis pulchritudine & concentus suauitate mirè consonantia conspiciuntur; Vnum in medio Templi supra pergulam quam diximus: Alterum in extremâ Templi orâ, sublimi fornici superbè insistens. Suggestum quoque non prætereundum, opus certè magnificum & venustum, tantæque ædis non minimum ornamentum, positum. Anno MDCLVIII. Vltimam huic Ædi gratiam quod addit, lumen est per fenestras receptum, quarum numerus, altitudo & claritas mirè commendat hoc quidquid est ædificij.

Ad læuam superioris Chori Turris alta, elegans ac longè conspicua est, inter egregias *Germania* meritò numeranda. Non surgit æquabiliter in altum, sed pulchrâ varietate quâ è solo extollitur vsque ad id spatij quo æs companum suspensum est, quadrangulam habet figuram. Deinde nonnihil augustior octogenam accipit formam vsque ad podium quod totam in orbem cingit Turrim. Hinc rursus attollitur eadem quidem formâ sed impari crassamento, ac demum in pulchrum terminatur hemisphærium areis laninis tectum. Quæ cùm in pedes cccxx. assurgat, omnia circumiecta ad multa millia passuum tam *Suenia* quàm *Baioaria* confinia detegit, & oculis in latissimam illam planitiem, quam *Lycus* amnis interluit, prospectum præbet amœnissimum. Ascensus per eam facilis & commodus. Exteri fruuntur, mirantur & laudant. Sed & alteri Turri initium datum eodem opere ac molitione, quæ tamen fastigium Templi non excedit. Erit fortè aliquando cui suppetet animus, & finem tam præclare inchoato im-

ponet ædificio: Ibidem & aliæ spectandæ complures Ecclesiæ, in quibus Cathedralis antiquitate S. Crucis, & S. Sepulchri ornata excellit.

XXX.  
Vlmæ,

VLMÆ insignis Basilica à S. P. Q. vniuerso & Sacro Clero moliri coepta, anno 1377. in quâ locandâ (extra donaria quæ liberali manu suppeditata fuerant) nouies centena aureorum millia impensa sunt, colophone eidem sub annum depulsæ per *Christum* seruitutis M. cccc. lxxxiix. imposito, Virgini Matri sacram esse voluerunt, eandemque LII. Altaribus ornatam, ac memorabili Organo, decorarunt: quod aiunt habere 1690. fistulas, & 27. Registra. Maxima fistularum, capax est mensurarum vini 315. Fundamenta turris sunt 464. pedum, profunditate horrendâ. Longitudo dumtaxat Templi à Choro vsque ad extremum, pedum. cccxvii. est; latitudo cliv. Habet columnas 36. fenestras 75. altitudo testudinis pedum 152.

XXXI.  
Norimbergæ,

NORIMBERGÆ Ædes sacræ, religione, ornamentis, aut vetustate augustiores sunt. D. Petri, sepulchro S. Sebaldi celeberrimi, qui primus eius regionis incolas ad fidem *Christianam*, vitæ sanctitate pellexit, post *Caroli Magni* tempora: item S. *Laurentij* Basilica amplissima est: ac B. MARIE V. sacra ædes; quæ tres quantum sacris ceimelijs ex auro & argento copiosè & largiter exornatæ fuerint, constare potest ex eorum conflatione & venditione, quæ descripta ante nonnullos annos publici juris facta est.

Habuit *Kiou Russia* metropolis, antequam Tartari in *Russiam* venerunt, ecclesias supra trecentas ornatissimas, quarum aliquæ in campis inter vepres & arbuta in hanc diem permanent, & stant desolatæ pro latibulis ferarum: ex quibus binæ ecclesiæ, videlicet S. MARIE & S. *Michælis* aliquas laminas tecti adhuc tenent deauratas, quas Tartari prædatum venientes, & inspicientes *altim bassina* vocant: *altim bassina*, id est, aureum caput habentes, quia partem tecti deaurati habent. *Matth à Michou. Sarmat. Asian. c. 3.*

XXXII.

Est in *Danie* vrbe *Eurandiâ* Horologium, in quo ars mira elucet, *Laurentianum* dictum: situm id in inferiori Templi parte; hic tabula parieti affixa visitur, circulis aliquot variorum colorum distincta. In hac per certos eius rei indices, & annus, & mensis,



ac septimana, dies quoque singuli, ac horæ, in quibus agant homines, liquidissimè monstrantur, eo etiam indicato si festum celebretur seu fixum seu mobile. Item quis luminarium Solis ac Lunæ motus, quæque horum in Zodiaco loca diebus singulis, & inter se habitudines. Atque hæc quidem foris; intus autem, machinis quibusdam ad id fabrefactis res agitur. Quibus illud additum est velut *Parergon*, sed & id arte factum, vt quoties publicè signum datur horæ elapsæ, supra tabulam ipsam duo concurrant simulacra (Equites dixeris Cataphractos) quæ tot sese ictibus petunt, quot signa dat campana maior, in turri suspensa, quæ horam indicat. Quod verò magis mirandum, in huius tabulæ medio, velut in throno, collocatum est Simulacrum, B. Virginis MARIE, sinu tenentis infantem. Ad latera huic ostia duo, ante pedes velut Theatrum semicirculi forma, arcu huius spectatoribus obuersa. Intus machina cum simulacris trium Magorum, quorum singulis singuli famuli additi. Machina mota ad eius cui hoc negotium datum est, arbitrium, prodeunt simulacra. Ante alios veluti Caduceator minitabundus, gladio vibrato pulsat ostium sinistrum, eo aperto proceditur Buccinis simul duabus sonantibus, quas inflare videntur buccinatorum simulacra. Qui primus est Magorum, magnifico prodit per theatrum incessu. Ad virginis simulacrum vbi ventum est, reuerenter ad hanc versus inclinat sese Magus, velut adorabundus. Faciunt idem reliqui Magi. Famuli horum immoti procedunt, nullâ editâ reuerentia significatione. Horum postremus ostium dextrum claudit, ita quidem vt clarior sonus, eo occulto, ad aures spectantium perueniat.

CAPVT X.

ALIQUOT GALLIÆ CELEBRATA TEMPLA.



PARISIIS Templorum Sacellorumque numerus peringens est, primas tamen partes sibi vendicat Basilica S. MARIE Parisijs, Virginis. Huius laquearia fornicati operis sustentantur cxx columnis, in longitudine habet passus Geometricos clxxiv. in latitudine lx. altitudine c. In circuitu habet Sacella xlv. mu-

nita ferreis eratibus omnia. Ianuis siue portis patet vndecim, è quarum numero tres quæ à fronte sunt, xxviii. Statuis Regum, Galliarum exornantur. Ad latus assurgunt Turres altitudinis xxxiv. cubitorum. His sustententur campanæ, quarum quæ maxima est, tanti ponderis dicitur, vt viginti homines eam vix impellere possint: Sonus autem eius ad septimum milliare Gallicum exaudiri fertur.

II.  
Sacellum  
Regium.

Inter cetera loca deuotioni cultuique dicata admirationem meretur *Sacellum* iunctum Palatio, extructum à *S. Ludonico* rege, quod altissimus fornix eius & latissimè diductus nullâ fulciatur columnâ, sed solis ædificij lateribus. Aiunt ibi seruari partem *Spinæ coronæ Dominicæ*, vt & *toga purpurea*, cum *arundine & spongiâ*, de quibus in historiâ Passionis.

III.  
Auxitana  
Basilica.

AVXITANVM Deiparæ Virgini dicatum Templum, inter pulchriora magnificentiâ spectanda *Europa* templa, recenseri potest, ob structuræ fastum, marmora, & antiquitatis monumenta, quæ in eo, exstant.

IV.  
Baïocensis  
Ecclesia.

BAIOCENSE Templum inter pulchriora magnificentiaque celebriora, totius *Normannia* habetur, propter structuræ excellentiam, & columnas omnis generis artificiosis operibus exquisitè exornatas: sed raritate excellit porticus imaginibus effigiata, & duæ turres altitudinis stupendæ, Pyramidum formâ surgentes, quæ huius ædificij molem ferunt, in cuius medio est turris structuræ admirandæ. Hanc extrui fecit *Ludonicus Harcourtius* Episcopus huius Ecclesiæ: in eâ turri horologium ciuitatis est, quod alijs arte præstantibus meritò adnumerari queat, id indicans & sonitu significans quartas & medias horæ partes, gratam sono musicam exhibet campanularum canorarum artificio.

IV.  
Rhotomagi.  
gi.

Cosmogr.  
p. 2. lib. 3.  
cap. 30.

RHOTOMAGI visu dignum est Templum Cathedrale Deiparæ Virgini dicatum, in cuius structurâ, quidquid ad exactæ architecturæ rationem exigi queat, obseruatum est. *Paulus Merula* de Templo isto exactè sic scribit: *Præmarium Templum, quod D. Virgini sacrum artis absolutissimæ, tres habet turres, quarum quæ media, S. Romani Rhotomagensium Archiepiscopi vocitatur: Secunda nomen inditum Butyracæ; ædificatum enim ferunt stipibus è populo cor-*  
regaris.

rogatis, ad obtinendum, quadragenarij ieiunij tempore, butyri vsum.  
Et paulò post idem: In turri Butyraceâ Campana spectatur, cuius  
pondus: librarum triginta sex millium, linguâ sexcentas decem pen-  
dente. Nomen illi Georgius Ambosius, ab Archiepiscopo qui anno  
MD I. Ciuitati donauit. Latitudo decem est pedum; altitudo totidem,  
comprehensis ansis. Circuitus triginta sex est pedum, continens hos versus:

Illâ ego sum quamuis sonitu veneranda tonanti,

Prima est auctori gloria danda meo.

Namque ter & denis cum ternis millibus æris

Obtulit hæc vero dona dicata Deo.

Scilicet Ambosius, qui sancta Georgius arma

Cunctaque Francigenis tractat habenda viris.

Rhotomagum tanto felix Antistite gaudet,

Cùm sit Cardinei gloria summa chori.

Vas omnium, quæ in Gallijs, vastissimum. Hactenus Merula.

Templum est in Vrbe Metensi D. Stephano sacrum, & alia, de  
quibus Dinaus ita scribit: Templum D. Stephani nomen tenet, qui  
ciuitatis est Patronus, pulcherrimum verò opus; si quod aliud toto hoc  
itinere videmus, & suâ mole spectabile: quodque raro accidit, omni ex  
parte consummatum. Dicebatur in eo fuisse Crucifixi ligneam imagi-  
nem, totam Laminis aureis superinductam. Vidimus Labrum Por-  
phyreticum rubei coloris, magna capacitatis, pedes X. longitudinis exce-  
dens, in quo Lustrales Aquas adseruant. Sunt & alia in hac eadem  
vrbe sumptuosa Tempia, & multa erant in eius Suburbijs, inter quæ  
D. Arnulphi Basilica, Imp. Ludouici Pij Augusti, Caroli filij, & fi-  
liarum aliquot Pipini Regis sepulturâ celebris. Omnia hæc absumpsit  
Belli rabies, ita ut suburbij ne vestigium quidem superfit, neque ultra  
muros quidquam præter campestria videas.

Apud Pagum S. Nicolai duobus milliaribus Nanceio distan-  
tem, templum est non magnæ antiquitatis, sed vastæ molis, edi-  
tæque structuræ, luminosum omnino. Columnæ, quæ totum fa-  
stigium sustinent, tantæ sunt, cùm gracilitatis, tum altitudinis, vt  
tanto oneri ferendo vix pares iudicentur. Turres habet duas, in  
quarum vnâ Caroli Lotharingici Card. in summo culmine Symbo-  
lum: obeliscus scilicet cum Hederâ circumplicatâ, & Inscriptione:

TE STANTE VIREBO,

CAPVT

VI.  
Metis,

VII.  
Prope Nancij  
ceium.



# NONNVLLA CELEBRIORA IN HISPANIIS TEMPLA.

I.  
Toleti.

**T**OLETVM nobilitat amplissimum & pulcherrimum templum; quod sacras omnes ædes, & formâ conspicuâ, & magnis ædificijs antecedit, nam in eo fenestræ speculares complures, & imagines pulcherrimæ varijs coloribus admirabiles, & antiquas historias referentes conspiciuntur, hic perlucida specula 750. numerantur. Huius Ecclesiæ Antistes, in *Hispaniâ* secundus est à Rege, non dignitate tantum & auctoritate, verum etiam populis, vefligalibus, & potentia, sub cuius imperio, præter minores populos numerantur, oppida nobilia 17. ex quibus magnus Ecclesiæ *Toletanæ* reditus exigitur, cuius summa est anno quolibet ducentorum millium ducatorum. Alij tamen ratione Archiepiscopatus nonnisi vltra viginti millia ducatorum annuatim numerant. Est autem *Castellani* regni Cancellarius, *Hispaniaq;* Primas.

a. Ioan.  
Marian. l. 6.  
cap. 24.

Tradunt Scriptorum, Basilicam hanc, à mille trecentis annis *Toletanorum* operâ fastigium attulisse. a. Illam porro *Mauri*, anno 714. per totam *Hispaniam* insolentissimè grassantes, vrbe in dedicationem acceptâ, execrandis suis ritibus, miserandum in modum, conspurcare non erubuerunt; illam, aio, quam sacratissima Virgo, sexaginta quasi ante annos, præsentia suâ, suo sermone, Vesteque mundissimâ B. Illesonso Antistiti oblata, dignata fuerat illustrare. Quæ eorum fœditas annis supra trecentos, sexaginta & vno in sacrâ æde dominata est; donec *Alfonfus* Sextus generosissimus Princeps animos sumens, Barbaros loco cedere armorum, vi compulit. *Alfonsi* Victoris prima cogitatio fuit, facies sacris ædibus eliminare; Religionem restituere; vtque ritè fiat, Pontificem creare. Ergò XV. Kal. Ian. vnanimi voce *Bernardus* vir integerrimus, Ordinem B. *Benedicti* professus, in *Toletana* Cathedræ Pontificem electus est. Decem inde mensibus euolutis, *Toletanus*, adstantibus alijs cum Rege Præsulibus, templum Maximum, ex terminatis Barbarorum spurcitijs, *Christianis* cæremonijs, VIII. Cal. Nouemb,

Nouemb. consecrat, ac Diuæ *Kirginis* clientelæ, SS. item Apostolorum *Petri & Pauli*, *S. Crucis* ac *S. Stephani* nuncupat. Quo quidem tempore Sacerdotes triginta, totidemque portionarijs constitutos fuisse, *Ioannes Mariana* attestatur. *b.* Et verò quanta inde incrementa loco & Pontifici obuenerint, *Aluarus Gometius Castellanus* obiter delibans: *c.* *Paulatim*, inquit, ex Religiosorum Principum & piorum hominum liberalitate, ea sacrorum reddituum portio, quæ sacris rebus curandis cedit, octies centena millium nummorum summam efficit. *Toletana* Basilicæ rectum eâ formâ, quâ nunc est, *Ferdinandum* auctorem iactare suum, aiunt. Et vt finiam septemdecim Concilia hæcenus inibi fuisse celebrata, Plurimos Præfulum in Diuorum numerum relatos, Reliquias Sanctorum innumeras adesse, & quæ similia.

**BURGI** Templum metropolitanum, siue Ecclesia maior intrus: & extrâ admirandî artificij & operis, spectatu digna. Siquidem in eâ res diuina, & sacra officia eadem horâ & momento in quinque Sacellis inter se distantibus, à cantoribus & organis sub eodem tecto cantari possunt, vt tamen nullus Sacerdos à ceteris impediatur aut turberetur. Est ibi crucifixi simulacrum, tantæ antiquitatis, vt à *Nicodemo* factum sculptumque vulgo putetur.

Ex Sacellis verò & Sacrarijs, quæ multa sunt, illud vnum *Castella* Connestabilis conspicuum atque ditissimum, non Ecclesiæ solum *Burgensi*, sed etiam cunctis ciuibus magno est ornamento.

**HISPALIS** Cathedrali Templo ædificiorum amplitudine & maiestate cetera vniuersæ *Hispania* ex facili cedunt. *Paulus Merula* hanc ei panegyrim in Cosmographiâ d. tribuit: Inter templa sanè primas tenet illud quod *MARIÆ* consecratum, quo nullum habet Christianus orbis excellentius, si quis operis amplitudinem spectet & maiestatem. *Turrin*q; summa altitudinis editissimo operosissimoq; fastigio admirabilem; vnde in vniuersam urbem camposq; latissimè circumiacentes iucundissimus est prospectus. Cochleam intus habet, per quam eques commodè ascendere potest. Quæ ferè summa est, ambitur ab hac inscriptione: *Æ. TYRRIS FORTISSIMA NOMEN DOMINI.* In supremo apice, Fidei est statua ærea, magnitudine hominem referens, versatilis ventorum index. Hæcenus *Merula*. Ecclesiæ huius primariæ maiestas

*b.* Lib. 10. cap. 18.

*c.* Lib. 3. de rebus gestis Franc. Ximen. Archiepis. Tolet.

II.  
Burgi.

Crucifixi imago à Nicodemo sculpta.

III.

*d.* part. 2. Cosmogr. lib. 2. D.

*e.* Prouerb. 18.

Nn

opulen.

opulentiaque breui compendio dici non posset, hoc fuerit satis ex Collegiasticis Rationibus constare, Antistiti centum & amplius aureorum millia annui redditus cedere: Primarij templi facta tecta triginta & amplius millia ferunt; Senatus verò Ecclesiæ 120000. quæ in Canonicos 40. & 11. prærogatiuæ dignitatis Sacerdotia: itidem in 20. Portionarios quos vocant, totidemque Semiportionarios sodales distribuuntur. Sunt præterea Sacerdotes 20. quos à numero Vicenarios vocant, qui nocturnis diurnisque psalmodijs ducentos & amplius aureos merentur: & ducenti alij Sacerdotes, qui expriuatis Sacellis satis commoda ferunt stipendia: beneficia adhæc per omnem Diœcesim opima sexcenta ferè, quorum multa singulis & binis aureorum millibus censentur: minorum verò Sacerdotiorum, quas Cappellanas vocant, duo millia ferè numerantur.

## IV.

Oueti.

f. Mariana  
lib. 6. c. 18.  
& 12.  
Rodericus  
lib. 4. cap. 3.  
& 8.

OVETANVM Deiparæ templum, structurâ marmoreis columnis innixâ, f. auro argentoque variè ornatum, quod Regum Mausolæa, requietem ibi suam sapenumero designantium, mirificè venustant: In quibus *Alfonsi Casti* Fundatoris; *Ranimiri*; *Ordonij*; *Alfonsi Magni*, cum *Semenâ* coniuge, *Garsia* filij etiam Regis, ac fortasse aliorum. Cuius *Ranimiri* quia mentio incidit, non prætereundum id fuit, quòd secundo ab *Oueti* lapide ex belli manubijs, ædem alteram, *MARIÆ* Virginis nomine, in latere *Naurantij* Montis, anno 846. ædificauerit, structuræ genere, & totius operis pulchritudine, præstantioribus meritò accensendum.

## V.

Legione.

LEGIO *Germanica* (vulgò *Leon*) regni caput, ciuitas est nobilissima, & templo pulcherrimo memorabilis, multisque viribus, Templi sui mirabili artificio meritò, præferenda. Nam etsi templum *Hispalense* alijs omnibus multitudine præstat; *Toletanum* diuitijs, ornamentis & specularibus fenestris sit illustrius alijs: etsi denique *Compostellanum* fortioribus ædificijs, alijsq; rebus est memorabile: *Legionense* tamen artificio singulari omnibus, multorum opinione, est anteponendum. In eius claustri Sacello jacent 37. Reges, & vnus *Hispaniæ* Imperator. In eâ singulis annis 12. Virgines, Augusti 15. solenniter *B. Virgini* offeruntur.

Marin. Sic.  
lib. 3. de  
reb. Hisp.

## VI.

Granatæ.

GRANATÆ extat longè maximum templum, quod sumptuosissimè



fiſſimo ac mirabili opere coeptum eſt ædificari, eâ propemodum formâ, quâ ad S. MARIAM Rotundam Romæ, habens altare in medio. In Æde hac ſacrâ, eſt Sacellum ſplendidiffimum, in quo *Ferdinandus Hiſpania Rex*, cum conjuge ſuâ Reginâ *Iſabellâ* (qui coniuges hanc *Granatenſem* urbem *Mauris* eripuerunt Anno à *Chriſto* nato 1480.) ſepulti jacent. Ab eo tempore recepta lege, & conſuetudine maiorum obſervatum fuit, vt *Hiſpania* reges, in hoc Sacello ſepeliantur. Rari itaque operis Regum monumenta, ingenti impenſarum ſumptu perfectâ, Sacellum, templumque hoc *Granatenſe* illuſtrant.

Portenti ſimillimum eſt, quod *Bernardinus Gomeſius* de *Iacobo I. Aragonum* rege tradit: Ad diuinum, inquit, Chriſti nomen ubique propagandum ad eò intentus (Iacobus fuit) vt tria nobiliſſima regna è Saracenorum manibus eripuerit, & ad duo millia templa exædificari, eaq; Chriſto eiusq; Matri & Virgini dicari curauerit.

OSSVNÆ *Ioannes Tellex Giron*, eius nominis & familiæ ſecundus, extruxit ſumptuoſiſſimum ex candenti marmore D. MARIE Virgini matri templum, inſtituitque in eo præter Abbatem, Dignitates, Canonicos, Portionarios qui Collegium conſtituunt, Sacellanorum etiam numerum, qui progenitoribus ſuis, in Crypta ſubterranea (quam eorum funeribus ſeruandis extruxit) ſub ſummo Altari quotidie parentarent. Id templum idem Princeps tanta ſupellectili, tam aurea, quàm argentea, tantisque veſtibus aureis, hoſoſerieisq; exornauit, vt vix habeat (multorum iudicio) in *Baticâ* ſecundum.

BETHLEHEM oppidulum eſt in portu *Olyſſiponenſis* vrbis, ibi templum ingens ſpectatur D. Virgini dicatum, incredibili ſumptu ac magnificentia conſtructum, Regis *Emmanuelis* monumentum, quod dum viueret, ſibi ipſe designauit. De hoc elegans ſcriptor *Ioannes Maffei*us: *Patefacta*, ait, *India*, & incognita ad eam diem navigationis ratione vicumq; compertâ, primùm omnium *Emmanuel Luſitaniæ Rex*, toto regno ſupplicationes indixit; populi circa templa frequentes iere. Dein *MARIÆ Virgini*, eius navigationis Præſidi exſtructam olim ab *Henrico Principe* adiculam in ipſo aditu portus *Olyſſiponenſis*, miram in amplitudinem extulit auxitq; in loco in-

VII.

Lib. 1. de  
geſt. Iac. A-  
rag, reg.

VIII.

Oſſuna

IX.

Olyſſipone

Lib. 2. hiſt.  
Ind.

primis illustri, ut ab omnibus conspici posset, ipsius Henrici militarem statuam collocavit. Ad eius templi custodiam, & ceremonias, & navalibus præsertim turba ducumq; animos ritè expiandos, eximia sanctitate Monachos è Hieronymiana familià acciuit. Hactenus Maffei. Magnam tamen ipsi opèri accessionem Ioannes tertius Emmanuelis filius fecit, De qua re extat ibi in arcu celebre Andrea Resendij bessalibus litteris tetrastichon.

*Vastà mole sacrum Divine in litore Matri  
Rex posuit Regum maximus Emmanuel.*

*Auxit opus heres regni & pietatis : uterg;  
Structurà certant, Relligione pares.*

X.  
Eboræ.

EBORE quoque nobile templum visitur S. Antonij Archimandritæ, quod publico ciuitatis foro, conspicuo & illustri loco erectum, eleganti magnificaque operis structura factum est. Habet hæc ciuitas quatuor Monachorum insignia Monasteria, Monialium verò septem non minoris magnificentiæ, in quibus ferè omnibus fontes ex marmore candidissimo affabrè facti, subterraneæ aquæ argenteæ canalibus scaturiunt.

XI.  
Montis Serrati Mariæ  
Aug. lib. 2.  
cap. 25.

Marin. Sic.  
l. 5. de reb.  
Hispan. & alij.

MONTIS-SERRATI historiam, pluribus verbis attexam ex Locrio. Anno quasi 890. Godefrido Peloio rerum Barcinonensium potiente, opiliones aliquot, ut fit, Montis-Serrati jugum cum gregebus fortè pererrantes, ecce inclinante Sabbati die, ingentia lumina è cælo in antrum cominus hians collabentia stupidi conspiciunt, moxque Angelicos concentus inde efflatos auribus excipiunt. Quid faciant? rem deferunt ad parentes, ad amicos, ad ignotos. Explorandi cuique libido : concurritur, & ipse Caucasus omnium ætatum, sexuum, ordinum agminibus inhorrescit. Quumque Sabbati dies recurrisset, seque Phœbus præcipitem in Oceanum dedisset, ecce iterum arduus æther faculas agminatim in specum eiacularur, nihilque remissiùs sacrorum Geniorum legio agitans

*Obloquitur septem numeris discrimina vocum.*

*Iamq; eadem digitis, jam pectine pulsat eburno.*

Stupor inde singulos acriter ferit; neque diutiùs Barcinonensem Antistitem res latet, qui subitariâ simul cupidine correptus scandit

dirupam, spectaculum & ipse exploraturus. Die & hora solitis iteratur prodigium. Stupes tu quoque Pontifex, & rectè, inque antrum (id muneris erat tui) etiam venis. Quid porro inuenis? Deipara statuam, quam turbâ mortalium negligente, Angelicum famulitium honoraret. Non pateris, non differs; spemque metumque inter dubius, eam venerabundus excipiens, speluncâ effers, & præeuntibus vexillis, tædis, cruce, reliquijs, clero, multa prece cantuque per altum aëra strepero, donare templo tuo Cathedrali paras, & progredieris. Quousque autem? donec ad istum vbi hodieque est locum pedem ponis. Tunc stare, nec posse dimoueri magis,

*Quàm si dura fílex, aut stet Marpesia cautes.*

Nouum prodigium; cuius non alius interpres, quàm ipse Antistes; Statuam sacram ipsi ponit, ac celeberrimam Basilicam componit. Quæ quanta deinceps fuerit, Montis huius historia, Gallorum Regi inscripta, in qua octoginta duo super trecenta, ad Diuæ huius implorationem, patrata prodigia referuntur, non obscuro indice declarat.

At verò, vt tibi grater ô Lector, Hieronymi Pauli Barcinonensis calamum hîc appendo: Serresius, inquit, quem & Serratum vocant, mons est finibus Leletanorum in Lacetanis; olim profanis deorum cultibus dicatus, de quo quadam haud indecenter enarrare lubet. Mons ipse non modo in Hispanijs, sed vbiuis Prouinciarum, Latini Christianiq; nominis famâ pernotissimus est; situs & Religio efficit. Distat à Barcinone circiter 30000. passuum, tantumdem mari remotus. Lambitur à Septemtrione Rubricato amne, vbi Palladium oppidum Olesia patet 12000. passuum in insulam sedens, & nulli contiguus, vt Soracte in Italiâ. Altitudo eius ardua, & quàm eminentes cliui cautesq; exasperant; nemorosis internis ornis & fraxinis & huiusmodi arboribus insignitus est, salientibusq; fontibus, medicinalium quoque herbarum feracior. Aspectus eius amplissimus, vt Pyrenæis in Occidente Sole Balearibus terminetur. Et cum cernentibus inaccessibilem se ostendat, benignum tamen aditum circuitus tribuit: exterius autem præruptis excessiq; saxis ita vndique ingraduus, & in serra similitudinem & ex ordine compositus est, vt prudenti opere naturam ipsam aut mundi huius Opifi-

In descript.  
Flum. &  
Mont. His-  
paniæ



cem, Montem ipsum nescio quid sacri Numinis ostentantem, suo celeberrimo cultui exstruxisse credamus. Religionis eius auxere initia, quòd suprema Virgini sacer sit, ob vetustissimum eius simulacrum, abditissimâ speluncâ diuinitus adinuentum. De quo si pro materiâ diceretur, grande esset profectò opus, & idèò relinquendum. Ultra montis modum Ara Virgini exstructa est, & Augustissimum Templum. Via quoque ascendentibus non exigua, laborioso accolarum cultu, regijsq; sumptibus coacta est. Desperatum primâ manu opus, mox absolutum. Cacumina praterea Montis Religiosis habitantur viris, quos Eremitas appellant, ligneisq; gradibus & exemplilibus scalis, & pendentia saxa admotis, non sine vastâ sublimitatis terrore, ac casus etiam periculo adeuntur. Ascendentibus, ne decidan, remedium est curiosius scandere, & ne ima despiciant. Templum quod diximus, cerâ, argentoq; atque auro conflatis per orbem denarijs onustum est. Cuius veterrimi tholi fastigio miranda Virgine opis miseris agrisq; mortalibus præstita, testes appendent statua & depictæ Imagines, cathena, lorica, clypei & rostra carinis erepta, atque alia liberationis ac victoria monumenta. Quod omnium maximum est, reuiviscentium hominum funebria vestimenta, superata natura mirificentissimum spectaculum. Soluuntur vota sexto Idus Sept. numerosâ populorumq; ad internecionem pressurâ.

Hist. Virg.  
L. 2. c. 3.

Ioannes Bonifacius: De nostra Hispania templis illustribus, inquit, dicerem paulò copiosius, nisi timerem, ne actum agere videar, & quæ sunt lippis & tonsoribus nota tractare. Cui enim Montis Serrati magnifica, maximeq; religiosi virginalis templi inaudita narratio est? Ibi miracula, Ibi peregrini quàm plurimi, ibi monachorum sanctitas illius non dissimilis, quæ Dini BENEDICTI illius familie auctoris ætate fuit, ibi erga externos hospitalis humanitas.

XII.  
Guadalupi.  
Marin. Sic.  
l. 5. de reb.  
Hispan.

GVADALUPI (Luporum flumen latinè dixeris, vnde Aquas Lupias nonnullus vocitat) Lusitania oppidi, toto orbe nominatissimum est templum, & in templo Diuæ Virginis statua, varijs miraculorum monumentis, quæ sacræ ædis ambitu continentur; illustrissima. De templo hoc, præcitatus Ioan: Bonifacius: Fabricatio ingens, ait, monachorum qui D. Hieronymum ducem sequuntur, mira religio, cantus excellens isq; perennis, peregrinorum concursus admirandus, miraculorum ad aram virginalem & crebritas & magnitudo mouet.

de mouet oculos, & aures oblectat. *Aduersus hospites predicanda charitas est, prouidentiaq; mirabilis. Siquidem bene ordinata reipublica specimen capi profecto potest à Guadalupensis cœnobij disciplinâ. Virginalis effigies quam in hoc celeberrimo templo Hispania cuncta veneratur, à D. Gregorio Magno ad S. Leandrum Hispalensem Episcopum per D. Isidorum missa creditur.*

Quum *Ioannes .2. Castellæ* Rex accepisset, perfidos *Sarracenos* non parua terris suis intulisse damna; medendum in tempore ratus, *Diux Guadalupana* auxilio sortem suam committit; adeoque templum eius ingressus preces fundit, munera offert. Hinc hostem aggreditur, frangit, fugat, spolia ampla legit; *Huestam, Ximenam, Vellem* & plurima alia recuperat.

*OLIANA* in ripa *Sicoris* fl. oppidum famigeratur *Castilue-* drensi æde, sublimi in loco, sub *Diux* auspicijs posita; ad quam. (nota prodigium) singulis annis, mense Martio, feria sexta ex *In-* sula fluminis, tria lumina cœulei coloris ascendunt, & Ecclesiam per fenestras ingressa lampades accendunt, & subinde descendunt ad eum locum, vnde venerant, ibique ab insipientium oculis euanescent. Id à populis eius tractus, virisq; fide dignis (scribit *Marinus*) affirmatur.

*S. LAURENTII* in *Escuriali* vulgò magnificum illud & sumptuosum ordinis *D. Hieronymi* Monasterium: *Philippi II. Hispaniarum* Regis opus: quod meritò certare potest cum *Ægyptiorum* Pyramidibus, cum veterum *Græcorum, Romanorumq;* Templis, Theatris, Amphitheatris, Ludis, Circis: Thermis item Balneis, sepulchris; cum alijs denique variorum Regum & Principum Monumentis. Operi tanto vix quid est par, vix quid secundum. Frontispiciam eius, Occasum spectans, tribus superbit portis: quarum quæ Media primariaque, in Templum augustissimum, Coenobium, Collegiumq; ducit; quæ ad dextram, in Officinas Monasterio consecratas; quæ ad sinistram, in Domos Scholæ destinatas. Quatuor angulos totidem exornant mirabiles arte sua Turres: quas etiam, duæ superant ad ipsius Templi pedem hinc inde fastu quodam con surgentes. Supra Ostiū Templi magnificæ Stylobatæ Statuas sustinent ex Marmore Tophoq; sex *Israëlis* Regum, pedes altas XVII.

Roder.

Sanct. p. 4.  
Hispan. hi-  
stor. c. 30.

XIII.

Oliana Ec-  
clesia.


Lib. 5. de  
reb. Hisp;

XIV.

Ad

Ad Septentrionem Palatium Templo aditum visitur, Regi Regioq;  
Comitatui commodissime excipiendo paratum. Ad meridiem  
varia sunt porticus: Hortus omnis generis instructus Herbis, Flo-  
ribusque & plurimis ornamentis: Pomarium gratissimis confutum  
fructibus: item Nosocomium, Pharmacopolium, & alia.

Quid superest? quidquid ibi occurrit, stuporem inijcit spe-  
ctanti: ideoque de ijs, quæ dicenda restant, silere cum modestia  
præstat, quàm ieiunè pauca in medium proferre.



## INDEX COPIOSVS RERV AC VERBO- RVM, PRIMVS NVMERVS PARTEM, SECVN- dus capit, Tertijs paragraphum, seu numerum capitis designat.

**A** BRAHAM obligat hospites ad cultū  
Dei. p. 1. c. 1. n. 4.

Abraham altare erigit. 1. 3. 3.

Abdila Arabs subito extinctus. 4. 5. 3.

Adamus locum certum videtur pro Sa-  
crificijs determinasse. 1. 2. 1.

Alaricus Gothorum R. templis hono-  
rem deferri iussit. 4. 11. 9.

Idem ibid. cap. 15. n. 3.

Alexander Imper. pro Christianorum  
templis rescriptit. 4. 1. 9.

Adrianus Christo tépla condidit. 4. 1. 8.

Alcibiades damnatus. 3. 7. 6.

Alphonfus Lusitanix R. 4. 12. 11. Item  
cap. 21. n. 5.

Alphonfus I. Castus. 4. 16. 7.

Alphonfus M. ibid. n. 81.

Alphonfus VI. Item alius Alphonf. ibid.

Albigenes refutati. 1. 1. 10.

Altare quid? 1. 2. 3. Eius vsus. 1. 3. 1.

Altare inscriptum Deo forti Bethel.

Ibid. n. 9.

Altare & Excelsum differunt; 1. 7. 2.

Altare æneum. p. 2. c. 2. n. 4.

Altare quid? 4. 4. 1. Materia n. 10.

Consecratio. n. 11. Ornatus. n. 13.

Altarium reuerentia. n. 17.

Amicam ad templum citans, subitanè  
mortuus. 4. 34. 6.

Amphiarai Vatis oraculum. 3. 3. 15.

Angelus Domini apparuit puero. 4. 11. 4.

In Angliæ regno 10000. templa & 1000.

Monasteria fuerunt. 4. 12. 15.

Antiochiæ à S. Petro instituta templa.  
4. 1. 3.

D. Ambrosij templū Mediolani. 4. 13. 1.

Andabarij & Asparis tyrannis. 4. 22. 4.

Angeli sunt in templo & Sacrificio Mis-  
sa. 4. 19. 4. & c. 20. n. 6.

Apostoli ipsi instituerunt templa. 4. 1. 2.

Apostoli instituerunt vt versus orien-  
tem solem oraretur. 4. 3. 4.

Apollinis Delij templum. 3. 3. 13. Pata-  
ria. n. 14.

Apollinis



# ET VERBORUM.

**Apoëlinis templum ex plumis & cera.** n. 18.

**Apollinis templum in Arcadiâ.** 3. 4. 12.

**Apollinis Daphnæi.** 3. 6. 5.

**Aræ in montibus, lucis, filius.** 3. 1. 3.

**Ara Misericordiæ Athenis.** 3. 7. 9.

**Atrium Templi exterius.** 2. 2. 4.

**Atrium profanum.** n. 5.

**Argi lucus.** 3. 6. 2.

**Asyli priuilegium non omnibus Gentili-  
um templis concessum.** 3. 7. 2.

**Asylii quibus negatum.** 4. 6. 21. 2.

**Asyli priuilegium habebant confugi-  
entes ad Sacerdotem deferentem S.  
Eucharistiam.** 4. 21. 5.

**Argentinenſe templum.** 4. 13. 2.

**Arianus Episcopus cæcitate punitus.**  
4. 25. 4.

**Arnus Episcopus VVirzeburgensis.**  
4. 30. 14.

**S. Aureus Moguntinus Episc.** 4. 30. 27.

**Aurea & argentea vasa tempore S. Au-  
gustini & ante in templis.** 4. 9. 2.

**Aureliensis Ecclesia diuinitus consecra-  
ta. Item Auenionenſis.** 4. 18. n. 10.  
& 11.

**S. Autonomus Episcopus.** 4. 30. 5.

**Athelstanus Angliæ R.** 4. 27. 24.

**Ædes sacras destruentes qualiter puni-  
ti.** 4. 32. 6.

**B** Apistiterij locus asyllum. 4. 21. 6.

**S. Basilii Valenti refistit.** 4. 25. 2.

**S. Bertharius Abbas in templo occisus.**  
4. 30. 33.

**Benedictus Hungarus punitus.** 4. 22. 7.

**D. Benno apparet in somnis.** 4. 22. 9.

**Bogomillorum doctrina.** 1. 1. 11.

**Brancidarum oraculum.** 3. 3. 9.

**Brancidarum apud Milesios.** 3. 4. 6.

**Bohemiarum Reges Carolus IV. Spignæus.**

11. 4. 14. 17.

**Bonifacius V. templa asyla constituit.**  
4. 27. 8.

**Bonifacius Comes punitus.** 4. 22. 2.

**Bona Ecclesiastica etiam sæcularia de-  
uorant.** 4. 32. 7.

**C** Airi 220000. templorum. 3. 5. 22.  
Cyzici delubrum. 3. 4. 8.

**Cordubensē templum.** ibid. n. 21.

**Cornelii domus in Ecclesiam conuersa.**  
4. 1. 9.

**S. Cornelius Centurio apparens iubet  
templum exstrui.** 4. 14. 3.

**Carolus Magnus Aquisgranensē tem-  
plum, plura alia diuersis locis condi-  
dit.** 4. 11. 7.

**Carolus IV. Pragæ.** Ibid. n. 10.

**Clodouæus R. templum vouet, & vi-  
ctoriam obtinet.** 4. 14. 5.

**Christi manus apparet sacrificantibus.  
S. Iodoco, S. Firmino, & D. Vdalri-  
co.** 4. 18. 13.

**Christianis omnia loca sacra pro asylo  
sunt.** 4. 21. 1.

**Consilium consultorum pessimum.**  
ibid. n. 10.

**Chilpericus Francorum Rex.** ibid. n. 5.

**Capitularia Caroli Magni.** Ibid. n. 15.

**Colnanum asyllum in Anglia.** n. 24.

**Cyriaci Patriarchæ Constantia.** 4. 22. 3.

**S. Chrysostomus impedit ne Gaianæ  
Ariano Ecclesia traderetur.** 4. 25. 3.

**B. Carolus Flandriæ C. in templo occi-  
sus.** 4. 30. n. 8.

**B. Christianus Antioch. Episc.** ibid. 12.

**Coloniæ S. Petri Ecclesia igne læsa.**

4. 31. 4.

**Carolus Martellus bona Ecclesiæ mili-  
tibus distribuit.** 4. 31. 2.

**D** Æmones expelluntur in Dedic-  
tione. 4. 19. 6.

**Dauid auctor Templi Salomonis.** 2. 1. 1.

O o

Deus

# INDEX RERVM

Deus certis locis vult coli. 1. 2. 5.

Diuerſitas altarium. 1. 3. 5.

Distributio libri. 1. 1. 11.

Differentia primi & ſecundi templi.

2. 2. 6.

Dodonæum oraculum. 3. 3. 2.

Diuinationum varia genera. 3. 3. 19.

Dianæ Heliopolitanæ templi ſplendor.

3. 4. 3.

Dianæ Magnetiæ. Ibid. 7.

Dianæ Ephetiæ. Ibid. 15.

S. Dionyſius à Chriſto communicatus

in carcere. 4. 18. 12.

S. Dionyſij templum Pariſijs. ibid. n. 4.

Dongardus Scotiæ R. aſyla conſtituit.

4. 21. 21.

**E**cceſia vocata Dominicum. 4. 1. 11.

Eccleſia portatilis Conſtantini M.

1. 2. 4.

Eccleſiæ noſtræ cur habeant 3. partes.

4. 4. 9.

Eccleſiæ cur in formam Crucis con-

ſtruantur. ibid. 13. Quid per colu-

mnas ſignificetur. n. 14. Quid per

feneſtras. n. 15. Quid per oſtium.

n. 16. Quid Turris denotet. n. 17.

Quid Campanæ. n. 18.

Eccleſiæ à Conſtantino conditæ. 4. 8. 5.

Euſebij locus de Eccleſijs Chriſtiano-

rum. 4. 1. 12.

Eccleſiaſticis bonis nemo dicitur.

4. 3. 24.

Excelsa quæ in Scripturâ. 1. 9. 1.

Excelsa duplicia. Ibid. n. 5.

Encæniam vnde dicta. 2. 4. 4.

Eſdras reſtaurauit templum. 2. 1. 2.

Eutropius Arcadij Cubicularius puni-

tus. 4. 21. 10.

Edoardus 2. Angliæ R. jus aſyli deſignat.

4. 21. 25.

Eremitarum in Heluetiâ Sacellum B. V.

miraculoſè conſecratum. 4. 18. 6.

Enos primus videtur inſtituiſſe religio-

ſos cœtus. 1. 2. 2.

**F**alſorum oraculorum celebriora.

3. 3. 1.

Fortunæ templum ex Phengite. 3. 4. 18.

Felliæ templum ampliſſimum. 3. 5. 21.

Franciſcus I. Galliarum Rex. 4. 23. 3.

S. Fregederus Presbyt. in templo occi-

ſus. 4. 30. 9.

S. Fridericus, Traiectenſ. Epicoſcopus.

Ibid. 17.

Franciſcus Laurentij Minorita. Ibid. 26.

**C**eleſtius Papa pœnam conſtituit.

violat. aſyli. 4. 21. 13.

Gentiles Solem orientem adorabant.

4. 4. 6.

Gallorû Reges olim munifici in Eccle-

ſiâ. 4. 12. 1. Dagobertus S. Dionyſij

templum quàm ſplendidè exorna-

rit. n. 2.

S. Gregorius Thaumaturgus montem

tranſtulit. vt locus Eccleſiæ conſtru-

endæ ſufficeret. 4. 14. 1.

Glaſconienſ. Eccleſia miraculoſè con-

ſecr. 4. 18. 9.

Gregorij 14. Conſtitutione, non gau-

dentis immunitate Eccleſiaſticâ.

4. 24. 3.

Gaidulphus C. Monafterij expilator

horrendè punitus. 4. 32. 9.

Giblij qui? 2. 3. 4.

Gothi ipſi parcebant eccleſijs. 4. 21. 4.

**H**ercules columnarum nomine

cultus. 3. 4. 21.

Hebræi Solem orientem adorabant.

4. 3. 7.

Herculis templum. 3. 4. 2.

Henricus II. Bambergæ plura templa

conſtituit. 4. 11. 8.

Hilarius I. P. plura reſtituit tẽpla. 4. 10. 3.

Hilborch

Hilborch femina nobilis 9. Ecclesias cum Monasterio construxit. 4. 13. 5. Hispani Reges munifici in Ecclesiis.

4. 12. 7. Ranimirus I. & II. Ferdinandus & Isabella. n. 9. Philippus II. Escuriale nouum orbis miraculum condidit. n. 10.

Hungariæ Reges, S. Stephanus, S. Ladislaus, Ludouicus. ibid. 13.

S. Hubertus Ecclesiam dedicat. 4. 16. 14.

Heliodorus Templi expilator punitus. 4. 22. 2.

Henricus Imp. Brisacum condidit pro asylo. 4. 21. 21.

Henricus VVellen Diac. in templo occisus. 4. 30. 13.

Henricus VIII. Angliæ R. qualiter punitus. 4. 32. 5.

**I**acob oleo consecrauit altare. 1. 2. 8. S. Iacobus Apost. templum dedicauit. 4. 2. 1.

Iudæi quàm liberales in Templum. 2. 3. 5.

Iouis Hammonis oraculum. 3. 3. 3.

Iouis varia oracula & Tempia. 3. 3. 10.

Iouis Olympij Templum sumptuosiss. 3. 4. 2.

Iouis Beli in Babylone templum. n. 5.

Iouis Babylonij. Ibid. n. 14.

Iouis Capitolini. Ibid. n. 17.

S. Ignatius Ecclesiarum meminit.

4. C. 1. 5.

Julianus præfectus & Felix puniti. 4. 5. 1.

Iustinianus Imp. Sophiæ Templum extruxit. 4. 11. 2. Item plura alia. n. 5.

Ingens terræ motus Constantinopoli. 4. 31. 1.

Idolorum templum igne consumptum. 4. 31. 3.

Ioannes Graius Franciscanus. 4. 30. 41.

Ioannes Leuius. 44. 7. Carthagini in Ioannes Leodicensi. 45. 5. templo occisi. Imagines jam olim in templis. 4. 9. 5. Imaginum vsus quid conferat. 4. 4. 14. Iustinus Martyr. 4. 1. 6.

Imago B. V. miraculosa in Monte regali. 4. 35. 2.

**L**adislaus Rex Hungariæ. 4. 22. 7.

Latonæ oraculum. 3. 3. 12.

Leges Longobardorū de asylo. 4. 21. 15.

Leo Imp. de asylo. ibid. n. 20.

S. Lambertus Leodiensis Episcopus. 4. 30. 15.

Lector canens alleluia, sagitta transfixus in Ecclesiâ. 4. 30. 20.

Loca certa deputata fuere cultui diuino à mundo condito. 1. 1. 1.

Longobardi Reges munifici in templis.

4. 12. 3. Luitprandus. n. 4. Pertharitus. n. 5. Desiderius. n. 6.

Lusitani Reges, Alfonso, Henricus II.

Emmanuel, & Henricus III. 4. 12. 17.

Leo III. Papa quot exornarit templis. 4. 10. 4.

Leo IV. Vaticanum muniuit. Ibid. n. 5.

Ludouicus Lotharingæ Rex. 4. 21. 5.

Lucius 3. Pontifex vetat sub anathemate, ne causæ criminales in Ecclesiis vel cœmeterijs tractentur. 4. 21. 16.

**M**agdeburgens. quæ circa dedicationem reprehendant. 4. 29. 1.

SS. Martha & Magdalena Masilia. 2. 2. 1.

S. Marci templum Venetijs. 4. 13. 1.

S. Martini Ecclesia miraculo facto edificata. 4. 14. 8.

Machabæi restituerunt templum. 2. 1. 2.

Marocci artificiosum templum. 3. 5. 20.

Mexici item. ibid. n. 23.

Melchisedech. 1. 2. 10.



# INDEX RERV M

M. Aurelius Seaurus in jus vocatus.

4. 23. 2.

S. Matthæus Apostolus in templo occisus. 4. 30. 2.

S. Maximianus Episc. ibid. n. 23.

S. Maurinus Abbas. ibid. n. 25.

D. Maurilius oratione impetrauit, quod humanâ vi non potuit. 4. 31. 3.

Marcelli Archimandritæ constantia. dedicata. 4. 22. 4.

S. Michael apparens D. Autberto Episcopo sibi ecclesiam erigi iubet. dedicata. 4. 14. 9.

S. Michaelis Ecclesia à Bonifacio IV. 4. 10. 1.

S. Michaelis in Gargano. 4. 18. 5.

Milites à Leopardis puniti ob violatam Ecclesiæ immunitatem. 4. 22. 6.

Mineræ Alex Tegeæ templum in Arcadia 3. c. 4 n. 10.

Mineræ in Elide. ibid. n. 111

Mineræ Sicyone. ibid. 16.

Minister hæreticus calumnians miracula SS. è suggestu à dæmone abripitur. 4. 35. 4.

Misnenfis Marchio punitus. 4. 21. 9.

Moriæ Montis situs: vbi immolatus est Isaac, vbi Christus est crucifixus. 1. 2. 9.

Moyse altare ædificat. 1. 3. 4.

Missæ sacrificium. 1. 2. 11.

Multitudo Deorum. 3. 4. 1.

Miraculum niuis Romæ in monte Equilino. 4. 14. 2.

Miraculum S. Mariæ Castiluedrensis. ibid. n. 4.

Miraculum Veronæ ad S. Zenonem. 4. 14. 6.

Miraculum circa ceruum ad sacellum S. Dionysij. ibid. n. 7.

Miracula in dedicatione Ecclesiarum. 4. 18. 1.

N Abuchodonosor statuum dedicavit. 3. 2. 5.

S. Narcissus Episc. in templo occisus. 4. 30. 6.

Noe vsus Altari ad sacrificium. 1. 2. 3.

Nicanor blasphemus punitus. 4. 22. 2.

Nidrosiæ templum magnificum. 4. 13. 3.

O Culorum immundorum in Ecclesiâ detestatio. 4. 20. 7.

Omina è rebus fortuitis. 3. 3. 20.

Ominum vanitas. ibid. n. 21.

Ornatus Templorum quando reprehensibilis. 4. 7. 2. Eiusdem incommoda. ibid.

Ordo caeremoniarum in dedicatione. 4. 17. 8.

P Alicenum templum. 3. 3. 11.

Pantheon quale 2. 4. 8. 3. & 4. 10. 2.

Paulus Ecclesiarum sæpe meminit. 4. 1. 4.

S. Pauli Ecclesia viâ Ostiensis. 4. 9. 1.

Paulus Constantinopolitanus. 4. 5. 2.

S. Petri in Vaticano Ecclesia. 4. 8. 1.

S. Petri Senonensis Ecclesia miraculose consecrata. 4. 18. 8.

Petrus de Arbues occisus in templo. 4. 30. 38.

Petrus ite Bolingus à Geusijis. 4. 30. 40.

Petrus Dunisius 77. templa & duo Monasteria condidit. 4. 13. 4.

Pacis templum 3. 4. 19.

Picturæ in templis iam olim vsitatæ. 4. 9. 4.

Pipinus filius Caroli Martelli restituit bona Ecclesijs quæ pater eius militibus distribuerat. 4. 32. 2.

Plinius iunior templorum Christianorum meminit. 4. 1. 7.

Poloniæ Duces & Reges Miscellaus, Boleslaus, Casimirus, Vladislaus. 4. 12. 14.

Præsentia Angelorû in templis. 4. 29. 15.

S. Præ-

S. Prætexatus Episc. Rotomag. 4. 30. 10  
S. Protherius in Baptisterij loco occisus,  
ibid. 11.

S. Polychronius Presbyter in templo  
occisus, ibid. 19.

Primus & Donatus Diaconi. Ibid. n. 24.

Pulcheria V. Imperatrix 4. 12. n. 18.

Pythium oraculum. 3. 3. 4.

**R**ationes cur Ecclesiæ versus orientem  
conuersæ sint. 4. 3. 6.

Reliquias SS. in Altaribus recondi. 4.  
4. 19.

Rex Danie per visum iubetur D. V Ven-  
cessao Ecclesiam construere. 4. 14. 10.

Rēs consecratæ in templo. 4. 19. 3.

Rei quomodo educendi ab Ecclesijs. 4.  
24. 1.

Reliquiarū nomine quid intelligatur.  
4. 28. 4.

S. Reineldis V. in templo occisa. 4. 30. 16.

S. Regenardus & S. Gernaldus Diaconi  
in Bertinenſi Ecclesia interempti. 4.  
30. 28.

Romæ antiquissima Ecclesia nomine  
Pastoris. 4. 2. 2.

Romæ 3000. templorū tempore Con-  
stantini Magni. 4. 2. 3.

**S**alomonis templum quale? 2. c. 2. 1.  
Quot in eo operarij ibidem. For-  
ma eiusdem ibid. 2. Porticus ibid. n.  
3. Sanctum Sanctorum, ibid. Eiuf-  
dem dedicatio. 2. 4. n. 2.

Sami amplissimum templum. 3. 4. 9.

Serapidis templa. 3. 3. 17.

Sacrilegi reputati qui ius asyli violas-  
sent. 3. 7. 3.

Sanctius Rex punitus ob aprum læsum,  
qui ad aram confugerat. 4. 22. 10.

Sacram peregrinationē irreligiosē ob-  
euntes horrendè puniti. 4. 34. 3.

Significatio cæremoniarum dedicatio-

nis Templorum. 4. 17. 1. Quid per  
12. cruces? 2. Cur templum inun-  
gatur? n. 3. Cur aspergatur aqua  
thus & cerei accendantur. 4. 17. 4.  
Alphabetum Græcum & Latinum  
quid denotent? n. 5. Cur pulsetur  
ostium? n. 6. Aliæ significationes.  
n. 7.

Seuerus Carthusianus in templo occi-  
sus. 4. 30. 42.

Situs templorum gentilium. 3. 2. 3.

Scotiæ Rex Malcolmus II. 4. 12. 16.

Sixtus V. ornat templum S. M Maioris.  
4. 33. 5.

Simon Fossensis in templo occisus.  
4. 30. 37.

S. Sophiæ templum illæsum, Gentiliū  
templis corruptibus. 4. 31. 2.

S. Spiritus de Magellā templum diui-  
nitatis consecratum. 4. 18. 7.

Synagoga 480. Hierosolymis. 2. 1. 6.

Sylla punitus. 3. 7. 6.

S. Stanislaus Episc. Cracou. 4. 30. 7.

S. Stephanus Papa in Ecclesiā interem-  
ptus. ibid. n. 4.

**T**abernaculi definitio. 1. 4. 2.  
Vſus varius. n. 3. Materia. n. 7.  
Descriptio. 1. c. 5. n. 1. Atrium du-  
plex. n. 6.

Tabernaculum est Ecclesia. 1. 6. 1. San-  
ctum, sunt perfectiores. ibid. San-  
ctum sanctorum, est cælum. ibid.

Tabernaculum Dei est anima sancta.  
n. 2.

Tabernaculum est corpus Christi. n. 7.

Tabernaculorū festi origo. 1. 7. 1. Eo-  
rū descriptio. n. 2. Altera festi causa.  
n. 3. In festo tabernac. Iudæi quid  
gestabant? n. 4. Exodium quid?

Tabernaculorū festi expositio mystica.  
1. 8. 1.



# INDEX RERVM

Tabernaculum Synagogæ, Templum  
Ecclesiæ figura fuit. 2. 5. 6.  
Templum quid, vnde dictum. 1. 1. 2.  
Templa Ecclesiæ dicta. n. 3. Appella-  
tiones variz ex diuerso fine templo-  
rum. 4.  
Templi cum basilicâ, & regio palatio  
comparatio. n. 9.  
Templa Christianorum similia erant  
tabernaculo Moysis. 1. 6. 6.  
Templa vnde sana dicta. 1. 9. 2.  
Templum Salomonis stetit an. 410.  
2. 1. 2. Esdras illud restaurauit. n. 2.  
Per Machabæos restitutum. ibid.  
Ab Herode sumptuose ædificatum.  
n. 4. à Tito destructum Iudæi cona-  
ti restaurare. 5.  
Templum Samaritanorum in monte  
Garizim. 7. Stetit an. 200. n. 9.  
Templi ab Herode constructi forma.  
2. 2. 8.  
Templi tabulatum quale? 2. 3. 2.  
Lapides quomodo secti. n. 3.  
Item ligna. n. 4.  
Templum locus altaris. 1. 2. 3.  
Templum Heliopolitanum à quo, &  
cur ædificatum. 2. 1. 4. & c. 3. n. 6.  
Templum Salomonis iter dedicatum. 2.  
4. 3.  
Templum allegoricè quid significet. 2.  
5. 1. Mensura Templi. ibid. n. 13. Fun-  
damentum quale. 2. 6. 1. Tectum tem-  
pli explicatur. n. 2. ornatus exterior  
explicatur. n. 1. Ornatus interioris  
significatio. n. 9.  
Templi magnificentia. 2. 7. 1.  
Templi io. miracula. ibid. n. 7.  
Templorum gentiliū antiquitas. 3. 1. 1.  
Templum Iani. ibid. n. 2.  
Templi forma rotunda. 3. 1. 1. Variæ for-  
mæ. ibid. n. 2. Dedicatio. n. 4.

Templa AEgyptiorum. ibid. n. 6.  
Templi Tindij in AEgypto splendor. 3.  
4. 4. Gaditani opulentia. ibid. n. 21.  
Simio dictum templum. n. 24.  
Templorum gentiliū veneratio. 3. 5. 1.  
ab antiquitate. ibid. à sanctitate &  
cultu. n. 6. à miraculis siue euentibus  
admirandis. n. 10.  
Templorum gentiliū euersio, exusio,  
& profanatio. Iunonis Mycanis. 3. 6. 10.  
Pythus Deæ. n. 3.  
Templa olim asyla. 3. 7. 1.  
Templum Palladis asylum. n. 5. Imppe-  
Regumq; statuz pro asylo. n. 13.  
Templorum, aliorumq; locorum sacro-  
rum multitudo apud Catholicos. 4.  
11.  
Templa Dño dedicata, de SS. etiam no-  
mine dicta. 4. 2. 1.  
Templa quo loco constituenda. 4. 3. 1.  
Primaria ædes ubi collocanda. n. 2.  
Situs templorum. n. 3.  
Sanctum SS. cur versus occidentem?  
n. 8. Ecclesiæ nostræ cur habeant 3.  
partes. n. 9.  
Templa cur ornanda. 4. 6. 1.  
Templi ornati vtilitates. 4. 7. 1.  
Templa mirabilia AEthiopum Regum.  
4. 13. 6.  
Templorum dedicatio quid sit. 4. 16. 1.  
Cur fiat. n. 2. Quando adhiberi cœp-  
ta. 3. Quantâ celebritate peragi solita.  
n. 13.  
Templa cur sancta? 4. 19. 1.  
Templorum sanctitas quibus rebus  
comparetur. 4. 20. 1.  
Templum bifariam distinguitur. n. 2.  
Templa ad quem finem constructa. n. 4.  
Templa ædificata. n. 9.  
Templorum immunitas apud Chri-  
stianos. 4. 21. 1.

Templa





